



Արմեն Խելք

Ա. Ճ. ՍԱՐԳԻՍՅԱՆ


ՊԱՐՈՒՅՐ ՄԵՎԱԿԵ
ԵՎ ԺՈՂՈՎՐԴԱԿԱՆ
ԲԱՆԱՀՅՈՒՍՈՒԹՅՈՒՆԸ

ԴՐԱԿԱՆԻ ՎԱՐԱՀԱՐԱԿԱՆՈՒՅՆ

ՆՎԻՐՈՒՄ ԵՄ ԾՆՈՂՆԵՐԻՄ՝

ԾԱՎԱՐԾ ՔԱԿՈԲԻ ՍԱՐԳԱՅԱՆԻՆ ԵՎ
ՄԱՐՈՒՄ ՄՈՎՍԵՍԻ ՍԱՐԳԱՅԱՆԻՆ (ՅՈՎԻԿՅԱՆ)

ԽՈՎՈՎԱԾ ԱՎՈՇ ՎԱՐԱԿ
ՊԵՏՈՎԱԾ



НАЦИОНАЛЬНАЯ АКАДЕМИЯ НАУК РА
ИНСТИТУТ АРХЕОЛОГИИ И ЭТНОГРАФИИ

АРМЕН ШАВАРШОВИЧ САРКИСЯН
ПАРУЙР СЕВАК И НАРОДНЫЙ
ФОЛЬКЛОР

ЕРЕВАН
ИЗДАТЕЛЬСТВО «ГИТУТЮН» НАН РА
2010

NATIONAL ACADEMY OF SCIENCES REPUBLIC
OF ARMENIA

INSTITUTE OF ARCHAEOLOGY AND ETHNOGRAPHY

ARMEN SH. SARGSYAN

PARUYR SEVAK AND FOLKLORE

YEREVAN
NAS RA «GITUTYUN» PUBLISHING HOUSE
2010

ՀՀ ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱ
ՀԱԳԻՏՈՒԹՅԱՆ ԵՎ ԱԶԳԱԳՐՈՒԹՅԱՆ ԻՆՍԻՏՈՒՏ

ԱՐՄԵՆ ՇԱՎԱՐԾԻ ՍԱՐԳԱՅԱՆ

ՊԱՐՈՒՅՐ ՍԵՎԱԿԸ ԵՎ
ԺՈՂՈՎՐԴՈՎԿԱՆ
ԲԱՆԱԳՐՅՈՒԹՅՈՒՆՆԵՐ

Ա 96.352



ԵՐԵՎԱՆ

ՀՀ ԳԱԱ «ԳԻՏՈՒԹՅՈՒՆ» ՀՐԱՏԱՐԱԿՉՈՒԹՅՈՒՆ

2010

ՀՏԴ 891.981.0

ԳՄԴ 83.33

Ս 259

Տպագրվում է ՀՀ ԳԱԱ հնագիտության և ազգագրության
ինստիտուտի գիտական խորհրդի որոշմամբ

Գիտական խմբագիր՝

ՀՀ ԳԱԱ թղթակից անդամ, բանասիրական գիտությունների
դոկտոր, պրոֆեսոր *Սարգիս Բարդուղիմեսոսի*
Դարությունյան

Խմբագիր՝ *Անահիտ Կարապետի Խանումյան-Սարգսյան*

Սարգսյան Ա.Ը.

Ս 259 Պարույր Սևակը և ժողովրդական բանահյուսությունը/Ա.Ը.Սարգսյան, Գիտ. խմբ.՝ Ս. Դարությունյան,
խմբ.՝ Ա. Կ. Խանումյան-Սարգսյան.— Եր.: «Գիտություն», հրատ., 2010, 314 էջ:

Աշխատությունը նվիրված է Պարույր Սևակի ստեղծագործությունների և ժողովրդական բանահյուսության կապի խնդիրներին:
Բանական վերլուծությունների մեթոդի կիրառության արդյունքների հիման վրա կատարված ուսումնասիրությունը բացահայտում է այն աղերսները, որ առկա են բանաստեղծի ստեղծագործական ողջ ժառանգության և բանահյուսության, դիցաբանության ու ժողովրդական լեզվամտածողության տարատեսակ դրսերումների միջև:

Գիրքը նախատեսված է ինչպես բանագետների, գրականագետների ու լեզվաբանների, այնպես էլ ընթերցող լայն շրջանակների համար:

ՀՏԴ 891.981.0

ԳՄԴ 83.33

ISBN 978-5-8080-0858-8

© ՀՀ ԳԱԱ «Գիտություն» հրատարակչություն, 2010

© ՀՀ ԳԱԱ հնագիտության և ազգագրության ինստիտուտ, 2010

Նման էիր լեռնային մի աղբյուրի,
որն իր ուժը բնության ընդերքից է առնում
ու բնության ուժն է բերում ժողովրդին:

Մարտիրոս Սարյան

ՆԵՐԱԾՈՒԹՅՈՒՆ

19-րդ դարի սկզբներից ազգային մտածողության ու ինքնաճանաչման զարթոնքն արտահայտվում է նաև հայ իրականության մեջ, և ազգային արժեքները դառնում են բազմակողմանի ուսումնասիրության ու գնահատման առարկա: Օրեցօր աճում է հետաքրքրությունը հայ ժողովրդական բանավոր ստեղծագործությունների հանդեպ, որոնք նպաստում են ոչ միայն գեղարվեստական գրականության առաջընթացին, այլև մեր ժողովրդի բազմադարյա պատմության և մշակույթի զանազան ոլորտների համակողմանի ուսումնասիրությանը:

Դայ և համաշխարհային մշակույթի պատմությանը նվիրված տարատեսակ ուսումնասիրությունները աներկբա հաստատում են այն իրողությունը, որ արվեստի տեսակների, այդ թվում նաև գեղարվեստական գրականության համար ժողովրդական բանահյուսությունը եղել է այն կենարար աղբյուրը, որից մշտապես օգտվել են բոլոր ժամանակների արվեստագետները:

Ժողովրդական բանահյուսության և գեղարվեստական գրականության կապի խնդիրներին անդրադարձել են մեր մշակույթի գոեթե բոլոր նշանավոր դեմքերը՝ սկսած հայ նոր գրականության հիմնադիր Խաչատուր Աբովյանից, մինչև 20-րդ դարի երկրորդ կեսի ամենահնքնատիպ բանաստեղծներից մեկը՝ Պարույր Սևակը: Նրանք իրենց դիտարկումներում բարձր են գնահատել ժողովրդական բանահյուսության և դիցաբանության խաղացած դերը գրողի ստեղծագործական կյանքում:

Մեր ամենաազգային ու ամենաժողովրդական բանաստեղ-

ծը՝ Հովհաննես Թումանյանը, շարունակելով աքովյանական ավանդույթները, մի շարք փայլուն ձևակերպումներով մատնանշել է այն ճշմարիտ ուղին, որով պետք է ընթանա ամեն մի արվեստագետ: Իր բանավոր գրույցներից մեկում նա ասել է. «Մարդու որքան մոտ լինի իր երկրին ու իր ժողովրդին, որքան շատ խորանա ժողովրդական ստեղծագործության մեջ, նա էնքան ավելի մեծ է ու համամարդկային. միայն էս ճանապարհով գրողը կարող է տեղ ունենալ ընդհանուր գրականության մեջ»¹:

«Ժողովրդական բանահյուսության մեջ խոսքեր ու ձևեր կան, – շարունակում է նույն միտքը խորացնել Թումանյանը «Մեր գրականության հարազատ հողն ու պատվանդանը» հոդվածում, – որ իրենց մեջ ամբողջ պատմություններ են պարունակում: Եղ տեսակ խոսքերը միայն հանճարները կարող են գտնել, մին էլ ժողովուրդները... Ահա թե որտեղ է հայոց գրականության աղբյուրը. ահա թե որտեղից պետք է խմի հայոց բանաստեղծը, հայոց վիպասանը, հայոց գրողը, որ զորանա...»²:

Պարույր Սևակը ևս, լինելով իայ գրականության մեծերի արժանի ժառանգորդը, արժեքավորում է ժողովրդական բանարվեստի դերն ու նշանակությունը գրողի կյանքում. «Բանահյուսությունն ունի իր անկրկնելի հմայքն ու հարստությունը: Եվ ամեն ազգի գրող էլ, ծնվելով և մինչև մեռնելը, օգտվում է դրանից, ինչպես օդից...» (V, 260)³:

Այս գնահատականը բխում էր Սևակի ստեղծագործական դաշտանքից, քանզի նրա ողջ գրական ժառանգությունը տեսանելի և անտեսանելի թելերով շաղկապված է ինչպես ազգային, այնպես էլ համազգային ավանդների հետ:

Դայ և համաշխարհային գրականությանը նվիրված հետազոտությունների շարքում առանձնանում են նաև բանագիտական ուղղվածությամբ աշխատությունները: Վերջին մեկուկես հար-

¹ «Խորհրդային Դայաստան» թերթ, 1939, թիվ 88:

² Հովհաննես Թումանյան, Երկերի ժողովածու, հ. 6, Երևան, 1959, էջ 65:

³ Պ. Սևակի «Երկերի ժողովածուից» (Երևան, «Դայաստան» հրատ., 6 հատորով, 1972-1976, կազմող՝ Ա. Արիստակեսյան) կատարվող մեջբերումների աղբյուրները այսուհետև նշվելու են բնագրում:

յուրամյակի ընթացքում ոուս գրեթե բոլոր դասական գրողների ստեղծագործություններին նվիրված բանագիտական զանազան ուսումնասիրություններ են հրատարակվել⁴: Այդ առումով հայ հրականության մեջ անգնահատելի ներդրում ունի վաստակաշատ բանագետ Արամ Ղանալանյանը, որի՝ հայ դասական մի շարք գրողների (Սայաթ-Նովա, Խաչատուր Աբովյան, Միքայել Նալբանդյան, Պերճ Պոռշյան, Ղազարոս Աղայան, Գաբրիել Սունդուկյան, Հակոբ Պարոնյան, Հովհաննես Հովհաննիսյան, Հովհաննես Թումանյան, Ավետիք Իսահակյան)⁵ ստեղծագործությունների ժողովրդական ակունքների բացահայտմանը նվիրված հետազոտություններից զատ, այլ ամբողջական ու համապարփակ ուսումնասիրություններ գրեթե չեն գրվել:

Ինչ խոսք, 19-րդ դարի 80-ական թվականներից առ այսօր հրատարակվել են նաև այս կամ այն գրողի որևէ ստեղծագործության կամ ստեղծագործությունների շարքի՝ ժողովրդական բանահյուսության հետ ունեցած աղերսներին նվիրված հոդվածներ և ուսումնասիրություններ⁶, որոնցից հարկ է առանձնացնել բանագետ Արտաշես Նազինյանի «Սովետահայ գրականությունը և ժողովրդական բանահյուսությունը» աշխատությունը⁷:

Հրապարակի վրա եղած գրականագիտական և լեզվաբա-

⁴ А.М. Новикова, Е.А. Александрова, Фольклор и литература, Москва, 1978.

⁵ Ա. Ղանալանյան, Հայ գրականությունը և բանահյուսությունը, Երևան, 1986:

⁶ Նույնի՝ Դրվագներ հայ բանագիտության պատմության, Երևան, 1985, էջ 215-282:

⁷ Ա. Նազինյան, «Սովետահայ գրականությունը և ժողովրդական բանահյուսությունը», Երևան, 1954: Այս ուսումնասիրության մեջ հեղինակն անդրադարձել է 1920-50թթ. հրատարակված գեղարվեստական գրականության և բանահյուսության կապի խնդիրներին՝ կանգ առնելով ինչպես «Սասնա ծոեր» եպոսի՝ գրականության մեջ տարատեսակ դրսերումներին (Ե.Չարենցի «Սասունցի Դավիթը», Ավ.Իսահակյանի «Սասնա Միեր», Ս.Տարոնցու «Դավիթ Երգը», Սարմենի «Խանդութ Խաթուն», Վ.Վաղարշյանի «Սասունցի Դավիթ», Կ.Սիտալի «Սասունցի Դավիթ»), այնպես էլ բանահյուսության այլ ժանրերի ստեղծագործությունների գեղարվեստական արտացոլումներին (Դ.Ռեմիրճյանի «Քաջ Նազար», Հովհ. Շիրազի «Սիամանթ և Խաջեզարե») և «Ոուսթավցի Շոթան և Թամարը», Ն.Չարյանի «Արա Գեղեցիկ» և «Արշակ և Շապուհ», Աշ.Գրաշու «Ամպաբերդը», Սարմենի «Քյորօղլի», Ս.Վահունու «Ոուստավցին»):

նական բնույթի մի շարք աշխատություններում ևս հեղինակները թողուցիկ անդրադարձել են նաև գրողների գործերում առկա բանահյուսության որոշ տեսակների ինքնատիպ կիրառություններին:

Մինչև այժմ գրողների և նրանց ստեղծագործությունների՝ բանահյուսությանն առնչվող խնդիրներին անդրադառնալիս հայ գրականագետներից ու լեզվաբաններից շատերը քննության առարկա են դարձրել հիմնականում այն հեղինակների ստեղծագործությունները, որոնց կապը բանահյուսության հետ տեսանելի է եղել: Նման մոտեցման հետևանքով շատ հաճախ ուսումնասիրության այդ շրջանակից դուրս են մնացել հայ գրականության զարգացման պատմության մեջ իրենց նշանակալի հետքը թողած մեր մի շարք գրողներ կամ նրանց որոշ ստեղծագործություններ:

Իսկ բանահյուսության հետ ի՞նչ առնչություն ունեն ժողովրդական բանարվեստի և գեղարվեստական գրականության ողջ ավանդույթները յուրացրած մեր այն գրողներն ու նրանց ստեղծագործությունները, եթե այդ կապը արտաքուստ տեսանելի չէ, ի՞նչ չափով են միևնույն հեղինակի, ասենք, Թումանյանի լեզենդներն ու հեքիաթներն առնչվում ժողովրդական բանահյուսությանը, իսկ քառյակները՝ ոչ: Կամ որքանո՞վ են Սայաթ-Նովան, Աբովյանն ու Թումանյանն իրենց լեզվամտածողությամբ և ստեղծագործություններում բանահյուսությանն առնչվող կապերով ժողովրդական: Իսկ Նարեկացի՞ն, Դուրյա՞նը, Տերյա՞նը...: Ներքին ի՞նչ աղերս է նկատվում վերջիններիս ստեղծագործությունների և ժողովրդական բանահյուսության միջև: Վերջապես ինչո՞վ է պայմանավորված գրողի մեծությունը, նրա ստեղծագործությունների ժողովրդայնությունը: Եթե գրողը ազգայինի ակունքներից է գալիս, թե՞ ինքացած է դրանցից: Ի՞նչ դեր է խաղում ժողովրդական բանահյուսությունը գրողի ստեղծագործական կյանքում: Արդյոք այն չի՝ կաշկանդում համամարդկային ինչողություն ունեցող մտահղացումներ իրականացնելիս: Ի՞նչ ուղիններով է ինարավոր ազգային պոեզիան դուրս բերել միջազգային ասպարեզ:

Իր գրական գործումնեռության շուրջ 30 տարիների ընթացքում այս հարցադրումներից բխած գնահատականներն ու մոտեցումները Պարույր Սևակը դարձրել է ստեղծագործական դավանանք՝ հավատո հանգանակ՝ իր իսկ ստեղծագործություններով հաստատելով առաջադրած սկզբունքների ճշմարտացիությունը:

1967 թվականին, երբ Պարույր Սևակն իր փառքի գագաթնակետին էր և վայելում էր ժողովրդի սերն ու համակրանքը, իրավացիորեն դժգոհում էր իր ստեղծագործությունները լիարժեք չընկալելու և շատ հաճախ էլ սխալ մեկնաբանելու կապակցությամբ:

Գրականագետ Սերգեյ Սարինյանի այն հարցին, թե «Անլոելի զանգակատուն» պոեմի մասին ովքե՞ր են գրել և ինչպե՞ս են մեկնաբանել, Պ. Սևակը վրդովված պատասխանել է.

– Դու էլ հետները ոչ ոք ըստ եռության դեռ մի կարգին բան չի գրել: Եվ, առհասարակ, իմ գրքերը դեռևս մանրազնին, ուշադիր քննության չեն արժանացել: Եղած-չեղածը էլի Մահարու հոդվածներն են, մեկ էլ «Ուշացած իմ սեր»-ի վերաբերյալ ռուս քննադատների հոդվածները⁸:

Իրոք, Պ. Սևակի կենդանության օրոք նրա ստեղծագործություններին նվիրված ուսումնասիրություններ քիչ են գրվել⁹, չնայած բանաստեղծի իրատարակած ամեն մի գիրք, իրապարակախոսական և գրաքննադատական ամեն մի իրապարակում թե՛ գրականագետների ու գրողների, թե՛ ընթերցողների շրջանում լայն քննարկումների և բանավեճերի տեղիք են տվել, գրվել են մի շարք հոդվածներ, երբեմն էլ՝ տարակարծիք ու իրարամերժ:

Պարույր Սևակի եղերական մահից հետո միայն բազմաթիվ

⁸ Ս. Սարինյան, Պարույր Սևակը զուգահեռի վրա, «Գարուն», 1981, թիվ 11, էջ 54:

⁹ Ս. Սողոմոնյան, ժամանակակից հայ բանաստեղծներ, գիրք II, Երևան, 1967 (Պարույր Սևակ, էջ 393-514): Ն. Չովսեփյան, Պարույր Սևակ. Կենսանատենագիտություն, Երևան, 1968: Ա. Պապոյան, Պարույր Սևակի չափածոյի բառապաշարը, Երևան, 1970: Նույնի՝ Պարույր Սևակի չափածոյի լեզվական արվեստը, Երևան, 1970:

գիտական հոդվածներ, ուսումնասիրություններ, հուշեր և հուշապատումներ հրատարակվեցին, գրվեցին թեկնածուական ու դոկտորական ատենախոսություններ, որտեղ քննության են առնվել բանաստեղծի կյանքի և ստեղծագործական գործունեության գրեթե բոլոր կողմերը:

Գրականագետների ու լեզվաբանների մի մասն իրենց ուսումնասիրությունների մեջ առաջադրած հարցերի շրջանակներում հպանցիկ անդրադարձել է նաև Պ. Սևակի ստեղծագործությունների և ժողովրդական բանահյուսության կապի խնդիրներին: Նման անդրադարձումների ժամանակ հետազատողների գերակշռող մասի ուշադրությունը գերազանցապես բևեռվել է բանաստեղծի այն գործերի վրա, որոնց մեջ տեսանելի է ժողովրդական բանահյուսության հետ կապը («Ութնյակներ», «Անլոելի զանգակատուն», «Զեր ծանոթները»...):

Իհարկե, զուտ բանագիտական ոչ այնքան ծավալուն հոդված-ուսումնասիրություններ էլ են գրվել¹⁰, որոնք, սակայն, չե-

¹⁰ *Ա. Ղազիյան*, «Անլոելի զանգակատան» բանահյուսական հենքը, «Պատմաբանասիրական հանդես», Երևան, 1973, թիվ 1: *Լ.Բատիկյան*, Պարույր Սևակի մանկական ստեղծագործությունները, «Դայոց լեզուն և գրականությունը դպրոցում» («Սովետական մանկավարժ» ամսագրի հավելված), Երևան, 1974, թիվ 2: *Ա.Սարգսյան*, Առաջային մտածողությունը Պ. Սևակի ստեղծագործություններում, «Դայոց լեզուն և գրականությունը դպրոցում», 1984, թիվ 6, էջ 52-56: *Նույնի* Պ. Սևակի բանագիտական հայացքները, ՀՍԽՀ ԳԱ հնագիտության և ազգագրության ինստիտուտ (գեկուցումների հիմնադրույթներ), Երևան, 1986: *Նույնի* Բանահյուսական ժանրերը Պ. Սևակի ստեղծագործություններում, ՀՍԽՀ ԳԱ հնագիտության և ազգագրության ինստիտուտ (գեկուցումների հիմնադրույթներ), Երևան, 1988: *Նույնի*՝ Պարույր Սևակի լեզվամտածողության ակունքները, (գիտական նյութերի ժողովածու), Երևան, 2001, էջ 95-98: *Նույնի*՝ Պարույր Սևակը մանկագիր, Երևան, 2004: *Նույնի* կազմած՝ «Իմաստուն մտքերի աշխարհում. Պ.Սևակ», Երևան, 2004 (Պ.Սևակի սեղմասույթները): *Նույնի*՝ Պ. Սևակը և ժողովրդական բանահյուսությունը, «Դայոց լեզու և գրականություն», 2004, թիվ 5-6, էջ 86-93: *Նույնի*՝ Պ. Սևակի բանագիտական հայացքները, «Պատմա-բանասիրական հանդես», Երևան, 2006, թիվ 1, էջ 94-114: *Նույնի*՝ Դանելուկի ժանրի դրսենորումները Պարույր Սևակի պոեզիայում, Երևան, 2007, թիվ 2, էջ 162-171: *Նույնի*՝ ժողովրդական խոսքի բանաձևային կառույցները Պ. Սևակի ստեղծագործություններում, Ծնորի ի վերուստ, հոդվածների ժողովածու՝ նվիրված Սարգիս Դարությունյանի ծննդյան 80-ամյակին, Երևան, 2008, էջ 120-134:

ին կարող ամբողջական ու լիարժեք պատկերացում տալ Սևակի ինքնատիպ լեզվամտածողության և ազգային ակունքների հետ նրա ստեղծագործությունների սերտ առնչության մասին:

Քանական վերլուծությունների մեթոդի կիրառության¹¹ արդյունքների հիման վրա կատարված սույն ուսումնասիրությունը փորձ է այդ տեսանկյունից ամբողջացնելու Պարույր Սևակ բանաստեղծի կերպարը, բացահայտելու այն աղերսները, որ առկա են նրա ստեղծագործական ողջ ժառանգության և բանահյուսության, դիցաբանության ու ժողովրդական լեզվամտածողության տարատեսակ դրսերումների միջև¹²:

¹¹ Դայ բանագիտության մեջ քանակական վերլուծությունների մեթոդը կիրառվել է 1970-ականների սկզբներից՝ արտացոլված Ս. Դարությունյանի «Անեօքի և օրինանքի ժանրը հայ բանահյուսության մեջ» և Ա. Սահակյանի «Սասնա ծռերի պատումների քննական համենատություն» աշխատություններում, ինչպես նաև Ա. Ղազիյանի, Վ. Սվագլյանի, Սվ. Վարդանյանի, Ս. Գուլակյանի և այլոց կողմից հրատարակված բանահյուսական տարբեր ժողովածուներում և հոդված-ուսումնասիրություններում:

¹² Ուսումնասիրությունն իբրև թեկնածուական ատենախոսություն՝ ծեռնարկվել է 1975 թվականին և գրեթե ավարտի է հասցել 80-ականների վերջերին, սակայն ինչ-ինչ պատճառներով պաշտպանությունը ծգծգվելով՝ իրականացվել է 2005 թվականին միայն:

ԳԼՈՒԽ ԱՌԱՋԻՆ

ՊԱՐՈՒՅՐ ՍԵՎԱԿԻ ԲԱՆԱԳԻՏԱԿԱՆ ՀԱՅԱՑՔՆԵՐԸ

Ա

ՊԱՐՈՒՅՐ ՍԵՎԱԿԻ ԲԱՆԱԳԻՏԱԿԱՆ ՀԱՅԱՑՔՆԵՐԻ ԶԵՎԱԿՈՐՈՒՄԸ

Հայտնի է, որ գեղարվեստական գրականությունը ծնունդ է առել ու ձևավորվել ժողովրդական բանահյուսության օրրանում: Հայ գրականությունն իր 1600-ամյա պատմության ընթացքում անընդհատ օգտվել է ժողովրդական բանահյուսությունից, բանավոր ստեղծագործությունների լեզվաոճական առանձնահատկություններից, ժողովրդական խոսքի պատկերավորման ու խտացման հարուստ միջոցներից, օգտագործել մի շարք թեմաներ ու մոտիվներ:

Կյանքի առաջընթացի հետ փոփոխվում է նաև մարդու մտածելակերպը, և ի հայտ են գալիս աշխարհընկալման ու գնահատման նոր չափանիշներ:

Գրողի ստեղծագործական կյանքում ևս ամեն մի պատմական ժամանակաշրջան իր կնիքն է դնում և իր պահանջներն ու խնդիրներն առաջադրում: Այդ առաջադրած խնդիրների արդյունք է նաև ժողովրդական բանահյուսությունից օգտվելու զանազան ձևերի և մոտեցման եղանակների ի հայտ գալը՝ պայմանավորված գեղարվեստական գրականության զարգացման միտումներով:

Պարույր Սևակը, որ յուրացրել էր ժողովրդական բանավոր ավանդության և գրականության հարուստ ժառանգությունը, չեր կարող չտեսնել ու չգնահատել ժողովրդական բանահյուսության վիթխարի դերը թե՛ մեր ժողովրդի բազմադարյա պատմության ընթացքում, թե՛ գեղարվեստական գրականության զարգացման գործընթացում:

Սևակը նորարար բանաստեղծ էր, և բանահյուսության հանդեպ ունեցած իր վերաբերմունքով ևս պետք է արտահայտվեին ժամանակի պահանջներից բխող նրա նորովի մոտեցումներն ու գնահատման չափանիշները՝ աչքի առաջ ունենալով, անշուշտ, իր և գալիք ժամանակների զարգացած ընթերցողի ճաշակն ու մտածողությունը:

1985 թվականին իրատարակվեց Պ. Սևակի «Մուտք» խորագիրը կրող ժողովածուն, ուր տեղ էին գտել 1941-42 թվականներին գրված գործերը՝ 5 բանաստեղծություն, բանաստեղծական շարքեր՝ 38 սոնետ, 9 երգից բաղկացած ռեքվիեմն ու 2 պոեմ: Բացառությամբ «Փնտրումների» և «Վակխանալիայի»՝ մնացած գործերը Սևակի կենդանության օրոք չեն տպագրվել:

Պ. Սևակի ստեղծագործական մուտքը նշանավորող այդ ժողովածուն սևակագետներին հետաքրքիր նյութ էր տրամադրում՝ բացահայտելու պոեզիայի բարձունքները նվաճելու պատրաստակամությամբ առլեցուն բանաստեղծի անկուտրում կամքն ու աներեր հավատամքը.

*Պիտի իմ երգը ծնվի կյանքի մեջ,
Կյանքի գոկի մեջ... Կյանքից գոյացած
Պիտի որ դառնամ կյանքի բանաստեղծ,
Կյանքի գորությամբ բարձր խոյացած:*¹³

Ժամանակի շունչը դառնալու, չարենցյան պատգամին հավատարիմ մնալու հաստատակամության հետ վաղ շրջանի գործերում արդեն իսկ պարզորոշ նկատելի է երիտասարդ բանաստեղծի հակումներն ու հստակ դիրքորոշումը ազգային ավանդների, մասնավորապես ժողովրդական բանահյուսության ու դիցաբանության հանդեպ:

Ահա թե ինչ է գրում իր հուշերում Պ. Սևակի ստեղծագործական առաջին քայլերի վկաներից ու ոգեշնչողներից մեկը՝ Հովհ. Ղազարյանը. «...Կարդացի բանաստեղծություններից մեկը: Նյութը առնված էր հունական դիցաբանությունից. Քարոնը ուղեկ-

¹³ Պ. Սևակ, Մուտք, Երևան, 1985, էջ 37:

ցում էր մեռյալների հոգիներին Ստիքս գետի մի ափից մյուսը: Զգացվում էր չափական արվեստի իմացություն, վառ երևակայություն... Գտնվում էի բանաստեղծական անսովոր հրաշալիքներով ու կախարդանքով լի աշխարհում:

Պարույրի բանաստեղծությունները՝ դեռևս անդասդաս, չբյուրեղացած, ականջիս հնչում էին իբրև սիմֆոնիա՝ ինձ փոխադրելով մեկ՝ դեպի հունական դիցաբանության միֆական գաղտնարանները, մեկ՝ պատերազմի բոցերում վառվող հայրենի երկիրը, մեկ՝ հայկական բնաշխարհը՝ ծվարած երկնաքեր լեռների մեջ, մթին ձորերում...»¹⁴:

1942թ. Հովհ. Ղազարյանին գրած իր նամակներից մեկում 18-ամյա Պ. Սևակը ներկայացնում է իր ծրագրերն ու գրական մտահոգությունները. Ժամանակի և տարածության հասկացության շրջանակներում այնպես ստեղծագործել, «որ ժամանակի և տարածության ոչ փիլիսոփայական, այլ իրական հասկացությունը բացասաբար չանդրադառնա գեղ. գործի վրա...»¹⁵, որ ժամանակից հետ չմնալով ու ժամանակին գերի չդառնալով՝ ստեղծվեն կոնկրետ ժամանակից վեր՝ մնայուն արժեքներ:

«Մուտք» ժողովածուի իրատարակության կապակցությամբ գրած գրախոսականում գրականագետ Ս. Սարինյանը, ընդգծելով երիտասարդ բանաստեղծի իմացության շրջանակների լայնությունն ու խորքը, մատնանշում է նաև այն աղերսները, որ առկա են Սևակի վաղ շրջանի գործերի և հայ ու համաշխարհին գրականության, ժողովրդական բանահյուսության և դիցաբանության միջև. «Ինքնին արդեն ուշագրավ է, թե ստեղծագործական մուտքը նշանավորող ներկա մատյանում Սևակը ինչպիսի շառավիղների վրա է գտում իր իմացությունների սահմանը, ի հայտ բերում խորունկ թափանցումներ հայ և համաշխարհա-

¹⁴ Պ. Սևակ, Մուտք, Երևան, 1985, էջ 208-209:

Կարծիք հայտնելու նպատակով Սուսաննա Բաբայանի կողմից 1941թ. սեպտեմբերին գրական բանգարանի տնօրեն Հովհ. Ղազարյանին ներկայացված համակուրսեցի Պարույր Ղազարյանի բանաստեղծությունների ծեռագիր երկու ընդիանուր տետրերը չեն պահպանվել. «ասում են՝ դրանք հեղեղը տարել են»:

¹⁵ Նույն տեղում, էջ 194:

յին գրականության ու դիցաբանության ոլորտներում... «Լուսին» պոեմի պոետիկայում միանգամայն տեսանելի են և նարեկացիական շրջադասությունների, և թումանյանական էպիզմի, և չարենցյան դեկլարացիայի, և մեր ազգային վիպերգի կրկնապատումների ոճական նստվածքները...»¹⁶:

Լինելով բացառիկ աշխատասեր՝ Պ. Սևակը պարբերաբար կարդում էր գրականությանը, գիտությանը, արվեստին և մշակույթին առնչվող այն ամենը, ինչը նպաստել է մարդկության մտքի ձևավորմանն ու կյանքի առաջընթացին՝ սկսած Աստվածաշնչից և Ղորանից, Յնագույն Արևելքի, հունահռոմեական, չինական, եգիպտական ու արաբական գիտամշակութային նվաճումներից, մինչև 20-րդ դարի երկրորդ կեսի տիեզերագնացության և հաշվիչ մեքենաների ու էլեկտրատեխնիկայի ծեռքբերումները:

Ի դեպ, բանաստեղծը դրանք կարդացել է գրիչը ծեռքին՝ անհրաժեշտ նշումներով՝ ընդհուպ մինչև գիտական այս կամ այն հայտնագործության կողքին նաև անբնական, երբեմն էլ զավեշտական թվացող երևույթների (պարտք տալու հետ կապված՝ հնդկական կվակուտի ցեղի, ավագ ներմուծող Սահարայի, շաքարի գյուտի, արաբական՝ արդարության և անարդարության մասին պատմող ավանդագրույցի, իին չինական փիլիսոփայության ուսմունքի՝ դառսականությունը վավերացնող առասպելի, սիամական երկվորյակների, ծովի և կակագների վրա ազդող լուսնի լույսի) վերաբերյալ գրառումները: Դրանցից շատերը հետագայում ձուլվել են բանաստեղծի գրավոր խոսքին, դարձել ասելիքը համեմող, միտքը խորացնող և ամբողջացնող գործոններ:

Պ. Սևակի բանագիտական հայացքների ձևավորմանը մեծապես նպաստել է նաև ուսումնառության տարիներին գրական արժեքների մեջ մինչև վերջ խորամուխ լինելու և նրանց ակունքների հետ հաղորդակցվելու ձգտումը:

Բանագիտական խնդիրներին Պ. Սևակն առաջին անգամ

¹⁶ Ա. Սարինյան, Բանաստեղծի հայտնությունը, «Գրական թերթ», 5.07.1985:

առնչվել է առաջին կուրսի վերջում՝ 1941 թվականին, երբ տակավին գրական կեղծանուն չստացած Պարույր Ղազարյանը Հ. Ղավթյանի հետ մի գրախոսական է գրում՝ նվիրված Արամ Ղանալանյանի «Աբովյանը և ժողովրդական բանահյուսությունը»¹⁷ գրքին:

Գրախոսների կողմից վաստակաշատ բանագետի աշխատանքը գնահատվում է նախ՝ իբրև աբովյանագիտության մեջ արված լավագույն ներդրում, ապա՝ այն քննարկվում է գրողի և ժողովրդական բանահյուսության միջև գոյություն ունեցող կապի ուսումնասիրության տեսանկյունից:

Այնուհետև մանրամասն ներկայացնելով կատարված հսկայածավալ աշխատանքը՝ հեղինակներն անդրադարձել են բանագիտության մեջ Աբովյանի գրական ողջ ժառանգության ղանալանյանական գնահատականներին (առաջին հայ բանահավաք և բանագետ, ժողովրդական բանարվեստի օգտագործման զանազան ձևեր՝ մշակումներ, թարգմանություն-փոխադրություններ և ժողովրդականի նմանությամբ գրված հեղինակային ստեղծագործություններ, բանահյուսական տարբեր ժանրերի գործածություն և այլն):

Գրախոսությունն ավարտվում է Մանուկ Աբեղյանի «Ժողովրդական խաղիկների»¹⁸ հրատարակության կապակցությամբ Ա. Ղանալանյանի գրախոսականից մեջբերմամբ (ուրեմն համահեղինակները քաջածանոթ են եղել Աբեղյանի հրատարակած վերոհիշյալ գրքին և նրա գրախոսականին), ուր դժգոհություն է հայտնվում գրքի հրատարակության որակի և սահմանափակ քանակի կապակցությամբ, քանզի գիտական և մշակութային եզակի արժեք ներկայացնող նման գրքերը շատ հաճախ նույնիսկ կրկնահրատարակություն էլ չեն ունենում:

¹⁷ Պ. Ղազարյան, Հ. Ղավթյան, Գրախոսական Արամ Ղանալանյանի «Աբովյանը և ժողովրդական բանահյուսությունը» գրքի, «Սովետական դպրոց», 12.06.1941:

¹⁸ Ժողովրդական խաղիկներ, խմբագրեց Մանուկ Աբեղյանը՝ Թասմանի աշխատակցությամբ Կոմիտասի, Երևան, 1940:



Համակարծիք լինելով Ա. Ղանալանյանի դժողովությանը՝ Պ. Ղազարյանը և Յ. Դավթյանը տեխնիկական կարգի որոշ թերությունների շարքում մատնանշում են նաև գրախոսվող գոքի անորակ հրատարակությունը:

Համալսարանական տարիներին ստեղծագործական առաջին լուրջ քայլերն անելուն զուգահեռ՝ Պ. Սևակը ուսանողական գիտական ընկերության նստաշրջաններում գեկուցումներ է կարդում «Եաիրի Զարյանի պոեզիան Հայրենական պատերազմի տարիներին» (1943թ.), «Վահագն Դավթյանի բանաստեղծությունները» (1944թ.), «Դամիել Վարուժանի պոեզիան» (1945թ., փետրվար) թեմաներով: Վերջինս, ճիշտ է, ինչ-ինչ պատճառներով չի կարդում, սակայն հետագայում այն խորացնելով՝ դարձնում է իր դիպլոմային ավարտաճառը:

Խոստումնալից բանաստեղծը գրականագիտական գեկույցուսումնասիրություններում նույնպես համարձակ ու հիմնավոր տեսակետներ է արտահայտում, անդրադառնում նաև գրողի և ժողովրդական բանահյուսության փոխառնչության հարցերին՝ իր վրա բևեռելով բանաստեղծական և գիտական աշխարհի մեջերի ուշադրությունը:

Պ. Սևակի բանագիտական հայացքներն առավել հստակությամբ են դրսևորվել նրա՝ «Դամիել Վարուժանի պոեզիան» ուսումնասիրության մեջ, ուր գրականագիտական վերլուծության հետ հեղինակն անդրադարձել է նաև Վարուժանի պոեզիայի և ժողովրդական բանարվեստի կապի խնդիրներին, բացահայտել այն առնչությունները, որոնք նկատելի են նրա ստեղծագործությունների և բանահյուսության միջև:

Այս տեսանկյունից հարցը քննելիս Պ. Սևակը կանգ է առնում «Հացին երգը» շարքի վրա, մատնանշում հայ ժողովրդական աշխատանքային երգերի ու Վարուժանի հացերգության միջև գոյություն ունեցող ներքին (երբեմն՝ տեսանելի, երբեմն՝ անտեսանելի) կապը. «Ստեղծագործության նյութ դարձնելով հայ շինականին, նրա բեղմնավոր աշխատանքը, նրա հերկն ու ցանը, նրա հումանագիր ու կալը, բնականաբար, Վարուժանը չեր կա-

րող աչքի առաջ չունենալ հենց այդ շինականի բանավոր ստեղծագործության, ֆոլկլորի, հատկապես նրա աշխատանքային երգերի փորձը» (VI, 366):

Պ. Սևակի նման պրատուն միտք և եզակի աշխատասիրություն ունեցող անհատը չէր կարող քաջատեղյակ չլիներ Գարեգին Սրվանձտյանցի, Մանուկ Աբեղյանի, Կոմիտասի, Նիկողայոս Մառի, Յովսեփի Օրբելու, Կարապետ Մելիք-Օհանջանյանի և նրանց կրտսեր գործընկերոջ՝ Արամ Ղանալանյանի բանագիտական գործունեությանը, նրանց իրատարակած գիտական ուսումնասիրություններին ու բանահյուսական նյութերի ժողովածուներին, որոնք ուսանողության համար գիտելիքների յուրացման ու խորացման հարուստ շտեմարան էին և ուղեցույց՝ աշխատանքային գործունեության ասպարեզում:

Պարույր Սևակն այդ հետազոտությունը գրելիս, իհարկե, ձեռքի տակ ունեցել է նաև Ա.Ղանալանյանի «Յայ շինականի աշխատանքային երգերը»¹⁹ գիրքը, ուր համառոտ ուսումնասիրության հետ ներկայացված են նաև պատմական Յայաստանի տարբեր շրջաններից գրառած հայ ժողովրդական առտնին և դաշտային աշխատանքի երգերը:

«Յացին երգը» շարքում ժողովրդական բանարվեստի հանդեպ ունեցած վարուժանյան մոտեցումը Սևակը դիտարկում է երկու տեսանկյունից՝ անմիջական և միջնորդավորված: Ընդորում, «Ցորյանի ծովեր», «Յունձք կը ժողվեմ», «Կամերգ», «Օրինություն» և էլի մի քանի գործերի մեջ Սևակը տեսնում է բանահյուսության անմիջական, ուժեղ ազդեցությունը՝ գրված «ժողովրդական պետիկայի օրենքներով»: Իսկ «Աղորիքը», «ճարակումը», «Ցանը», «Մշակները» և այլ գործեր, որոնք, երիտասարդ վերլուժաբանի բառերով ասած, «առավելապես հեղինակային խոսքեր են, քան բանաստեղծական նկարագրեր, նրանց վրա անգամ զգացվում է ֆոլկլորային պարզունակ ոճը, խրթնաբանության խապառ բացակայությունը», այսինքն՝ բանահյուսության ազդեցությունն առկա է միջնորդաբար:

¹⁹ Ա. Ղանալանյան, Յայ շինականի աշխատանքային երգերը, Երևան, 1937:

Վարուժանի ստեղծագործությունները քննելիս Պ. Սևակը հաշվի է առնում գրականության առաջընթացը պայմանավորող մի շատ կարևոր հանգամանք ևս, թե կոնկրետից դեպի վերացականը, մասնավորից ընդհանուրը և ազգայինից միջազգայինը գնալու ճանապարհին բանաստեղծը կարողանում է արդյոք «ինչ»-ի և «ինչպես»-ի՝ բովանդակության և ծեփ ներդաշնակ համաձուլվածքով հասնել այն բանին, որ անհատական՝ անձնական, ազգային ապրումը վերածի հասարակական, համազգային ապրումի, և դրան հասնելու համար որքանո՞վ են նպաստում ժողովրդական բանավոր ստեղծագործությունների անմիջական և միջնորդավորված ազդեցության դրսերումները:

Մանրակրկիտ ու բազմակողմանի վերլուծությունն ու բանագիտական դիտողականությունն օգնում են Պ. Սևակին՝ հանգելու միանգամայն ճշմարիտ հետևության. «Նյութը ինքնին իրենով պայմանավորում է ծեզ, ֆորման: Թեմայի հարցը նաև ծեփ հարց է: Եվ այդ իմաստով էլ, – շարունակում է Սևակը, – Վարուժանի ընտրած նյութն ու թեման տվյալ դեպքում հարկադրաբար թելադրում են այսօրինակ ծեփ կիրառում և ոչ, ասենք, այնպիսի վերամբարձ ոճ, ինչպես «Հեթանոս երգեր» ցիկլում, կամ այնպիսի հզոր ու մարտական շունչ, ինչպես «Գողգոթայի ծաղիկներում» կամ «Յեղին սրտի» համապատասխան կտորներում» (VI, 366): Ինչ խոսք, երիտասարդ բանաստեղծը չեր կարող ծանոթ չլինել Վահան Տերյանի «Դայ գրականության գալիք օրը» հոդվածին և Թումանյանի ստեղծագործությունների լեզվի կապակցությամբ նրա տված գնահատականին: Ուղենիշ հանդիսացող այդ հոդվածում անդրադառնալով նաև «Շունն ու կատուն» լեզենդի լեզվին՝ Տերյանը ևս գտնում էր, որ գրական երկի «Այութը ինքը ստիպում է իրան այդ լեզվով գոել»²⁰.

Ուսանողական տարիների գրական ու գիտական ակտիվ գործունեությունը, գրական քննարկումների և զանազան գիտական նստաշրջանների ժամանակ արժարծած հարցերի խոր-

²⁰ Դայ դասականների գրադարան(ՀԴԳ), Վահան Տերյան, Երևան, 1989, էջ 324:

քայնությունն ու համարձակ դիտարկումները մեծապես նպաստում են, որ համալսարանն ավարտելուց անմիջապես հետո Պ. Սևակը դառնա ՀիւՄ ԳԱ գրականության ինստիտուտի ասպիրանտ՝ հայոց հին և միջնադարյան գրականության մասնագիտությամբ:

Անսահման աշխատասիրությամբ, իր և շրջապատի հանդեպ խստապահանջության, պարտքի ու պատասխանատվության զգացումով շատերի զարմանքը հարուցած Պ. Սևակին ճակատագիրը այդ ժամանակ պետք է հանդիպեցներ ու «Կարծեցյալ Շապուի Բագրատունին և վաղ Վերածննդի հարցերը Հայատանում» թեկնածուական ատենախոսության գիտական ղեկավար կարգեր Եվրոպական հիմնավոր կրթություն ստացած, մարդկային բարձր արժանիքներով ու գիտական խստապահանջությամբ օժտված մի այնպիսի գիտնականի, որի մասին այդ տարիներին բանաստեղծն ինքը «իբր թե սաստիկ Վրդովմունքով» պիտի ասեր. «Այ տղա, ամեն անգամ այնպես է քննում, կարծես ինքն էլ հանձնարարած գոքերը հենց նոր կարդացել է հատկապես ինձ քննելու համար: Չէ՛, նրան խաբել չի լինի, ահավո՞ր - բան է: – Տվյալ դեպքում ահ հարուցողը, ահավորը Մելիք-Օհանջանյանի խստապահանջ լինելու էր, – գրում է իր հուշապատումում թատերագետ և թարգմանիչ Լևոն Հախվերդյանն ու շարունակում: – Գերմանական կրթություն ստացած ղեկավարը պարբերաբար գրականություն էր հանձնարարում ասպիրանտին և գերմանական ճշտապահությամբ պահանջում ներկայանալ ու հաշիվ տալ կարդացածի մասին: Եվ Պարույրը ենթարկվում էր անմռունչ: Ասեմ, որ գիտական ղեկավարի և ասպիրանտի այդպիսի փոխհարաբերություն ես այլևս չեմ տեսել...»²¹:

Հիրավի, բազմավաստակ գիտնական, բանահավաք-բանագետ Կարապետ Մելիք-Օհանջանյանի հարուստ գիտելիքները, չափազանց խստապահանջությունն ու ճշտապահությունը մեծ դեր են խաղում Սևակ բանաստեղծի ու գիտնականի աշխարհայացքի և մտածողության ծևավորման գործում:

²¹ Լ. Հախվերդյան, Պարույրը, Երևան, 1987, էջ 121:

Տարիներ անց՝ 1963 թվականին, Կարապետ Մելիք-Օհանջանյանի ծննդյան 70-ամյակի կապակցությամբ գրած իր երախտիքի խոսքում Սևակն իրեն հատուկ դիպուկ ու բնորոշող պատկերներով է ներկայացնում իր ուսուցչապետին թե՛ որպես գիտնական, թե՛ որպես մարդ. «... Ինքն էլ մի Սասնա ծուռ է, անեզանլուծ գութան քաշող մի Դավիթ... Նրան պարզապես աշակերտելն անկարելի է, պետք է որդեգրվել, ավելին՝ որդիանալ»²²:

Հոբելյանական խոսքում բարձր գնահատելով մեծանուն գիտնականի վաստակը հայագիտության և արևելագիտության, լեզվաբանության ու թարգմանության բնագավառներում՝ Պ. Սևակը Կարապետ Մելիք-Օհանջանյանին և Մանուկ Աբեղյանին դասում է այն եզակի բախտավորների շարքը, որոնց հուշարձանը կանգնեցվում է նրանց իսկ կենդանության օրոք: Բանաստեղծի նման գնահատանքը բխում էր այդ երկու մեծությունների՝ գիտության միայն մի բնագավառի՝ բանագիտության, ավելի կոնկրետ՝ էպոսագիտության ասպարեզում կատարած աշխատանքից. «Քչերն են բախտավորվում՝ իրենց հուշարձանը կենդանվույն տեսնելով: Այդ քչերից մեկն էր մեր մշակույթի երախտավոր Մանուկ Աբեղյանը: Այդ քչերից է նաև Կարապետ Մելիք-Օհանջանյանը: Եվ մեկն է նրանց հուշարձանը: Ու կոչվում է «Սասնա ծուռ»...»²³:

Երևանի պետական համալսարանում և ասպիրանտուրայում սովորելու տարիներին ծեռք բերած գրականագիտական ու բանագիտական հիմնավոր գիտելիքներն ու շփումը ճանաչված գիտնականների և ուսուցչապետերի հետ այնպիսի ինքնավըստահություն էին ներշնչել երիտասարդ գիտնականին, որ նոր միջավայրում և՝ Մոսկվայի Գորկու անվան համաշխարհային գրականության ինստիտուտում ուսանելու հենց առաջին տարում՝ 1951թ. նոյեմբերին, երբ հանձնարարվում է գուտ բանագիտական՝ «Գորկին և ժողովրդական բանահյուսությունը», թեմայով մի ռեֆերատ պատրաստել, առանց երկմտելու, պատրաստակամությամբ հանձն է առնում այդ գործը:

²² «Սովետական արվեստ», 1963, թիվ 5, էջ 58:

²³ Նույն տեղում:

Տրամադրված սույղ ժամանակն անգամ չի խանգարում Պարույր Սևակին, դասախոսություններից չբացակայելով հանդերձ, ընդամենը մեկ շաբաթվա ընթացքում, հիմնականում աշխատելով գիշերները և «Գորկու ողջ գրական ժառանգությունը «տակնուվրա անելով» այնպիսի մի զեկուցում պատրաստել, որ իր բանագիտական համարձակ դիտարկումներով ու հարցադրումներով զարմանք և հիացմունք է պատճառում ներկաներին:

«Գորկին և ժողովրդական բանահյուսությունը» ռեֆերատը թե՛ դասախոսները, թե՛ ուսանողությունը բարձր գնահատականի են արժանացրել՝ համարելով այն թեկնածուական ատենախոսությանը համարժեք ուսումնասիրություն²⁴:

Ի դեպ, իրատարակված ուսումնասիրություններում, հուշերում և կենսամատենագիտություններում Մոսկվայում կարդացած զեկուցումների շարքում նշվում է Գորկուն նվիրված բանագիտական աշխատության երկու վերնագիր՝ «Գորկին և ժողովրդական բանահյուսությունը»²⁵ և «Գորկին ժողովրդական երգի հավաքող»²⁶:

Այս երկու թեմաներն ել, սերտորեն կապված լինելով միմյանց հետ, իրենց նպատակառողջվածությամբ, ինչ խոսք, առանձնանում են: «Գորկին ժողովրդական երգի հավաքող» թեման առավել սահմանափակ ընդգրկում ունի, քանի որ այն ներկայացնում է Մ. Գորկու միայն բանահավաքչական գործունեությունը: Իսկ «Գորկին և ժողովրդական բանահյուսությունը» թեման ավելի տարրողունակ է, ընդգրկուն և իր մեջ ներառում է ոչ միայն գրողի բանահավաքչական գործունեությունը, այլև նրա բանագիտական հայացքներն ու գրականության մեջ դրանց դրսնորման առանձնահատկությունները:

Մ. Գորկու բանագիտական հայացքների բացահայտմանը

²⁴ Վ. Բարայան, Պարույր Սևակի հետ, Երևան, 1988, էջ 10-11:

²⁵ Ա. Արիստակեսյան, Պարույր Սևակ, Երևան, 1974, էջ 108: Վ. Բարայան, Պարույր Սևակի հետ, Երևան, 1988, էջ 10:

²⁶ Պ. Սևակ, Կենսամատենագիտություն, կազմող՝ Ալբերտ Արիստակեսյան, Երևան, (ՀԽՍՀ գրքասերների ընկերություն), 1983, էջ 12:

նվիրված այդ ուսումնասիրությունը (կամ գուցե ուսումնասիրությունները) առ այսօր չի հրատարակվել, իսկ բանաստեղծի անձնական արխիվից օգտվելու հնարավորություն, ցավոք, չունեցանք: Չեռագիրը թերևս օգներ հստակեցնելու և ամբողջացնելու մեր պատկերացումները **Պ. Սևակի** բանագիտական հայցըների վերաբերյալ:

Քանի որ գրականագետ Ալբերտ Արիստակեսյանն իր մենագրությունը գրելիս օգտագործել է **Պ. Սևակի** ձեռքի տակ եղած տպագիր ու անտիպ գրական և գիտական գրեթե ողջ ժառանգությունը, ուստի առավել հավաստին, թերևս, նրա բերած փաստերն են²⁷: Մեր ձեռքի տակ եղած նյութերում առկա փաստերը ևս թույլ են տալիս ենթադրել, որ դրանք նույն ռեֆերատի տարբեր խորագրեր են:

²⁷ Տարակարծությունների առիթ է տալիս հենց ինքը՝ Արիստակեսյանը՝ 1974թ. հրատարակած «Պարույր Սևակ» մենագրության մեջ նշելով մի վերնագիր, իսկ 1983թ. կազմած կենսամատենագիտության մեջ՝ մեկ ուրիշը:

Ա. Արիստակեսյանի կազմած կենսամատենագիտության մեջ նշվող գեկուցման ժամանակը՝ 1951թ. նոյեմբերի 21-26-ը, համընկնում է Վ. Բաբայանի բերած տվյալների հետ, իսկ վերջինիս հուշապատճենում ներկայացված փաստը՝ կապված ռեֆերատին տրված բարձր գնահատականներին, համընկնում է մենագրության մեջ Արիստակեսյանի ներկայացրած փաստարկներին: Չնայած վերջինիս մեջ, ըստ ժամանակագրության, «Գորկին և ժողովրդական բանահյուսությունը» ռեֆերատը հաջորդում է «Հիպերբոլան Մայակովսկու «Վարտիքավոր ամպը» պոեմում» (1954թ.) գեկուցմանը:

Պ. ՍԵՎԱԿԻ ԲԱՆԱԳԻՏԱԿԱՆ ՀԱՅԱՑՔՆԵՐԸ ՄԻԶԱՄԱՐՅԱՆ ՏԱՐԵՐԳՈՒՆԵՐԻՆ ՆՎԻՐՎԱԾ ՈՒՍՈՒՄՆԱՍԻՐՈՒԹՅՈՒՆՆԵՐՈՒՄ

Պարույր Սևակ գիտնականի համար ամենահոգեհարազատ ոլորտը հայկական միջնադարն էր՝ իր տաղերգուներով ու նրանց ստեղծագործությունների խորախորհուրդ գաղտնիքներով։ Եվ նա բանաստեղծ-գիտնականի խորաթափանցությամբ տարիներ շարունակ շերտ առ շերտ բացում էր անբացատրելի թվացող շատ գաղտնիքներ։

Միջնադարյան տաղերգուներին նվիրված իր մի շաբթ հոդվածներում և գիտական աշխատություններում Պ. Սևակը բազմաթիվ գրականագիտական հարցերի հետ անդրադառնում է նաև ժողովրդական լեզվամտածողության և ժողովրդական բառու բանի հետ Գրիգոր Նարեկացու, Նահապետ Քուչակի և Սայաթ-Նովայի ստեղծագործությունների կապի խնդիրներին։

Պ. Սևակի նվիրական, բայց այդպես էլ անկատար մնացած երազանքներն էլ են կապվում այդ ժամանակաշրջանի հետ (Նարեկացու «Մատյան ողբերգության» պոեմի վերածում աշխարհաբարի, իր մտածելաձեռվ «Սասնա ծռեր» էպոսի մշակում, «Սայաթ-Նովան և միջնադարյան հայ տաղերգուները» ուսումնասիրության պատրաստում)։

Սևակը մեր ժողովրդի հարուստ ու բազմերանգ բառ ու բանի, ժողովրդական դարձվածների և պատկերավոր մտածողության անմիջական կրողն էր և յուրացրել էր նաև հայ հին և միջնադարյան ողջ գրականությունն ու պատմագրությունը։

Նարեկացուն Սևակը համարում էր մեր ամենամեծ նորարար ոչ միայն լեզվի (գրաբարի և աշխարհաբարի սերտ միահյուսմամբ) ու ձեկի (առաջին անգամ հանգ ու չափի կիրառմամբ) հարցում, այլև «...օգտագործմամբ ժողովրդական բանահյուսության, այն «լալեաց բանաստեղծութեան», որ պաշտոնական գաղափարախոսությունը համարում էր ոճրագործություն և անառակություն» (Վ, 246)։

Քանի որ գուսանական-աշուղական երգերը՝ իբրև անհատական ստեղծագործություններ, անքակտելիորեն կապված են ժողովրդական բանարվեստի հետ, Պ.Սևակն իր հոդված-ուսումնասիրություններում դրանց անդրադառնալիս խոսում է նաև այդ ստեղծագործությունների և ժողովրդական բանահյուսության ու դիցաբանության փոխառնչության հարցերի մասին: Նա համոզիչ փաստարկներով առանձնացնում է գուսան և աշուղ հասկացությունները՝ աշուղը, աշուղական արվեստը համարելով միջնադարում արևելյան ժողովուրդներից հայերին անցած արժեքներ, իսկ հանգը՝ եկամուտ շերտ:

Դայ իրականության մեջ գուսանական արվեստը աշուղականով փոխարինելը և ազատ չափով բանաստեղծությունը արևելյան հանգին ենթարկելը Պ. Սևակը համարում էր նահանջ:

«Արևելքը, – ասում էր Պ.Սևակը, – գուցե և ինչ-որ երանգ տվել է մեր մշակույթին, բայց և զգալի չափով հասարակացրել է այն, մեր գողթան երգերը իջեցրել է ջանգուլումների մակարդակին, գուսաններին փոխարինել է աշուղներով, Նարեկացու բանաստեղծական մտածողությունը ենթարկել է արևելյան հանգի: Սա կորուստ էր...»²⁸:

Պ.Սևակի պրայտուն միտքը վերլուծում է երկրորդ հազարամյակում մեր նվաճումներն ու կորուստները և հայ ժողովրդի ազգային զարթոնքն ու ձեռքբերումները կապում ռուսական քաղաքակրթության ունեցած բարերար ազդեցության հետ, որի շնորհիվ արվեստի և մշակույթի մի շարք բնագավառներ սկսեցին «եկամուտ շերտերից» մաքրվել և աշխարհին ներկայանալ մեր իսկ ինքնատիպ դիմագծերով. «Դանդես եկան մի Կոմիտաս, մի Թորոնանյան, մի Աճառյան, մի Տերյան, մի Վարուժան, մի Աբեղյան և ձեռնամուխ եղան հայ լեզուն, երաժշտությունը, ճարտարապետությունը, բանահյուսությունը, բանաստեղծությունը եկամուտ շերտերից մաքրելու, տոհմիկ հայկականը վերականգնելու գործին...»²⁹:

²⁸ Ա.Սարինյան, Պարույր Սևակը գուգահեռի վրա, «Գարուն», 1981, թիվ 11, էջ 54:

²⁹ Նույն տեղում:

Երբ հրատարակվում է գրականագետ Ավ. Ղուկասյանի կազմած «Հայրենի կարգավ»³⁰ ժողովածում, Պ. Սևակն անմիջապես արձագանքում է դրան՝ գրելով «Հանճարեղ սիրերգեր» հոդված-գրախոսականը:

Գնահատելով Ղուկասյանի կատարած շնորհակալ աշխատանքը՝ բանաստեղծը հիմնավոր փաստերով հերքում է գոքի առաջարանում և ծանոթագրություններում տեղ գտած մի քանի սխալ տեսակետներ:

Սևակն իր դժգոհությունն է հայտնում հեղինակի՝ առանց փաստարկների, չիմնավորված որոշ հայտարարությունների կապակցությամբ, թե «Հայտնի է, որ քուչակից առաջ հայ իրականության մեջ աշուղներ չեն եղել»:

«Ամենից առաջ,— գրում է

Պ. Սևակը,— որտեղից է հայտնի, եթե հայտնի է, ինչու՞ ընթերցողին հայտնի չդարձնել» (V, 36):

Եթե Սևակը ևս վարվեր Ավ. Ղուկասյանի նման, պետք է այդքանով ավարտեր իր քննադատությունն ու հերքումը: Բայց նա գիտականորեն հիմնավորում է իր տեսակետը՝ բերելով աշուղական արվեստին բնորոշ մի շարք հատկանիշներ, որոնք ոչ մի կապ չունեն քուչակյան հայրենների հետ: «Բացի դրանից,— շարունակում է իր ասելիքը հիմնավորել Պ. Սևակը,— եթե հեղինակը տարբերակում է «գուսան» և «աշուղ» արտահայտությունները, ապա գոնե չպիտի մոռանար «աշուղի» համար շատ դեպքերում պարտադիր այնպիսի հարցեր, ինչպիսիք են աշուղի գրագետ կամ անգրագետ լինելը, երգելն ու նվագելը, տաղաչափական յուրօրինակ չափերով հորինելը, երգերի մեջ (մեծ մասամբ վերջում) իր անվան հիշատակումը: Ինչո՞վ են քուչակյան հայրենները կամ պատմական փաստերը հայտնի դարձնում այդ «հայտնին» (V, 36-37):

Գրախոսականում գրականագիտական և բանագիտական հարցադրումները և դրանցից բխող պատասխաններն այնպես

³⁰ Հայրենի կարգավ, Կազմեց Ավ. Ղուկասյանը, Երևան, 1957:

սերտորեն են շաղախված, ինչպես հայրեններում անհատականը ժողովրդականի հետ:

Սևակը մերժում է Ղուկասյանի՝ «հայրեն» բառի թյուր ստուգաբանությունը, որ վերջինս նույնացրել էր «հայրենիք» բառին՝ կապելով 15-16-րդ դարերում սկիզբ առած պանդխտության հետ:

Կրկին անգամ հաստատելով Մ. Աբեղյանի և Կ. Կոստանյանի տեսակետները միայն հայ բանարվեստին հատուկ «հայրենի կարգաւ» ոտանավորի չափի կապակցությամբ՝ Պ. Սևակը, իբրև ապացույց, մեջ է բերում Ֆրիկի «ուր են քո ամեն բաներն **հայերէն, մասալ ու առակ**» և «**շատ մի հայերէն բաներ** խորհուրդով դրախտ տնկեցի» արտահայտությունները՝ ժխտելով նաև «Զվարթնոցի, Նարեկացու, Կոմիտասի պես անկրկնելի ու հայկական (զուտ հայկական) «մարգարտե շարոցի» ստեղծման ժամանակաշրջանը 15-16-րդ դարերում տեղավորելու ղուկասյանական վարկածը:

Պ. Սևակը Ղուկասյանին քննադատում է նաև որոշ գիտական փաստեր խեղաթյուրելու՝ հայրենները իբր ֆեոդոլական երգեր ներկայացնելու «աբեղյանական» տեսակետի կապակցությամբ: Այնուհետև, իբրև ապացույց՝ մեջ է բերում գուսանների և գուսանական արվեստի վերաբերյալ Աբեղյանի կարծիքը՝ որպես ժողովրդի մարդկանց ստեղծագործություններ՝ հարուստ ժողովրդական կենդանի լեզվի նրբերանգներով, ժողովրդական նիստ ու կացով, վարք ու բարքով, սովորություններով, որոնք «բոլորը երևան են գալիս նաև մեր գյուղական ժողովրդական երգերի մեջ»:

«Եվ այսքանից հետո,— գրում է Սևակը,— հայտարարել, թե Մ. Աբեղյանը հայրենները համարում եր ֆեոդալական երգեր՝ իիմք ընդունելով Աբեղյանի այն դիտողությունը, թե հայրենների մեջ երևան է գալիս նաև հարուստ դասերի կենցաղը... առնվազն փաստերի ճիշտ շարադրանք չե» (V, 37):

Գուսանների և աշուղների մասին ունեցած գիտելիքներից զատ, Սևակը հաղորդակցվում է նաև արևելյան ու արևմտյան երկրների ժողովրդական երգիչներին՝ հունական ռապսոդներին, ֆրանսիական տրութադուրներին, գերմանական մայստեր-

զինգերներին, կելտական բարդերին, արևելքի երկրների աշուղներին ու նրանց ստեղծագործությունների առանձնահատկություններին:

Նրանք, սիրահարներ ու սիրերգակներ լինելուց բացի, նաև «ժողովրդի լեզուն ու բերանն էին» մի ժամանակաշրջանում՝ տասը դար տևած միջնադարում, երբ «Զապաշապիկ էր հագված բոլորի ուղեղին ու մտքին, բայց ոչ սրանց: Փականք էր դրված բոլորի լեզվին ու բերանին, բայց ոչ սրանց»³¹:

Խոսելով արդի բանաստեղծության խնդիրների և բնույթի մասին և քննադատելով «հույզ»-ը բանականությունից և «զգացմունք»-ը իմացականությունից անջատել փորձող որոշ գրականագետների՝ «Հանուն և ընդդեմ «ռեալիզմի նախահիմքերի» հոդվածում Պ. Սևակը հիշեցնում է մի «նախահիմք» և՝ հարավային Ֆրանսիայի պատմական մարզերից մեկի՝ Պրովանսի 13-14-րդ դարերի թափառական երգիչ-գուսաններին՝ տրուբադուրներին, որոնք իրենց արվեստին տվել են «զվարք գիտություն» բնորոշումը: Ըստ Պ. Սևակի՝ դա «բանաստեղծության բնորոշումների մեջ ճշտերից մեկն է, ըստ իս՝ եթե ոչ ճշտագույնը» (V, 267):

«...Մտովին հիշեցեք աշխարհիս բոլո՞ր մեծ բանաստեղծներին (աստվածաշնչյան Սողոմոնից մինչև Բայրոն, Խայամից մինչև Գյոթե, Նարեկացուց մինչև Ուիտմեն, Աբու Ալա Ալ Մահրուց մինչև Մայակովսկի),— շարունակում է բանավիճել և իր միտքը հաստատել Պ. Սևակը,— և չեք կարող չընդունել, որ տրուբադուրների կոչման արժանանում են «ընտրեալք»-ը միայն, ոչ թե «կոչեցեալք»-ը» (V, 267):

Պարույր Սևակը քաջածանոթ էր նաև Արևելքի տաղերգուներին, մասնավորապես բանահյուսության հենքի վրա ստեղծված պարսկական միջնադարյան գրականությանը (Ռուդակի, Ֆիրդուսի, Սահադի, Հաֆեզ, Խայամ...):

«Սայաթ-Նովա» ուսումնասիրությունը գրելիս Սևակը հերքում է «շիբը շաքարի տեղ» հրամցնող որոշ գրականագետների

³¹ Պ. Սևակ, Սայաթ-Նովա, Երևան, 1969, էջ 132:

տեսակետները, իատկապես Մ. Նարյանի առաջադրած վարկածը՝ կապված Ապոլլոն-Կարապետ-Շախաթայի «աստվածներին» հույն, իայ և պարսիկ ժողովուրդների երգ-երաժշտության աստված համարելու հետ: «...այսպիսի վստահությամբ և հեշտությամբ մարդ իրեն թույլ չի տա գրելու նույնիսկ Վահագնի և Անահիտի, Տիրի և Աստղիկի մասին: ...Աստված ին մժե՞ղ չէ, որ կորչեր հարդով լեփ-լեցուն մարագում,— հեղինակին իր հեգնախառն ու առածատիա հարցումն է ուղղում Պարույր Սևակն ու շարունակում,— եթե եղել է այդպիսի աստված Արևելքում և մեր (հայկական) միջավայրում էլ ճանաչվել է իբրև այդպիսին, միթե այդ աստծու մասին մի կենտ հիշատակություն չի պահպանվել Արևելքի և հայոց բազմահարուստ գրականության կամ բազմաթիվ ժողովուրդների բանահյուսության մեջ»³²:

Բացելով սխալ մեկնաբանման պատճառ դարձած «Շատ սիրուն իս, Շախաթայի ասողին խար չիս անի» տաղի մի շարք գաղտնիքներ՝ Պ. Սևակը հավաստում-ապացուցում է, որ Շախաթային ոչ թե երգ-երաժշտության աստված է, այլ պարսից Սեֆյան թագավորական հարստության հիմնադիր Շահ Իսմայիլ՝ գահակալած 1502-1524 թվականներին:

«Շահ Իսմայիլ,— գրում է Սևակը,— նաև ականավոր բանաստեղծ էր՝ Շահ Խաթայի կեղծանվամբ, հեղինակը հոչակավոր «Դիվանի», «Դեհ-նամեի», «Նասիխաթնամեի»³³: Ժխտելով սուրբ Կարապետի և Ապոլլոնի՝ երգ-երաժշտության աստված լինելու անհեթեթ տեսակետը և ճշգրտելով «Շախաթայիի» անձը՝ Սևակը չի բավարարվում այդքանով: Նա ծանոթանում է Շահ Խաթայիի գրական ժառանգությանն ու նրա մասին եղած ուսումնասիրություններին և հետևություն անում, թե նրա ստեղծագործությունները սերտորեն առնչվում են պարսկական ժողովրդական բանահյուսության հետ. «Նա ինքը մեծապես օգտվում էր ժողովրդական բանահյուսությունից և սիրահարն ու հովանավորն էր աշուղների ու աշուղության...»³⁴:

³² Պ. Սևակ, Սայաթ-Նովա, Երևան, 1969, էջ 426:

³³ Նույն տեղում, էջ 432-433:

³⁴ Պ. Սևակ, Սայաթ-Նովա, Երևան, 1969, էջ 433:

Պ. Սևակը իրաշալի էր տիրապետում թե՝ ժողովրդական բանարվեստի գաղտնիքներին, թե՝ նրա հետ կապված աշուղական արվեստի նրբություններին ու նրա ժանրային առանձնահատկություններին: Այդ հիմնավոր իմացությունն էլ բանաստեղծին հնարավորություն էր տալիս հարկ եղած դեպքում անկաշկանդ բանավիճել գրականագետների ու աշուղագետների հետ, մեջբերվող փաստարկներով հաստատել կամ ժխտել ցանկացած քննարկելի հարց՝ առաջ քաշելով գիտականորեն հիմնավորված սեփական տեսակետը:

Այսպես՝ քննադատելով Ավ. Շահսուվարյանին՝ թեջնիսը՝ իբրև բանաստեղծական ձև, մուամմայի ու թարիխի հետ շփոթելու և սխալ հետևություններ անելու համար՝ Պ. Սևակը մի քանի հերքող փաստեր բերելուց հետո գրում է. «...Այս ամենին ավելացնենք և այն, որ մուամման ու թարիխը առաջացել ու ծաղկել են 10-15-րդ դարերում, բայց ոչ երբեք 18-րդ դարի կեսերին, ապա և այն, որ դրանք բանաստեղծական ձևեր լինելուց առաջ զուտ սխոլաստիկական մարզանքներ էին, ուստի և անսահմանորեն հեռու ժողովրդական-աշուղական ստեղծագործությունից, սրա կենդանի, թրթռուն ոգուց»³⁵:

Պարույր Սևակը գիտական փաստարկներով ժխտում է նաև գրականագետ Մ. Մկրյանի՝ Սայաթ-Նովայի խաղերից մեկի՝ «Ինձ սիրեցիր էշխըն ննգար»-ի մեկնությունը և դրանից բխած սխալ հետևությունը և մի շարք խաղ-երկխոսությունների՝ «Դեյիշմե»-ների միջոցով մեկնաբանում աշուղական այդ ժանրի առանձնահատկությունները:

«Ով փոքրիշատե ծանոթ է աշուղական գրականությանը, – գրում է Պարույր Սևակը, – չի կարող չիմանալ, որ այսօրինակ երկերը աշուղական գրականության մեջ կազմում են հատուկ ժանր: Եվ անկարելի է գտնել մի քիչ թե շատ ականավոր աշուղ, որ չունենա նմանատիպ երկխոսություն: Դա այնքան հայտնի ժանր է, որ ունի նաև իր անունը. աղրբեջաներեն՝ «Դեյիշմե»,

³⁵ Պ. Սևակ, Սայաթ-Նովա, Երևան, 1969, էջ 88:

հայերեն՝ «Ասի-ասավ»: Սայաթ-Նովայի Դավթարում այս ժանրով գրված խաղերը քիչ չեն...»³⁶:

Այնուհետև Սևակը տալիս է այդ ժանրի ամենաեական գծերից մեկը. «...Աղջիկը (կամ կինը) խաղի ընթացքում մեծ մասամբ պիտի ասի «չեմ ու չոռ», որպեսզի ամենավերջում ասի «հա ու ջան»: ...Այս բնույթն ունեն բոլոր աշուղների սույն ժանրին պատկանող երգերը, ի շարս որոնց և Սայաթ-Նովայի երկախոսությունները...»³⁷:

Աշուղական արվեստը հարուստ է այլաբանություններով ու ծածկագրություններով, իսկ Սայաթ-Նովայի նման «սիրուց էր-ված» աշուղ-բանաստեղծի ստեղծագործությունները՝ առավել ևս, քանզի աստվածային պարգևը՝ սերն իր օրենքներն էր պարտադրում սիրողին, պալատական միջավայրն ու մարդիկ՝ իրենց: Նման պայմաններում օգնության էին հասնում այլաբանությունները, ծածկագրերը, բառախաղ-երկխոսությունները:

Իր մենագրության մեջ Պ. Սևակը մեկ առ մեկ բացում-մեկնաբանում է Սայաթ-Նովայի ծննդյան թվականի, սիրած «յարի» ինքնության և այլ հարցերին առնչվող այլաբանություն-ծածկագրերը՝ ցույց տալով նաև թե՛ ժողովրդական բառ ու բանի, ժողովրդական դարձվածների, առած-ասացվածքների, «սրամիտ բառախաղ-կալամբուրների» ու ժողովրդական լեզվամտածողության այլևայլ դրսենորումների խորիմացությունը, թե՛ միջնադարյան տաղերգումների ու գուսանաշուղական արվեստի վերաբերյալ գիտելիքները գրականագիտական հետազոտության մեջ զարմանալի ճկուն մտածողությամբ ներդնելու կարողությունը:

Պ.Սևակն անդրադառնում է նաև Սայաթ-Նովայի առածային մտածողությանը, բացում, մեկնում է բանաստեղծական շատ տողեր ու արտահայտություններ, ժողովրդական և աստվածաշնչյան իմաստնություններ, տալիս նաև մեծ սիրերգակի կիրառած բանաստեղծական ինարքները բացելու բանալին:

³⁶ Պ.Սևակ, Սայաթ-Նովա, Երևան, 1969, էջ 374:

³⁷ Սույն տեղում, էջ 375:

Այսպես՝ Սարը սարին չի հանդիպի, մարդը մարդուն կհանդիպի առաջի սայաթնովյան ինքնատիպ դրսեորման կապակցությամբ Սևակը գրում է. «Բանաստեղծը շուր է տալիս ժողովրդական առաջը՝ ասելով, թե «սարն էլ սարին կու հանդիպի» (այսինքն՝ որ ինքն ու բազավորը դեռ կարող են հանդիպել կյանքում)³⁸ »:

Երբեմն էլ ժողովրդական լեզվամտածողությամբ խտացված սայաթնովյան պատկերը ներկայացնելիս Պ. Սևակն ասելիքը հաստատում է համապատասխան ասույթի հայտնի տարբերակով.

Շուր էրիտ չարխի-փալազըն, դովլաթըն միզնից խորվ ա:

Ում հաքին հին շալ ին տեսմում, էլ չին ասում, թե էս ո՞վ ա:

Այսինքն՝ այն, ինչ ժողովուրդը վավերացրել է իր առաջի կնիքով. «Շատ բանողին՝ շալ շապիկ, քիչ բանողին՝ ալ շապիկ»³⁹:

Բանաստեղծն իր ասելիքն էլ է Սայաթ-Նովայի նման համեմում հայկական և աստվածաշնչյան իմաստնություններով: Քննադատելով չափածոն դյուրամարս դարձնելու շատերի մղումը՝ Պ. Սևակը երկու դար առաջ ապրած աշուղ-բանաստեղծի օրինակով (որն իրեն թույլ չի տվել «իջեցնել այն պարզ ճահճուտը, որտեղ աճում է մի էժանագին խոտ, որ կոչվում է հանրամատչելիություն և ուտվում է լոկ նրա կողմից, ով կոչվում է ամենակեր») և աստվածաշնչյան իմաստնությամբ նախանշում է նաև իր ստեղծագործական դավանանքը. «Կենդանիներից թշվառական խոզն է արժանացել այս պատվին, ուստի արժանացել է նաև անմահանալու ոչ միայն ճահճուտներում, այլև ավետարանի էջերում («...Մի՛ արկանեք զմարգարիտ ծեր առաջի խոզաց»):

Ներկայացնելով Սայաթ-Նովայի վերաբերմունքը աստվածաշնչյան իմաստնությունների հանդեպ («Ավետարանի խոսկիրըն մարքարիտ է, կարքըն՝ սիրուն»), Պ. Սևակը մեջ է բերում նրանցով կառուցած բանաստեղծական պատկերներից մեկը. Մի՛ ածի խոզի առչիվըն լալ ու գովիար, Սայաթ-Նովա:

³⁸ Պ. Սևակ, Սայաթ-Նովա, Երևան, 1969, էջ 330:

³⁹ Նույն տեղում, էջ 305:

Ժամանակի հրամայականի ու պահանջների մասին խոսելիս Սևակը հաճախակի է հիշեցնում «Աստծունը՝ աստծուն, կեսարինը՝ կեսարին» ասույթը: Սայաթ-Նովայի եռալեզու ստեղծագործություններին այդ տեսանկյունից նայելով՝ Սևակը գտնում էր, որ նա ևս բոլոր մեծերի նման չէր կարող տուրք չտալ ժամանակի պահանջներին:

«Փոշոտված, վաղուց մաշված» բառեր օգտագործելու համար նա ոչ թե քննադատում է Սայաթ-Նովային, այլ փորձում է աշուղ-բանաստեղծի ապրած ժամանակաշրջանի տեսանկյունից մոտենալ հարցին: Նշելով, որ «Դուանըտ գամ ուխտ» արտահայտությամբ է լեցուն մեր ողջ միջնադարյան տաղերգությունը (ինչպես նաև բանահյուսությունը), Պ. Սևակը արդարացնում է «հանճարեղ հանկարծախոսին» (Գ. Ախվերդյան)՝ մեջլիսներում նրա՝ ոտքի վոա ստեղծագործելու պարագան (պատրաստի հանգ, մակղիրներ, համեմատություններ, պատկերներ), որ շատերն էին գործածել, «զի ի պաշտոնե նա ոչ թե բանաստեղծ էր, այլ աշուղ»:

Համեմատելով Սայաթ-Նովայի «Ենդու համա ծարավ մարթըն քու ջրեմեն չի կշտանա» արտահայտությունը վաղ միջնադարի պարսից բանաստեղծ, «բանաստեղծների Աղամ» Ռուդակիի *Միրո համբույրը նման է աղաջրի, // Ինչքան խմում, այնքան էլ շատ ես ծարավում* բանաստեղծական պատկերի հետ՝ Պ. Սևակը հարց է տալիս, թե Սայաթ-Նովային ծանո՞թ է եղել արդյոք իրենից ութ դար առաջ արված համեմատությունը: Այնուհետև անմիջապես ինքն էլ պատասխանում է. «Հարցի բացասական պատասխանն առավել հավանական է, եթե նկատի առնենք, որ Ռուդակիի ենթադրյալ միլիոն տողից մեզ հասել է ընդամենը մի քանի հարյուր տող՝ վկայելով, թե միջնադարում նա չի արտագրվել, ուրեմն և տարածված չեն եղել նրա բանաստեղծությունները»⁴⁰:

Սայաթ-Նովան արևելքի ժողովուրդների, մասնավորապես

⁴⁰ Պ. Սևակ, Սայաթ-Նովա, Երևան, 1969, էջ 158:

Անդրկովկասի ժողովուրդների բարեկամության երգիչն է և ստեղծագործել է երեք լեզուներով: «Այս ամենով հանդերձ, Սայաթ-Նովան ազգային է Գողթան երգիչների չափ,— իր միտքն է բանաձևում Պ.Սևակն ու անմիջապես հիմնավորում,— որովհետև... երկնաքար չէ նա, այլ հանքաքար, և տեղատարափ չէ նա, այլ հանքային ջուր»⁴¹:

Սայաթ-Նովային ներկայացնելով աշուղական արվեստից բանաստեղծական արվեստ գնացող ճանապարհի վերջին հանգրվանում՝ Պ.Սևակը նրան առանձնացնում է միջնադարի և հետմիջնադարի մյուս աշուղներից՝ իբրև անձնական սիրո և տառապանքի, բարու և գեղեցիկի, ճշմարտության ու արդարության ինքնատիպ բանաստեղծական վերարտադրողի:

Դանձին Սայաթ-Նովայի՝ Սևակն ասես մարդկային արժեքներն ու խիղճը պահպանած բոլոր ժամանակների մեջությունների կապակցությամբ է խտացրել իր ասելիքը. «...Ոչ միայն ունակություններն ու տաղանդը, այլ նաև ազնվությունն ու խիղճը, մինչև իսկ սեփական կարծիքն ու սեփական քրտինքով հացվաստակելն էլ, լեզուն ստամոքսին և միտքը աղիքներին չզոհաբերելու քաջությունն էլ արժանիքներ չեն միայն, այլ կշռվելու չափ շոշափելի արժեքներ»⁴²:

Պարուր Սևակի մենագրությունն այնքան պարզ ու անկաշկանդ լեզվով է շարադրված, որ թվում է՝ ոչ թե գիտական ուսումնասիրություն ես կարդում, այլ բազում գաղտնիքներ ու գաղտնարաններ պարունակող գեղարվեստական մի գիրք, որի գլխավոր հերոսները՝ «Աստծո քարտուղարները», տեսնում ու գրուցում են իրար հետ, բացում իրենց «չեչաքարի պես ծակծկված սրտի» գաղտնարանները՝ այդ գրուցին ունկնդիր դարձնելով նաև աշխարհին ու մարդկությանը:

Այդ խորախորհուրդ գրուցի ունկնդիրն է եղել նաև հունգար Էդմոնդ Շյուցը (ի դեպ, նա 1966թ. Բուդապեշտի իր բնակարանում իյուրընկալել ու լսել էր Պ.Սևակին), որը մեծ բանաստեղծ-

⁴¹ Պ.Սևակ, Սայաթ-Նովա, Երևան, 1969, էջ 364:

⁴² Նույն տեղում, էջ 329:

ների ապրած կարծ կյանքը պատճառաբանելով նրանց՝ ներսից այրվելու հանգամանքով, իսկ նման «գնացող-մնացողներին»՝ հունգարական «երկու ծայրից այրվող մոմ» բնորոշմամբ՝ տարիներ անց այսպես է արտահայտել իր զգացածն ու ապրածը. «Կամ բանաստեղծ պիտի լինես, կամ գիտնական,— սովորենք մտածել բոլորս: Իսկ Սևակը այդ երկուսի հազվագյուտ միաձուլումն էր: Հունգարերեն դա հնչում է «պոետադոկտուս»: Սայաթ-Նովայի մասին նրա գիտական աշխատանքը, իրոք, եզակի երևույթ է: Բանաստեղծի մասին գրում է բանաստեղծը և գրում է բացառիկ խոր ու նուրբ՝ միաժամանակ բացելով բանաստեղծական հոգու — նաև հենց իր հոգու գաղտնիքները»⁴³:

⁴³ Գ.Բաղդասարյան, Դանուբի ափերին հիշում են Պարույրին, «Գարուն», 1985, թիվ 6:

ՊԱՐՈՒՅՐ ՍԵՎԱԿԻ ԲԱՆԱԳԻՏԱԿԱՆ ՀԱՅԱՑՔՆԵՐՆ ԻԲՐԵՎ ԳՐԱԿԱՆՈՒԹՅԱՆ ԱՌԱՋԵՆԹԱՑԻՆ ՆՊԱՍՏՈՂ ԳՈՐԾՈՆՆԵՐ

Դայ գրականության մեջ նոր ու ինքնատիպ խոսք ասելու առաքելությամբ ու հաստատակամությամբ գրական ասպարեզ մտած Պարույր Սևակը ևս Վահան Տերյանի նման պիտի մտածեր՝ կամ լրել, կամ նոր խոսք ասել: Եվ նա ասաց չարենցյան պատգամներին հավատարիմ այն խոսքը, որն ընդհատվել էր շուրջ երկու տասնամյակ առաջ:

«Գրականությունը եթե ենթակա է որևէ օրենքի, ապա ենթակա է անտառի օրենքին, անտառի՝ և ոչ թե գաղոնի...»,— Դայաստանի գրողների միության 5-րդ համագումարում (1966թ.) վրդովմունքով շեշտում էր գրականության գալիք օրով մտահոգ բանաստեղծը (V, 301):

Պ.Սևակը փորձում էր իր գրչակից ընկերներից շատերին, և հատկապես սկսնակ գրողներին հասկացնել, որ «աշուղության դարն անցել է», որ իսկական պոեզիան կարողանան զանազանել «սազանդարությունից», որովհետև «մարդիկ աշուղ են դարձել իրենց շնորհի շնորհիվ (բառախաղ չհամարեք), բայց նաև իրենց անգրագիտության (հաճախ էլ իրենց կուրության) պատճառով» (V, 188):

Դիտողությունների հետ գնահատելով Վահե Դովակիմյանի ստեղծագործությունները՝ Պ.Սևակը 1963 թվականին անգամ իր անհանգստությունն էր հայտնում պոեզիայի բնագավառում սունկի պես աճող «աշուղների» առկայության փաստի կապակցությամբ. «...Եվ պատասխանից երևում է, որ նա այնտեղից չէ, ուր բազմանում են աշուղները, ինչպես սունկերը կտրված ծառաբնի շուրջ...: Ուստի և բնական շնորհը նրան մղում է դառնալու բանաստեղծ և ոչ թե աշուղ, քսա՞ներորդ դարի կեսերի աշուղ՝ կոստյումավո՞ր, փողկապավո՞ր, դիալոմավո՞ր, երկու աչքն էլ տեղը, առանց սազի ու քամանչայի, բայց... էլի՝ աշուղ» (V, 188-189):

Նույն՝ 1963թ., Գևորգ Եմինի «Այս տարիքում» ժողովածուի հրատարակության կապակցությամբ գրած գրախոսականում Սևակը կրկին անդրադառնում է պոեզիայում «աշուղության» ու «սազանդարությանը»՝ իբրև ուշացածության, հետամնացության ու կեղծ ժողովրդայնության խորհրդանիշի:

Նա արժեքավորում է «Ժամանակին և ժամանակից» ծնված Եմինի քնարերգությունը՝ կանգ առնելով բանաստեղծի՝ ավելորդ նկարագրություններից զերծ «սազը թմկաբերդն առավ» արտահայտության վրա, «...որպեսզի նախ և առաջ (թերևս ավելորդաբար) հիշեցնեմ, որ «սազ» բառն այստեղ հոմանիշ է «արվեստին» ընդհանրապես, «պոեզիա»-ին՝ մասնավորապես, և ապա՝ վկայեմ, որ Գ. Եմինը կյանքում ոչ մի երգ չի ասել այն «սազի» վրա, որ արդեն միայն նվազարան չէ, այլ խորհրդանիշ ուշացած աշուղության ու սուտ ժողովրդայինի, մգլահոտ պահպանողականության ու բորբոսնած հետամնացության» (Վ, 214-215):

Որպես պոեզիայի առաջընթացը պայմանավորող երևույթ, գնահատելով Եմինի գիրքը՝ Պ. Սևակը գտնում է, որ այն գրական երիտասարդության համար կարող է ուղենիշ և խրատ հանդիսանալ, «մի խրատ, որ մեր ժողովրդի խոսքով ասած՝ պիտի ականջին օղ դարձնել, մի խրատ, որ Եմինի փոխարեն ես կուգենայի ձևակերպել այսպես».

— Եթե ճիշտ է, որ կրկնությունը գիտության մայրն է, ապա առավել ճիշտ է, որ կրկնությունը գրականության մահն է» (Վ, 215-216):

Ի հակադրություն «աշուղանաղլական-թոնրատնային» գրականության՝ դարին համընթաց քայլելու և համաշխարհային գրականության չափանիշերից ետ չմնալու համար Պ. Սևակը դեռևս 1940-ականների սկզբներին առաջ էր քաշում սիմֆոնիկ՝ համանվագային պոեզիա ստեղծելու անհրաժեշտության խնդիրը: Հետագայում նա, ավելի խորացնելով և հաստատելով իր դիրքորոշումը, գտնում էր, որ բազմաձայնությունն ու համանվագայնությունը պետք է դրսենութեան չափածոյի բոլոր ժամրերում, անկախ ծավալից, թեմայից ու նյութի տարրողությունից,

նույնիսկ՝ «10-15 տողանոց բանաստեղծության մեջ» (V, 259):

Իսկ նման պարագաներում ինչպես վերաբերվել ժողովրդական հյութեղ լեզվամտածողության ու ժողովրդական բանահյուսության հետ: Դամարել դրանք գրավոր գրականության ստեղծման, ձևավորման ու զարգացման ճանապարհին իրենց նշանակալից ներդրումն արդեն կատարած-ավարտած գործոններ, նոր ժամանակների գրականության պահանջներին այլևս չբավարարող ու նրա առաջընթացը կաշկանդող միջոցներ, թե՞ անհրաժեշտ էր մտածել մոտեցման նոր ձևերի ու եղանակների մասին:

Ինչ ձևեր ու մեթոդներ էլ որ կիրառվեն, միևնույնն է, անկախ ժամանակներից, գրողը պետք է ձգտի հասնել այն բանին, որ ժողովուրդ→մարդ←գրականություն համատեքստում շահի ինքը՝ մարդը:

Պ.Սևակի բանագիտական հայացքների հետ կապված այս հարցադրումների պատասխաններն առավել հստակ և ընդգրկուն ձևակերպումներով են արտահայտվել նրա ուշ շրջանի տեսական-քննադատական հոդվածներում, նամակներում ու հարցազրույցներում:

Եթե վաղ շրջանի գործերում ժողովրդական բանարվեստին ու լեզվամտածողությանը վերաբերող անդրադարձումները դրսերպում էին առանձին դեպքերում միայն՝ կապված քննության առարկա նյութի հետ, ապա 1960-ականների սկզբներից նկատվի է թե՛ այդ անդրադարձումների բանաստեղծական դրսերումները՝ որպես հավատու հանգանակներ, թե՛ նրանց հետ առնչվող տեսական ծավալուն հոդված-մեկնաբանությունները՝ իբրև պոեզիայի առաջընթացը պայմանավորող գործոն-ուղենիշեր:

1965թ. «Գրական թերթում» տպագրված Վահագն Դավթյանի «Ժամանակակից պոեզիան և ռեալիզմի նախահիմքերը» հոդվածը մեծ աղմուկ հանեց, որին արձագանքեցին մի շարք գրողներ ու գրականագետներ:

Հոդվածում հեղինակը մեջ էր բերում Մարտիրոս Սարյանի՝ ռեալիզմի նախահիմքերին հասնելու մի ձևակերպում, ըստ որի՝ «հասարակ միջոցներով, ամեն տեսակի ծանրաբեռնումից

ազատվելով»՝ հնարավոր է հասնել առավելագույն արտահայտչականության: Այնուհետև Վահագն Դավթյանը Սիամանթոյի, Վարուժանի, Լորկայի, Տերյանի, Սևակի, Զարյանի օրինակներով ցույց է տալիս այն ուղին, որով պետք է ընթանար հայքնարերգությունը:

Բնականաբար, Պ.Սևակը ևս չեր կարող անմասն մնալ այդ բանավեճից: Դավթյանի առաջադրած հարցերին նա անմիջապես արձագանքում է «Հանուն և ընդդեմ «ուեալիզմի նախահիմքերի» հոդվածով, որտեղ հեղինակը պաշտպանում է առաջադրած հարցերի արդիականությունը, իրատապությունն ու մատնանշած ուղին (այսինքն՝ խոսում է «հանունի» դիրքերից), ներկայացնում է նաև ժամանակակից պոեզիայի խնդիրներից բխող իր մտորումներն ու մտահոգությունները՝ առաջադրելով «ուեալիզմի նախահիմքերին» հասնելու սեփական տեսակետը, այն ճշմարիտ ուղին, որով ընթանալու էր 20-րդ դարավերջի հայ պոեզիան (այսինքն՝ խոսում է «ընդդեմ»-ի դիրքերից):

Պոեզիայի խնդիրներին վերաբերող մի շարք այլ հարցերի հետ Սևակն այդ հոդվածում անդրադարձել է նաև ժողովրդական բանավոր ստեղծագործության և գեղարվեստական գրականության փոխառնչության հարցերին:

Հաղորդակցությունը հայ և համաշխարհային գրականության մեջերի ստեղծագործություններին՝ Պ.Սևակին բերել էր այն համոզման, որ ամեն մի իսկական գրող, ելնելով ժամանակի պահանջներից ու խնդիրներից, պետք է ունենա ազգային ավանդներից օգտվելու, ժողովրդայնության հասնելու, լեզուն պարզության և մատչելիության հասցնելու իր բանալին:

Վերջին հարցագրույցներից մեկում՝ «Ինչ-ը, ինչպես-ը և որպես-ը»-ում (V, 388), Պարույր Սևակը գրողի հաջողության ամենակարևոր նախապայմանը համարում է բովանդակության և ձևի՝ ինչ-ի և ինչպես-ի, ինչպես նաև՝ որպես-ի (վերջինիս տակ հասկանալով պատկերավոր մտածողությունը) շաղկապվածությունն ու ներդաշնակությունը:

Իսկ ի՞նչ դերով են հանդես գալիս ժողովրդական բանավոր

ստեղծագործությունները հենց իր՝ Պ.Սևակի գործերում և ինչո՞վ են նպաստում այդ եռամիասնությանը:

Ժողովրդական բանահյուսությունն իր տարատեսակներով ինքնին թեմա է՝ «ինչ», իսկ իեղինակի ստեղծագործության մեջ այն կարող է վերածվել ձևի՝ «ինչպես»-ի:

Եթե բանահյուսական ամբողջական նյութն է դարձել Սևակի ստեղծագործության ատաղձը (ասենք՝ ավանդությունները՝ մանկական բանաստեղծություններում), ապա այն հանդես է գալիս ինչ-ի դերով, իսկ դրանց մշակման ու մատուցման կերպը՝ ձևը, ինչպես-ն է:

Բայց երբ բանահյուսական նյութն ամբողջ գործի ատաղձը չէ, այլ նրա մի մասը միայն, երբեմն էլ՝ հպանցիկ անդրադարձով, ապա միջոցը՝ փոքր թեման, սոսկ ազդակ է դառնում ասելիքը տեղ հասցնելու համար:

Պ.Սևակի («Անլոելի զանգակատում»-ում և «Երգ երգոցում»), օրինակ՝ Կոմիտասի կյանքի, հայ ժողովրդի համար վճռորոշ դեր խաղացած 70-ամյա պատմության և սիրո թեմաներն արտահայտված են՝ «Անլոելիում»՝ ժողովրդական երգերի, պարերգերի, վեպերի ու վիպերգերի, առած-ասացվածքների, ժողովրդական դարձվածների և ազգագրական ու ժողովրդական լեզվամտածողության տարաբնույթ դրսենորումներով, իսկ «Երգ երգոցում»՝ Սուրբ գրքի միջոցով մեզ ավանդված վաղնջական բանաստեղծական գոհարներից մեկի՝ Սոլոմոնի «Երգ երգոցի» թեմատիկ, կառուցվածքային ու պատկերային զանազան միջոցների կիրառմամբ: Այսինքն՝ նրանք առանձին վերցրած թեմա՝ «ինչ» են, բայց կոնկրետ դեպքում հանդես են գալիս «ինչպես»-ի՝ ձևի դերով:

Նման պարագայում բանաստեղծի առաջ կրկին հարց է առաջանում՝ ինչպե՞ս ներկայացնել «ինչպես»-ով հանդես եկող բանահյուսական ստեղծագործությունը (ենթադրենք՝ ժողովրդական երգը), որն առանձին վերցրած՝ ինքնին «ինչ» է:

«Անլոելի զանգակատում» պոեմում այդ «ինչ»-ը՝ ժողովրդական երգը, ոչ թե ներկայացվում է ամբողջությամբ, այլ դրան

բնորոշող որևէ հատվածով, երբեմն էլ՝ կրկներգով: Ժողովրդական երգը, բանաստեղծի խոստովանությամբ, օգնել է պոեմի կառուցվածքի ստեղծմանը՝ «ըստ կոմիտասյան երգերի, այսինքն՝ շարադրել կոմիտասի ողջ կյանքը՝ ըստ նրա համապատասխան երգերի. Երբ որբ է՝ «Անտունի», եթե պանդուխտ է՝ «Կոռունկ», եթե սիրո մասին է՝ «Սոնա յար»...»⁴⁴:

«Անլոելի զանգակատուն»-ում բանահյուսական նյութի ինչ↔ինչ-պես↔ինչ↔ինչպես-ով ներկայացված բազմակապ փոխկապակցվածության ներդաշնակ լուծումով է Պ. Սևակը հասնում իր նպատակին՝ սեփական «որպես»-ին՝ ստեղծելով «հեքիաթանաղլական» շարադրանքից գերծ, ինքնատիպ կառուցվածքով ու մտածողությամբ պոեմի նոր տեսակ:

Ուսումնասիրելով կոմիտասի ստեղծագործական ողջ ժառանգությունը (երաժշտագետները կոմիտասի ժառանգությանը մանրակրկիտ ուսումնասիրողների մեջ վկայակոչում են նաև Սևակի անունը՝)՝ բանաստեղծը գրում է. «Կոմիտասի մեծագույն ծառայություններից մեկն էլ ապացուցումն էր այն խնդրի, որ հայ հոգեսոր երաժշտության ատաղձը ժողովրդականն է» (V, 136):

Կոմիտասի ծննդյան 100-ամյակին նվիրված հանդիսությունների օրերին «Գարուն» ամսագիրը «Իմ կոմիտասը» խորագրով հարցազրույց է վարում ճանաչված մտավորականների հետ: Այն հարցին, թե ի՞նչ կարող է ասել Պ. Սևակը կոմիտաս բանաստեղծի մասին, նա այսպես է պատասխանում. «Շատ ուշ իմացանք կոմիտաս բանաստեղծի մասին: Եվ շատերը զարմացան, իսկ ես՝ բնավ: Նախ՝ այն պատճառով, որ «Եթե Աստված տվեց, էլ չի հարցնում չափը»: Կոմիտասն այդ աստվածատուրներից էր, և բնավ զարմանալու բան չկա, որ Աստված նրան տվել էր նաև բանաստեղծելու շնորհ:

Զգարմացա նաև այն պատճառով, որ քաջածանոթ էի «Հազար ու մի խաղի» այն երկու պրակին, որ ժամանակին իրատա-

⁴⁴ «Սովետական գրականություն», 1971, թիվ 2, էջ 13:

րակել էին Մ. Աբեղյանն ու Կոմիտասը⁴⁵: **Անկարելի է չլինել բանաստեղծ և բազմաթիվ տարբերակներից ընտրել այն տողերն ու բառերը կամ անել այն շտկումները, որ կատարված է այդ պրակներում ժողովրդական հումեփի նյութի համեմատությամբ» (ընդգծում՝ Ա.Ս.):**

Պատասխանից հետեւում է, թե ինչպիսի վիթխարի աշխատանք է կատարել Սևակը «Անլոելի զանգակատունը» գրելուց առաջ: Այո՛, նա քաջածանոթ էր Կոմիտասի և Աբեղյանի սերտ համագործակցությանը ժողովրդական խաղերի ու խաղիկների հավաքման, դասդասման, լեզվական անծշտություններն ուղղելու և միօրինակության բերելու՝ նրանց գիտական իմացությանն ու սկզբունքներին, ինչպես նաև Կոմիտասի՝ ազգային երգը օտարամուտ շերտերից մաքրելու և նախնական տեսքը վերականգնելու, երգերի ու խաղիկների բազմաթիվ տարբերակներից ժողովրդականի ոգուն համապատասխանող երաժշտության և խոսքերի ճիշտ ընտրություն կատարելու աստվածատուր շնորհին:

Այս ամենն, անշուշտ, օգնել է նաև «Անլոելիի» դողանջները գրելիս ոչ միայն երգերի ճիշտ ընտրությանը, այլև դրանց ոգուն համահունչ լեզվաօճական տարրերի ու արտահայտչամիջոցների կիրառմանը:

«Անլոելի զանգակատուն» պոեմի հաղթահանդեսի հիմնական «մեղավորները» ընտրած նյութը, դրան առնչվող մանրակրկիտ աշխատանքն ու այն մատուցելու սևակյան ինքնատիպ լեզվամտածողությունն էին:

Թե՛ իր թեմատիկայով, թե՛ այն ներկայացնելու ձևով «Անլոելի զանգակատունը» ասես մի իրաբուխ էր, որ ժայթքեց ու խաթարեց պոեմի ժամրը բնորոշող ավանդական բոլոր ձևակերպումները:

«Անլոելիից» հետո մեծ ժողովրդականություն վայելող Պ. Սևակը «Մարդը ափի մեջ» ժողովածուով արդեն «հուսախաք» էր ա-

⁴⁵ **Մ.Աբեղյան**, Կոմիտաս, Հազար ու մի խաղ, ժողովրդական երգարան, 1-ին հիսնյակ, Վաղարշապատ, 1903: **Նույնի՛ Հազար ու մի խաղ, ժողովրդական երգարան, 2-րդ հիսնյակ, Վաղարշապատ, 1905:**

ոել իր ընթերցողներից շատերին ու որոշ գրականագետների: Վերջիններիս հուսախաքությունն էլ ավելի է խորանում «Հանուն և ընդդեմ «ռեալիզմի նախահիմքերի» հոդվածը տպագրվելուց հետո, որոնք ժողովրդայնության չափանիշ էին ընդունում ֆոլկլորայնությանը և ժողովրդական լեզվամտածողությանը գերակայություն տալը:

Իր ողջ ստեղծագործական կյանքում Պ.Սևակը միշտ հավատարիմ մնաց ճշմարտությանը ծառայելու և երբեք նրան չդավաճանելու սկզբունքին:

Բանահյուսությունից օգտվելիս և այն պետք է դառնար այդ սկզբունքը հաստատելու, ասելիքը, անկեղծ խոսքը տեղ հասնելու միջոց, ձև և ոչ թե ժողովրդական նյութով ու խոսքով այդ նույն ժողովրդին սիրաշահելու նպատակ: Միայն այդ ճանապարհով էր հնարավոր առաջ տանել ազգային գրականությունը և քայլել քաղաքակիրթ ազգերի շարքերում: Փույթ չէ, թե ժողովուրդն այդ պահին չէր հասկանա արվեստագետին: Նրա խնդիրն է բարձրացնել ժողովրդի մակարդակը և ոչ թե արվեստն իջեցնել մինչև «հանրամատչելիություն»:

Պ.Սևակը բերում է Թումանյանի օրինակը, ապացուցելու, որ արվեստագետի մեծությունը ոչ «ծափաքանակով է որոշվում և ոչ էլ տպաքանակով»: «Լույնիսկ Թումանյանի պես բանաստեղծը ժողովրդից առած իր խոսքը չէր կարողանում ժողովրդին վերադարձնել. նրա երկերի տպաքանակը 300-ից չէր անցնում, և դա այն ժամանակ, երբ «Ասլի և Քարամը» (թե՞ «Աշուղ Ղարիբը» – վախենում եմ՝ սխալվեմ) սպառվում էր՝ ունենալով այն ժամանակների համար առասպելական տպաքանակ՝ 17000» (VI, 385-386):

Եվ եթե գրականության գալիքով մտահոգ բանաստեղծը գրում էր, թե չպետք է իջնել ժողովրդի մակարդակին, եթե գրում էր, թե հեքիաթանաղլական պոեզիան, ֆոլկլորային մտածողությունը անհարիր է արդի մարդու մտածելակերպին, նեղացողը ժողովուրդը չէր, այլ ժամանակի բռնի նեղացված մտածողությունը և ինից դժվարությամբ իրաժարվելու, նորը, անսովոր

սվիններով դիմավորելու ավանդական տխուր սովորույթը:

Գրողի մեծությունը և նրա ստեղծագործությունների հարատեսությունը ոչ թե ավանդականին, այլ իր ժողովողի դարավոր ավանդներին. հավատարիմ մնալով է պայմանավորված: Նա չպետք է դառնա ավանդականի հավատարմատարն ու գերին, այլ տեր ու տիրակալը, «մեծագույն ավանդախախտը»:

Այդ առումով, Պ.Սևակն, իբրև անգերազանցելի օրինակ, կրկին մատնանշում է Ամենայն հայոց բանաստեղծին. «...Թումանյանն է անգերազանց մշակելով մի-մի գլուխգործոց դարձրել մեր ժողովրդական բազմաթիվ ավանդությունները՝ գրական բազմապիսի սեռերով... (V, 361), որքան էլ բառախաղային թվա, Թումանյանը դարձավ ավանդախախտ՝ նախ և առաջ հենց ավանդությունները գրականություն դարձնելով» (V, 362):

Պ.Սևակի «Դանուն և ընդդեմ «ռեալիզմի նախահիմքերի» հոդվածը ևս ոչ միայն բուռն քննարկումների տեղիք տվեց, այլև պատճառ դարձավ նաև այն թյուր կարծիքն ստեղծելու, թե իբր հակասություն է նկատվում Սևակի տեսական հայացքների և պոեզիայում դրանց կիրառությունների միջև, և չնայած իր ստեղծագործություններում նա առատորեն օգտվում է ժողովրդական բանահյուսությունից, այնուամենայնիվ տեսականորեն իբր կոչ է անում իրաժարվել այդ նույն սկզբունքից. «Ավելացնենք նաև, որ, հակառակ իր տեսակետների, նրա պոեզիայում, երբեմն առանձնանալով, նուրբ ու գուլալ է հնչում հինավուրց սրինգը, այսինքն՝ իույզը, որ հաճախ, շատ հաճախ պոեմը հեղեղվում է հայ բանահյուսության զարդերով, ժողովրդական պայծառ մտածողությամբ, որ մինչև անգամ կենցաղի հինավուրց պատկերներն իրենց արժանի տեղն ունեն պոեմում... Եվ այդ լավ է, շատ լավ, որ բանաստեղծ Սևակը ջախջախում է քննադատ Սևակի գծած սխեմաները»⁴⁶:

«Ինչ-ը, ինչպես-ը, որպես-ը» (V, 388-408) հարցազրույցում բանաստեղծը իր դժգոհությունն է հայտնում վերը նշված հոդ-

⁴⁶ Դր. Թամրազյան, Պոեզիան պատմության քառուղիներում, Երևան, 1971, էջ 222:

վածում արտահայտած իր մտքերը ճիշտ չհասկանալու կապակցությամբ: «Առհասարակ իմ այդ հոդվածը ճիշտ կարդացողների թիվը շատ քիչ էր», – ցավով ասում է բանաստեղծը (V, 401):

Դամանվագային մտածողություն ունեցող ցանկացած ստեղծագործություն, ըստ Սևակի, չպետք է նմանվի «խաղիկ-ջանգյուլումների բազմահարկությանը», ասել է, թե քառատողերի, տների զարգացում չունեցող այնպիսի մի երգի, «որի եղանակը վերջանում է առաջին իսկ տնով (հետագա տների խոսքերն են փոխվում, իսկ եղանակն ու կրկներգը մնում են նույնը), այլ (պետք է նմանվի – Ա.Ս.) մի երգի, որի յուրաքանչյուր հաջորդ տունը նախորդ տան եղանակը փոփոխակում է ու զարգացնում բոլորովին այլ ձևերով» (V, 259):

Դամանվագային մտածողությամբ գրականություն ստեղծելու անհրաժեշտությունը ժամանակի պահանջն էր, 20-րդ դարավերջի զարգացած, մտածող ընթերցողի պահանջը, որին անհեթեթություն էր այլևս գոհացնել ֆոլկլորային մտածելակերպով, այսինքն՝ «պատմողական-նկարագրական»՝ «հեքիաթանաղլական», շարադրանքով՝ «որա տակ հասկանալով ամենախնականը վատ իմաստով, ամենապարզունակը վատ իմաստով, ամենաանհավանականը և մտացածինը... ինչը ըստ էության արդեն կապ չունի բանահյուսության հետ, այլ այն հետամնացածության, այլ այն խեղճ ու կրակ մտածողության, որ ես կոչել եմ ՖՈԼԿԼՈՐԱՅԻ ՄՏԱԾՈՂՈՒԹՅՈՒՆ...» (V, 404):

Իր այս վերջին հարցազրույցում Պ. Սևակը ստիպված էր էլ ավելի հստակեցնել ու բոլոր չհասկացողներին անգամ հասկանալի դարձնել 5 տարի շարունակ վեճերի տեղիք տված հոդվածում իր արտահայտած մտքերը. «....իմ խոսքը եղել է ոչ թե բանահյուսական նյութը չօգտագործելու կամ չվերամշակելու մասին: Առանձնապես իմ կյանքի մեծագույն նպատակներից մեկն է երբեկել վերամշակել «Սասնա ծոերը»՝ իմ հասկացողությամբ և իմ ըմբռնումով: Խոսքն այն մասին է, որ եթե բանահյուսական մշակում է, ապա դա պետք է լինի ոչ թե պարզ վերաշրադրանք, կամ լավագույն-երագելի դեպքում՝ վերափոխու-

թյան, այլ ՎԵՐԱՍՏԵՂԾՈՒՄ, ոչ թե ոճավորում, այլ ՎԵՐԱԻՍԱՍ-
ՍԱՎՈՐՈՒՄ» (V, 404):

Փաստորեն Պարույր Սևակը ոչ թե դեմ էր բանահյուսական
նյութն օգտագործելու երևույթին, այլ դրանից օգտվելու ձևին,
մատուցվող նյութի հեքիաթատիա շարադրանքին՝ համեմված
անհավանական պատմություններով ու ավելորդախոսություն-
ներով, շարադրված պարզունակ ոճով: Նման պարագայում
ստեղծագործությունը նմանվում է հեքիաթի, իսկ ստեղծագոր-
ծողը՝ հեքիաթասացի:

Եվ «հարաբերականության տեսության աղջ ծամած, քվան-
թային տեսությունը համտեսած, կիբեռնետիկայի կոկորդը սղո-
ցած ընթերցողի» անունից Պարույր Սևակը իրեն իրավունք է
վերապահում նման գրական մշակներին սթափության կոչելու,
քանի որ, անկախ թեմայից, ընդգրկած ժամանակից ու արժար-
ծած գաղափարից, նրանք «գրական լեզվով պատմում են մի
անծայրածիր հեքիաթ՝ մոռանալով, որ մենք երեխա չենք և կա-
րող ենք հարցնել. «Քեզի՛, բա այդպես լինու՞մ է»: Ահա հենց սա
է, որ ես կոչում եմ **ՖՈԼԿԼՈՐԱՅԻՆ ՄՏԱԾՈՂՈԹՅՈՒՆ**» (V, 405):

Հենց այս երևույթը հաշվի առնելով էլ Պ. Սևակն իր այդ հոդ-
վածում առաջ էր քաշում բանահյուսական նյութն օգտագործե-
լիս ստեղծագործաբար մոտենալու սկզբունքը, ժամանակակից
պոեզիայի հրատապ պահանջներից բխող մի շարք խնդիր-
ներ, որոնք ազդակ կարող էին հանդիսանալ ազգային պոեզիան
միջազգայինի մակարդակին բարձրացնելու ճանապարհին:

Այդ ճանապարհը հաղթահարելու միջոցներից մեկն էլ, բա-
նաստեղծի բառերով ասած, «նամակայնությունից» «կեսխոս-
քայնությանն» անցնելու կարողությունն է:

«Եթե «հին» բանաստեղծությունը նման է հեռվից գրված նա-
մակի (ուստի և՝ նկարագրական, մանրամասն, ամեն ինչ պարզ
և մինչև վերջ բացատրված), – գրում է Պ. Սևակը Վահե Հովա-
կիմյանին հասցեագրած նամակներից մեկում (VI, 419), – ապա
«նոր» պոեզիան պիտի նման լինի (ուշացած հայերիս համար
պիտի, իսկ ընդհանրապես՝ նման է) երկու մտերիմների, շատ

մտերիմների խոսակցության, այնպիսի մտերիմների, որութ Ի-ՐԱՐ ՀԱՍԿԱՆՈՒՄ ԵՏ ԿԵՍ ԽՈՍՔԻՑ ԿԱՄ ՄԻ ԱԿՆԱՐԿՈՎ ՄԻԱՅՆ, Ուստի և նրանց համար ոչ միայն ավելորդ, այլև ծիծաղելի է իրար բացատրել բաներ, որոնք վաղուց գիտեն, ասել բաներ որոնց կարիքը չունեն, անել բաներ, որոնք նույնքան ավելորդ ու ծիծաղելի են, ինչպես, դիցուք, իրար ձեռք տալն ու անուն ասելը այն ժամանակ, երբ իրենք ոչ միայն տարիների ծանոթներ են, այլ նաև տարիների մտերիմներ...»: Ուստի և «նոր պոեզիան «չասվածքների» պոեզիա է, ոչ թե գծի, այլ կետ-գծի (պոնտիր-ի) պոեզիա...» (VI, 419):

Գրողը կոչված է օգտագործել ժողովրդականը, ազգայինը և միևնույն ժամանակ այն ծառայեցնել այդ նույն ժողովրդի գիտակցական և մտածողական մակարդակի բարձրացմանը, իղկել նրա ճաշակը, նոր ճաշակ ներշնչել:

«Ենիշտ է, որ ժողովուրդն է բոլոր բարիքների ստեղծողը, – գրում է Պ. Սևակը, – ամեն բան նրանից է գալիս, ամեն բան նա է տալիս, բացի թերևս... ճաշակից: Արվեստի մեջ առաջնորդվել ժողովրդի ճաշակով՝ նշանակում է չծառայել ժողովրդին, որովհետև արվեստագետը, որ նույն ժողովրդի զավակն է, ժողովրդի հանդեպ ամենից առաջ ունի մեկ պարտավորություն՝ նրա ունեցած ճաշակը իղկել, նոր ճաշակ ներշնչել նրան: Արվեստագետի սրբազն պարտքն է բոլոր հնարավոր միջոցներով ժողովրդին բարձրացնել դեպի արվեստը և ոչ թե արվեստն իջեցնել միայն ժողովրդի մակարդակը:»

Արվեստը ինչքան էլ առաջգական լինի, – շարունակում է իր միտքը խորացնել բանաստեղծը, – չի կարելի ձգել, ձգձգել մինչև հանրամատչելիություն: Այս դեպքում նա կկտրվի, այսինքն՝ կդադարի արվեստ լինելուց» (VI, 386):

Բանաստեղծին ուղղած այն հարցին, թե ի՞նչ տեղ կարող է գրավել ժողովրդական բանահյուսությունը ժամանակակից բանաստեղծի ստեղծագործությունների մեջ, և ի՞նչ պիտի անի բանաստեղծը, որպեսզի բանահյուսությունից կատարած նրա մշակումը դառնա ստեղծագործական, Պ. Սևակը պատասխա-

նում է. «Ամեն ժողովուրդ, որ չի ոչնչացել իր զարգացման նախնական աստիճանի վոա, չի կարող իր գոյության հետագա բոլոր դարերում չօգտվել իր բանահյուսական նյութից ու մտածողությունից, որովհետև այդ նյութն ու մտածողությունը շարունակում են ապրել ոչ միայն և ոչ այնքան ԻՆՔՍԱԲԱՎՈՐԵՆ, որքան իբրև լեզու, իբրև ազգային մտածողություն և ժողովրդական հոգեբանություն...» (V, 403-404):

Պ.Սևակը ժողովրդական բանահյուսությունից օգտվելիս խորհուրդ է տալիս առաջնորդվել հետևյալ դրույթներով՝

ա) Եթե բանահյուսական մշակում է, ապա այն պետք է դուրս գա վերաշարադրանքի, լավագույն դեպքում՝ վերափոխության շրջանակներից:

բ) գրողը պետք է բանահյուսական նյութը ոչ թե ոճավորի, այլ վերաստեղծի ու վերահմաստավորի:

գ) Թեմայի ընտրությունը պետք է պայմանավորի տվյալ ստեղծագործության ձևը:

դ) Քանի որ ժամանակակից պոեզիան բարդ և խորիմաստ, տիեզերագնացության ու ատոմային դարի ընթերցողի պահանջներից բխող «կեսխոսքային, կետգծային» պոեզիա է, ապա բանաստեղծի համար նյութի օգտագործման աղբյուր կարող են դառնալ ժողովրդական բանահյուսական ստեղծագործությունների մասնակի կիրառությունները, դրանց դարձվածային դրսերումներն ու բանաձևային խտացված պատկերավոր արտահայտությունները:

Պ.Սևակը կողմնակից էր ոչ թե բանահյուսական նյութի պարզունակ վերաշարադրանքին, այլ վերահմաստավորմանը, ոչ թե սովորական վերափոխությանը, այլ վերաճավորմանը, վերաստեղծմանը, այլապես գեղարվեստական ստեղծագործությունը պատմողական-նկարագրական (որը նույն է, թե՝ հեքիաթանաղլական) շարադրանքի սահմաններից դուրս գալ չէր կարող:

Բանահյուսության հանդեպ այս յուրովի մոտեցումն, անշուշտ, բխում էր արդի գրականության հրատապ պահանջներից:

Մինչև իր ողբերգական տարին Պ.Սևակը բազմաթիվ հոդ-

ված-ուսումնասիրություններով, հավատո հանգանակներով ու չափածո խոսքով պատասխան էր տալիս ժողովրդական բանահյուսությունը մերժելու՝ բանաստեղծին ուղղված անհիմն մեղադրանքներին:

Եթե Պ.Սևակի առաջին գրախոսականը, գրված 1941 թվականին, վերաբերում էր բանագետ Ա.Ղանալանյանի «Աբովյանը և հայ ժողովրդական բանահյուսությունը» գրքին, ապա ճակատագրի բերումով նրա վերջին գրախոսականն էլ էր առնչվում բանահյուսությանը և կրկին միևնույն հեղինակի, այս անգամ՝ «Ավանդապատում»⁴⁷ աշխատության արիթով:

«Ավանդապատումին» նվիրված իր գրախոսականում⁴⁸ Պ.Սևակը բարձր է գնահատում մերօրյա «հացթուխի» կատարած շնորհակալ աշխատանքը՝ նրան համարելով արդի հայ բանագիտության ամենակարկառուն դեմքը:

Դայ ժողովրդական աշխատանքային երգերի, առած-ասացվածքների, ավանդությունների համահավաքը կազմելուց ու դրանց վերաբերյալ գրած ուսումնասիրություններից զատ, Ղանալանյանը սերունդներին էր պարզել նաև Առածանի և Ավանդապատում հրաշալի անվանումները:

Պարույր Սևակն իր գնահատանքի խոսքն է ուղղում բազմավաստակ գիտնականի նախորդ՝ 1951թ. իրատարակած «Դայկական առածանի» ժողովածուի կապակցությամբ, որը լրացնում էր «մեր բանագիտության այն բացը, որ դարձել էր այլևս անտանելի, որովհետև... Ել ի՞նչ ժողովուրդ (և այն էլ՝ հինավուրց ժողովուրդ), որ չունի իր առածների և ասացվածքների համահավաք ժողովածուն» (V, 380):

Բանաստեղծի մտահոգությունն ու կատարված աշխատանքի հրատապության գիտակցումը թերևս գալիս էր այլ ժողովուրդների հրատարակած նմանատիպ ժողովածուներին ծանոթ լինելու հանգամանքից: Դամեմատության համար ասենք, որ եթե մենք այսօր էլ հպարտանում ենք 40 000 առած-ասաց-

⁴⁷ Ա.Ղանալանյան, Ավանդապատում, Երևան, 1969:

⁴⁸ Պ. Սևակ, Դայոց ավանդապատումը, «Գրական թերթ», 16.01.1970:

վածքներ պարունակող մեր «Առաջանի»-ով⁴⁹, որի նախաձեռնողն ու ավարտի հասցնողը «սեփական մաճով» միայնակ մի «մաճկալ» է եղել, ապա ինչպես չնախանձես մոտ 1 մլն էստոնացիներին, որոնք իրենց իմստախոսությունները (շուրջ 250.000 նմուշ)՝ տարբերակային բոլոր դրսերումներով, իրատարակել են մի քանի հատորով:

Պ. Սևակը «Ավանդապատումի» գրախոսականում մեջ է բերում Մ. Աբեղյանի խոսքերը՝ կապված վիպական բանահյուսության դեռևս չուսումնասիրված բնագավառներից մեկի՝ պատմական, կրոնական, բարոյակրթական գրույցի ու ավանդության ուսումնասիրության անհրաժեշտության հետ:

Իր ուսուցչապետի՝ բանագիտության մեջ մատնանշած բացը լրացնելու համար Ա. Ղանալանյանը ձեռնարկում և ավարտի է հասցնում այնպիսի մի տիտանական աշխատանք, որի ի կատար ածումն ինքնին «Առաջանիի» պես փառք ու պատիվ էր բերելու թե՛ հեղինակին, թե՛ իր ժողովրդին:

Պ. Սևակը համոզված էր, որ «...մեր գրադարակներում «Ավանդապատումը» որվելու է «Սասնա ծոերի», «Ժողովրդական խաղիկների», «Գուսանական ժողովրդական երգերի», «Առաջանիի» կողքին» (Վ, 385):

Եթե բանահյուսությանն առնչվող առաջին գրախոսականը սուկ կատարված աշխատանքի փաստարկում է, ապա սույն գրախոսականում Պ. Սևակը, ելնելով ընթերցողի իմացական մակարդակի բարձրացման ու խորացման մտահոգությունից, արտահայտում է իր կարծիք-առաջարկը՝ կապված կեղծ կամ ժողովրդական ստուգաբանությունների հետ:

«Ծատ ավելի օգտակար կլիներ, – գրում է բանաստեղծը, – եթե Ա. Ղանալանյանն ԱՌԻԹՆ ՕԳՏԱԳՈՐԾԵՐ և կեղծ կամ ժողովրդական ստուգաբանությունների կողքին տար դրանց ՆԱԵՎ գիտական ստուգաբանությունը: Դրանով մենք կշահեինք կրկնակի. նախ՝ կխորանար մատուցվող նյութն ինքնին, ապա՝ կբարձ-

⁴⁹ Ա. Ղանալանյան, Առաջանի, Երևան, 1960:

րանար ընթերցողի իմացական մակարդակը...» (V, 386):

Ամենևին էլ զարմանալի չէր, որ 1971 թվականի մայիսին անվանի բանագետ Սարգիս Հարությունյանի «Մանուկ Աբեղյան» մենագրության՝ դոկտորական ատենախոսության պաշտպանության ժամանակ ընդդիմախոսը հենց Պ. Սևակն էր:

Գրականագիտության, բանագիտության և լեզվաբանության ասպարեզներում Աբեղյանի բեղուն գործունեության վերաբերյալ էլ ո՞վ կարող էր այդքան հիմնավոր իմացությամբ աչքի ընկնել, եթե ոչ մեծանուն գիտնականի շնորհաշատ ուսանողը:

19 ձեռագիր էջից բաղկացած նախնական կարծիքում և պաշտոնական ընդդիմախոսության մեջ Պ. Սևակը ոչ միայն հիմնավոր ու սկզբունքային գնահատական է տալիս պաշտպանության ներկայացված ատենախոսությանը, այլև գնահատանքի ու երախտիքի խոսք է հղում իր մեծ ուսուցչապետին. «Ոչ միայն կարող ենք, այլև պարտավոր ենք հպարտությամբ նշելու, որ հայագիտության բոլոր մեծ երախտավորների մեջ առ այսօր Մ. Աբեղյանն է ամենաներդաշնակ, ավելի ճշգրիտ բառով ասած՝ կատարյալ դեմքը... Աբեղյանի մեջ ներդաշնակ կյանքով ապրում էին թե՛ մեծ լեզվաբանը, թե՛ մեծ գրականագետը, թե՛ մեծ բանագետը՝ իրենց արանքում տեղ տալով նաև մեծ պատմաբանին և մեծագույն տաղաչափագետին... Աբեղյանը հիմնադիր գիտնական է առնվազն չորս դպրոցի՝ հայ բանագիտության, հայ հին և միջնադարյան գրականության, հայոց լեզվի և հայոց տաղաչափության»:⁵⁰

Գնահատելով նաև մենագրության հեղինակին՝ որպես «մեր բանագիտության այն սակավաթիվ կարող ուժերից, որոնք շարունակում են մեծն Մ. Աբեղյանի գործը՝ կատարելով այն, ինչ թերի է մնացել», Պ. Սևակը միաժամանակ բանավիճում է և՝ իր ուսուցչապետի, և՝ հայոց կաճառի իր գոչակից ընկերոջ ու բա-

⁵⁰ Սարգիս Հարությունյանի «Մանուկ Աբեղյան» դոկտորական ատենախոսության վերաբերյալ 19 ձեռագիր էջից բաղկացած Պարույր Սևակի կարծիքը՝ 1 էջ, և ընդդիմախոսությունը՝ 18 էջ, մեզ է տրամադրել վաստակաշատ բանագետի հայագետը, ինչի համար մեր երախտագիտությունն ենք հայտնում, էջ 12-13:

րեկամի հետ՝ ոչ թե վիճարկելի համարելով, այլ մերժելով մեր էպոսի 1000-ամյակի կապակցությամբ 1939թ. պատրաստած «Սասունցի Դավիթ» համահավաք բնագիրը՝ այն անվանելով ոչ լիարժեք գործ. «Մեր հանճարեղ էպոսն այնտեղ աղքատացել ու խեղճացել է՝ վերնագրից սկսած. «Սասունցի Դավիթը» թեպետ մեր վեպի գլխավոր ճյուղն է, բայց և շատ է հեռու վեպի ողջ ծանրությունը կրելուց: Մեր վեպը *Սասնա ծռերի* մասին է և ոչ թե այդ ծռերից մեկի: Մեր վեպում կան նաև հանճարեղ կտորներ, դեպքեր, գեղարվեստական մանրութներ, որոնց բացակայությունը համահավաք բնագիրը զրկում է գիտական և գեղագիտական պատշաճ հեղինակությունից:

Ժամանակն այնպիսին էր, – իր ասելիքն է հիմնավորում բանաստեղծ գիտնականը, – որ նույնիսկ Մ.Աբեղյանի նման անսասան ժայռը պիտի տեղի տար: Դրա համար այսօր ոչ ոք Աբեղյանին չի մեղադրում, բայց հանուն նույն Աբեղյանի և ի սեր աբեղյանականության՝ մենք այսօր պարտավոր ենք հակաքվե տալու համավաք բնագրին և լրջորեն մտածելու հակառակ ուղղությամբ. Յայաստանի գիտությունների ակադեմիայի հասրակական գիտությունների բաժանմունքի առաջիկա լուրջ գործերից մեկը պիտի լինի «Սասնա ծռերի» նոր և լիարժեք բնագրի ստեղծումը»⁵¹:

Բանագիտության ասպարեզում ծեռք բերած հիմնավոր գիտելիքները, հետազոտվող նյութի բազմակողմանի ուսումնասիրության և նրա տարաբնույթ կիրառության շրջանակները բանաստեղծ-գիտնականի պոեզիան դարձրել են էլ ավելի խորքային, բազմաշերտ ու բազմաձայն՝ թարմ շունչ և ինքնատիպություն հաղորդելով նրա լեզվամտածողությանը:

⁵¹ **Պ.Սևակ**, Սարգիս Յարությունյանի «Սանուկ Աբեղյան» դոկտորական ատենախոսության ընդդիմախոսություն (ծեռագիր), էջ 11^ա:

ՊԱՐՈՒՅՐ ՍԵՎԱԿԻ ԼԵԶՎԱՄՏԱԾՈՂՈՒԹՅԱՆ ԱԿՈՒՆՔՆԵՐԸ

1950-ական թվականների վերջերին Պարույր Սևակի պոեզիան իր ինքնատիպությամբ արդեն առանձնացել էր թե՛ իր նախորդներից, թե՛ ժամանակակիցներից: Նրա ստեղծագործությունները, մասնավորապես նրա լեզվամտածողությունն ու լեզվաշինությունը նոր շունչ ու թարմություն էին բերում հայ քնարերգությանը:

Պ.Սևակի չափածոյի լեզվաոճական հարցերին անդրադարձել են լեզվաբաններ Վարագ Առաքելյանը⁵² և Արտաշես Պապոյանը⁵³:

Պ.Սևակի ստեղծագործությունների լեզվաոճական առանձնահատկություններին հպանցիկ անդրադարձել են նաև գրեթե բոլոր գրականագետները: Բոլոր ուսումնասիրողներն էլ իրենց աշխատություններում խոսել են նաև Պ.Սևակի չափածոյի ագգային ակունքների, լեզվի ժողովրդայնության, նրա ստեղծագործությունների՝ ժողովրդական բանահյուսության ու ժողովրդական լեզվամտածողության հետ ունեցած աղերսների մասին:

Պ.Սևակի ողջ գրական ժառանգության՝ մեր կողմից կատարած քանակական վերլուծությունը աներկրա հաստատում է բանաստեղծի ինչպես չափածո, այնպես էլ արձակ ստեղծագործությունների և ժողովրդական բանահյուսության ու ժողովրդական լեզվամտածողության հետ ունեցած աղերսների առկայության փաստը⁵⁴:

Պ.Սևակն իր 30-ամյա գրական գործունեության ընթացքում չափածո և արձակ խոսքում օգտագործել է հայ և աշխարհի մի շարք ժողովրդների տարաբնույթ բանահյուսական ստեղծա-

⁵² Վ.Առաքելյան, «Անլոելի զանգակատուն» պոեմի ոճական առանձնահատկությունների մասին, «Սովետական գրականություն», 1963, թիվ 1:

⁵³ Ա.Պապոյան, Պ.Սևակի չափածոյի լեզվական արվեստը, Երևան, 1970: Նույնի Պ.Սևակի չափածոյի բառապաշարը, Երևան, 1970: Նույնի՝ Պ.Սևակի չափածոյի բառարան, Երևան, հ.1, 1981, հ. 2, 1982: Նույնի՝ Պ.Սևակի աշխատությունների և թարգմանությունների բառարան, Երևան, 1986:

⁵⁴ Տե՛ս աղյուսակ 3 և 4:

գործությունների 20 տեսակ՝ 1226 գործածությամբ (921-ը՝ չափածոյում, 305-ը՝ արձակ խոսքում): Բանաստեղծն ամենաշատը դիմել է առաջ-ասացվածքի տեսակին՝ (ընդհանուր գործածության գրեթե կեսը) 497 գործածությամբ (329-ը՝ չափածոյում, 168-ը՝ արձակ խոսքում) և ավանդությանը՝ 185 գործածությամբ (141-ը չափածոյում և 44-ը՝ արձակ խոսքում):

Ինչո՞վ էր պայմանավորված ժողովրդական բանավոր ստեղծագործություններին, իատկապես առաջ-ասացվածքներին այդքան մեծ տեղ տալու փաստի առկայությունը: Արդյո՞ք դրանց գործածությունը ստեղծագործական բոլոր շրջաններում համաչափ է դրսենորվել:

Բանահյուսական ստեղծագործություններին հատուկ է ժողովրդական մտածողությամբ ու պատկերավորությամբ հարուստ անբռնազբոս ու կենդանի խոսքը:

Առանց ժողովրդական լեզվամտածողության ակունքները թափանցելու, առանց հայոց լեզվի տարբեր շերտերի ու նրա բարբառների ծով հարստությանն ու գաղտնիքներին տիրապետելու, առանց ժողովրդական բանավոր ստեղծագործությունների ողջ գանձարանը յուրացնելու, նրա համով-հոտով դարձվածների ու առաջ-ասացվածքների քաղցրությունն ու իմաստնությունը զգալու և ընկալելու, ինչ խոսք, հնարավոր չեր լինի բառերի աշխարհը թափանցել և անկաշկանդ ու մտերմիկ զրույցի բնովել: Այդ պատգամն են մեզ ավանդել մեր գրականության բոլոր մեծերը, այդպես է մեզ ավանդել մեծն Թումանյանը, որը բազմիցս կրկնել է, որ «լեզուն չոր ու ցամաք բառերի շարան չէ կամ «տեր օղորմյա», և որ բանաստեղծի համար «ամեն բառը մի աշխարհ է» (V, 356):

Դեռ 1914 թվականին Վահան Տերյանն իր «Դայ գրականության գալիք օրը» հոդվածում մատնանշում էր այն ճշմարիտ ուղին, որով ընթանալու էր հայ գրականությունը:

20-րդ դարասկզբի հայ գրականության հրատապ լուծում պահանջող մի շարք խնդիրներից զատ, Տերյանը հայ գրողներից պահանջում էր լեզուն հասցնել բյուրեղացման, քանզի-

«...լեզուն ազգի հոգին է. կենսունակ է այդ հոգին, կենդանի է ազգը. կենսունակ է առաջինը, ուրեմն կենսունակ է և երկրորդը»⁵⁵: Եվ որպես հաստատում իր խոսքի՝ նա բերում է Հովհ. Թումանյանի օրինակը, որի ստեղծած «աչքի նման պարզ ու աչքի նման բարդ» գրական արժեքները կարող եին ուղենիշ դառնալ բոլոր գրողների համար:

«Այսօր Թումանյանը իր լեզուն հասցրել է այն բյուրեղանման պարզության, – գրում է Տերյանը, – որ մոտեցնում է նրան Պուշկինին, և որը նրա գերագույն արժանիքներից մեկը պիտի համարվի...»⁵⁶:

Տերյանի հոդվածից մոտ կես դար անց նույն մտահոգությամբ Պարույր Սևակը ևս ստիպված էր Տերյանի «բերանով»՝ «Տերյանը պահանջում է» (V, 57) սթափության կոչ-հոդվածով, դիմել որոշ գրողների ու գրականագետների՝ գրական լեզվի «գրքայնացմանն» ու «հյութագրկությանը» նպաստելու համար:

Քանի որ հայ գրականության գալիք օրով մտահոգ բանաստեղծը իրաշալի էր յուրացրել իր նախորդների՝ Թումանյանի և Տերյանի գրական դասերը, 1950-ականների վերջերին արդեն կարողացել էր իր լեզուն հասցնել «բյուրեղանման պարզության»:

Պարույր Սևակը լեզվաշինության մեջ թումանյանական ավանդների շարունակողը դարձավ, քանզի. «...նրա՝ լեզուն:

Զգում ես բարի կշիռն ու արժեքը, բարի գույնն ու երանգը, բարի համն ու հոտը, բարի ձայնն ու լրությունը» (V, 356):

Պ.Սևակը ծայրահեղ հեքիաթային, բայց դիպուկ և համոզիչ օրինակներով աշխատում է հաստատել այն պարզ ճշմարտությունը, թե բարը արժեք ու կշիռ է ձեռք բերում, երբ իր տեղում է գործածվում և գործածվում ինքնակամ, ոչ թե բռնի կամ բռնահանգով. «Բանից պարզվում է, որ տներ են շինում... աղաքարից (Սահարայի Տեգազի քաղաքում, որովհետև դա աշխարհիս ամենաչորային վայրն է, և աղը անձրևից հալվելու վախ չունի): Բայց այս հեքիաթանման իրողությունը մեզ համար պարզա-

⁵⁵ Վ.Տերյան, Յայ դասականների գրադարան, Երևան, 1989, էջ 326:

⁵⁶ Նույն տեղում, էջ 324:

պես նշանակում է, որ... ամեն բառ իր գործածության տեղը պիտի ունենա»⁵⁷:

Բառերի աշխարհը Պ.Սևակի համար հեքիաթային մի աշխարհ է: Նա իր աներևակայելի աշխատասիրությամբ ու նվիրումով տրվեց այդ աշխարհին, որ, հետո հասունացած ու իմաստնացած, տիրեր այդ նույն աշխարհին, բացահայտեր ու դառնար նրա լիիրավ տեր ու տիրակալը:

Բառը և կեղծիքը հակադիր մագնիսական բևեռների են նման. վանում են իրար: Կեղծ, սարքովի խոսքի մեջ բառն իրեն ամոթխած ու օտարված է զգում: Անկեղծ ու շիտակ խոսքով երբ քո աշխարհն ես բացում մարդկանց առաջ, անկախ թեմայից ու միջավայրից, բառն ինքն է գտնում քեզ:

Գրողի բնատուր շնորհն ու ստեղծագործական կարողությունները բացահայտվում և կյանքի են կոչվում լեզվամտածողության օգնությամբ:

Անկեղծ ու մտերմիկ զրույցը, առավել ևս՝ պոեզիայում, հանգեցնում է «կեսխոսքայնության», ժողովրդական դարձվածների ու ժողովրդական լեզվամտածողության զանազան դրսերումների ճիշտ ու տեղին օգտագործման, գրողի ստեղծագործությունների ժողովրդայնության. «Ժողովրդայնություն տվողը բառերը չեն, այլ հարազատ ժողովրդային լեզվամտածողությունը, պարզ, ոչ շինծու լեզուն, որ տրվում է հարազատ ժողովրդի կենդանի խոսքի ուշադիր դիտումով ու հմուտ օգտագործմամբ»⁵⁸:

Գեղարվեստական խոսքը պետք է կուտակված էներգիայի ինքնաժայթքման արդյունք լինի, ապրվածի անբռնագբոսիկ ու անկաշկանդ վերարտադրություն: Պ.Սևակի ստեղծագործական գործունեության առաջին շրջանում այդ ինքնաժայթքումը միշտ չէ, որ տեղի է ունենում: Դա էլ է հասկանալի. թե՛ տարիքն ու փորձը, թե՛ այդ ժամանակների գաղափարախոսությունն ու մի-

⁵⁷ Ղողանջ հիշատակի, Պ.Սևակ, Անցյալը ներկայացած, Երևան, 1991, էջ 284:

⁵⁸ Պ.Սևակ, ժամանակակից հայերենի համառոտ պատմություն, Երևան, 1948, էջ 124:

ջավայրը սահմանափակել էին նրա թոհչքի սահմանները, զրկել «ինքն իր հետ լինելու» հնարավորությունից: Այդ շրջանի մի շառք գործերում, ճիշտ է, կուտակված էներգիան առկա է, բայց ցանկալի ինքնաժայթքումը տեղի չի ունենում և... բառերն են մտքեր ծնողը, բառերի ու բառապատկերների օգնությամբ է դուրս կորզվում այդ էներգիան:

Առաջին շրջանի գործերում (1941-1955թթ.) բանաստեղծական խոսքի վրա նկատելի է խորհրդային լոգունգային գաղափարախոսության ազդեցությունը.

*Ինչո՞վ եք դուք օգնում
Կառուցմանը մեր նոր հնգամյակի...*

(«Քարտաշը», Ավանգարդ, 15.07.1947թ.)

*Դարկավոր էր կերտել դաստակերտներ քարից,
Դարկավոր էր կերտել գործարաններ բազում
Եվ քաղաքներ շինել պայծառ ու բազմամբոխ...*

(I, 27, 1947թ.)

Երբեմն էլ սակավաթիվ ժողովրդական դարձվածները անհարկի գրականացված են.

Ո՞ւր է սև ծանուցագիրը... (իմա՝ սև թուղթը – Ա. Ս.),

(I, 82, 1946թ.)

– Բարեկամներ ունե՞մ ես արտասահմանում. –

Որքան որ կամենաս, որքան շուրթդ բերի (իմա՝ ինքըան լեզուդ պտտի – Ա. Ս.):

(«Անձնական հարցաթերթիկ», I, 54, 1947թ.)

Չգիտի քեռին, որ այդ նույն պահին իրենց շրջկոմում

*Պահեստապետին ու նրա քեռուն պատին են գամում (իմա՝
պատին սեղմել – Ա. Ս.)*

(«Ինքն իր հետ», I, 197, 1954թ.)

Պ.Սևակի վաղ շրջանի գործերում գրեթե բացակայում են Աստված իմ, փառք Աստծո, Աստված գիտե, Աստված ծեզ հետ, ի սեր Աստծո, փառքդ շատ և նման այլ արտահայտություններ, իսկ բանաստեղծական պատկերները, մակդիրներն ու համեմատությունները կրում են այդ ժամանակների պարտադրված մտա-

ծողության կնիքը (աստծո նեխած ատամներ, դալկամիտ ու հիմար աստված, թթված մյուռոն...): Դրանք, բնականաբար, չեն բխում բանաստեղծի և բանաստեղծության ոգուց, իետևապես ժողովրդին հոգեհարազատ չդարձան ոչ այդ պատկերները, ոչ էլ դրանցով կառուցված բանաստեղծությունները:

Մինչև 1950-ական թվականների կեսերը Պ.Սևակի ստեղծագործություններում հանդիպող ժողովրդական լեզվամտածողության տարատեսակ դրսեորումները մեծ մասամբ չեն մերվել, չեն միահյուսվել բանաստեղծական ընդհանուր կառուցվածքում, քանզի այդ ընթացքում, բանաստեղծի խոստովանությամբ, ինքն ամեն կերպ սեփական ձայնը փոխել է ջանացել և իր էության հետ չի եղել. այն «փախստական էր դարձել». «...մեծ ու անծանոթ քաղաքի փողոցներում սառնամանիքի ու բքի մեջ շրջելիս ոչ թե ես էի փնտրում իմ կորուստը, այլ իմ փախստական էությունն էր փնտրում ինձ: Եվ մենք, վերջիվերջո, հանդիպեցինք...»,— այսպես է նկարագրում բանաստեղծն իր հոգեկան ճգնաժամի ավարտը «Անցյալը ներկայացած» ինքնակենսագրականում⁵⁹:

1950-ականների կեսերից սկսած՝ Պ.Սևակի պոեզիայում նկատելի շրջադարձ է կատարվում, շրջադարձ դեպի ժողովուրդն ու ազգային ավանդները, որի արդյունքում 1957թ. լույս տեսած «Նորից քեզ հետ» ժողովածուն է՝ իր «Ես»-ին վերադառնալու նախերգանք – խոստովանանքով՝

*Ես լեռներից իջնում եմ ցած՝
Պղտորությունըս պարզելով,
Ինչ-որ չափով հարստացած,
Ինչ-որ չափով նվազելով:
Ելման գետն իմ ջահելության
Սահանքները իմ փոթորկուն
Փոխարկում է մի մեղմության,
Որ խոռվքն է պահում խորքում:*

⁵⁹ Ղողանջ հիշատակի, Կազմող՝ Էդուարդ Մեհրաբյան, Երևան, 1991, էջ 275:

*Ղեմըս դաշտն է, հովիտն արծակ,
Կանաչապատ և ծառալի:
Զուր վատնումն է արդեն հանցանք,
Աղմբկելը՝ ժիժաղելի* (I, 151):

Ժողովածուի հրատարակության կապակցությամբ 1958թ. ապրիլին իր կրտսեր գրչակից ընկերոջը՝ իբրև նորարար բանաստեղծի, առաջիններից մեկը նկատեց ու նրա մուտքը Պատճառական ողջունեց Գուրգեն Մահարին. «Ահավասիկ մի պոետ, որ կարծես գիշերով ներս մտավ պոեզիայի դրաներից՝ բաց դրաները ջարդելով: Երբ Յելիկոնի գիշերային պահակը խիստ նկատողություն արավ այս անկարգության համար, բանաստեղծն անմեղ դեմք ընդունեց և արդարացավ.

– Դուքը ինացել եք, պետք է փոխել»⁶⁰:

Ի դեպ, «Անլոելի զանգակատուն» պոեմը դեռ չէր հրատարակվել, ավելի ճիշտ՝ ինքնահորդման ճանապարհին էր (1958թ. նոյեմբերի 21-ին էր ավարտելու, և հրատարակվելու էր 1959թ. օգոստոսին): Սա շեշտվում է, քանզի շատ-շատերը (և ոչ միայն ընթերցողները) այդ պոեմով էին ճանաչելու և գնահատելու բանաստեղծին:

Դրվատանքի խոսքերի հետ Գ.Մահարին նախ իր զարմանքն ու դժգոհությունն է արտահայտում գրական աշխարհի ութամսյա չպատճառաբանված լրության կապակցությամբ, այնուհետև ավագ ընկերոջ իրավունքով իր դիտողություններն է անում «Ութնյակների» առթիվ, բերում համոզիչ փաստարկներ. «Նոր մարդ է Սևակի լիրիկական հերոսը թե՛ իր դեմքով, թե՛ իր երգով, իսկ երբ մեկ-մեկ հոգնած դուրս է գալիս «Ութնյակների» մշակված մարգերում հանգստանալու, պահելով հանդերձ իր անհատականությունը, նա խունանում է, կորցնում է իր փայլը, իր շողբը»:

Այդ և հետագա տարիներին գրած բանաստեղծություննե-

⁶⁰ Գ.Մահարի, Ինքնատիպ բանաստեղծի հետ, «Գրական թերթ», 27.04.1958:

րում արդեն իսկ ակնառու է այն փաստը, որ բառերի ու բառակապակցությունների, սևակյան ինքնատիպ բառապատկերների ծննդի պատճառը կուտակված էներգիայի ժայթքման, ավելի ճիշտ՝ ինքնաժայթքման հետևանքով դուրս հորդած մտքերն են։ Բանաստեղծի քնարերգությունն արդեն դուրս էր Եկել նկարագրականի, իր իսկ բառերով ասած՝ «հեքիաթանաղլականի» շրջանակներից՝ վերածվելով ինքնաբուխ ու մտերմիկ զրույցի։ զրույց՝ ինքն իր հետ, մարդու ու աշխարհի հետ՝ մարդու և աշխարհի մասին։

Կիրովականի (այժմ՝ Վանաձոր) քիմիագործների մշակույթի պալատի լեփ-լեցուն դահլիճում բանաստեղծի 40-ամյակին նվիրված հոբելյանական արարողության հենց սկզբուն Պ.Սևակը ընդիատում է Ելույթները՝ պահանջելու պես խնդրելով՝ հանդիպումը մեծարման երեկոյից վերածել սրտաբուխ ու անկեղծ զրույցի։ «...Ես զրույց եմ ուզում, Զեզ հետ հանդիպում, այնպիսի զրույց, որի ընթացքում ասողն ու ունկնդիրը հավասարվեն իրենց տեղերով, բեմ ու դահլիճ չլինեն»⁶¹։

Այո, մտերմիկ զրույցի էր կարոտ 20-րդ դարի երկրորդ կեսի մարդ-ընթերցողը թե՛ առօրյա կյանքում, թե՛ բանաստեղծական աշխարհում, «երկու մտերիմների զրույցի», որի ունկնդիրն էր դառնալու, Բեռնարդ Շոուի խոսքերով ասած, աշխարհը (Պ.Սևակը հաճախ էր մեջ բերում անգլիացի դրամատուրգի թևավոր խոսքը՝ «Բանաստեղծները բարձրածայն խոսում են իրենք իրենց հետ, իսկ աշխարհը ականջ է դնում»):

Պ.Սևակը Եկել էր այն համոզման, որ գրականությունը, առավել ևս՝ պոեզիան «զինվորականի կոճկվածություն» չի սիրում ու չի հանդուրժում։ Այն պետք է ասելիքը ընթերցողին մատուցի այնպես ազատ ու անկաշկանդ, ինչպես ժողովրդական խոսքը՝ բանահյուսական ստեղծագործություններում։

Պ.Սևակի պոեզիայում և արձակում առկա ժողովրդական դարձվածների, առած-ասացվածքների, ազգագրական ու բա-

⁶¹ Մ.Սամթոյան, Սերնոի հոգևոր հացը, «Գրական լոռի», 1996, թիվ 3-4, էջ 22։

նահյուսական նյութերի և ժողովրդական մտածողության այլ-
կայլ դրսերումների՝ ստորև բերվող աղյուսակների քանակա-
կան վերլուծությունն ինքնին ցույց է տալիս, որ բանաստեղծի
ստեղծագործական վերելքն ու վարպետացումն ուղեկցվել է ժո-
ղովրդական բառ ու բանի, ժողովրդական դարձվածների և քևա-
վոր ասույթների կիրառման տեսակարար կշռի բարձրացումով:

Այսպես, 1941-1952թթ. Պ.Սևակը 6499 բանատողում օգտա-
գործել է ընդամենը 62 ժողովրդական դարձված (1941թ. 1265
բանատողում՝ 7, 1942թ. 2182 բանատողում՝ 10, 1947թ. 986
բանատողում՝ 8, իսկ 1948թ. 347 բանատողում՝ 2)⁶²:

Իսկ, ահա, միայն 1953թ. 1619 բանատողում բանաստեղծն
օգտագործել է 75 ժողովրդական դարձված, 1955թ. 478 բանա-
տողում՝ 27, 1956թ. 697 բանատողում՝ 59:

Ի դեպ, այստեղ չենք ուզում շեշտել ո՞չ «Անհաշտ մտերմութ-
յուն» (1947-52թթ., 1952թ. օգտագործած 127 ժողովրդական դարձ-
վածներից 120-ը պոեմում է) և ո՞չ էլ «Անլոելի զանգակատուն»
(1957-58թթ., 1958թ. օգտագործած 352 ժողովրդական դարձ-
վածից 350-ը պոեմում է) պոեմներն ու «Զեր ծանոթները» ման-
կական բանաստեղծությունների ժողովածուն (1969թ., 40 ժո-
ղովրդական դարձված), քանզի «նյութն ինքնին իրենով պայ-
մանավորում է ձեզ, ֆորման»:

Միևնույն պատկերն է նաև ինչպես ժողովրդական առած-
աացվածքների կիրառություններում (1941-51թթ. ընդամենը 5
գործածություն, այն էլ՝ ոչ իստակ, իսկ 1952-ից մինչև 1965
թվականը՝ 309 գործածություն)⁶³, այնպես էլ բանահյուսական և
ազգագրական նյութերի ու ժողովրդական լեզվամտածողութ-
յան այլևայլ դրսերումներում⁶⁴:

Նույն երևույթն է նկատելի նաև բանաստեղծի արձակ խոս-
քում: 1941-56 թվականներին գրած գործերում (4561 տող) կի-
րառվել է ընդամենը 11 ժողովրդական դարձված, իսկ բանա-
հյուսական և ազգագրական նյութերի ու ժողովրդական մտա-
ծողության զանազան դրսերումները 77-ն են⁶⁵:

⁶² Տե՛ս աղյուսակ 3:

⁶³ Տե՛ս աղյուսակ 13:

⁶⁴ Տե՛ս աղյուսակ 3:

⁶⁵ Տե՛ս աղյուսակ 4, 14:

Իսկ 1957-71 թվականներին գրած ստեղծագործություններում (33079 տող) առկա է ժողովրդական դարձվածի 403 գործածության (որից 31-ը՝ ակնարկներում, 250-ը՝ «Սայաթ-Նովա» աշխատության մեջ) և բանահյուսական ու ազգագրական նյութերի և ժողովրդական լեզվամտածողության այլևայլ դրսերումների 1295 գործածության (որից 44-ը ակնարկներում և 500-ը «Սայաթ-Նովա» աշխատության մեջ) քանակական աճ⁶⁶:

Ժողովրդական լեզվագրատահայտչամիջոցների, դարձվածների և ժողովրդական բանարվեստի տարատեսակների զանազան դրսերումները Պ.Սևակի ստեղծագործություններում նորովի հնչողություն են ձեռք բերում՝ կենդանի շունչ և թարմություն հաղորդելով մեր գեղարվեստական խոսքին:

Պ.Սևակի չափածո և արձակ խոսքում ժողովրդական լեզվագրատահայտչամիջոցներին այդքան մեծ տեղ տալը, բնականաբար, բխում էր պոեզիայում «կեսխոսքայնության»՝ բանաստեղծի որդեգրած դավանանքից: Այդ մոտեցումն էլ, կամա թե ակամա, պետք է պարտադրեր այնպիսի խտացված ու պատկերավոր արտահայտություններ ընտրել, որ հնարավոր լիներ քիչ խոսքով շատ բան ասել: Իսկ այդ հնարավորությունը կարող էր ընձեռել միայն ժողովուրդն իր պատկերավոր լեզվամտածողությամբ ու լեզվաշինության դարավոր կենսափորձով, իր բառ ու բանով, գունագեղ դարձվածներով ու բանահյուսական ստեղծագործություններով:

1920-1950-ական թվականներին գրականություն ներթափանցած թեմաները, ուզեմն թե չուզեմն, ներկայացվում էին (այո՛, ներկայացվում, քանզի մեծ մասամբ դրանք ոչ թե ինքնաբուխ արվեստի գործեր էին դառնում, այլ ներկայացումներ) անկենդան և արհեստական: Պետությունն իր գաղափարախոսությամբ ժողովրդական՝ բանվորագյուղացիական էր, գրականությունն ու լեզուն՝ կտրված ժողովրդականից:

«Բավական է մի կենդանի խոսք, ժողովրդական մի դարձ-

⁶⁶ Նույն տեղում:

վածք, որ մեջտեղ գա «բարբառային» բառը՝ «գուեհիկի» ուղեկցությամբ և նատուրալիզմի թիկնապահությամբ» (V, 64). – դժգոհում է բանաստեղծն ու ցավով շարունակում, – մեր գրողներից շատերը խուսափում են կենդանի, հյութեղ, պատկերավոր, խոսուն դարձվածքներից, նույնիսկ հարադրություններից՝ գերադասելով գրական համարվածը, եթե ոչ՝ պիտի մեջտեղ գա տիսրահոչակ «բարբառայինը»:

Ժողովրդական լեզվաբարտահայտչամիջոցների հանդեպ ունեցած Պ.Սևակի մոտեցումն արդեն վերափոխվել էր մտածելակերպի, դարձել ստեղծագործական կենսածն, էռություն և հոգեբանություն:

Ծիշտ է, բանաստեղի տարերքը պոեզիան էր, սակայն *արձակը ևս խորթ չի եղել* նրա հոգուն, քանզի ներսում կուտակածը վերաբարդելու արձակի հնարավորությունները շատ ավելի մեծ են:

«Շատ եմ ուզում արձակ գրել, որ մենք էլ զգանք՝ ժողովուրդ ենք, ունենք մեր բառ ու բանը, մեր աղաքներն ու սովորությունները, մեր մտածողությունն ու հոգեբանությունը: – Լ. Զախվերդյանին գրած նամակներից մեկում իր ցանկությունն ու մտահոգությունն է արտահայտում Պ. Սևակը և շարունակում, – Թե չէ՝ որ այսպես գնա, մեր սովորությունները կդառնան ազգագրական ժողովածուների, մեր կենդանի խոսքը՝ բառարանների նյութ»⁶⁷:

Դեպի ազգայինի, ժողովրդական լեզվամտածողության ակունքները գնալու այս աստիճանական գործընթացն էլ, անշուշտ, նպաստել է Պ. Սևակի մտածելակերպի ձևավորմանը՝ ժողովրդական լեզվաբարտահայտչամիջոցները դարձնելով «մտածելածնից բխող տարերք»։ «Իսկական մեծ արվեստագետի, ժողովրդական գրողի երկերում դրանք (ժողովրդական դարձվածները – Ա.Ս.) մերթ ընդ մերթ կամ նույնիսկ հաճախ հանդիպող ինչ-որ «նախընտրելի» ձևեր չեն կամ արտահայտչական միջոցներ, որոնք կարող են ընդարձակվել այստեղ ու այնտեղ, այլ

⁶⁷ Լ. Զախվերդյան, Պարույրը, Երևան, 1987, էջ 89:

բնավորությունից ավելի տարերք են, որ բխում են մտածելաձևից»⁶⁸:

Եթե Պ.Սևակի արձակ խոսքում (գրականագիտական հոդվածներ և ուսումնասիրություններ, ակնարկներ, նամակներ և այլն) ժողովրդական լեզվաբարտահայտչամիջոցներն ու ազգագրական ու բանահյուսական նյութերի բազմաբնույթ դրսեռումները առավելապես ազդակներ, խթանիչներ են՝ ասելիքը տեղ հասցնելու համար (այդ երևույթն ակնառու է մասնավորապես այլ ժողովրդների բանարվեստից արված մեջբերումներում), ապա չափածոյում այդ կիրառությունները վերջին շրջանի գործերում արդեն դարձել են մտածողություն, բանաստեղծական կերպարի բացահայտման լիարժեք միջոցներ և այնպես են ձուլված չափածո խոսքին, որ մասնագիտական սրատես աչքն անգամ երբեմն դժվարանում է տարանջատել դրանք:

Բացառությամբ 13 մանկական ստեղծագործությունների՝ Պ. Սևակի վերջին շրջանի գործերում ազգագրական ու բանահյուսական նյութերի և ժողովրդական լեզվամտածողության տարատեսակ դրսեռումներն ու դարձվածները խոսքի ընդհանուր կառուցվածքում միահյուսվել, տարրալուծվել են, բառային ընդհանուր համաձուլվածքում դարձել գրեթե անտեսանելի:

Դարձվածներով մտածելու Պ.Սևակի նման մոտեցումն է նկատի ունեցել Արտ. Պապոյանը, երբ գրում էր. «Ինչպես օդն ու լույսը՝ կյանքի, դարձվածները խոսքի կենդանության ու պատկերավոր արտահայտության կենսառու աղբյուր են: Դրանք ընդհանուր իյուսվածքի գույների խաղի մեջ երբեմն մինչև իսկ կարող են մնալ աննկատելի, ինչպես անբռնելի ու անշոշափելի նույն օդն ու լույսը»:

Պ.Սևակի բանարվեստի լեզվի ուսումնասիրությունը ի հայտ է բերում դարձվածներով մտածելու հենց այսպիսի ունակություն»⁶⁹:

⁶⁸ Ա.Պապոյան, Պարույր Սևակի չափածոյի լեզվական արվեստը, Երևան, 1970, էջ 73:

⁶⁹ Նույն տեղում:

Պ.Սևակի պոեզիայի ազգային արմատների, նրա լեզվամտածողության ակունքների վերաբերյալ իր փայլուն դիտարկումն է արել գրականագետ Սուրեն Աղաբաբյանը.

«...Սևակը զգալիորեն ճշխացրեց հայոց բանաստեղծության բառապաշարը, հարստություններ պեղելով հնադարյան Գողթան երգերից ու միջնադարյան հայրեններից, պատմական մատյաններից ու ժողովրդական վեպից, գեղջկական ասմունքից ու գրական հուշարձաններից, գրաբարից ու կենդանի բարբառների ժխորից: Եվ այդ մեծ հարստությունը ճախարակեց իր գործատանը՝ դրանց վրա դնելով սևակյան ուժեղ կնիքը, ստեղծելով մի լեզու, որն ունի և հնադարյան հայերենի հանդիսավոր շունչը, և ժամանակակից լեզվի կենդանի թրիռը, և նրա բանաստեղծական ուժը, և բանաստեղծական քննչությունը, նրա ճկունությունն ու ամրությունը, գեղեցկությունն ու դիպուկությունը»⁷⁰:

Պարույր Սևակի ստեղծագործությունների ազգային արմատների ու լեզվամտածողության ակունքների ուսումնասրությունը ևս հաստատում է այն պարզ ճշմարտությունը, որ գրողի մեծությունն ու ժողովրդայնությունը ազգային ավանդների հետ ունեցած սերտ առնչության մեջ է, ժողովրդական բառ ու բանի և լեզվամտածողության տարակերպ ու ինքնատիպ դրսերումների մեջ:

Բանաստեղծը, ըստ Սևակի, «...փնտրող է՝ ինչոր բանի հետևից ընկած, որի տեղը իրեն հաճախ հայտնի էլ չէ: Եվ բախտավոր են այն քչերը, որ հեքիաթի պուճուր որդու պես գտնում են խոսքի կախարդական խնձորը, որից, ճիշտ հեքիաթի պես, իրենք էլ համտես չեն անում, բայց պտուղն ուտում են սերունդները»⁷¹:

Այո՛, Պարույր Սևակը եղավ այն բախտավոր քչերից, որը կա-

⁷⁰ Ս.Աղաբաբյան, Բարի երազ Զե՞զ, սիրելինե՞ր, «Սովետական Հայաստան» օրաթերթ, 6.02.1974:

⁷¹ Խ. Սաֆարյան, Իմ Պարույրը, «Հայաստանի Հանրապետություն», Երևան, 4.09.1993:

ոռղացավ փնտրել ու գտնել գեղարվեստական խոսքի կախարդական այգու դրները բացող հրաշք բանալին և ձեռք բերել իր՝ սևակյան ինքնատիպ համն ու հոտն ունեցող «անմահական խնձորն» ու ի պահ տալ գալիք սերունդներին:

Ե

ՊԱՐՈՒՅՐ ՍԵՎԱԿԻ ԼԵԶՎԱՄՏԱԾՈՂՈՒԹՅՈՒՆ ԵՎ ԹԱՐԳՄԱՆԱԿԱՆ ԳՐԱԿԱՆՈՒԹՅՈՒՆ

Պարույր Սևակի լեզվամտածողության ինքնատիպ դրսենորման ոլորտներից մեկն էլ նրա թարգմանչական գործունեությունն է:

Պ.Սևակի թարգմանություններին անդրադարձել են գրականագետներ Ա.Արիստակեսյանը⁷² և Դ.Գասպարյանը⁷³: Դ.Գասպարյանը հետագայում ընդարձակել է իր հոդվածը և «Պարույր Սևակը թարգմանիչ» խորագրով ընդգրկել բանաստեղծին նվիրված մենագրության մեջ:⁷⁴

Ամենահին նպատակ չունենալով անդրադառնալ թարգմանական գրականության արդի խնդիրներին և Պ.Սևակի կատարած թարգմանությունների մանրամասն քննությանը (բնագրերի հետ համեմատություններն ու դրանցից բխող գնահատականները ուսումնասիրության շրջանակներից դուրս են)՝ այստեղ մենք փորձել ենք ներկայացնել թե՛ թարգմանությունների վերաբերյալ բանաստեղծի տեսական հայացքները, թե՛ նրա մի քանի թարգմանություններին առնչվող որոշ մանրամասներ՝ կանգ առնելով հատկապես ազգային ակունքների հետ սերտորեն կապված գրողների ստեղծագործությունները հնարավորինս ճիշտ վերարտադրելու և ընթերցողին հասու դարձնելու սևակյան ընկալումների ու մոտեցման եղանակների վրա:

Թե՛ իր գրական-թարգմանական գործունեությամբ, թե՛ հայ գրողների միությունում ստանձնած աշխատանքով Պ.Սևակն էապես նպաստել է թարգմանական գրականության առաջընթացին:

Բանաստեղծն իր հոդվածներում, ՀԳՄ թարգմանիչների սեկ-

⁷² Ա.Արիստակեսյան, Պարույր Սևակ, Երևան, 1974, էջ 105 -108:

⁷³ Դ.Գասպարյան, Աշխարհի հետ, «Գրական թերթ», 24.01.1986, թիվ 4:

⁷⁴ Դ.Գասպարյան, Պարույր Սևակ. կյանքը և ստեղծագործությունը, Երևան, 2001, էջ 353-370:

ցիայում կարդացած գեկուցումներում ու գրական բանավեճերում հաճախ է անդրադարձել գեղարվեստական թարգմանությունների ժամանակ եղած թերություններին, ահազանգել այդ թերությունների՝ կենդանի-խոսակցական և գրական լեզվի վրա ունեցած բացասական ազդեցությունների մասին, մատնանշել այն ուղիներն ու անելիքները, որոնցով հնարավոր էին վերացնել դրանք:

«Սայաթ-Նովա» աշխատության մեջ Պ.Սևակը, անդրադառնալով Սայաթ-Նովայի ժողովրդական պատկերավոր լեզվամտածողությանը և արևելյան բանարվեստի բազմաթիվ տեսակների կիրառություններին, ցավով է անդրադառնում մեծ սիրերգակի խաղերի թարգմանությանը՝ ծանոթության մեջ նշելով «որ տեղը չէ և տեղին չէ ծանրանալու» Սայաթ-Նովայի խաղերի ռուսերեն թարգմանություններին, քանզի այն «ցավ ի սրտի», չի լինի դրվատական և ուրախառիթ»:

«Իտալացիք, – գրում է Պ.Սևակը, – առաջ ունեն. «Թարգմանիչ-դավաճան» (այսինքն՝ թարգմանիչը դավաճան է): Որքան էլ մեծատաղանդ լինի և բանաստեղծին բոլորանվեր սիրահարված՝ այսուհանդերձ Սայաթ-Նովայի թարգմանիչը չի կարողանա չիայտարարել, որ իր լավագույն արդյունքի մեջ էլ Սայաթ-Նովայի հանդեպ ինքը «դավաճան» է՝ քառակուսված կամ խորանարդված, որովհետեւ, – շարունակում է իր միտքը բացել Պ.Սևակը, – անկարելի է թարգմանել Սայաթ-Նովային և «չդավաճանել» նրան – այնքան բարդ է սրա բանաստեղծական տեխնիկան, այնքան բազմազան ու դժվարին են սրա բանեցրած բանաստեղծական ձևերն ու տեսակները, այնքան բարձր ու կատարյալ է սրա վարպետությունն ու արվեստը...»⁷⁵:

Երկու տարի անց Հովի. Թումանյանի ծննդյան 100-ամյակին նվիրված հանդիսությունների օրերին պատրաստած «Թումանյանի հետ» գեկուցման մեջ Պ.Սևակը կրկին անդրադառնում է ժողովրդական ավանդների հետ սերտորեն կապված գրողների

⁷⁵ Պ.Սևակ, Սայաթ-Նովա, Երևան, 1969, էջ 358-359:

ստեղծագործությունների թարգմանություններին առնչվող խնդիրներին:

Խոսելով հայ գրականության մեջ Յովի. Թումանյանի խաղացած վիթխարի դերի մասին՝ նրա գրական հարուստ ու բազմաշերտ ժառանգությունը Սևակը փորձում է պատկերացնել նաև ազգայինի շրջանակներից դուրս՝ օտարների աչքերով: Սակայն ցավով անմիջապես էլ ավելացնում է. «...Եվ այսպիսիք, որ ամենաբախտավորներն են, ունեն նաև մի դժբախտություն, որ ընդհանուր է իրենց համար:

Սրանք եթե անթարգմանելի էլ չեն, ապա թարգմանվելիս ցավալիորեն շատ-շատ են կորցնում:

Սրանցից ամեն մեկն էլ կարող է իր մասին ասել Տերյանի խոսքը.

– Մեզ չի հասկանա օտարերկրացին:

Ըստ որում, ոչ օտարերկրացին է մեղավոր, որ «չի հասկանա», ոչ էլ իրենք, որ «չեն հասկացվի»:

Սրանց բնույթն է այդպիսին, որովհետև իրենք են մարմնացումը այն ամբողջ յուրահատուկի, այն ամբողջ տեսակարարության, որով մեկ ազգ – մեկ տեսակ զանազանվում է այլ ազգ – տեսակներից» (Վ, 354-355):

Պ.Սևակի լեզվամտածողության ակունքների ուսումնասիրությունը հաստատում է այն իրողությունը, որ հավատարիմ մնալով թումանյանական ավանդներին՝ բանաստեղծն ինքն էլ ինչ-որ չափով դարձավ այն դժբախտներից, որոնք թարգմանվելիս «ցավալիորեն շատ-շատ են կորցնում»:

Այդ կապակցությամբ ահա թե ինչ է գրում Սևակի ստեղծագործությունների լեզվական հարցերի հմուտ գիտակ ու մեկնաբան Արտ. Պապոյանը. «Նախ նկատենք, որ Պ.Սևակը խորապես ազգային գրող է, և նրան թարգմանելը շատ դժվար գործ է, գրեթե անհնարին: Ինչպես վկայվել է բազմից (С. Гайсерян, Сколько шагов от подленника до перевода?, "Литературная газета", 5-ը փետրվարի, 1963թ.), թարգմանության մեջ չեն պահպանվել բնագրի փայլը, գույների երանգները, բառապա-

շարի ու դարձվածների հյութեղությունը, տողերի ենթմաստները և այլն...»⁷⁶:

Իսկ «Մարդը ափի մեջ» ժողովածուի թարգմանության կապակցությամբ ռուս գրականագետ Սուրովցեր նշում է, որ «...բավական թույլ թարգմանության մշուշը... վարագուրում է Պ. Սևակի բանաստեղծական արժանիքներից շատերը»⁷⁷:

Հունգար թարգմանիչ Ժուժա Ռաբը, տարիներ անց վերիիշելով Պ. Սևակի հետ իր առաջին ծանոթության մանրամասները, գրում է, որ երբ ինքը՝ որպես թարգմանիչ, հյուրընկալվել էր Երևանում, ինչ առաջին օրից զգացել է մագնիսի պես դեպի իրեն ձգող Պարույր Սևակ մարդ-անհատի վիթխարի ուժը: Նրա մեջ անհագ հետաքրքրություն է առաջանում ծանոթանալ նաև Պ. Սևակ բանաստեղծի հետ՝ խնդրելով նրանից ռուսերեն թարգմանված որևէ ժողովածու:

Սևակը աղաչում-պաղատում է, որ հանկարծ իր գործերի թարգմանություններից չկարդա (քանզի դրանք գրեթե կապ չունեին բնագրի հետ), և խոստանում է հունգարուհուն ուղարկել իր իսկ ծերքով արված դրանց տողացի թարգմանությունները:

«...Ինչևիցե, – գրում է Ժուժա Ռաբը, – իրենից գաղտնի գտա ու կարդացի: Եվ, անկեղծ ասած, նույնիսկ զարմացա իր շուրջ ստեղծված փառքի վրա: Սակայն վերադարձից հետո, երբ ստացա իր արած տողացիները, նոր միայն հասկացա, որ պետք էր հարգել նրա խնդրանքը»⁷⁸:

Թարգմանությունների ու թարգմանիչների վերաբերյալ բազմաթիվ թեսակոր ասույթներ են ստեղծվել: Դրանցից մեկն էլ ասում է, թե թարգմանությունը կես խնձոր է, որի մյուս կեսը կերել է ինքը՝ թարգմանիչը:

Լավ է ասկած, բայց թարգմանվող հեղինակի նկարագիրն ու

⁷⁶ Ա. Պապոյան, Պարույր Սևակի չափածոյի լեզվական արվեստը, Երևան, 1970, էջ 17:

⁷⁷ Ю. Суровцев «Поэтические города», «Литературная газета», Москва, 12.02.1963:

⁷⁸ Գ. Բաղրամյան, Ղանութի ափերին հիշում են Պարույրին, «Գարուն», 1985, թիվ 6:

նրա ստեղծագործության ոգին հնարավոր է վերարտադրել, եթե թարգմանիչը խնձորի այդ կեսն ուտելիս օտարազգի գրողի աստվածատուր շնորհի յուրահատուկ համն ու հոտն է զգում և այն սրտացավ ու տքնածան աշխատանքով դնում «փրկված» մյուս կեսի մեջ:

Վերլուծելով Պարույր Սևակի «Դարակեսի պարգևները» շարքը՝ գրականագետ Ալմաստ Զաքարյանը մանրակրկիտ ու համակողմանի քննության է առնում «Առաջադրանք համայն աշխարհի» բանաստեղծությունը: Ֆրանսերեն հրատարակված հայոց բանաստեղծության անթոլոգիայում տեղ գտած այդ գործը Ռուբեն Մելիքի վկայությամբ առանձնակի ուշադրության է արժանանում ֆրանսիացի ընթերցողի կողմից:

«Իրոք, օտարին կարող է իրապես ցնցել Սևակի զգացողությունը, – գրում է Ա. Զաքարյանը, – եթե, իհարկե, թարգմանչին հաջողվի բանաստեղծի լավագույն ստեղծագործությունները ներկայացնել համարժեք, համակող արվեստով: Իսկ դա ենթադրում է ոչ միայն թարգմանչի բանաստեղծական օժտվածություն, այլև հայոց պատմության, ճակատագրի ու մշակույթի որոշ համակողմանի իմացություն, մինչև իսկ տեղյակություն հայոց հնամենի ժամանելիք, քանի որ Սևակը շարականի, գանձի, տաղի, աղոթքի և ըղձասացության, աղերսի-ողբի, վարքի, ասքի, խոհի...ըստ ամենայնի նորոգող, գուգավորող-խաչավորող նորարար է...»⁷⁹:

Բանաստեղծները, Պ. Սևակի դիպուկ ու պատկերավոր արտահայտությամբ, Աստծո քարտուղարներ են՝ Աստծո պատվիրանները ժողովրդին փոխանցելու առաքելությամբ աշխարհ եկած թլվատ Մովսեսներ:

Նրանք ինքնակամ իրենց ուսերին են առնում ծանր ու պատասխանատու մի բեռ ևս՝ Ահարոնի պես դառնալ թարգմանը այլ ժողովուրդների Աստծո քարտուղարների շաղ տված շռայլ պարգևների:

⁷⁹ Ա. Զաքարյան, Պարույր Սևակի «Դարակեսի պարգևները», «Գրական թերթ», 29.09.1989, թիվ 40:

Պարույր Սևակի թարգմանական գործունեությունը ընթացել է գրեթե նրա ստեղծագործելուն գուգահեռ՝ 1947թվականից մինչև 1968 թվականը:

Մոսկովյան ուսանողական տարիների ընթացքում գրական-մշակութային շրջանակների հետ ընձեռված շփման լայն հնարավորությունները, աներևակայելի աշխատասիրությունը, ընթերցասիրությունն ու կարդացած զեկուցումները մեծապես նպաստում են Պարույր Սևակ բանաստեղծի մտածողության ձևավորմանը: Այդ ամենն ինքնաբերաբար ճանապարհ են հարթում, որպեսզի Մոսկվայի ԽՍՀՄ գրողների միության Մաքսիմ Գորկու անվան համաշխարհային գրականության ինստիտուտն ավարտելուց անմիջապես հետո՝ 1957թվականին, նա աշխատանքի տեղավորվեր նույն ինստիտուտի գեղարվեստական թարգմանության ամբիոնում՝ որպես հայոց լեզվի ավագ դասախոս:

Այդ և հետագա տարիներին Պ.Սևակն էլ ավելի է խորամուխ լինում գրական թարգմանական գործունեության մեջ:

Ծուրջ 20 տարիների ընթացքում նա թարգմանել է խորհրդային Միության և աշխարհի այլ ժողովուրդների իննունից ավելի բանաստեղծների ստեղծագործություններ:

Պ.Սևակ թարգմանչի պատասխանատվության գգացումը թարգմանվող գործի հանդեպ այնքան մեծ է եղել, որ ոչ մի անգամ նա իր խղճին դեմ չի գնացել: Ոուսերենի միջոցով կատարվող թարգմանությունների ժամանակ նա չի բավարարվել ձեռքի տակ եղած օրինակով, համադրել է դրա՝ մինչ այդ եղած բոլոր ռուսերեն թարգմանությունները, և եթե դա էլ չի բավարարել, դիմել է Գորկու անվան համաշխարհային գրականության ինստիտուտում սովորող տվյալ ազգի ներկայացուցիչների օգնությանը:

«Ձեռքիս տակ է ոչ միայն ռուսերենը, – ք.Բոտևի բանաստեղծությունների ժողովածուի իրատարակության կապակցությամբ Մոսկվայից գրում է Պ.Սևակը Հայպետիրատի գեղարվեստական գրականության բաժնի վարիչ Գ.Հովսեփյանին, – այլև բնագիրը և բուլղար ընկերների ջերմ օգնությունը: Այնպես որ այս անգամ առանց ամաչելու կարելի է գործի վրա գրել. «թարգմանությունը՝ բուլղարերենից»⁸⁰:

⁸⁰ Ա.Արիստակեսյան, Պարույր Սևակ, Երևան, 1974, էջ 106:

Երբ 1966 թվականին Բուդապեշտում բանաստեղծների համաեվրոպական կոնգրեսի անցկացման օրերին, հունգարացիները հայտնում են իրենց մտադրությունը հայ պոեզիայի անթոլոգիա կազմելու վերաբերյալ, Պարույր Սևակը պատրաստակամությամբ հանձն է առնում նպաստել այդ գործին, մասնավորապես հայ բանաստեղծների ստեղծագործություններում հանդիպող պատկերների խորքերն ընկալելու և թարգմանաբար ճիշտ վերարտադրելու աշխատանքներին:

Այդ օրերին հյուրընկալվելով հունգար արևելագետ, Բուդապեշտի համալսարանի պրոֆեսոր Էդմոնդ Շյուցի բնակարանում՝ Պ.Սևակը ոչ միայն տանտիրոջն օգնում է Սայաթ-Նովայի տաղերի՝ ճիշտ շեշտադրությամբ կարդալուն, այլև էջերի վրա մատիտանշումներ է առնում, բացատրում դրանց տաղաչափության առանձնահատկությունները՝ նշելով, որ «ամենահին հայկական ժողովրդական շեշտավոր տաղաչափությունը միացած է անտիկ՝ հունահռոմեական տաղաչափության՝ միջին դարերում վերամշակված տարբերակին, որոնց գումարվել են առաջավոր Արևելքի աշուղական առանձնահատուկ ձևերը»:

«Դիմա, երբ կարդում եմ նրա ցույց տված մետրիկայով, – տարիներ անց գրում է Է.Շյուցը, – Սայաթ-Նովայի բանաստեղծությունը դառնում է երաժշտություն, ինչում երգի պես: Երկյուղածությամբ եմ պահպանում այս հատորը, որ այնքան պիտանի է լինելու մեր հրատարակելիք ժողովածուին»⁸¹:

Բուդապեշտից վերադառնալուց հետո Պ.Սևակը մեծ պատասխանատվությամբ ու նվիրումով հրատարակված տարբեր ժողովածուներից ընտրում է հայ հնագույն բանահյուսության նմուշներ, հայրեններ, ժողովրդական խաղիկներ, տողացի թարգմանում, այնուհետև կնոջ՝ Նելլիի ձեռքով դրանք վերարտագըրվում են և ուղարկվում Հունգարիա:

Թարգմանչուհու՝ ժումա Ռաբի խոսքերով դա մի անգնահատելի հարստություն էր՝ «օտար թարգմանիչին երազելիի չափ

⁸¹ Գ.Բաղդասարյան, Դանուի ափերին հիշում են Պարույրին, «Գարուն», 1985, թիվ 6, էջ 74:

օժանդակող իմաստային երանգների բացատրություններով, ազգային հատկանիշների պարզաբանմամբ, ինչական և հանգավորման առանձնահատկությունների մանրամասումով»⁸²:

«Ըստ իս, – գրում է հունգար հայագետ Պալ Սալմաշին, – այդ տողացիներն ինքնին կարող են դառնալ ուսումնասիրության շատ ուշագրավ նյութ: Եթե համեմատելու լինենք նույն բանաստեղծությունների զուգահեռ թարգմանությունները, ապա կնկատենք սևակյան տողացիներով արվածների առավելությունը»⁸³:

Նույն սրտացավությամբ ու պատասխանատվությամբ էլ ժուժա Ռաբն է օգնում Պարույր Սևակին՝ հունգար 24 բանաստեղծների ստեղծագործությունները հայերեն թարգմանելիս⁸⁴:

Պ.Սևակը չեր հանդուրժում նաև, եթե օտարին ներկայացվող հեղինակների ցուցակում ոմանք հայտնվում էին ծանոթախնամիական արմատացած սովորությամբ:

«Ամո՞թ է, էլի, – պայթել է բանաստեղծը, եթե Բուդապեշտում Պալ Սալմաշին նրան ցույց է տվել «Եվրոպա» իրատարակչության՝ իրատարակվելիք հայկական նովելների ժողովածուն. (մի քանի անուն նրան սարասափելի զայրացրել էր), – նման մարդկանց կարելի է հարգել ու պատվել, բայց ոչ գրականության մարզում, որի հետ ոչ մի առնչություն չունեն»⁸⁵:

«Պետք է գրել քառակովի, կուռ ծուլածո տողերով, ճոխ հանգավորմամբ (կամ անհանգ, նույնիսկ առանց չափի, – միևնույն է), – Վահե Հովակիմյանին իղած նամակներից մեկում գրում է Պ. Սևակը, – բայց միշտ հիշելով, թե սույն քո քառյակը (պատկերիամեմատությունը, միտքը) ինչպես կերև, ի՞նչ տպավորություն կրողնի մեկ այլ լեզվով, այսինքն՝ ոչ միայն հայի, այլև, առհասարակ, մարդու վրա..., մեզ համար լավ գրելու համար մեզ

⁸² Գ.Բաղդասարյան, Դանութի ափերին իիշում են Պարույրին, «Գարուն», 1985, թիվ 6, էջ 76:

⁸³ Նույն տեղում, էջ 70:

⁸⁴ Հունգար բանաստեղծներ (թարգմանություններ և ծանոթագրություններ՝ Պ.Սևակի), Երևան, 1968:

⁸⁵ Գ.Բաղդասարյան, Դանութի ափերին իիշում են Պարույրին, «Գարուն», 1985, թիվ 6, էջ 71:

պետք է նայենք *ուրիշի աչքով...*»: Բայց միաժամանակ էլ բանաստեղծը նախազգուշացնում էր, որ անհրաժեշտ է զերծ մնալ «բառային կախարդանքի» վրա ուժ գործադրելուց կամ օտար լեզուների համար «հարմար» բաներ գրելուց, քանզի երկուսն էլ խանգարում են արվեստի կատարյալ գործերի կայացմանը:

Սևակը կրկնակի պատասխանատվության զգացումով էր լցվում հատկապես մինչև ուղն ու ծուծը ազգային լեզվամտածողությամբ առլեցուն բանաստեղծների երկերը թարգմանելիս (Պուշկին, Լերմոնտով, Միցելիչ, Նեկրասով, Ռայնիս, Եսենին...): Ի դեպ, վերոհիշյալ հեղինակների գործերի թարգմանությունները Պ.Սևակը կատարել է Մոսկվայում ուսանելու և աշխատելու տարիներին, երբ արդեն իսկ ակնառու էր ստեղծագործական շրջադարձը դեպի ազգային ակունքներն ու սեփական եսը:

Ձեռնարկած գործի հանդեպ ունեցած պատասխանատվության զգացումն է եղել պատճառը, որ 1954թ. հոկտեմբերին Ադամ Միցելիչի «Կոնրադ Վալենրոդ» թարգմանելիս բանաստեղծը ոչ միայն համեմատում է պոեմի ռուսերեն տարբեր հրատարակությունները, այլև կարդում լեի բանաստեղծի մասին եղած գրականությունը:

Յան Ռայնիսի ստեղծագործությունների ժողովածուն Հայաստանում հրատարակելու համար 1955թ. աշնանը Պ.Սևակին առաջարկվում է թարգմանել «Փչի՛, քամի՛» պիեսը:

Թարգմանությունը բանաստեղծը կատարում է միջնորդ լեզվից՝ ռուսերենից, սակայն արդյունքը նրան չի գոհացնում, քանզի զգում է, որ «բնագիրն ուրիշ հնչողություն պիտի ունենա»:

Պ.Սևակի խնդրանքով գրականության ինստիտուտի ուսանողությունի լատիշուիի Մայա Առաքստկլանան պիեսի բնագիրը համեմատում է ռուսերեն երկու թարգմանությունների հետ: «Պարզվեց, որ ռուսերեն երկու թարգմանությունն էլ (մանավանդ այն նորը, որ ես իիմք էի ընդունել) մի բանի նման չեն, ավելի ճիշտ՝ շատ վատ բանի նման են – ամեն քայլափոխում աղճատումներ, անհարկի հեռացումներ բնագրից, ավելացումներ ու պա-

կասացումներ: Խիղճս թույլ չտվեց թարգմանությունը այդ վիճակում ուղարկել «Պետիրատ», – Մոսկվայից Գ. Յովսեփյանին հղած նամակում գրում է բանաստեղծը:

Սևակը կարդում է պիեսի ռուսերեն թարգմանված երկու տարբերակներն ու զգում, որ «բնագիրն ուրիշ հնչողություն պիտի ունենա»:

Ռայնիսի «Փչի՛ր, քամի՛»⁸⁶ չափածո պիեսի ոգուն հարազատ մնալու համար (որպեսզի թարգմանելիս ամեն մի պատկեր, ժողովրդական ամեն մի դարձված ճիշտ ընկալվեր ու հայերեն վերարտադրվեր) Պ. Սևակը Մայա Առաջականայի օգնությամբ ամբողջությամբ մխրճվում է լատիշ ժողովրդի լեզվամտածողության ակունքների մեջ, ուսումնասիրում պիեսի բանահյուսական արմատները, նոր միայն ձեռնամուխ լինում թարգմանական աշխատանքներին:

«Ի՞նչ իմանայի, որ Սևակի ուզածը Ռայնիսի պոեզիան խորքից տնտղելն էր, նրա ժողովրդական ակունքների մեջ մխրճվելը, պիեսի բանահյուսական արմատների ծնունդն ուսումնասիրելը, – տարիներ անց վերիիշում է Մայա Առաջականան: – Ես նրան պիտի պատմեի, թե ինչպես է դարերով հղկվել մեր ժողովրդական երգը՝ դայնան, և ի՞նչ ռիթմական կառուցվածք, կերպարայնություն ունի այն: Այսինքն՝ պետք է բացեի բառի տարողունակությունը: Եվ վերջապես՝ պետք է ներկայացնեի, թե ինչպես ժողովրդական փոքրիկ քառատողը Ռայնիսի հանճարեղ միջամտությամբ դառնում է բանաստեղծական դրամա՝ մեծ սրտի ու հպարտ հոգու տեր աղջկա և նրա բարոյական սխրանքի մասին: Փաստորեն, հայ բանաստեղծը ստիպեց ինձ նորովի մխրճվել իմ ժողովրդի հոգևոր ակունքները...»⁸⁷:

Ռայնիսի «Փչի՛ր, քամի՛ն» իինգ գործողությամբ պիես է՝ ստեղծված լատիշական ժողովրդական «Փչի՛ր, քամի՛» (կամ՝ «Փչի՛ր, հովիկ») պանդխտության երգի հենքի վրա: Գործողու-

⁸⁶

Յ. Ռայնիս, Ընտիր երկեր, Երևան, 1957:

⁸⁷ Մ. Առաջականա, Յոգևոր կամուրջներ, Ղողանջ հիշատակի, Երևան, 1991, էջ 47-48:

թյուններն ու կերպարները հեքիաթային շղարշով են պատված, ժողովրդական սովորությունները՝ իդեալականացված:

Թարգմանելիս Սևակը հավատարիմ է մնացել Ռայնիսի ստեղծագործության և լատիշական ժողովրդական երգի ոգուն՝ ազգային սովորությունների ֆոնի վրա պահպանելով պատումի ժողովրդական շունչն ու քնարականությունը, ժողովրդական բառ ու բանի, լեզվաօճական զանազան դրսերումների ճիշտ և տեղին գործածությունը.

«Փչի՛ր, քամի՛, քշիր գյամի՛,
Տար հասցրու մեզ Կուրզեմե...»
Ուրախ ու տիսուր այս երգն է հնչում,
Որից անուշ երգ չեմ լսել երբեք
Իմ պամոխստության ծիգ տարիներին:
Ո՞ւր է այն քամի՛, որ հանկարծ փչեր
Ու մեր նավակն էլ տաներ հայրենիք:
...Եհ, որ այդպես է – թող երգը, նավակ,
Ու եղանակն էլ մեզ քամի դառնա:
Նստե՛ք, եղբայրնե՛ր իմ վտարանդի,
Գեթ երազանքով հայրենիք թռչենք: ⁸⁸

1968թ. Ռիգայում իրատարակվում է Պ. Սևակի «Զեռքեր» ժողովածուն՝ Մայա Առևստկլանայի առաջաբանով: Բանաստեղծությունների ընտրանին կազմելուն և տողացի թարգմանելուն մեծապես օգնել է ինքը՝ Սևակը՝ թարգմանիչների համար պայմաններ ստեղծելով թափանցել բառերի, բառապատկերների և ժողովրդական ու հեղինակային թևավոր ասույթների խորքերը՝ հնարավորության սահմաններում հարազատ մնալ բնագրին:

Հենց այդ երկկողմանի պատասխանատու և տքնաջան աշխատանքի շնորհիվ է, որ «դժվար թարգմանվող» բանաստեղծի 8000 տպաքանակով գիրքն անմիջապես սպառվում է, և Պ. Սևակը դառնում է նաև լատիշ ժողովրդի սիրելի բանաստեղծը:

Սուկովյան տարիների գրչակից ընկերոջ՝ մանկագիր Մարտ

⁸⁸ Յ.Ռայմիս, Ընտիր երկեր, Երևան, 1957, էջ 456:

Աբրահամյան-Թաթիկյանի վկայությամբ ռուս հեղինակներից մեկի պատմվածքի՝ «У вора шапка горит» վերնագիր-առաջը ինքը թարգմանում է տողացի՝ *գողի գլխին գլխարկն է վառվում*: Այդ պահին ներկա տնօրինող Պ.Սևակը, աչքի անցկացնելով թարգմանությունը, անմիջապես նկատում է. «Քու՞ր ջան, ախր սա մեր «Գող, սիրտը՝ դող» ասացվածքն է»⁸⁹:

Աշխարհի ժողովուրդների բանահյուսական ստեղծագործությունների սևակյան 273 կիրառություններից, առած-ասացվածքի տեսակը երկրորդն է (9 ժողովուրդների 41 ասույթ):

Լինելով կայուն բառակապակցություններ՝ դրանք և ժողովրդական դարձվածների նման դժվար թարգմանելի են, իսկ պոեզիայում դրանց գործածությունները՝ շատ հաճախ՝ անհնար: Դա է պատճառը, որ Պ.Սևակը այլ ժողովուրդների առած-ասացվածքները գործածում է գերազանցապես արծակ խոսքում (37 ասույթ):

Այլ ժողովուրդների առած-ասացվածքներից օգտվելիս Սևակը կամ միանգամից մեջ է բերում դրա հայերեն տողացի թարգմանություն-փոխադրությունը, նոր միայն հայերեն տարբերակը, կամ էլ հայերեն տողացի թարգմանության հետ նրա ռուսերեն բնագիրը՝ «Ռուսները, ըստ իրենց առածի, բարի համար ձեռքը գրպանը չեն տանում (за словом не лезут в карман): Սայաթ-Նովան էլ բարի համար իր գրպանը չի խառնում..., սա ոչ այնքան բարեր է գտնում, որքան ճարում է միևնույն բառ-զգացմունքի հոմանիշները»⁹⁰:

«Ամենաաստվածային հեղինակն էլ, – գրում է ֆրանսիացի բանաստեղծ, կլասիցիզմի տեսաբան Նիկոլա Բուալոն, – առանց լեզվի վատ գրող է»:

Պարույր Սևակը քաջ գիտակցում էր, որ հատկապես այլ ժողովուրդների՝ ազգային ակունքների հետ սերտորեն կապված

⁸⁹ Ս.Աբրահամյան-Թաթիկյան, Փառք և օրինություն հիշատակին քո, Երևան, 1993 (մեջբերումը կատարել ենք հեղինակի ձեռագրից, որը չի ընդգրկվել ջրքում):

Պ.Սևակ, Սայաթ-Նովա, Երևան, 1969, էջ 147:

գրողների ստեղծագործությունները թարգմանելիս թարգմանի-չը, հարազատ լեզվի հմուտ գիտակ լինելով հանդերձ, պարտա-վոր է քաջատեղյակ լինել նաև թարգմանվող լեզվի բոլոր հնա-րավոր նրբերանգներին, ժողովրդական տաղաչափության գաղտ-նիքներին, մանավանդ ժողովրդական դարձվածներին ու պատ-կերավոր թեավոր ասույթներին: Դակառակ դեպքում, թարգմա-նությունը կարող էր վերափոխվել ոգեզուրկ ու խղճուկ արտա-պատկերի:

Թե՛ թարգմանությունների վերաբերյալ ունեցած իր հայացք-ներով, թե՛ գրական-թարգմանական գործունեությամբ (մասնա-վորապես 1950-ականների կեսերից հետո) Պ.Սևակը ասես մեկ անգամ ևս հաստատում է ստեղծագործական իր դավանանքը, այն է՝ «սիմֆոնիզմով» հագեցած ասելիքը մատուցել «կեսքոս-քայնությամբ»՝ շաղախսված ժողովրդական լեզվամտածողութ-յան տարրերով:

ԱՇԽԱՐՁԻ ԺՈՂՈՎՈՒՐԴՆԵՐԻ ԲԱՆԱՀՅՈՒԹՅՈՒՆԸ ԵՎ ՊԱՐՈՒՅՐ ՍԵՎԱԿԸ

Ժողովրդական բանարվեստի, դիցաբանության և ազգագրության վերաբերյալ Պարույր Սևակի իմացությունը չեր սահմանափակվում սոսկ ազգայինի շրջանակներում:

Նա քաջատեղյակ է եղել ինչպես Արևելքի հնագույն ժողովուրդների, այնպես էլ աշխարհի մի շարք ժողովուրդների բանահյուսությանն ու դիցաբանությանը՝ իր չափածո և արձակ խոսքում հաճախակի անդրադառնալով դրանց:

Եթե հայկական դիցաբանության և բանահյուսության ցանկացած տեսակի ցանկացած դրսերում մատուցվող նյութի հանրահայտության պատճառով գեղարվեստական խոսքում ոչ միայն չեն խոչընդոտում ասելիքի ընկալմանը, այլև մեծապես նպատում են դրա պատկերավոր վերարտադրությանն ու նպատակառությանը, ապա այլ ժողովուրդների բանարվեստի տարատեսակ դրսերումների առկայությունը, մասնավորապես պոեզիայում, շատ բանով կախված է այն հանգամանքից, թե որքանո՞վ է օգտագործվող նյութը ընկալելի ընթերցողին:

Գեղարվեստական երկերում այլ ժողովուրդների բանավոր ստեղծագործությունների կիրառությունը, անշուշտ, շատ բանով կախված է կամ տվյալ ժողովրդի բանահյուսական ստեղծագործությունների՝ գրական մշակման ճանապարհով թարգմանաբար տարածվածությունից, կամ էլ փոխառությամբ նմանատիպ սյուժեների առկայությունից:

Առանց ծանոթ լինելու մատուցվող նյութին, ընթերցողը չի կարող հաղորդակցվել հեղինակին ու ասելիքը մարսել, առավել ևս, եթե չափածոյում դրանք մատուցվում են մասնակի, երբեմն էլ՝ ակնարկային կամ միջնորդավորված գործածությամբ:

Այլ ժողովուրդների բանահյուսական ստեղծագործությունները ևս, եթե դրանք ամբողջական մշակումներ չեն, բնականաբար, պետք է դրսերվեին իրենց որևէ էական՝ հատկանշական

կողմով՝ պատկերավոր ձևով հաստատելով կամ ժխտելով հեղինակի ասելիքը:

Պարույր Սևակի ստեղծագործություններում, մասնավորապես չափածո խոսքում, դրանց գործածություններն ինքնանպատակ չեն և բխում են հեղինակի առաջադրած խնդիրներից, այն է՝ պոեզիան հնարավորինս վերածել «երկու մտերիմների միջև անկեղծ և անկաշկանդ զրուցի»; որի կարևոր բաղադրամասերից մեկն էլ «կեսխոսքայնությունն» է:

Իր գրականագիտական և իրապարակախոսական հոդվածներում, գիտական ուսումնասիրություններում, գրախոսություններում, ակնարկներում, նամակներում ու զանազան հարցագրույցներում բանաստեղծը հաճախակի է դիմում աշխարհի մի շարք ժողովուրդների բանահյուսական ստեղծագործություններին: Չափածոյում այդ հնարավորությունը չնայած սահմանափակ է, այնուամենայնիվ դրանց կիրառությունները գերազանցում են արձակին:

Բանահյուսական նյութերի 1226 ընդհանուր կիրառություններից 953-ը հայկականն է (78%)՝ 765-ը՝ չափածոյում, 188-ը՝ արձակ խոսքում, այլ ժողովուրդներինը՝ 274-ը (22%)՝ 157-ը՝ չափածոյում, 117-ը՝ արձակ խոսքում⁹¹:

Եթե հայկական բանարվեստի նմուշներն ընդգրկում են բանահյուսության 20 տեսակ⁹², ապա աշխարհի 16 ժողովուրդների բանարվեստի ընդամենը 6 տեսակ է գործածվել՝ առասպել, եպոս, ավանդություն, առակ, առած-ասացվածք և հեքիաթ⁹³:

Ամենաշատը՝ 4-ական տեսակ, իունականն է (առասպել, եպոս, ավանդություն, առած-ասացվածք) և ռուսականը (ավանդություն, առակ, առած-ասացվածք), 3-ական տեսակ՝ հրեակա-

⁹¹ Տե՛ս աղյուսակ 8, 9:

⁹² Բանահյուսության տեսակի գործածության չափանիշ ընդունելիս հաշվի է առնվել ոչ միայն տվյալ ստեղծագործության անդրադարձն ամբողջությամբ, մասնակի կամ կառուցվածքային հատկանշական գծերով, այլև ասելիքի ներքին ոգուց բխող տեսակի մատնանշումը:

⁹³ Տե՛ս աղյուսակ 9 և 12:

նը⁹⁴ (ավանդություն, առակ, առած-ասացվածք), արաբականը՝ (ավանդություն, հեքիաթ, առած-ասացվածք) և հռոմեական-իտալականը (առասպել, ավանդություն, առած-ասացվածք), 2-ական՝ պարսկականը (էպոս, ավանդություն), թուրքականը (ավանդություն, առած-ասացվածք) և մեկական տեսակ՝ ասուրաբելականը (առասպել), եգիպտականը (ավանդություն), լեզգիականը (առած-ասացվածք), թուրքմենականը (առած-ասացվածք), ֆրանսիականը (առած-ասացվածք), դանիականը (հեքիաթ) և անգլիականը (հեքիաթ):

Պ.Սևակի չափածոյում օգտագործվել է 9 ժողովուրդների բանահյուսության 6 տեսակ՝ 157 կիրառությամբ, իսկ արձակ խոսքում՝ 13 ժողովուրդների 6 տեսակ՝ 117 գործածությամբ:

Եթե հայկականի կիրառություններում ամենամեծ քանակը կազմում է առած-ասացվածքի տեսակը՝ 456 (չափածոյում՝ 325, արձակում՝ 131), ապա այլ ժողովուրդների բանարվեստի ստեղծագործությունների 274 գործածություններում գերակշռողը ավանդությունն է՝ 162 (59%), չափածոյում՝ 125 (77%), արձակում՝ 37 (23%):

Հայկական բանարվեստի նմուշների գործածություններում, ի տարբերություն արձակի, բանահյուսության գրեթե բոլոր տեսակները չափածոյում գերակշռում են: Այլ ժողովուրդների բանավոր ստեղծագործությունների կիրառություններում, բացառությամբ ավանդության և հեքիաթի, արձակը գերազանցում է չափածոյին⁹⁵:

Ընդ որում, ավանդության մեծ քանակի առկայությունը չափածոյում պայմանավորված է աստվածաշնչյան ավանդապատումների հաճախակի գործածությամբ, իսկ հեքիաթինը՝ համապատասխան հեքիաթների («Ոսկե ձկնիկ», «Գեղեցկուիի Վասիլիսա», «Հազար ու մի գիշեր», «Թագավորի նոր հագուստը»,

⁹⁴ Յրեական – իմա՝ աստվածաշնչյան:

⁹⁵Տե՛ս աղյուսակ 8:

«Ալիսը հրաշքների աշխարհում»⁹⁶) նաև հայկական միջավայրում գրական մշակման ճանապարհով և թարգմանաբարդրանց տարածվածության հետ:

Այլ ժողովուրդների բանարվեստի նմուշների 274 գործածություններից 217-ը (79%) հրեականը և հունականն են, մնացած 14 ժողովուրդներից գործածությունները կազմում են ընդամենը 21% (56 գործածություն):

Չափածոյում 157 գործածության 147-ը հրեական և հունական ժողովրդական ստեղծագործություններն են, մնացած 14 ժողովուրդներից միայն յոթի բանարվեստի նմուշներից է չափածոյում անդրադարձ եղել, այն էլ՝ 9 անգամ (2 առասպել՝ ասուրա-բաբելական և հռոմեահիտալական, 1 ավանդություն՝ հռոմեական և 5 հեքիաթ՝ 2 դանիական, 1-ական ռուսական, արաբական և անգլիական ու 1 էպոս՝ գերմանական):

Աշխարհի ժողովուրդների բանահյուսական ստեղծագործությունների 274 կիրառություններից 162-ը (59%) հրեականաստվածաշնչյան բանարվեստի նմուշներն են, 125-ը՝ չափածոյում (77%), 37-ը՝ արձակ խոսքում (23%)⁹⁷:

Իսկ ինչո՞վ էր պայմանավորված Պ.Սևակի ստեղծագործություններում հրեական բանարվեստի նմուշների, մասնավորապես ավանդագրույցների, այդքան մեծ քանակը:

Առանց բացառության, հրեական բանարվեստի բոլոր 162 գործածություններն ել իրենց տեսակներով (ավանդություն, առած, առակ) աստվածաշնչյան են՝ հրեական կամ հին աշխարհի ժողովուրդներից հրեաներին անցած:

Աստվածաշնչյան տարատեսակ ժողովրդական ստեղծագործություններից օգտվելու գերակայությունը պայմանավորված էր Սուլբ գրքի՝ քրիստոնյա ժողովուրդների հավատքի ուղենիշ

⁹⁶ Անգլիացի գորոդ և գիտնական Լուիս Քերոլի «Ալիսը հրաշքների աշխարհում» և «Ալիսը հայելու աշխարհում» գրքերում լայնորեն օգտագործվել է անգլիական ժողովրդական բանահյուսությունը և այն անգլիական գրականության մեջ նոր դասական հեքիաթի օրինակ է:

⁹⁷ Տե՛ս աղյուսակ 9:

հանդիսացող հանրագիտարան լինելու հանգամանքով: Քրիստոնեության ընդունման 1700-ամյակը թևակոխած հայ ժողովրդի համար ոչ միայն խորք չէին, այլև հոգեհարազատ են եղել նրա ամեն մի խոսքն ու պատվիրանը:

Ինչպես աշխարհի քրիստոնյա բոլոր ժողովուրդները, այնպես էլ հայ ժողովուրդը, Աստվածաշունչը թարգմանելով, սեփականացրել է նրա բազմաթիվ ավանդագրույցները, առակները, դարձվածները և ասույթները՝ դրանք դարձնելով իր բանակոր մշակույթի անբաժանելի մասը:

Պ.Սևակի աշխարհայացքի և մտածողության ձևավորումը ընթացել է խորհրդային պետության կողմից որդեգրած հակակրոնական քաղաքականության՝ աթեստական դաստիարակության պայմաններում: Շատ հաճախ էլ այն ծայրահեղ դրսերումներով է արտահայտվել, ընդհուպ մինչև կրոնական գաղափարախոսության հենքի վրա ստեղծված ազգային մշակութային արժեքների հերքումն ու ոչնչացումը:

Սակայն այդ տարիներին անգամ Պ.Սևակն իրեն բնորոշ ու սթափ հայացքով էր նայում իրականությանը՝ գրականության մշակներին և արվեստագետներին հորդորելով ոչ միայն կարդալ, այլև յուրացնել ողջ Աստվածաշունչը, քանզի «ով չի կարդացել Աստվածաշունչը, նա չի կարող իսկական իմաստով գրագետ մարդ կոչվել, առավել ևս՝ գրականագետ: Իսկ ով չի սերտել «Երգ Երգոցը», նա չի կարող գաղափար ունենալ պոեզիայի սկզբնականի մասին...»⁹⁸:

Աստվածաշունչը, ըստ Պ.Սևակի, բոլոր ժամրերի ու սյուժեների սկիզբն է, և նրանից է դուրս եկել ողջ համաշխարհային գրականությունը. «Նրա հիման վրա են ստեղծվել համաշխարհային գրականության ու արվեստի գլուխգործոցները: Վկա «Աստվածային կատակերգությունը», Նարեկը, Ռափայելը»⁹⁹:

19-րդ դարավերջի և 20-րդ դարասկզբի՝ Հին Արևելքում կատարված պեղումների արդյունքները և կավե աղյուսների վրա

⁹⁸ Ա.Սարինյան, Պարույր Սևակը գուգահեռի վրա, «Գարուն», 1981, հ.11, էջ 62-63:

⁹⁹ Նույն տեղում, էջ 63:

արված «Գիլգամեշ» դյուցազնավեպի՝ շումերերեն, խուռիերեն, խեթերեն և աքքաղերեն լեզուներով սեպագրերի վերջանությունները նոր էջ էր բացում Արևելքի հնագույն ժողովուրդների պատմության ու մշակույթի ուսումնասիրության ասպարեզում։ Այդ հայտնագործությունների շնորհիվ և հնագիտական, ազգագրական ու բանագիտական հարուստ նյութերի համադրությամբ մեկնաբանվում են նաև Աստվածաշնչյան մի շարք ավանդագրույցներ՝ դրանց ստեղծման պատմությունը հետ տանելով մի քանի հազարամյակ և կապելով շումերների, աքքաղացիների, արամեացիների, փյունիկեցիների և այլոց կյանքում նշանակալի, երբեմն էլ աղետալի հետևանքներ ունեցած բնական և հասարակական մի շարք երևույթների հետ։

Անժխտելիորեն ապացուցվում է նաև Աստվածաշնչի վրա ունեցած «Գիլգամեշի» ազդեցությունը։

«Եբրայեցոց Սուրբ գիրքը, իսկապես, մի Ամենամատյան էր գիտության և արվեստի բազում բնագավառների» (V, 178), – գրում է Պ.Սևակը։

Ունենալով գիտնականի խորաթափանցություն և ճկուն միտք՝ Պ. Սևակը համոզված էր, որ Աստվածաշնչը սոսկ քրիստոնեական ու հուդայական կրոնին դավանող ժողովուրդների սուրբ գիրք չէ և ոչ էլ խորհրդային քաղաքագետների կողմից հորջորջված ցնդաբանությունների ժողովածու, և որ Աստվածաշնչի հրաշապատումներում պատմականը սերտորեն շաղախված է առասպելականի հետ։

«...Յիմա գիտությունը սկսել է լոջորեն զբաղվել Աստվածաշնչի պատմական և առասպելական հիմքերի բացատրությամբ, – Պ.Սևակի խորհրդածություններն էր ներկայացրել իր հոդված-հուշագրությունում գրականագետ Սերգեյ Սարինյանը, – և անցած քաղաքակրթության ուսումնասիրությունը դեռ շատ առեղծվածներ կբացի Աստվածաշնչի էջերում»¹⁰⁰։

Պ.Սևակի օգտագործած աշխարհի ժողովուրդների բանա-

¹⁰⁰ Ս.Սարինյան, Պարույր Սևակը զուգահեռի վրա, «Գարուն», 1981, հ.11, էջ 63:

հյուսական 274 ստեղծագործություններից 162-ը ավանդություններ են, որոնցից 145-ը աստվածաշնչան ավանդագրույներ են, 120-ը՝ չափածոյում, 25-ը՝ արձակ խոսքում (ընդհանուր ավանդությունների (185) գործածության 78 %-ը և այլ ժողովուրդների (162) 89 %):

Հրեական-աստվածաշնչան բանարվեստի նմուշների կիրառություններում գերակշռում է ավանդության տեսակը, իսկ հունական գործածություններում (55), որը կազմում է ընդհանուր օգտագործման 4,5%-ը, օտարի՝ 20%-ը, գերակշռում է առապելը՝ 32 (չափածոյում՝ 14, արձակում՝ 18), այնուհետև հաջորդում է էպոսը՝ 11 (համապատասխանաբար 4 և 7), ավանդությունը՝ 10 (4 և 6), ապա՝ առած-ասացվածքը՝ 2 (0 և 2): Այլ ժողովուրդների բանահյուսության 6 տեսակների կիրառություններից 3-ում օտար գործածությունները գերազանցում են հայկականին¹⁰¹:

առասպել – հայկականը՝ 25(20 և 5), օտարը՝ 34 (16 և 18)
ավանդություն – հայկականը՝ 24 (17 և 7), օտարը՝ 162 (125 և 37)
առակ – հայկականը՝ 1 (0 և 1), օտարը՝ 14 (2 և 12)

Դայ ժողովրդի քաղաքական և մշակութային կյանքը հնագույն ժամանակներից սերտորեն կապված է եղել Դայաստանին հարակից երկրների ժողովուրդների հետ, ուստի և գիտամշակութային կյանքի փոխադարձ ներթափանցումներն օրինաչափ էին, նույնիսկ՝ անհրաժեշտություն:

Ասուրաբելական, հունահռոմեական, պարսկական և իրեական առասպելները, էպոսներն ու ավանդությունները գալիք սերունդներին են փոխանցվել Յոմերոսի, Ֆիրդուսու, հույն և հռոմեացի ողբերգակների, իրեա ու Արևելքի այլ ժողովուրդների բանաքաղաների միջոցով: Դրանց հերոսներն իրենց հատկանշական կողմերով ներթափանցել են նաև հայկական բանարվեստ՝ դառնալով նրա մշակույթի անքակտելի մասը:

Դետեսաբար, գրականության մեջ դրանց և ամբողջական, և

¹⁰¹Տես աղյուսակ 8:

մասնակի դրսեորումները չեն կարող ընկալելի չլինել նաև հայ ժողովրդին: Նման ստեղծագործությունների սևակյան տարատեսակ կիրառությունները, մասնավորապես չափածոյում, գրող՝ ընթերցող մտերմիկ և անկեղծ զրույցի ժամանակ ոչ միայն չեն խոչընդոտում, այլև նպաստում են նրանց մերձեցմանն ու երկխոսության կայացմանը:

Դանիական, ռուսական և արաբական հեքիաթների մասնակի կիրառությունները Պ.Սևակի չափածո և արձակ խոսքում բխում էին դրանց գրական մշակման ճանապարհով և թարգմանաբար (Անդերսեն, Պուշկին, «Հազար ու մի գիշեր») հայ ընթերցողին հայտնի լինելու հանգամանքով:

Իսկ ընթերցողին անծանոթ կամ քիչ ծանոթ բանահյուսական ստեղծագործություններից օգտվելիս Սևակն անպայման մատնանշում է նախ՝ աղբյուրը, այնուհետև՝ ներկայացնում նյութն ամբողջությամբ: Նմանօրինակ անդրադարձներն, ինչ խոսք, առկա են միայն բանաստեղծի արձակ խոսքում (արաբական թանաքի մասին պատմող և չինական փիլիսոփայական ուսմունքին՝ դառսականությանն առնչվող «առասպել-առակների»¹⁰² օգտագործումը «Հանուն և ընդդեմ ռեալիզմի նախահիմքերի» հոդվածում):

Բացառությամբ հրեական-աստվածաշնչյան մի քանի իմաստնությունների՝ Պ.Սևակի չափածոյում այլ ժողովուրդների առած-ասացվածքներ չեն օգտագործվել: Սակայն բանաստեղծի արձակ գործերում, մասնավորապես ակնարկներում և հրապարակախոսական հոդվածներում դրանք մեծ քանակ են կազմում՝ 37¹⁰³:

Իր արձակ խոսքում այլ ժողովուրդների իմաստախոսությունները հայ ընթերցողին մատչելի դարձնելու համար Սևակը նախ՝ տողացի թարգմանում է տվյալ առած-ասացվածքը (ընդորում, այդ թարգմանությունների գերակշիռ մասը կատարվում

¹⁰² Սևակյան նման բնորոշումները բխում են տվյալ ստեղծագործության մեջ այլ տեսակներին հատուկ ժանրային գծերի առկայությունից:

¹⁰³ Տե՛ս աղյուսակ 12:

է ռուսերենի միջնորդությամբ), այնուհետև՝ փորձում հնարավորինս ներկայացնել դրանց համահունչ հայկական տարբերակը։ Ծատ դեպքերում էլ ժողովրդական ասույթը մեջ է բերվում միայն ռուսերեն։

Դայ ժողովրդական բանահյուսական ստեղծագործությունների հետ աշխարհի մի շարք ժողովուրդների բանարվեստի նմուշների տարակերպ կիրառությունները Պարույր Սևակի չափածու և արծակ գործերում, անշուշտ, բխում էին նախ՝ «մարդուն մարդ պահելու» և նոր միայն՝ «մարդուն Մարդ դարձնելու» սևակյան մտահոգությունից ու նպատակամղումից։

ԳԼՈՒԽ ԵՐԿՐՈՐԴ

ԲԱՆԱԳՐՅՈՒԹՅԱՆ ՏԵՍԱԿՆԵՐԸ Պ. ՄԵՎԱԿԻ ՍՏԵՂԾԱԳՈՐԾՈՒԹՅՈՒՆՆԵՐՈՒՄ

Թե՛ չափածոյում, թե՛ գիտական ուսումնասիրություններում, գրաքննադատական և հրապարակախոսական հոդվածներում, ակնարկներում, ինքնակենսագրություն-հուշագրությունում, նաև ակներում ու հարցագրույցներում Պ.Մեվակը հաճախ է դիմում ժողովրդական բանահյուսությանը՝ ստեղծագործության նյութ դարձնելով ինչպես հայ, այնպես էլ աշխարհի մի շարք ժողովրդների վիպական և քնարական ժանրի բանարվեստի տեսակները՝ սկսած առասպելից, էպոսից, հեքիաթից, ավանդությունից ու երգից, մինչև վիպական ժանրի փոքրածավալ ստեղծագործությունները՝ առած-ասացվածքներն ու անեօք-օրինաքնները:

Ժողովրդական բանահյուսության տեսակների գործածության քանակական պատկերն արտացոլող առյուսակներից¹⁰⁴ պարզորոշ երևում է ոչ միայն ժողովրդական բանարվեստի, այլև նրա առանձին տեսակների հանդեպ ունեցած Պ.Մեվակի ակնհայտ վերաբերմունքը:

Այսպես, ինչպես չափածո, այնպես էլ արձակ խոսքում ժողովրդական բանահյուսության տեսակների 1226 գործածությունների մեջ գերակշռողը առած-ասացվածքներն են՝ 497 կիրառությամբ (ընդհանուր գործածության 40%-ը), որոնց մեջ հայկականը պատկառելի քանակ է կազմում՝ 456 (մոտ 92%-ը, այլ ժողովրդներինը՝ ընդամենը 8%):

Երկրորդը՝ ավանդությունն է՝ 185 (ընդհանուր գործածության 15%-ը): Այս տեսակի կիրառությունների մեջ գերակշռում են այլ ժողովրդներինը՝ 185-ից 161-ը (87%), որի 89%-ը (144 օրինակ) աստվածաշնչյան ավանդագրույցներն են¹⁰⁵:

¹⁰⁴

Տե՛ս առյուսակ 5, 6, 7, 8, 9:

¹⁰⁵Տե՛ս առյուսակ 10, 11:

Պ.Սևակի ստեղծագործություններում ժողովրդական բանարկեստի նմուշների գործածությունները ինքնանպատակ բնույթ չեն կրում: Դրանք սերտորեն կապված են բանաստեղծի առջև դրած նպատակների, աշխարհայացքի ու ստեղծագործական դավանանքի հետ:

Եթե ժողովրդական ասույթների գերակայությունը պայմանավորված է գրականության առաջադրած խնդիրներով՝ «կենսխոսքայնությամբ», ապա ավանդություններին մեծ տեղ տալը կապված է աստվածաշնչյան ավանդագրույցների և դրանցից սերված դարձվածային կառուցվածքների տարածվածությամբ ու մասսայականությամբ:

Իր ստեղծագործական գործունեության 30 տարիների ընթացքում Պ.Սևակը հայ և աշխարհի մի շարք ժողովուրդների բանահյուսության 20 տեսակ է օգտագործել՝ շուրջ 1226 կիրառությամբ, որի կեսից ավելին՝ 631-ը (51%) վիպական ժամրի փոքրածավալ ստեղծագործություններն են՝ ժողովրդական խոսքի բանաձևային կառույցները (առաջ-ասացվածք՝ 497, մաղթանք՝ 68, օրինանք՝ 33, անեծք՝ 26, երդում՝ 9 և հայիոյանք՝ 7)¹⁰⁶: Իսկ քնարական բանահյուսության ստեղծագործությունների 87 գործածության 60-ը (69 %), բաժին է ընկնում «Անլուլիին»¹⁰⁷:

Չափածոյի հետ համեմատած՝ արձակ խոսքում բացակայում են միջնադարյան վեպի, վիպերգի, աղոթքի, հանելուկի և հայիոյանքի կիրառությունները¹⁰⁸:

Եթե վիպական ժամրի կարճառութ բանահյուսական ստեղծագործությունները թե՛ չափածոյում, թե՛ արձակ խոսքում կիրառվում են իիմնականում ամբողջական տեսքով, ապա մեծածավալ բանահյուսության նմուշների կիրառությունների շատ քիչ ենք հանդիպում, եղածն էլ՝ արձակ խոսքում: Արձակ խոսքում ավանդություններն առավելապես հանդես են գալիս ամ-

¹⁰⁶ Տե՛ս աղյուսակ 5:

¹⁰⁷ Տե՛ս աղյուսակ 15:

¹⁰⁸ Տե՛ս աղյուսակ 6, 7:

բողջությամբ, իսկ չափածոյում՝ մասնակի կիրառությամբ:

Բացառությամբ 13 ավանդության (բոլոր 13 մանկական բանաստեղծություններն էլ հյուսվել են հայկական ավանդագրույցների հենքի վրա), Պ.Սևակը ժողովրդական բանահյուսության այլ տեսակների մշակումներ չի կատարել: Իսկ եթե հարկ եղած դեպքում էլ անդրադարձել է բանահյուսական ծագալուն ստեղծագործություններին, ապա դրանք եղել են ոչ թե ժողովրդական նյութի ամբողջական օգտագործում՝ «վերամշակմամբ» կամ «վերահմաստավորմամբ», այլ մասնակի կիրառություն՝ դրանց որևէ էական, հատկանշական կողմի վերհանմամբ:

Բանահյուսության որոշ ստեղծագործություններ (շուտանուկ, հանելուկ) հանդես են գալիս միայն տվյալ տեսակին հատուկ կառուցվածքային, նպատակային-կիրառական միջավայրին բնորոշ հատկանիշներով, իսկ հայիոյանքը՝ միայն նրա վերարտադրման պատճառների և տեսակային հատկանշական գծերի մատնանշմամբ:

Եթե Պ.Սևակի չափածո և արծակ ստեղծագործություններում կիրառվել է իայ ժողովրդական բանահյուսության 20 տեսակ, ապա այլ ժողովուրդների բանահյուսության՝ ընդամենը 6 տեսակ (ավանդություն, առասպել, հեքիաթ, էպոս, առած-ասացվածք և առակ), ինչն էլ պայմանավորված է հիմնականում Հայաստանին հարակից ժողովուրդների մշակութային արժեքների փոխադարձ ներթափանցմամբ¹⁰⁹:

Այժմ տեսնենք, թե բանահյուսության տեսակներից յուրաքանչյուրն ի՞նչ հատկանշական կողմերով են հանդես գալիս Պարույր Սևակի չափածո և արծակ խոսքում, և ժողովրդական բանարվեստի նմուշների «կեսխոսքայնությամբ» կիրառությունները որքանո՞վ են նպաստում ասելիքի նպատակառողվածությանը և բանաստեղծական կերպարի լիարժեք բացահայտմանն ու կայացմանը:

¹⁰⁹Տես առյուսակ 8, 10, 11, 12:

ՔՆԱՐԱԿԱՆ ԲԱՆԱԳՅՈՒԹՈՒԹՅՈՒՆ

Պ.Սևակի չափածոյում քնարական երգի 80 կիրառություններից մոտ 60-ը «Անլոելի զանգակատուն» պոեմում է (75%), 4-ը՝ կոմիտասի ծննդյան 80-ամյակին նվիրված բանաստեղծության մեջ, քանզի նյութն ինքնին իրենով պայմանավորում է ձևը:

80 կիրառություններում Պ.Սևակը քնարական բանահյուսության 8 տեսակ է օգտագործել, որոնց մեջ գերակշռողը սիրո (38) և աշխատանքային (13) երգերն են (10-ը՝ «Իորովելներ»), 8-ը՝ պանդխտության, 7-ը՝ հարսանեկան, կնունքի, համբարձման, 5-ական լալյաց և հայրենասիրական, 3-ը՝ օրորոցային և 1-ը՝ զինվորի երգերը¹¹⁰:

«Անլոելի զանգակատուն» պոեմից զատ քնարական բանահյուսության մյուս դրսենորումները տեղ են գտել նաև 1946թ. (1), 1949թ. (7), 1950թ. (9), 1954թ. (1) և 1962թ. (3) գրած բանաստեղծություններում:

Բացառությամբ «Սիրտս նման էր»-ի (I, 242), մյուս կիրառություններում միայն ժողովրդական երգերի անուններն են մատնանշվում: Սակայն սովորական թվացող երգերի խորագրերն անգամ համահունչ են բանաստեղծի ասելիքին և նկառագրվող իրադրությանը (Եվ «Դորովել» դարձրեց վերքդ, ցավոդ խորունկ («Իմ ժողովրդին») (I, 154) կամ՝ Դու՝ Դորովել՝ անուշ ծորուն («Դայաստան») (I, 152), Վարագույրն ես դու արդուկում// «Զինար ես»-ի դանդաղ տեմպով («Պատերազմ և խաղաղություն») (I, 59), Եվ հազվադեպ երգվեց «Նանիկ արա, մատա՛ր» («Դանրապետության հասակակիցները»...) (I, 114):

Ժողովրդական երգի կիրառման ինքնատիպ դրսենորմամբ առանձնանում է հատկապես «Սիրտս նման է» բանաստեղծությունը՝ կառուցված կոմիտասյան «Անտունիի» հենքի վրա: Ժողովրդական երգի արտահայտած տրամադրությունը հարազատ էր պոետի հոգուն.

¹¹⁰ Տե՛ս աղյուսակ 15:

Սիրտըս նման է էն փղլած տըներ,
Կոտրեր գերաններ, խախտեր է սըներ.
Բուն պիտի դընեն մեջ վայրի հավքեր.
Երթամ, 'ծի թալեմ էն ելման գետեր
Ըլնիմ ծկներու ծագերացըն կեր:
Այ, տո լա՛ծ տընավեր:

Սևակյան անտումիում ևս կարոտի, թախծի և հուսալքության տրամադրությունն է առկա: Այն ապրված կյանքի պոետական վերարտադրությունն է:

Բանաստեղծությունը գրվել է 4.02.1954թ. Մոսկվայում: 1952թ. վերջից մինչև 1954թ. վերջը Սևակի անձնական և ստեղծագործական կյանքի ամենալարված ու անորոշ շրջանն էր, որի բարձրակետը եղավ 7-ամյա կապանքներից ու տառապանքներից հետո «Անհաշտ մտերմություն» պոեմից «ազատվելը», հիասթափությունն ինքն իրենից և Մոսկվայից ՀԿԿ Կենտկոմ գրաժ դիմում-բողոքագրի հիման վրա Հայաստանի գրողների միությունում բանաստեղծի «վարքի» քննարկումը:

«Սիրտս նման է» բանաստեղծության մեջ Պ. Սևակը պահպանել է ինչպես ժողովրդական երգի ոգին, այնպես էլ կառուցվածքային մի շարք տարրեր:

Այսպես՝ խորագիրը և դրան հաջորդող առաջին տողն ու եռատողերի առաջին տողը ժողովրդական երգի առաջին տողի (Սիրտս նման է) կրկնությունն է՝ առանց փղլած տների՝ իր հոգեվիճակը նմանեցնելով մերթ թութակի, մերթ ջութակի ու վտակի, մերթ պատուտակի ու խոր հատակի հետ.

Այս, սիրտս նման է կարծես...
Նման է կարծես նա մի թութակի,
Որ ո՞ղջ ժամանկ նույն բանն է ասում.
– Ես քեզ եմ ուզում... (I, 242):

Բանաստեղծության հինգ եռատողերի առաջին երկու տողերը կառուցված են ժողովրդական երգի 5 վանկանի տողերով, իսկ երրորդ տողերը (Ես քեզ եմ ուզում, Ազդում ու հուզում, Եվ

¹¹¹ Ուկեփորիկ, Երևան, 1982, էջ 168 և Երգարան, Ա հատոր, Երևան, 1971:

շան է սազում) ժողովրդականի պես հինգ վանկանի են (առանց այլի):

Ժողովրդական երգերի սևակյան կիրառությունների առանձնահատուկ կողմերից մեկն էլ այն է, որ բանաստեղծը չի սահմանափակվել տվյալ երգի տեսակային հատկանիշի շրջանակներում: Այսպես՝ «Ղողանջ եղերականում» սիրո, աշխատանքային, պանդխտության, լալյաց երգերից պատառիկների մեջբերումն էլ ավելի է սրում իրավիճակների հակադրությունը:

Աշխատանքային Քաղվորին հաց եմ բերում // Բերանը բաց եմ բերում երգի տողերը ներկայացվում են որպես մորթված հնձվորի երգ, իսկ սիրերգի իմ ժամթել տամ լողվորչուն պատառիկը՝ որպես մորթված ձկնորսի սիրած աղջկա զուր կանչ:

Ավ. Իսահակյանի էլ ինչո՞ւ ես քարը թողնում քարի վրա, քար աշխարհ¹¹² արտահայտության նման Աստծուն ու մարդկությանն ուղղված ճիչ ու բողոք է նաև Դեյ յաման-ի կանչին կարոտ, թրատված ու որբացած էրգոի և նրա տիրոջ ձայնը, քանզի՝

Երկրի մեջ մարդ չմնաց՝

Մարդ թաղեր մարդու նման...

Այս, մնար մեկը գոնե

Ու կանչեր.

Դեյ յաման... (IV, 185):

Դեռևս 1949թ. Կոմիտասի ծննդյան 80-ամյակին նվիրված բանաստեղծության մեջ¹¹³ Պ.Սևակը փորձել է ժողովրդական երգի կոմիտասյան շողարձակումներով՝ խորագիր-պատկերներով՝ «Քելե՛ր ցոլերով», «Անտումիով», «Յորովելով», «Ծիրանի ծառով», ասելիքը խտացնել, սակայն մտահղացումը չի իրագործվել: Միայն ութ տարի անց էին դրանք սևակյան բառապատկերների ինքնատիպ հնարքներով ղողանջելու «Անլուկի զանգակատան» բարձունքից:

Որպես կոչնակ՝ ժողովրդի բանաստեղծը ժողովրդական եր-

¹¹² Ավ. Իսահակյան, Երկերի ժողովածու՝ 6 հատորով (1973-79թթ.), Երևան, հ.լ., էջ 88:

¹¹³ Պ. Սևակ, երգի վարպետին, «Գրական թերթ», 24.09.1949:

գի փայլատակումները «Անլոելիում» հնչեցնելու էր բազմաշերտ ու բազմախորհուրդ ղողանջներով՝ մերթ «Անտունիի» թախծոտ ելսեջներով ու հայրենաբաղծ պանդուստի կռունկյան դիմում-ուղերձով, մերթ սիրակարոտ «Շողերով» ու «Սոնա յարով», մերթ հայոց բնաշխարհի հորովելաշաղախ գութաներգով, գյուղաշխարհի խաղկապ-խաղիկներով ու հարսանեկան կենսախինդ «Ճաղկոց»-գովքերով, մերթ աքսորի ճանապարհին հայրենակարոտ ոգին կամրջող «Կռունկ»-պահպանակով ու «Խնկի ծառով», մերթ նորօրյա Սասնա ծոերի և Զեյթունցիների աննկուն ոգին մարմնավորող ֆիդայական երգերով:

«Անլոելի զանգակատան» 46 ղողանջների մոտ կեսը կառուցված է հայ ժողովրդական քնարական երգերի հենքի վրա: Պոեմում ժողովրդական երգերի կիրառություններին անդրադարձել են գրեթե բոլոր ուսումնասիրողները, սակայն գուտ բանագիտական ուղղվածությամբ առանձնանում է բանագետ Ալ-Վարդ Ղազիյանի «Անլոելի զանգակատան» բանահյուսական հենքը» աշխատանքը: Դեղինակն այդ հոդված-ուսումնասիրության մեջ համոզիչ փաստերով խոսում է նաև ժողովրդական երգի իմաստային և կառուցվածքային նրբերանգների օգտագործման սկակյան ինքնատիպ հնարքների մասին:¹¹⁴ Դետևա-

¹¹⁴ Ա. Ղազիյան, «Անլոելի զանգակատան» բանահյուսական հենքը, «Պատմաբանասիրական հանդես», Երևան, 1973, թիվ 1:

Խոսելով Ղողանջների ոգուն համահունչ քնարական երգերի օգտագործման սկակյան նորովի մոտեցումների մասին՝ Ա. Ղազիյանը դրանք հիմնավորում է բանահյուսական նյութի մշակման վերաբերյալ ունեցած բանաստեղծի տեսական հայացքներով, իսկ պոեմի կառուցվածքը՝ մեծ երգահանի ամբողջ կյանքի ընթացքին համապատասխանող երգերի կիրառությամբ:

Այնուհետև ներկայացվում է Սկակի գործածած ժողովրդական երգի իմաստային և կառուցվածքային բազում հնարքներն ու ծեսերը. բանաստեղծը մերթ երգի խորագիրն է մտցնում հեղինակային խոսքի մեջ, մերթ առանձին հատկածներ՝ ստեղծելով երգի պատրանք, մերթ տարբեր երգերի տարրեր ու հատվածներ է մինյանց գուգակցում՝ կրկնակները կրկնակ ծառայեցնելով նաև համապատասխան Ղողանջներում (բոլորն էլ անաղարտ վիճակում, առանց հավելադրումների ու վերամշակման), մերթ վերահնաստավորում ու մշակում է ժողովրդական երգերի իմաստներն ու մոտիվները, մերթ ժողովրդական երգից վերցրած տողն է զարգացնում ու նոր լուծում տալիս: Եվ այս ամենը բանաստեղծը կատարում է ժողովրդական երգի պոետական չափերի ու հնչերանգների վարպետ կիրառությամբ:

պես այստեղ մենք չենք անդրադառնում «Անլոելի զանգակատուն» պոեմում առկա քնարական բանահյուսության դրսենորումներին՝ դրանց վերաբերյալ ասելիքը համարելով գրեթե սպառված:

Պարույր Սևակի արձակ խոսքում քնարական երգը և ժողովրդական սիրավեպը, բնականաբար, չէին կարող գործածվել ո՛չ ամբողջական, ո՛չ էլ մասնակի կիրառությամբ: Դրանք հանդես են գալիս կամ միայն իրենց հատկանշական կողմերի մատնանշմամբ, կամ համադրմամբ: Ինչ խոսք, նման դրսենորումները ևս մեծ քանակ չեն կազմում՝ երգը՝ ընդամենը 7, սիրավեպը՝ 3:

Եթե «Վարուժանի պոեզիան» ուսումնասիրության մեջ բանաստեղծը իայ ժողովրդական աշխատանքային երգերի և «Հացին երգը» շարքի բանաստեղծությունների միջև եղած ներքին կապն է բացահայտում, իսկ «Հանճարեղ սիրերգեր» հոդված-գրախոսականում անդրադառնում է միջնադարյան տաղերգունների ստեղծագործություններում հայկական ժողովրդական տաղաչափության տեսակի՝ հայրենի դրսենորման առանձնահատկություններին, ապա համաշխարհային չափանիշներից գեղարվեստական գրականության ետ չմնալու, նոր ժամանակներում գրականության մեջ «հեքիաթանաղլական» դրսենորումներից գերծ մնալու խնդիրների մասին իր մտահոգություններն ու տեսակետներն արտահայտելիս է Պ. Սևակն անդրադառնում իայ աշուղական սիրավեպերին («Ասլի և Քարամ», «Աշուղ Ղարիբ», «Աղվան և Օսան») («Ս. Կապուտիկյանի մտորումները ճանապարհի կեսին» (VI, 386) և Վ. Հովակիմյանին գրած նամակում (VI, 428):

ՎԻՊԱԿԱՆ ԲԱՆԱՐՁՈՒԹՅՈՒՆ ԱՌԱՍՊԵԼ

Բանահյուսության տեսակների գործածության քանակական պատկերն արտացոլող աղյուսակում առասպելը 5-րդն է՝ 59 գործածություն (36-ը՝ չափածոյում, 23-ը՝ արձակ խոսքում)¹¹⁵: Ընդ որում, օտար կիրառությունները գերազանցում են հայկականին (համապատասխանաբար 34 և 25): Այլ ժողովուրդների առասպելների 34 գործածության գերակշռող մասը՝ 32-ը, հունականն է:

Թե՛ հայկական, թե՛ օտար ժողովուրդների առասպելների հատկանշական կողմերն ու հերոսներին բնորոշող գծերը Սևակը դարձրել է այն ատաղձը, որի վրա շաղախել է բանաստեղծական խոսքն ու պատկերը:

Դայկական առասպելների 25 կիրառությունների կեսից ավելին՝ 15-ը, Վահագնի առասպելն է (11-ը՝ չափածոյում, 4-ը՝ արձակ խոսքում), 3-ը՝ Աստղիկ դիցուհունը:

Դա էլ հասկանալի է, քանզի այս երկու աստվածների մասին են քիչ թե շատ տեղեկություններ հասել մեզ: Դայկական դիցառանի մյուս աստվածներին՝ Արամազդին, Միհրին, Անահիտին, Նանեին, անդրադարձները սուս անունների մատնանշումներ են՝ առանց նրանց հատկանշական կողմերի մանրամասն մեջբերման.

*Արամազդների, Միհրերի տեղակ,
Բոցբեղ-բոցմորուք շեկ Վահագններին փոխարինելու
Եկավ մի հրեա սևմորուք -սևբեղ,
Եվ Աստղիկների, Անահիտների ու Նանեների
Երեկվա տեղում այսօր հաստատեց
Իր մորը դալո՞ւկ, թե՞ ամոթահար:
Եվ խոսում էին նրանք մի լեզվով,
Որ չէ՞ր հասկացվում:* (IV, 247)

¹¹⁵ Տե՛ս աղյուսակ 5:

Արձակ խոսքում Վահագնի առասպելին անդրադառնալիս Պ.Սևակն իր ասելիքը կառուցում է մեզ հասած հայտնի պատառիկի վրա՝ դրանց առանձին կտորների մեջբերմամբ ու պատկերների համադրմամբ զուգահեռներ անցկացնելով:

Այսպես՝ Դուրյանի ծնունդն ու արտաքինը ևս ներկայացնելով առասպելական նույն պատկերներով՝ այդ նմանությունը բանաստեղծը պատճառաբանում է քնարերգության Վահագն լինելու հանգամանքով, «որ իր շուրջ սփռում է միանք-ծուխը «Եղեգան փող»-ի, որ նրա կյանքն էր՝ այսօր արդեն առասպելական-անիրական, և «Եղեգան փողի» այն բոցը, որ մշտական ներկայությունն է՝ «քուրա մը խոսք», բայց նաև ամպրոպ մը սաստ» (V, 102-103):

Իսկ «Սայաթ-Նովայում» աշուղ բանաստեղծին ներկայացնելով մեր առասպելի «զկարմրիկ Եղեգնիկ»՝ Պ.Սևակը առասպելի բառերից բառապատկերներ է ստեղծում, որոնցով էլ ավելի է ամբողջանում Սայաթ-Նովայի կերպարը. «Մտածող Եղեգնը» չէր կարող չհասկանալ, որ ինքը, իր ժողովրդի հայտնի առասպելին համապատասխան, այս անգամ արդեն այն «զկարմրիկ Եղեգնիկն» էր, որ «Երկն ի ծովուն ուներ»՝ «դար ու դարդի» այն համատարած ծովում, որ նույնպես Երկնում էր՝ այս անգամ ոչ թե կյանք, այլ մահ:

Սահվան այդ Երկունքից առաջ էր ահա, որ

Ընդ Եղեգան փող ծուխ Ելանէր,

Ընդ Եղեգան փող բոց Ելանէր:

Եվ այդ ծուխն ու բոցը հասցեագրված էր նույն այն Յերակ-լին, որին այլևս միտք չուներ դիմել «արթար դատե» արդարացի հարցով»¹¹⁶:

Երկու դեպքում էլ Պ.Սևակն ինչ-որ անբացատրելի կապ-աղերս է տեսնում Աստծո միջամտությամբ մեծությունների աշխարհ գալու և նրանց աստվածատուր պարզեցնելու միջև: Տվյալ պարագայում այդ աստվածը հայոց Վահագնն է:

¹¹⁶ Պ.Սևակ, Սայաթ-Նովա, Երևան, 1969, էջ 339-340:

Իր ակնարկներից մեկում ևս Պ.Սևակն անդրադարձել է Վահագնի առասպելին՝ ցավով ընդգծելով նոր ժամանակներում ընդդիմացող, մաքառող վահագնակերպ հերոսների բացակայությունը. «Վաչկատուն քրդերը կամ սահմանապահները ուշ աշնանը իրդեհում են այդ շամբուտները, և կրակի բոցը օրեր շարունակ երկում էր հեռավոր լեռների գագաթներից-երկնում էր «զկարմրիկն եղեգնիկ»՝ չժնելով նորամանուկ Վահագնին»¹¹⁷:

Վահագնակերպ հերոսների բացակայության ցավը բանաստեղծն ապրում է նաև ուժացման վտանգը տեսնելիս: Կոտորածներից փրկված և աշխարհով մեկ սփռված հայության բեկորներին սպառնացող այդ նորօրյա ջարդի՝ սպիտակ եղեռնի վտանգի մասին խոսելիս կոմիտասի ցնորվելու պատկերստեղծմանը նպաստում է նաև Վահագնի առասպելի մեկ այլ պատառիկ՝ կապված Կաթըն Շիր-Ջարդագողի ճանապարհ համատեղության հետ.

Իսկ Կաթըն Շիրը

*Օտարերկրացուն պարզապես ծերմակ մի ամպէ թվում...
Եվ հայի որդին,*

Դրաշքով փրկված հայի խեղճ որդին

Օտար ճամփորդի իր անձնագըրով

Եթե երբեք ոտքով համբուրի փեշը Սիփանա,

Թերևըս պիտի Վահագնի ճամփան

Նույնապես շփոթի ծերմակ ամպի հետ...

— Դե ե՞կ, Վարդապետ,

Ու մի՛ ցնորվիր... (IV, 202-203):

Դայրենասիրությունը մարմնավորող Վահագն Վիշապաքաղի կերպարը հայ քնարերգության մեջ միշտ էլ ոգեկոչման է մղել: Պ.Սևակը՝ Դովի.Դովիաննիսյանի, Վարուժանի և Զարենցի հոգևոր ժառանգորդը, մի քանի տարի անց «Վահագնին» բանաստեղծությամբ կրկին դիմում է առասպելական Վահագնի թոռներին՝ զգոնության ձոն-ուղերձով՝ օրեցոր ահագնացող ուժաց-

¹¹⁷ Պ.Սևակ, Սերունդների երթը, «Սովետական գրականություն», 1960, թիվ 11, էջ 48:

ման վտանգին դիմակայելու համար: Նա Խորենացու գրառած պատումային հատվածին¹¹⁸ հավելել է նաև Անանիա Շիրակացու գրառած պատառիկը՝ Դարդագողի ճանապարհի մասին¹¹⁹:

Բանաստեղծության մեջ հեղինակն օգտագործել է առասպելական հերոսի անունը միայն և Վիշապաքաղ մականունը՝ հարցում-դիմելածնում կիրառելով նաև առասպելից մեզ հասած պատկերներ.

*Մի՞թե ամեն հարկի ներքո հայկական
Լուսաղեմին էլ սիրո մեջ չեն երկնում
Երկիր, Երկին, ապա թե ծով ծիրանի,
Որ դուք կարմիր եղեգնիկի ծոց -բոցից
Վազեք հուրիեր, ու բոցմորուք, ու բոցբեղ,
Վազեք դեպի այն վիշապը, որ միայն
Զնն է փոխում, իսկ էռությունը՝ երբեք* (VI, 124):

Սփյուռքահայությանն սպառնացող ուժացումը դարձնելով թիրախ ու այն ներկայացնելով որպես ինքնակամ դեպի մերօրյա վիշապի երախը գնալու վտանգավոր հիվանդություն՝ Աւակը սթափության ահազանգ է հնչեցնում՝ խոսքն ուղղելով առասպելական հերոսի անվանակցին՝ բանաստեղծի ժամանակակցին.

*Վահագն, դու թոռ Վիշապաքաղ Վահագնի,
Մի՞թե պապիդ արյունը ջուր է դարձել
Քո այն բանուկ երակներում, որոնց մեջ
Արյան փոխվեց ճերմակ կաթը Աստղիկի...* (VI, 124):

Ժամանակակց Վիշապին հաղթելու միակ ուղին բանաստեղծը տեսնում է հայրենիքում բռունցքվելու մեջ.

*Մենք Երկնքում մեր ոտնահետքն ենք թողել,
Որ կոչվում է Դարդագողի ճանապարհ,
Եվ բա՛վ է դա, մեզ բա՛վ է դա, սիրելիս:
Դարդագողի հետքե՞ր թողնել վերստին
Եվ այս անգամ Երկրի՞ վրա, աշխարհի՞,
Նրա լայնքին ու Երկայնքի՞ն... խաչի պես...* (VI, 124-125):

¹¹⁸ Ա.Խորենացի, Պատմություն հայոց, Երևան, 1968, էջ 120:

¹¹⁹ Ա.Շիրակացի, Երևան, 1979, էջ 95-96:

Պ.Սևակի «Վահագնին» բանաստեղծությունը այսօր էլ ավելի արդիական հնչողություն է ձեռք բերում, երբ հարյուր-հազարավոր հայեր լքում են հայրենիքն ու ինքնակամ գնում մեր դարավոր թշնամու՝ «Վիշապի երախը», քանզի պակասել են Վիշապաքաղ Վահագնի արյան կանչին արձագանքողների թիվը:

Վահագնի առասպելից մեջբերումների փոխարեն Պ. Սևակը ասելիքը էլ ավելի է խտացնում՝ «Անլոելիի» մեջ օգտագործելով Վահագնակերպ (երբ մեր հույսի լույս մանկան է ներկայացնում(4,182)), իսկ «Հայոց լեզու» բանաստեղծության մեջ Վահագնապաշտ (երբ գողթան երգիչների միջոցով հայոց լեզվի հզորությունն է ուզում ընդգծել) մակդիրները.

*Մեր ոյուցազներգակ ու վահագնապաշտ գոռոզ գուսանաց
Բամբ բամբիռների և թինդ թմբուկի ծայների թվով...
...Թրթիռներ ունես թավ ու թովչական, թախժուտ ու թավշե*
(VI, 114):

Երբեմն էլ մեր առասպելներն ու վիպական զրույցները Սևակը մեզ է ներկայացնում Գողթան երգիչների օգտագործած պատկերներով և բառ ու բանով:

Սևակյան ինքնատիպ վերապատումի օրինակներից է Վահագն Վիշապաքաղի մասին պատմող առասպելի՝ «Անլոելին» օգտագործած հետևյալ հատվածը.

*Նրանք են երգել ծնունդն այն աստծո,
Որ հուր հեր ուներ, բոց ուներ մորուս,
Երբ երկնում էր ծով, երկիր ու երկին,
Երբ ծուխն էր ելնում եղեգան փողից,
Երբ բոց էր ելնում եղեգան փողից... (IV, 14):*

Արտաքուստ թվում է, թե բանաստեղծը նույնությմաբ Վերաշարդրել է առասպելի՝ մեզ հասած պատարիկը: Նկարագրությունը գուցե մի փոքր թերի լիներ, եթե սրան չհաջորդեր Գողթան երգիչների «երգացանկի» այն մոտիվները, որոնք, ցավոք, չգրանցվեցին, բայց նաև չանհետացան, քանզի մերվեցին, ձուլվեցին Վահագնի սերնդակիցներին՝ դառնալով ազգային ոգի և հավատ.

*Երգել են նրանք մեր պտղած հողից,
Գինուց, խաղողից,
Մեր սրտի դողից.
Երգել են նրանք մեր ցորեն հացից,
Մեր խինդ ու լացից,
Մարտում ընկածից.
Խորիել՝ երգելով,
Նվազով ցավել,
Երգել ծեռքերով՝
Պարել-կաքավել* (IV, 14-15):

Շարադրանքի այսօրինակ պարզ բարդությունը (կամ բարդ պարզությունը) Սևակը յուրացրել էր Մեծն Թումանյանից՝ մտքի և հոգու թելերով հաղորդակցվելով ազգային ակունքներին և ժողովրդական լեզվամտածողությանը:

Ինչպես վերը նշվեց, գործածած 59 առասպելներից 32-ը հունականն է (14-ը՝ չափածոյում, 18-ը՝ արձակ խոսքում):

Հունական առասպելները, ի տարբերություն հայկականի, հիմնականում համեմատության նպատակով են օգտագործվել: Համեմատության առարկա են դառնում Զևսը, Արեսը, Էրոսը, Վեներան, Էռոսը, Նարգիզը...:

Այսպես՝ ամեն մի ստեղծագործողի բանաստեղծը համեմատում է Պրոմեթեսի, պատերազմի հաշմանդամին՝ թևատ Վեներայի, սյունից սյուն ձգվող հեռագրի լարը՝ էռլյան մի նոր քնարի, իսկ սիրո ծովին տեր դառնալը՝ «*Ինչպես ծովի հին աստվածը՝ ինքը՝ Պոսեյդոնը»:*

Ամեն մի ճշմարիտ բանաստեղծի երազանքն է գտնել հեռագրի պես կարծ, հողմեր պարունակող և միաժամանակ հողմեր սանձող երգեր գրելու հնարը:

Խոսքի պատկերավորությունն այստեղ պոետին օգնում է էռլոսը՝ հունական դիցաբանության հողմերի աստվածը.

*Դուք չե՞ք մտածել.
Կարծես էռլյան մի նոր քնար է
Սյունից սյուն ձգվող հեռագրի լարը:*

Այս, եթե գտնել

Այդպէս երգելու ոյուրին հնարջ (I, 367):

«Չարենցը և արդիականությունը» հոդվածում գրականության մեջ հեղափոխական բանաստեղծի վաստակը գնահատելիս Սևակը դիմում է հունական դիցաբանությանը՝ Յերակլեսի սխրանքներից ամենակարևորին. մեր բանաստեղծությանը մատուցած Չարենցի բոլոր ծառայությունների մեջ ևս մեծագույնը նույնն է, ինչ Յերակլեսի 12 սխրագործություններից ավգյան ախոռների մաքրումը:

Նարգիզ-Նարցիսի առասպելը Պ.Սևակը օգտագործել է թե՛ չափածո խոսքում՝ «Վարք մեծաց» բանաստեղծության մեջ.

Մերում են նրանք և այն պատանուց,

Որ սիրահարվեց իր իսկ պատկերին... (I, 322),

թե՛ գիտական ուսումնասիրության մեջ. «Իր իսկ ջրավազանին թեքված՝ նա կարող էր տեսնել իր կատարյալ կերպարանը՝ բոլորովին զերծ այն ախտից, որ կապված է Նարգիզ-Նարցիսի անվանը»¹²⁰: Երկու դեպքում էլ բանաստեղծի տեսադաշտում «իր իսկ պատկերին» սիրահարվելու առասպելական նկարագրությունն է, բայց նաև՝ «ճշմարտածին ու ճշմարտախոս» բանաստեղծներին ուղղված ինքնասիրահարվածության ախտով չվարակվելու պատճամը:

¹²⁰ Պ.Սևակ, Սայաթ-Նովա, Երևան, 1969, էջ 363:

ՎԻՊԱՍԱՆՔ

Պ.Սևակի ստեղծագործություններում վիպական գրույցների (վիպասանք) կիրառությունները ևս մեծ քանակ են կազմում՝ 25 (20-ը՝ չափածոյում, 5-ը՝ արձակ խոսքում)¹²¹: Ընդ որում, ամենաշատը գործածվել են Արտաշեսի և Սաթենիկի, Արտաշեսի և Արտավագոյի մասին պատմող վիպական գրույցները (10 գործածություն, որից 7-ը՝ չափածոյում): Կոմպոզիտոր Էդգար Յովհաննիսյանի վկայությամբ՝ իր խնդրանքով Պ.Սևակը պատրաստվում էր նաև «Արտավագդ Երկրորդ» օպերետայի տեքստը գրել: Նախապատրաստական աշխատանքներն սկսվում են, բայց ողբերգական մահը մեզ գրկում է հաղորդակցվել մեծ բանաստեղծի մի նոր ինքնադրսնորմանը՝ դրամատուրգիային, թեև նա դրամատուրգ էր ներքուստ, հատկապես «Անլոելի զանգակատում» պոեմում¹²²:

Պ.Սևակն իր ստեղծագործություններում անդրադարձել է Յայկի և Բելի, Արա Գեղեցիկի և Շամիրամի, Տիգրանի և Աժդահակի, Արտաշեսի և Սաթենիկի, Արտաշեսի և Արտավագոյի մասին պատմող վիպական գրույցներին: Բոլոր դրսերումներն էլ ինքնատիպ են և չեն կրկնում մեկը մյուսին: Բանահյուսության մյուս տեսակների կիրառությունների պես դրանք ևս սևակյան պատկերավոր լեզվամտածողության անբաժան տարրերից են:

Գողթան երգերի ու երգիչների հանդեպ ունեցած անթաքույց սիրո և հետաքրքրության մասին է խոսում նաև այն փաստը, որ բանաստեղծը մեզ հասած վիպական գրույցների տարատեսակ կիրառություններով, դիպուկ ու հյութեղ պատկերների միջոցով, որոնք շատ անգամ իրենն էլ չեն, այլ ժողովրդինը, վերականգնում է դրանց արարման ժամանակներն ու պայմանները: Երբեմն այդ ամենն այնքան կենդանի ու վառ գույններով են նկարագրվում, որ սևակյան հյութեղ լեզվի գորությամբ ետ է գնում

¹²¹ Տե՛ս աղյուսակ 5, 6, 7:

¹²² «Գրական թերթ», 30.03.1984թ.:

Ժամանակի մշուշապատ վարագույրը, և ընթերցողը տեսնում է , հինավուրց ժամանակների ժողովրդական գուսաններին, որոնք
Դաճախ կույր ծնված, անուս ու թերուս,
Բայց միշտ ողողված կրակով ներքին,
Իրենց յոթնաղի տավիղը ծեռքին՝ (IV, 14):

ասքեր են հյուսել ու նաև երգել:

Բանաստեղծն իր՝ սևակյան աչքերով ու զգայարաններով բնությունն այնպես է տեսնում, զգում ու վերարտադրում, որ այն ընթերցողի մոտ վաղնջական ժամանակների Գողթան երգիչների և միջնադարյան տաղերգուների արարման հեքիաթային պահն է հիշեցնում.

...Անձրևն է կրկին
Երկինք ու երկիր մեկմեկու հինում,
Կարծես թե հսկա տավիղ է շինում,
Որի հոսանուտ լարերի վրա
Իրիկնամուտի տավղահար քամին
Մրսած մատներով
Պիտի նվազի հինավուրց տաղեր՝
Ի վերա սիրո,
Վասն խնդության,
Վասն մարդկային ոգու խենթության (I, 401):

Սրանք սոսկ քարացած լուսապատկերներ չեն: Սրանք սևակյան տեսաժապավենի միջոցով անցյալը ներկային կամրջող կենդանի ու ոգեշունչ բնապատկերներ են:

«Եվ այր մի՝ Մաշտոց անուն...» պոեմի սկզբնամասում և «Անլոելի զանգակատան» «Ցնծության ղողանջում» Սևակը վեռակենդանացրել է թե՛ նախամաշտոցյան ժամանակներն ու մեր ժողովրդի արարչագործ ու աննկուն ոգին, թե՛ Գողթան գավառի «Վիպող-վիպասան մեր գուսաններին»՝ իրենց առաքելությամբ. այն է՝ ժողովրդական բանարվեստով, աստվածացված հերոսների փառաբանությամբ շարունակել նրանց կիսատ թողած գործը.
Մեր արքաների և իշխանների արածի վրա չարածը որած՝
Նրանց գործն էինք դեռ շարունակում

Հարերի վրա բամբ բամբիռների

Եվ... դա անվանում երգ Վիպասանաց... (IV, 244):

Գողթան երգերի բառապատկերների շաղախով հյուսված ընդամենը մի քանի տասնյակ բանատողում Սևակը օգտագործում է հայոց առասպելներից, վիպական զրույցներից ու միջնադարյան վեպից պատառիկներ:

Գր.Մագիստրոսի նամակներում պահպանված Արտաշեսի վիպասանքի չքնաղ պատառիկը սևակյան ինքնատիպ լեզվամտածողությամբ և նուրբ ու խոսուն միջամտություններով «Անլուկիում» նոր ինչողություն է ձեռք բերում.

*Ո՞վ է մեզ տվել, եթե ոչ նրանք,
Փող ու թմբուկին խաղացող մատներ,
Լեռն ի վար վարդող եղնիկի ոտներ,
Եվ նավասարդյան թարմ առավոտներ,
Եվ առավոտներ վառ Վարդավառի,
Եվ ծուխս ծխանի՝ հայրենի կրակ,—
Ո՞վ է մեզ տվել, եթե ոչ նրանք՝*

Վիպասանները Գողթան գավառի (IV, 15):

Արա Գեղեցիկի և Շամիրամի, Արտաշեսի և Սաթենիկի, Արտաշեսի և Արտավազդի ու Տրդատի մասին պատմող վիպական զրույցներից ու միջնադարյան վեպից փրկված մասունքների մեջբերմամբ (վիպական անունների ու նրանց մակդիրների գրաբարյան ինչողությունը պահպանելով) ասես Պ.Սևակը վերակենդանացնում է այն երանավետ ժամանակները, երբ թագավորները թագավոր էին թե՛ իրենց պահվածքով, թե՛ իրենց գործողություններով, իսկ վիպերգուները՝ վկայագիրներ՝ իրենց խանդավառությամբ և անկեղծ ու անմիջական խոսքով.

*...Փանդիռը գրկած ու վինը ծնկան,
Իրենք իրենցով ու ոիցով լեցուն'.*

*Դուռ-դարպասների սալքարին նստել,
Երգել են նրանք վեպը Սաթինկան,
Աչքերն են գովել Ալանաց դստեր,
Եվ խոսքը խելոք, եվ մեջքը բարակ,*

ԵՎ Արտաշեսի սիգալը արագ՝

Զեռքին շիկափոկ-ոսկեօղ պարան... (IV, 14):

Նախաքրիստոնեական ժամանակների գողթան գավառի ժողովրդական գուսանների բերանով և նույն խանդավառությամբ ու նրանց լեզվամտածողության պահպանմամբ Սևակը նկարագրում է նաև ինչպես Ասորեստանի ցանկասեր տիրակալին՝ Շամիրամին (իսկ Շամիրամը պագշտով // Ու տաքշող) ու հայոց արքա Արա Գեղեցիկին (Գեղեցիկ ապրած-գեղեցիկ մեռած // Գեղեցիկ Արա՛ն...), այնպես էլ Արտաշեսյաններին հաջորդած Արշակունիների հզոր արքաներից մեկին՝ Տրդատին. Իսկ հապահպարտ Տրդատի՝ մասին, // Որ սեգ սիգալով՝ // Իր հուժկու քայլով// Գետերի թմբեր և ամբարտակների // Ավիրեց տարավ... (IV, 14):

Չափածո խոսքում «կեսխոսքայնության» իր սկզբունքին հավատարիմ՝ Պ.Սևակը Վիպասանքի որոշ հատվածների օգտագործմամբ խտացնում և միաժամանակ ինքնատիպ պատկերավորությամբ է վերարտադրում ասելիքը:

«Հայոց լեզու» բանաստեղծության մեջ մեր լեզվի գուլալությունը, բազմաձայնությունն ու բազմաձևությունը ընդգծելու համար բանաստեղծն օգտագործել է Արտաշեսի և Սաքենիկի հարսանիքի մասին պատմող վիպական գրույցի՝ մեզ հասած ու նաև՝ չհասած հիասքանչ պատառիկների մի փունջ.

Արտաշիսական հարսանիքներում վերից տեղացող

Դահեկանների հնչում կաքո մեջ

ԵՎ փոխարինվող չիր ու չամիչի,

Ընկույզ-փշատի բազմաձևություն...

Տանիքներ ծոճող շուրջպար-դարձպարի

ԵՎ ծապուկ-ծարպիկ լարախաղացի

Գունագեղություն և կշռույթ ու չափ (VI, 115):

Երբեմն էլ վիպական գրույցից (Արտաշես և Արտավազո) Վերցված մի պատառիկ («Ավերակացը ո՞ւմ թագավորեմ»), որը դարերի ընթացքում նաև դարձվածային իմաստ է ձեռք բերել, արձակ և չափածո խոսքում տարբեր կերպ է ներկայացնում՝ բնականաբար, հաշվի առնելով նրա դրսնորման պայմաններն ու հնարավորությունները:

Այսպես, եթե «Թրի դեմ Գրիչ» հոդվածում նշվում է թե՝ աղբյուրը, թե՝ հերոսներին՝ նրանց գործողությունները համեմատելով Մաշտոցի ու նրա ժամանակների հետ (V, 177), ապա «Եվ այր մի՝ Մաշտոց անուն...» պոեմում այն այլ դրսենորում է ստացել: Չափածո խոսքի պահանջները նոր ժամանակներում փոխվել են, և Սևակը խտացրել է իր ասելիքը.

Ավերակվել էր երկիրը հայոց:

Ու եթե նրա տերերը տանու

Գեթ ունենային ազնը վությունը իրենց նախորդի,
Նրա պես պիտի մռային նորեն.

«Ավերակացըս ո՞ւմ թագավորեմ»... (IV, 249-250):

«Անծանոթուիին» բանաստեղծությունն ամբողջությամբ կառուցված է հայկական, հունական և աստվածաշնչյան պատումների հենքի վրա: Սևակը մատնանշում է ժողովրդական պատումների հերոսներին՝ իրենց հատկանշական կողմերով (Հեղինեին և Յոմերոսին – *Այդ քեզ համար է Տրոյան վառվել, // Այդ դու լույս տվիր կույր Յոմերոսին...*, հունա-եգիպտական Սֆինքսին՝ հանելուկ առաջադրելու դրվագով – *Սֆինքսի գաղտնիքը ժպտալով առար...*, Արա Գեղեցիկին – *Քեզ համար ընկավ մեր չքնաղ Արան...* և Արտավազդին – *Նորից քեզ համար// Մի այրող ամառ// Մեր Արտավազդին գերության տարար...*, աստվածաշնչյան դրախտն ու Ադամին – *Դրախտը կորցրած՝ այդ քեզ է գտել// Մեր նախահայրը՝ ինձ նման մանուկ...*) (I, 240):

Բանաստեղծը գուգահեռ է անցկացնում հնագույն և նորագույն ժամանակների միջև ու գալիս մի պարզ հետևության. հազարամյակները ոչնչով չեն փոխել կին արարածին: Նա մնացել է նույն ամենազոր ու առեղծվածային էակը, որի կախարդիչ ցանցում է հայտնվել նաև քնարական հերոսը:

ՄԻԶԱԿԱՐՅԱՆ ՎԵՊ

Պարույր Սևակի ստեղծագործություններում մեր միջնադարյան վեպի՝ «Պարսից պատերազմի» հինգ կիրառության ենք հանդիպում¹²³: Բոլոր գործածություններն ել չափածոյում կապած են Արշակ թագավորի, ինչպես նաև Վասակ և Մուշեղ Մամիկոնյանների հետ:

«Եվ այր մի՝ Մաշտոց անուն...» պոեմում հայրենի հողի տված ուժն ու զորությունը Արշակ թագավորի մասին պատմող դրվագի օգտագործման միջոցով է բանաստեղծը արտահայտել.

Արշակները մեր՝

Դայրենի հողին ոտքով շփվելով՝

Լոկ հպարտության խոսքերով էին շուրթերը բանում

Եվ ըմբերանում տիրակալներին (IV, 244):

Իսկ մեր պատմական հերոսների վեհությունը՝ իբրև դաս, կռվի ժամանակ Մուշեղ Մամիկոնյանի դրսնորած վարքի միջոցով է ներկայացրել.

Մուշեղները մեր՝

Օտար զորությանն ընդդիմանալիս

Նրանց հարեմը գերի առնելով՝

Ու ծեռք չտալով և ոչ մի կմոջ՝

Առնականության և վեհանձնության դաս էին տալիս,

Այնպիսի մի դաս,

Որ ոսկին անգամ անգիր էր անում... (IV, 244):

Արարատը հայ ժողովրդի պաշտամունքն ու խորհրդանիշն է: Եվ այդ պաշտամունքը նրանից խլելն ու նրա դեմ հանդիման գտնվելու իրողության ցավը Պ. Սևակը «Անլոելի զանգակատուն» պոեմում համեմատում է սպանված Երեխայի որդեկորույս մոր վիճակի հետ, երբ նրանց բաժանում ու դիակը ոհտմամբ դնում են մոր առջև: Երևույթն էլ ավելի խորացնելու համար բանաստեղծն օգտագործում է մեր միջնադարյան վեպի փրկված պատառիկներից մեկը.

¹²³ Տե՛ս աղյուսակ 5:

Մեզ լավ է ծանոթ ծաղրուժանակը այս հոգեխարտիչ,
 Դա ծանոթ է մեզ քանի դար արդեն:
 Մեր հայրենասեր թագավորներին ու հերոսներին
 Այսպես պարսկական դահիճներն էին մորթազերժ անում,
 Մեջը լցնելով դարման ու չոր խոտ՝
 Խրտվիլակ շինում
 Ու բռնի դնում
 Մորթազերժվածին պաշտողի առաջ,
 Որ... սքանչանան իրենք իրենցով...
 Արարատն-այսպես-որել են ահա Երևանի դեմ...
 – Դե ե՞կ, Վարդապետ... (IV, 211):

Բացառությամբ մի գործածության, ուր բառացի (այն էլ գրաբար) մեջ է բերվում Մուշեղ Մամիկոնյանի՝ մահվանից առաջ արտաքերած վերջին խոսքը (Բայց իբրև եհաս ինձ մահս վատթար, // Ոհ, թէ՛ ոիպեալ էր ի վերա ծիոյ...), մնացած բոլոր դեպերում դրանք մեր հին վեպի առանձին դրվագների հեղինակային շարադրանքներ են:

Կոմիտասին անվանելով «մեր խաղ ու տաղի գորավարն ուժեղ»՝ Պ.Սևակը նրան համեմատում է Մուշեղ սպարապետի հետ, այնուհետև անդրադառնում այդ հզոր անձնավորությունների անփառունակ վախճանին:

Մեր խաղ ու տաղի գորավարն ուժեղ
 Վախճան ընդունեց՝ որպես նոր Մուշեղ,
 Ում վերջին խոսքը նա գիտեր անգիր
 Դեռ ծեմարանի առաջին տարուց...
 ...Մեր խարդախս բախտից՝
 Նա չընկավ մարտում ու ծիու վրա.
 Այլ գոհվեց անլուր դավաճանությամբ...
 ...Մեր դաժան բախտից՝
 Սասնա ծոերին երգել չտված՝
 Նա ինքը դարձավ նոր Փոքը Միեր...
 Ու դեռ կենդանի, ո՞ղջ-ո՞ղջ զնդանվեց
 Հոգեբուժարան-Ազոավաքարում... (IV, 212-213):

Նոր ժամանակների պատմական վիպերգերին Սևակն անդրադարձել է միայն մեկ անգամ: «Անլուելիի» «Ղողանջ մթագնումի»-ում «Դայաստան կոչված անհայ աշխարհին» իջած ողբերգությունը շեշտելու և Կոմիտասի ցնորման դրվագն առավել համոզիչ դարձնելու համար բանաստեղծը թվարկում է մեծ երգահանի գրառած և մշակած ժողովրդական երգերի մի փունջ, որոնց մեջ նաև՝ Մոկաց Միրզան՝ դրանց ունկնդրելու հաճույքից զրկելով անգամ «սարդոստայնային ծույլ լոռությանը».

*Ո՞չ Շիրանի ծառ,
Ո՞չ Մոկաց Միրզա,
Եվ ո՞չ Փեսին գովք.
Չպիտի ծորա Դորովել-ն այստեղ,
Ո՞չ Լուսնակն ամուշ,
Ո՞չ Էլ Կալի երգ... (IV, 203):*

Պարույր Սևակի չափածո և արձակ ստեղծագործություններում մեծ քանակ են կազմում նաև մեր չորրորդ ժողովրդական վեպի՝ «Սասնա ծռերի», ինչպես նաև այլ ժողովուրդների էպոսների տարատեսակ կիրառությունները:

Սևակը հայոց դյուցազնավեպը դիտում էր որպես մեր ժողովրդի իրական կյանքի մի եզակի իրաշապատում: Նա իր գրավոր և բանավոր խոսքում հաճախ է անդրադարձել 19-րդ դարավերջի և 20-րդ դարասկզբի մեր խենթ ֆիդայիներին՝ մեր նորօրյա դավիթներին, որոնք, «չունենալով քուրեկիկ Զալալին և Թուր Կեծակին», պայքարի են նետվում ահռելի մի բռնապետության դեմ: «Ահա թե ինչու ես հավատում եմ մեր էպոսին, – իր համոզմունքն էր հայտնում բանաստեղծն ու շարունակում, – դա ոչ թե ժողովրդի սին երևակայության արդյունք է, այլ նրա կյանքի իրական իրաշապատումը»¹²⁴:

Պ.Սևակը, քաջատեղյակ լինելով խոսքի և երաժշտության մեր երկու հսկաների՝ Թումանյանի և Կոմիտասի կյանքին ու ստեղծագործական գործունեությանը, ինչպես նաև նրանց անկատար թողած նպատակներին, «Թումանյանի հետ» հոդվածուսումնասիրության մեջ ցավով ու ափսոսանքով է փաստում նաև այն մեծագույն կորուստը, որ ունեցել ենք մենք՝ զրկվելով կոմիտասյան և թումանյանական «Սասնա ծռերից»: Ազգային երաժշտության և գեղարվեստական խոսքի այդ երկու հսկաները ի զորու էին նոր շնչով և վերահմաստավորված գալիք սերունդներին փոխանցել մեր ազգային էպոսը, սակայն ժամանակները խառն էին ու հակասական, իսկ ճակատագիր կոչվածը, ինչպես միշտ, այս անգամ էլ երես էր թեքել մեր ժողովրդից...

Գուցեն հենց այդ անդառնալի կորստյան ցավն ու մորմոքն էր Սևակին նպատակամունքը իրագործելու իր մեծ նախորդների անկատար թողած երազանքը:

¹²⁴ Խ.Սաֆարյան, Իմ Պարույրը, «Հայաստանի Հանրապետություն», 4.11.1993:

«Առանձնապես իմ կյանքի մեծագույն նպատակներից մեկն է երբեկցե վերամշակել «Սասնա ծռերը»՝ իմ հասկացությամբ և իմ զմբանումով,— ասել է Պ.Սևակն իր հետ անցկացրած վերջին հարցազրույցներից մեկում ու պարզաբանել նաև նոր ժամանակներում բանահյուսական նյութի օգտագործման, նյութին մոտենալու իր կերպը,— խոսքն այն մասին է, որ եթե բանահյուսական մշակում է, ապա դա պետք է լինի ոչ թե պարզ վերաշարադրանք, կամ լավագույն-երազելի դեպքում՝ վերափոխություն, այլ ՎԵՐԱՍՏԵՂԾՈՒՄ, ոչ թե ոճավորում, այլ ՎԵՐԱԻՍԱՍԱԿՈՐՈՒՄ» (V, 404):

Սակայն այս հարցազրույցից մի քանի ամիս անց ճակատագիրը կրկին իր «հեղինակավոր» խոսքն է ասում, և կրկին անկատար է մնում էպոսի նորովի մեկնաբանման այդ հնարավորությունը ևս:

Իսկ որտեղից էր գալիս բանաստեղծի անսահման սերն ու նվիրումը հայկական դյուցազներգության հանդեպ:

Պ.Սևակի ստեղծագործական հասունացումը համընկել է մեր էպոսի ստեղծման 1000-ամյակին նվիրված հոբելյանական հանդիսությունների ու զանազան միջոցառումների, համահավաքը պատրաստելու, այլ լեզուներով թարգմանելու և հրատարակելու աշխատանքների հետ:

Ի դեպ, մեր էպոսի հանդեպ ունեցած սիրուց է, որ հայրենի գյուղի դպրոցի ինքնագործ թատերական խումբը, որի կազմակերպիչներից մեկն էլ եղել է պատանի Պարույրը, «Սասնա ծռերի» հոբելյանական օրերին ներկայացումներով հանդես է եկել նաև հարեւան գյուղերում:

Այդ սիրուն շատ բանով են նպաստել նաև հայ էպոսագիտության մեր երկու հսկաները՝ Մանուկ Աբեղյանը և Կարապետ Մելիք-Օհանջանյանը, որոնք 1935-36թթ. Չարենցի հանձնարարությամբ ծերնամուխ էին եղել «Սասնա ծռերի» նոր պատումների գրառման և գիտական հրատարակության պատրաստման աշխատանքներին: Յենց այդ երկու նվիրյալներն էլ ճակատագրի բերումով հետագայում պետք է դառնային բանաստեղ-

ծի բուհական ու ասպիրանտական տարիների ուսուցչապետերը և վճռորոշ դեր խաղային նրա աշխարհայացքի ու մտածողության ձևավորման գործում: Կարապետ Մելիք-Օհանջանյանին նվիրված հոբելյանական խոսքում բարձր գնահատելով մեծանուն գիտնականի վաստակը հայագիտության և արևելագիտության, լեզվաբանության ու թարգմանության բնագավառներում՝ Պ.Սևակը վաստակաշատ իր երկու ուսուցիչներին՝ Մանուկ Աբեղյանին և Կարապետ Մելիք-Օհանջանյանին, դասում է այն եզակի բախտավորների շարքը, որոնց հուշարձանը կանգնեցվում է նրանց իսկ կենդանության օրոք:

Բանաստեղծի նման գնահատականը բխում էր այդ երկու մեծությունների՝ գիտության մի բնագավառի՝ բանագիտության, ավելի կոնկրետ՝ էպոսագիտության ասպարեզում կատարած աշխատանքից. «Քչերն են բախտավորվում՝ իրենց հուշարձանը կենդանվույն տեսնելով: Այդ քչերից մեկն էր մեր մշակույթի երախտավոր Մանուկ Աբեղյանը: Այդ քչերից է նաև Կարապետ Մելիք-Օհանջանյանը: Եվ մեկն է նրանց հուշարձանը: Ու կոչվում է «Սասնա ծռեր»...»¹²⁵.

Պ. Սևակն իր ստեղծագործություններում էպոսին անդրադարձել է 42 անգամ, որի պատկառելի մասը բաժին է ընկնում հայկական դյուցազնավեպին՝ 28 կիրառությամբ (25-ը՝ չափածոյում, 3-ը՝ արձակ խոսքում), հունականը 11-ն է (4-ը՝ չափածոյում, 7-ը՝ արձակ խոսքում), պարսկականը՝ 2 (երկուսն էլ արձակ խոսքում), գերմանականը՝ 1 (չափածոյում)¹²⁶: Ընդ որում, հունական և պարսկական էպոսների կիրառությունները հանդես են գալիս հիմնականում դարձվածային կառույցներում:

Իսկ էպոսի ինչպիսի՝ կիրառությունների ենք հանդիպում Պ.Սևակի ստեղծագործություններում:

1. Ասացողական միջավայրի ստեղծում՝ էպոսասաց Նախքեռու կերպարի միջոցով, էպոսի գրառման վայրի՝ Եջմիածնի, Ժամանակաշրջանի՝ 1886թ., ի դեմս Կոմիտասի և մյուս ճեմա-

¹²⁵ «Սովետական արվեստ», 1963, թիվ 5, էջ 58:

¹²⁶Տե՛ս աղյուսակ 5, 6, 7, 8, 9:

րանական սաների՝ ունկնդիրների մասնակցությամբ, տեղ-տեղ երգային հատվածների կատարմամբ, նաև Սոկ-Շատախի բարբառի որոշ նրբերանգների կիրառությամբ:

Պ.Սևակն «Անլրելի զանգակատուն» պոեմում վիպական նքնություն ստեղծելու և վիպելու այնպիսի կենդանի ու բացառիկ պատկերներ է ստեղծում, որ շատ հաճախ ընթերցողին թվում է, թե իր առջև ոչ թե հեղինակային մի երկ է, այլ ժողովրդական ասք, ասացողն էլ մշեցի Կրպոյի և մոկացի Նախո Քեռու աշակերտն է՝ հոգին լի ծով բարությամբ ու անսահման հայրենասիրությամբ.

Դիցաբանելով վիպում էր քեռին,
Բայց և վիպաժին խորունկ հավատում՝
Ապրում նրանց հետ, նրանց պես դատում,
Նրանց աչքերով սիրում ու ատում:
Վիպում էր քեռին ու երգում տեղ-տեղ.

-Դառնամ զողորմին...

Ազգին ու տոհմին...

Ու նորից վիպում ու երգում հերթով
Իր ժերունական խզված կոկորդով.
- Ենոր լե ծծե՞ր՝ լուսնակ էր ջուխտակ
Մեզի լուս տալու...
Ենոր լե ծակա՞տ՝ մեյդան էր, լառ;
Քուռկիկ Զալալու... (IV, 165):

Ունկնդիրների մեջ բանաստեղծն առանձանացնում է Կոմիտասին և ասես վերակենդանացնում այն միջավայրն ու պայմանները, որոնք պատճառ են հանդիսացել «Սասնա ծռերը» երաժշտական հնչողությամբ աշխարհին ներկայացնելու որոշում կայացնել՝ վստահ լինելով, որ այն ոչնչով չի զիջելու այլ ժողովուրդների երաժշտագետների՝ մասնավորապես գերմանացի կոմպոզիտոր Վագների կատարած նմանատիպ ծեռնարկներին.

...Այո՛, Վարդապետ, վիզը ծոելով՝
Այդ խեղճ ու կրակ անգրագետ քեռին
Կողքից էր նայում գոռոգ Վագներին

Եվ պահանջո՞ւմ էր,
Թե՞ աղաչում էր,
Որ դու քո զորեղ Սասնա ժռեր-ով
Խրատես նրա Նիբելունգներ-ին... (IV, 165):

Պատմական Հայաստանին հարակից երկրների ժողովուրդների էպոսների, մասնավորապես, «Իլիականի», «Ոդիսականի» և «Ոտստամ և Սոհրապի» մասնակի կիրառությունները պայմանավորված են հայերի, հույների և պարսիկների պատմամշակութային արժեքների շաղկապվածությամբ: Յենց այդ հանգամանքն էլ նպաստել է Սևակի թե՛ չափածո, թե՛ արձակ խոսքում դրանց ազատ ու անկաշկանդ տարաբնույթ դրսեորումներին:

Իսկ ինչքանո՞վ է արդարացվում գերմանական ժողովրդական էպոսի՝ «Նիբելունգների երգի» կամ «Երգ Նիբելունգների մասին»-ի գործածությունը չափածոյում: Կընկալե՞ր արդյոք հայ ընթերցողը դրա միջոցով ստեղծված պատկերը:

Իմիջիայլոց, Պ. Սևակն իր չափածո և արձակ խոսքում գրեթե ոչ մի տող, ոչ մի արտահայտություն հանիրավի չի գործածում: Նա պրատուն մտքերի տեր, պատմության փաստերի, երևույթների խորքերը թափանցող անհատականություն էր, և «Անլոելի զանգակատուն» պոեմում գերմանական էպոսին անդրադարձ կապված էր նախ՝ Կոմիտասի՝ 1896-1899 թվականներին գերմանիայում երաժշտական կրթությունը խորացնելու, գերմանական հոգևոր մշակույթը լիարժեք յուրացնելու հետ, այնուհետև՝ 1904թ. «Տարագ» ամսագրի թիվ 8-ում գերմանացի կոմպոզիտոր Վիլհելմ Վագների մասին նրա գրած հոդվածի իրողության հետ:

Կոմիտասին, անշուշտ, ծանոթ են եղել Վագների ստեղծագործությունները, մասնավորապես նրա «Նիբելունգի մատանին» օպերային քառերգությունը՝ ըստ սկանդինավյան «Էդդա» (VIII-IXդդ.) և գերմանական «Երգ Նիբելունգների մասին» (XIIIդ.) էպոսների:

Գերմանացի կոմպոզիտորին ու նրա ստեղծագործության մատնանշման դրվագը նպատակ ուներ շեշտելու այն վիթխարի կորուստը, որ ունեցել է հայ և համաշխարհային մշակույթը:

«Ղողանջ ընդհատված» գլխում Պ.Սևակը ցավով է անդրադառնում մեծ երգահանի ընդհատված ծրագրերին, որոնց մեջ ամենամեծը, թերևս, էպոսը երաժշտությամբ հնչեցնելու նպատակի անդառնալի կորուստն էր.

Ղնչյուններից պիտի կերտեր մի հուշարձան,

Որ հավասար պիտի լիներ

Իր վեհությամբ Սասմա սարին (IV, 169):

2. Էպոսի ոճական և կառուցվածքային տարրերի օգտագործում՝ ժողովրդական պատմելաձեկի կիրառությամբ:

Ժողովրդական ասքերում ոյուցագուները սովորական մահկանացուների նման չեն մեծանում: Նրանք իրենց ուժն ու զորությունը ծեռք են բերում ինչ-որ առասպելական իրակություններից, որոնք ել նրանց օրեցօր աճի և հզորացման պատճառ են դառնում: Նման պարագայում ժողովրդն օգտագործում է «ով օրով, նա մեծացավ տարով» արտահայտությունը:

«Եվ այր մի՝ Մաշտոց անուն...» պոեմում Պ.Սևակը օգտագործել է այս՝ ընդգծելու համար Մաշտոցի գործի մեծությունը, քանզի հայ ժողովրդի ամրության և դարերի փորձություններին դիմագրավելու հիմնական պատճառը՝ գերբնական առարկան, հենց մաշտոցյան «անցամաք ստինքն» էր՝ մաշտոցյան այբուբենը.

Սուտ ու կեղծիքի ծծակի տեղակ

Մեր մանկանց տվեց անցամաք ստիմք,

Որով և նրանք կրկնամայր եղան.

Ով օրով՝

Նրանք մեծացան տարով,

Ով տարով՝

Նրանք մեծացան դարով... (IV, 261):

Պ.Սևակը «Սասմա ծոերի» «Դառնամ զօղորմի տամ...» նախերգային կառուցվածքը հրաշալի է օգտագործել «Փառաբանում եմ» բանաստեղծության մեջ:

Եթե էպոսի ամեն մի ճյուղի նախերգում տվյալ ճյուղի մեջ գործող գլխավոր անձանց անուններն են թվարկվում, այնուհետև պատումով հաստատվում է ասացողի ներքին համակրանքին

արժանանալու և ողորմի տալու պատճառները, ապա սևակյան գովքում շեշտվող ամեն մի անձին կամ երևույթին անմիջապես հետևում է փառաբանությանն արժանանալու հեղինակային հիմնավորումը:

Գրականագետ Ա.Արիստակեսյանը, համադրելով այդ բանաստեղծության նախնական և վերջնական տարբերակները, մատնանշում է վերջին տարբերակում կատարված փոփոխությունները, նաև ավորապես, «փառաբանում եմ» սովորական ձևը ժողովրդական «Դառնամ փառաբանեմ» արտահայտությամբ փոխարինելը, որը բոլորովին այլ երանգ է տվել ամբողջ բանաստեղծությանը¹²⁷:

Ժողովրդախոսակցական լեզվամտածողության և ժողովրդական բանահյուսության զանազան տարրերի կիրառությունը էլ ավելի կենդանի հնչողություն է հաղորդում ասելիքին:

Յոթ տնից բաղկացած «Փառաբանում եմ» բանաստեղծության ամեն մի տունը մոր, մանկան, սիրո, աշխատավորի, ամենակարող մարդու և նրա ներշնչման պահի փառաբանություն ու գովք է.

*Դառնամ փառաբանեմ... փառաբանեմ մարդուն՝
այն էակին միակ,*

*Որ ծիծաղել գիտի, որ արտասվել գիտի,
երգել գիտի...*

*...Սե՞րը փառաբանեմ և՝ պառավ մո՞ր հանդեպ,
և զառամյալ տատի,*

*Որոնց սուրբ փեշերից անցած քո ողջ կյանքի
ծով բուրմունքն ես առնում... (I, 356):*

Կոմիտասյան «Սասնա ծոերը» և ժողովրդական դյուցագնավեպի նախերգային կառուցվածքով էր ներկայանալու ժողովրդին.

*Պիտի երգով ողորմի տար
Բաղդասարին, Սանասարին
Ու նգովեր Մսրա չարին... (IV, 169):*

¹²⁷ Ա.Արիստակեսյան, Պարույր Սևակ, Երևան, 1974, էջ 145:

Եպոսային մի քանի դրվագների միջոցով և ժողովրդական երգերի համադրությամբ բանաստեղծը ամբողջացնում է ոչ մի-այն Դավթի կերպարը, այլև Կոմիտասին՝ իր գլուխգործոցն ա-րարելիս.

*Դորովելով Դավիթ տղան
Պիտի մենակ՝
Անեզ-անլուծ՝
Գեղջուկի տեղ գութան քաշեր,
Դետո՛ զորքին հանգիստ թողած,
Մսրա տիրոջ սիրտը խաշեր... (IV, 169):*

3. Եպոսում առկա տեղավայրերի և վիպական հերոսների ընդհանրացնող ու հատկանշական բնավորության գծերի և գործողությունների ընդգծմամբ ու Վերիանմամբ Պ. Սևակը հաստատում, համադրում կամ հակադրում է ներկայացվող այս կամ այն երևույթը:

«Մարդը ափի մեջ» շարքի բանաստեղծություններում եպոսային մի շարք դրվագների հպանցիկ ընդգծումն անգամ օգնում է խորացնելու և ազդեցիկ ու արտահայտիչ դարձնելու ասելիքը: «Չեմ հարգում» բանաստեղծության մեջ Պ. Սևակը հարգանքի արժանի չի համարում այն ծրությունը, «Որ Սասնա ժոհց մի նշո՞ւյլ չունի» (I, 382), իսկ «Դրաժարվում եմ», բանաստեղծության մեջ Սևակը պատրաստ է հրաժարվել

*Այս միակ զարկից,
Որ և հերիք է,
Որպեսզի կրկին նոր կյանք ստանա
Մսրա Մելիքը... (VI, 44):*

«Անլոելի զանգակատուն» պոեմում մեծ երգահանի խելագարվելը և մեր անդառնալի կորուստը ընդգծելու համար բանաստեղծը, Վերապրողների ցավն ու կսկիծը սրտում, կրկին դիմում է եպոսային դրվագներին: Սահմոկեցուցիչ են անայացած հայրենի բնաշխարհի նկարագրության պատկերները.

*Եվ հիմա այնտեղ՝
Դիմ Շովասարի քարերի վրա*

Գառնարած Դավթի երկաթ տրեխի թողած հետքերում,
Ինչպես խաղալիք-փոքրիկ գուրի մեջ,
Անձրևաջուրն է քմծիծաղ տալիս
Պաղ կիսալուսնի ներում ակնարկող բառերի վրա...
Սասնա վիպական Մարութա վանքում
Ուխտավորի տեղ բուերն են տնքում՝
Այս փուչ աշխարհի բանը խորհելով... (IV, 202):

Սասնա ծոերի ուրվականներից անգամ վախեցող վայրի
կենդանիներն արդեն անկաշկանդ օգտվում են իայոց աշխար-
հի երկնային և երկրային վայելքներից՝ հեգմելով Սասնա դյու-
ցազուններին.

Արջերն են լիզում սասնա մանանան
Եվ փորկապ ընկած՝
Թափալ են տալիս իին տաճարների սուրբ խորաններում՝
Իրենց ոռնոցով Զենով Օհանի տնազն անելով.
Էլ չե Շն վախենում Սասնա ծոերի ուրվականներից (IV, 202):
Եթե թշնամու դեմ դուրս գալը և ահ ու սարսափ առաջացնե-
լը պետք է ընդգծվեր, ապա՝

Սասունը...
Արդեն ո՞րերորդ անգամ
Նորից տեր դարձավ նոր Դավիթ մանկան,
Որ-ինչո՞ւ սակայն—
Կոչվեց... Անդրանիկ (IV, 88):

Եթե բռունցքվելն ու ոգեկոչվելը պետք է մատնանշվեր, ապա՝
Ահեղ ջարդերի ճարակող բոցում
Ամեն սասունցի դարձավ Սասնա ծուր,
Սասնա տուն դարձավ ամեն ընտանիք,
Սասնա դյուցազուն՝ թե՛ մեծ, թե՛ պուծուր,
Որ բավակա՞ն է—
Քառսունծամ կույսեր, հարսներ արմաղան
Օսմանցու համար էլ երկանք չաղան...
Որ բավակա՞ն է... (IV, 88):

Թշնամուն դիմագրավելիս եթե երգերի մոտիվների փոփո-
խությունը պիտի շեշտվեր, ապա՝

Խանդութ Խաթունի գովքի փոխարեն,
Սասնա զմբգմբան ջրերի նման
Դնչեց սարերում, ծամփեքում ոլոր
Ազ ու ձախ հորդած
Երգը քաջորդաց՝
«Վայ-գուլում-վայ»-ը մի պահ խեղդելով... (IV, 88-89):

4. Մեր հույսի և փրկության մանկանը բանաստեղծը ներկայացնում է առասպելա-էպոսախառն մի ինքնատիպ ու խոսուն պատկերով.

...Մի վահագնակերպ-դավթադեմ տղա,
Որ հղացել է փրկության լույսից
Ու սնվել էր մեր անմոռուկ հույսից... (IV, 182):

Ականատես լինելով Մեծ եղեռնի ահ ու սարսափներին՝ Կոմիտասը անողոք ճակատագրից գոնե մահ էր երազում.

Բայց... մահ էլ չկա (IV, 205):

Ասելիքը հաստատելուն և խորացնելուն կրկին օգնության է գալիս էպոսն իր մեկ այլ հերոսով.

Չէ՞ որ սերում է Փոքը Միերի «ամիծված» սերմից (IV, 205):

Փոքը Միերի և Կոմիտասի կյանքի վերջին շրջանի համադրությունը բանաստեղծին հնարավորություն է տալիս ավելի սրելու իրավիճակի նկարագրությունը: Դենց էպոսային վերջաբանի գուգադրությամբ էլ ավարտվում է մեր երգերի «Ծովասրի» գիտակցական կյանքը.

...Սասնա ծռերին երգել չտված,
Նա ինքը դարձավ նոր Փոքը Միեր
Ու դեռ կենդանի՝ ո՞ղջ-ո՞ղջ զնդանվեց
Դոգեբուժարան-Ագոավաքարում (IV, 213):

Իսկ «Եռաձայն պատարագ» պոեմում մահվան ճիրաններից մազապուրծ փրկված այս մի կտոր հողակտորը ներկայացնելիս կրկին օգնության է գալիս մեր դյուցազնավեպի ամենասիրված հերոսը.

Իսկ տունն էլ տուն չէ, այլ հայրենիք է,
և ի՞նչ հայրենիք.

*Գայլի երախից ծեռքերով խլված մի Դավիթ մանուկ,
Երկանքաքարի ակռայից պրժած-ողջանդամ մի սերմ...*

(IV, 322)

Հայ ժողովրդական էպոսը մեր ազգային նկարագրի արտացոլանքն է, մեր կախարդական հայելին, դրա համար էլ Պ. Սևակը Հայաստանը բնորոշում է հենց այդ պատկերով.

Դու՝ անգի՞ր վեպ, դու՝ Սասնա ժո՞ւռ...(I, 152):

Թե՛ հայկական, թե՛ այլ ժողովուրդների դյուցազներգություններից վերցված ամեն մի դրվագ, կերպարային յուրաքանչյուր կիրառություն՝ դրանց ինքնատիպ դրսեորմամբ, օգնում են բանաստեղծին էլ ավելի խորացնելու և ամբողջացնելու գեղարվեստական պատկերը՝ նպաստելով խոսքի պատկերավորությանն ու ասելիքի նպատակառուղվածությանը:

Պ.Սևակի ստեղծագործություններում մեծ քանակ են կազմում նաև հեքիաթի տեսակի գործածությունները՝ 57, չափածոյում 17 տեսակների մեջ 46 գործածությամբ այն 7-րդն է, իսկ արձակ խոսքում՝ 12 տեսակների մեջ՝ 6-րդը՝ 11 գործածությամբ¹²⁸:

Այդ 57 կիրառություններից 48-ը հայկական բանարվեստի նմուշներն են (41-ը՝ չափածոյում, 7-ը՝ արձակ խոսքում), 9-ը՝ այլ ժողովուրդներինը (5-ը՝ չափածոյում, 4-ը՝ արձակում)¹²⁹:

Պ.Սևակը հեքիաթների մշակումներ չի կատարել, իսկ վերոհիշյալ գործածություններն էլ սոսկ տարատեսակ անդրադարձներ են, որոնք այս կամ այն չափով նպաստել են խոսքի պատկերավորությանն ու ասելիքի նպատակառողկածությանը:

Իսկ ի՞նչ տեսակի և հեքիաթային ինչպիսի՝ տարրերի կիրառություններ են դրանք:

1. Ժողովրդական հեքիաթների առաջաբանում և վերջաբանում առկա կայուն բանաձևային կառուցվածքների օգտագործում՝ պատումների զանազան տարրերի կիրառմամբ.

Լինում է – չի լինում, – ինչպես հեքիաթներում,

(Այն, որ տատըս էր պատմում ամեն գիշեր),

Լինում է – չի լինում՝ մեր տան մոտ ու հեռու

Մի գեղեցիկ աղջիկ՝ վարսերը սև (VI, 25):

Անպատասխան սիրո պոետական ապրումները բանաստեղծության մեջ միահյուսված են հեքիաթային որոշ որվագներով ու *Լինում է – չի լինում, եղել է – չի եղել* բանաձևային արտահայտություններով, որոնք էլ ավելի են սրում ու ընդգծում սիրո հեքիաթի վերջաբանը.

Լինում է – չի լինում... Խորհրդավոր լոռում,

Վերջանում է սիրո հեքիաթն այստեղ...

Եղել է – չի եղել – ինչպես հեքիաթներում, –

Եղե՞լ է, չի եղել, – ես չըգիտե՞մ... (VI, 25):

¹²⁸

Տե՛ս առյուսակ 5, 6, 7:

Տե՛ս առյուսակ 8:

«Անկեղծ ասած» բանաստեղծության մեջ Պ.Սևակը հեքիաթային պատումի երկու վերջաբան է օգտագործել, մեկը՝

«Տղան հասավ իր մուրազին,

Դուք էլ հասնեք ձեր մուրազին...» (I, 211-212),

և մյուսը՝

Անկեղծ կասեմ՝ հեքիաթն իմչով է վերջանում.

Ցած է ընկնում երեք խնձոր-

Մեկ՝ ասողին,

Մեկ՝ լսողին,

Մեկ էլ... ինձ պես գիշեր ու գօր

Դիմարաբար սպասողին...

Անկեղծ ասած՝ հեքիաթներից ես հոգմել եմ (I, 212):

Դայ ժողովրդական հեքիաթներից վերջաբանային այս արտահայտությունների կիրառությունը ևս օգնել է խոսուն և հոգեհարազատ պատկերների միջոցով սիրած էակից բանաստեղծի հիասթափությունն արտահայտելու:

Ժողովրդական հեքիաթներում վերջաբանային երրորդ խնձորն ասացողը միշտ բաժին է հասցնում կամ արար աշխարհի՛³⁰, կամ՝ մինը՝ ասողին, մինը՝ ասել տվողին, մինն էլ՝ ականջ դնողի՛³¹ արտահայտություններով:

Սիրած էակից ասացող-հեղինակի ապրած խոր հիասթափությունը այս բանաստեղծության մեջ արտահայտվում է երրորդ խնձորը հենց իրեն բաժին հանելով.

2. Պ.Սևակի ստեղծագործություններում հանդիպում ենք նաև գուգադրության, համադրության կամ հակադրության նպատակով հեքիաթային հերոսների, առարկաների ու իրադրությունների բնորոշ կողմերի օգտագործման բազմաթիվ օրինակների:

«Սայաթ-Նովա» աշխատության մեջ Սայաթ-Նովայի և իր յարի միջև եղած դասային անհավասարությունը և անհասանելիությունը ընդգծելու համար Սևակը նախ՝ դիմում է հայ ժողովրդական հեքիաթներում նկարագրվող այն թրին, որը չմեր-

³⁰ Դայկական ժողովրդական հեքիաթներ, Երևան, 1990, էջ 30:

³¹ Նույն տեղում, էջ 90:

ձենալու համար դրվում էր անկողին մտած սիրած էակների միջև, այնուհետև՝ բանաստեղծը հեքիաթների ստեղծման նախապատմությունն է տալիս: «Ժողովուրդները հեքիաթ են ստեղծում՝ իրենց անիրագործելի հույսը գոնե երևակայության մեջ կատարված տեսնելու երազանքով, ուստի և հասկանալի է, թե սիրածներին բաժանող այդ թուրը վերջում ինչո՞ւ է վերցվում:

Այսպես է հեքիաթում: Բայց այսպես չէր իրականության մեջ:

Սայաթ-Նովայի և իր յարի միջև դրված թուրը երբեւ չվերցվեց և չէր էլ կարող վերցվել, որովհետև դասային անհավասարություն էր այդ անիրական—ոչ հեքիաթային թուրը...»¹³²,— այսպես է ավարտում Պ.Սևակն իր բանագիտական պատկերավոր մեկնությունը:

Իսկ երբ բանաստեղծը **ՊեշիկթաշՍանի** պոեզիան՝ իբրև աստվածային պարգև, համեմատում է կենարար հեղուկի՝ «Երկու բաժին թթվածնի ու մեկ բաժին ջրածնի» միացությունից առաջացած ջրի հետ, նա անմիջապես «անմահական ջուր» հեքիաթային արտահայտությամբ կոնկրետացնում է իր ասելիքը՝ որանով իսկ կարևորելով բանաստեղծության մեջ այդ անմահական ջրի պարտադիր նախապայմանը:

Այդ կենարար հեղուկը «բնության մեջ կոչվում է պարզապես ջուր, իսկ հեքիաթներում՝ անմահական ջուր: Դեքիաթներում, մեկ էլ բանաստեղծության մեջ» (V, 335),— եզրափակում է իր խոսքը Սևակը մնայուն արժեքներ թողած հայ նոր քնարերգության իիմնադրի 100-ամյա հոբելյանի կապակցությամբ:

Արձակ խոսքից զատ, հեքիաթային տարրերի ինքնատիպ կիրառությունների ենք հանդիպում Պ.Սևակի չափածո մի շարք ստեղծագործություններում:

Այսպես, «Անլոելի զանգակատուն» պոեմում բանաստեղծը Կոմիտասին ներկայացնում է մերթ որպես «բլբուլ Շազարան» (IV, 137), քանզի նրա կախարդիչ երգի ինչելու ժամանակ անջուր ու չորացած այգին անմիջապես վեր է ածվում որախտի.

¹³²

Պ.Սևակ, Սայաթ-Նովա, Երևան, 1969, էջ 258-259:

Այսպես հանկարծ և անձայն՝

Մեր հեքիաթի համաձայն՝

Միայն փոխվում է այգին,

Երբ որ այգում այդ անջուր

Կախարդիչ երգն է հնչում

Մեր Դազարան զառ հավքի (IV, 137),

մերթ որպես «մեր արնոտված հավքի լեզուն» (IV, 239),
մերթ էլ՝

Իսկ նա՝ նման Զմրուխտ հավքին,

Նման հավքին մեր Դազարան՝

Ոչ գնդակված,

Ոչ էլ մորթված,

Այլ ծակատի բութ հարվածից ուշակորույս.

Քսան տարի լուր թպրտաց... (IV, 216)՝

Վերջին պատկերով ընդգծելով Փարիզի հոգեբուժարանում
20 տարի «ողջանդամ-կենդանի մեռած» լինելու հանգամանքը:

Դայ ժողովրդական հեքիաթների սև կամ ճերմակ խոյի գույներից կախված լույս կամ մութ աշխարհ ընկնելու դրվագների գործածությունը «Եռաձայն պատարագ» պոեմում նպաստել է դիպուկ և պատկերավոր արտահայտելու պոետական այն զգացումները, որ ապրում է բանաստեղծը հայ ժողովրդի մեջ ողբերգությանն անդրադառնալիս.

Չէ՛, թողե՛ք հեծնեմ իմ տառապանքին,

ինչպես հեքիաթի այն խոյին ծանոթ,

որի գույնն է լոկ որոշում, թե մենք ո՞ւր պիտի ընկնենք՝

Լո՞ւյս թե Մութ աշխարհ:

Եվ հաջողություն կոչվածը մարդու

կամ բախտ ասվածը մի ամբողջ ազգի

կախված չէ՝ արդյոք

այդ խոյի գույնից, գույնից միմիայն՝

սև կամ ճերմակից (IV, 284):

Սակայն հեքիաթից վերցված սև և ճերմակ գույների համադրությունն ու հակադրությունը դրանով չի ավարտվում, այլ ա-

Վելի է խորացվում, և այդ գույներն ու դրանց միջև եղած անջըռ-պետք բանաստեղծը պատրաստ է ջնջել

ո՞չ թե սպունգով,
այլ իմ երեսով,
որ և իմը չէ, այլ մարդկությանը:
Եվ մարդկությունն էլ թող որ մումիանա
ճառագայթային ախտի այս դարում
ու մնա այդպէս՝

Մի երեսը՝ սև, երկրորդը՝ ծերմակ... (IV, 284-285):

Շատ հաճախ էլ արձակ և չափածո խոսքերում օգտագործած հեքիաթային միևնույն պատկերին հանդիպում ենք նաև բանաստեղծի այլ ստեղծագործություններում:

«Քո խակ սերը և իմ հասուն տանջանքը» բանաստեղծության մեջ վերոբերյալ հեքիաթական թրի դրվագի կիրառությունը նպաստել է սևակյան պատկերավորությամբ վերարտադրելու դեպի Սուլամիթան տածած մաքուր ու անաղարտ սիրո տվայտանքները՝

...Մինչև անգամ երբ պառկում ենք կողք-կողքի,
Ինչպէս հայոց հեքիաթներում, մեր միջև

Լուր դրվում է հեքիաթական թրի պէս

Քո խակ սերը և իմ հասուն տանջանքը... (I, 302):

Եթե պետք էր եղեռնից մազապուրծ մի բուռ մնացած հայության՝ մի կտոր չորացած այգի-հայրենիքում մեր ժողովրդի վերնձյուղվելը շեշտել, «Դանրապետության հասակակիցները» բանաստեղծության մեջ Սևակին կրկին օգնության է գալիս մեր հեքիաթների Դազարան հավքն իր կախարդող երգով.

Մեր հեքիաթի նման՝ անմահական պարտեզ,

Դրախտավայր դարձավ մեր չորացած այգին:

Մի նոր գեղեցկությամբ փթթեց այնպէս, կարծես

Դրաշք երգն էր ինչել մեր Դազարան հավքի (I, 115):

Ինչպէս վերը նշվեց, հեքիաթի տեսակի հիսունվեց գործածություններից 9-ը այլ ժողովուրդների հեքիաթներից են.

Դուսականը՝ 3 (1-ը՝ չափածոյում, 2-ը՝ արձակ խոսքում)

դանիականը՝ 2 (Երկուսն էլ չափածոյում)

անգլիականը՝ 2 (մեկը՝ չափածոյում, մեկը՝ արձակ խոսքում) արաբականը՝ 2 (մեկը՝ չափածոյում, մեկը՝ արձակ խոսքում)¹³³:

Պ. Սևակի օգտագործած բոլոր 9 հեքիաթներին քաջածանոթ է հայ ընթերցողը արաբական «Դազար ու մի գիշերի», դանիական «Թագավորի նոր հագուստը»-ի, ռուսական «Գեղեցկուի Վասիլիսայի» և «Ոսկե ձկնիկի» ու անգլիական «Ալիսը իրաշքների աշխարհում»-ի թարգմանությունների միջոցով: Հեղինակային մշակումների, թարգմանությունների, էկրանացումների ու բեմադրությունների շնորհիվ դրանք հոգեհարազատ են դարձել նաև հայ ժողովրդին, ուստի և գեղարվեստական խոսքում դրանց մասնակի կիրառությունները ևս հայ ընթերցողի համար խոչընդոտ չեն կարող հանդիսանալ:

Անգլիացի գիտնական և գրող Լուիս Քերոլի «Ալիսը իրաշքների աշխարհում» գիրքը, սկսած 1865 թվականից, իրատարակվել է 300-ից ավելի անգամ՝ թարգմանվելով աշխարհի բազմաթիվ լեզուներով (այդ թվում նաև՝ հայերեն¹³⁴): Հեղինակը լայնորեն է օգտվել անգլիական ժողովրդական բանահյուսությունից, ուստի այն պայմանականորեն մտցված է այլ ժողովուրդներից օգտված ժողովրդական հեքիաթների շարքի մեջ:

Պ. Սևակը Քերոլի հեքիաթը Չեշիրյան կատվի չքանալու և նրա ժպիտի՝ որոշ ժամանակ մնալու դրվագին երկու անգամ է անդրադարձել, մեկը՝ 1961թ. «Նահանջ երգով» պոեմում՝ հերոսի կերպարն ու ապրումներն առավել խորությամբ պատկերելու նպատակով.

Ես շատ էի նման այն հեքիաթի կատվին,

Որ երբ մինչև անգամ չքանում է աչքից՝

Վառ ժպիտը նրա դեռ մնում է երկար... (III, 161):

Մյուսը՝ 1965 թվականին «Դանուն և ընդդեմ «ռեալիզմի նախահիմքերի» հոդվածում՝ իրենց արվեստագետ համարողներին քերույան վտանգավոր լավատեսությունից զերծ պահելու

¹³³ Տե՛ս աղյուսակ 6, 7, 8:

¹³⁴ Քերոլ Լ., Ալիսը իրաշքների աշխարհում, Երևան, 1971:

համար. «Դիշո՞ւմ եք Չեշիրյան Կատվին՝ անգլիական սքանչելի հեքիաթի «հերոսին», որի ժայռը մնում էր նույնիսկ այն ժամանակ, երբ ինքը չքվում էր: Չեշիրյան Կատուն սովորական կատու չէ, այլ խորհրդանիշը անուղղելի (ուրեմն և վտանգավոր) լավատեսության: Ուստի Չեշիրյան Կատու լինելը և միաժամանակ արվեստագետ համարելը անհարիր բաներ են» (V, 263):

Արաբական հանրահայտ «Հազար ու մի գիշեր» հեքիաթների ժողովածուի հերոսուհու՝ Շահրազադեի կերպարին Պ.Սևակը անդրադարձել է 1959թ. «Ո՞ւր է գիշերը հազարմեկերորդ» բանաստեղծության մեջ: Դիմում-հարցման միջոցով Շահրազադեի հեքիաթային և բանաստեղծական կերպարների զուգադրությամբ նա վերարտադրել է այն ապրումներն ու հոգեկան տվյալանքները, որ վիճակված է սիրո «հազար գիշեր» ապրած ու տեսած անձնավորությամբ:

– Իմ սիրտը

Սիրո հազար գիշեր է ապրել ու տեսել,
Իսկ ո՞ւր է հապա,
Ո՞ւր է գիշերը հազարմեկերորդ:
Մինչև վերջ պատմել ինչո՞ւ չես ուզում,
Ինչո՞ւ չես ուզում,
Իմ Շահրազադե՝:

Դու ո՞ւմ ես ուզում մահից ազատել... (I, 284):

Երկրորդ անգամ Պ.Սևակը արաբական հեքիաթների հերոսուհուն անդրադարձել է 1967թ. «Սայաթ-Նովա» ուսումնասիրության մեջ, ուր բանաստեղծին համեմատում է Շահրազադեի հետ, քանի որ «բանաստեղծը, նման Շահրազադեին, պարտավոր է պատմել հազար ու մի գիշերների պատմությունը, որովհետև դարի գաղտնիքները պահպում են ոչ միայն արխիվնում. նրանց իսկական պահեստանոցը հոգիներն են այն մարդկանց, ովքեր կոչվում են ԱՐՎԵՍՏԱԳԵՏ»¹³⁵:

Ուստական «Ուկե ձկնիկ» հեքիաթի պուշկինյան մշակումը

¹³⁵

Պ.Սևակ, Սայաթ-Նովա, Երևան, 1969, էջ 362:

այնքան հանրահայտ է դարձրել այդ ստեղծագործությունը, որ նրանից «սերված» «կոտրած տաշտի առաջ կանգնել» դարձվածը մտել է նաև մեր խոսակցական լեզվի մեջ, իսկ դրա սևակյան կիրառությունն էլ, ինչ խոսք, հասանելի է հայ ընթերցողին:

1956թ. «Հայպետհրատը» հայերեն տպագրում է դանիացի գրող Յանս Քրիստիան Անդերսենի (1805-1875թթ.) դանիական ժողովրդական ստեղծագործությունների մոտիվներով գրած «Հեքիաթներ և զրույցներ» ժողովածուն, ուր տեղ էր գտել նաև «Թագավորի նոր հագուստը» հեքիաթը՝ գրված 1837թ.: Դանիական ժողովրդական հեքիաթի անդերսենյան մշակումն իր ասելիքի խորությամբ այնքան է դուր գալիս Պ.Սևակին, որ իր բանաստեղծություններում երկու անգամ՝ 1956թ. և 1962թ., անդրադարձել է դրան:

Ինչպես գիտենք, 1956թ. գրված ութնյակների գերակշռող մասի առանցքը ժողովրդական առած-ասացվածքներն են: Ութնյակներից մեկում «Առը՝ Մերս, ճերմակը՝ դուրս»¹³⁶ առածի հենքի վրա կառուցված ութնյակն ամբողջությամբ չէր կարող բացահայտել պոետի ներաշխարհը (առավել ևս՝ «Վերքը»-ին համապատասխանող «ներկըս» բառով կազմված հանգը թուլացրել է ասելիքը), եթե «օգնության» չգար հիշյալ հեքիաթի «Արքա՝ դու մերկ ես» արտահայտությունը, որն առավել սրությամբ ու պատկերավոր է վերարտադրում բանաստեղծական ներաշխարհը:

*Դիմար ժախտով
Ծածկում եմ վերքը-
Ներսից սև՝-սև՝ է,
Դրսից է ներկըս...
Ինքս ո՞նց դառնամ
Հեքիաթի տղան
Եվ ինձ ո՞նց ասեմ.
– Արքա, դու մերկ ես... (VI, 38):*

¹³⁶ Ա.Ղանալանյան, Առածանի, Երևան, 1960, էջ 110:

Այս ութնյակում դանիական հեքիաթից մատնանշվում է մի-
այն ժանրը (առանց աղբյուրը՝ անդերսենյան, մատնանշելու) և
նրա հերոսի՝ հեքիաթի տղայի բացականչությունը:

Ութնյակները գրելուց 6 տարի անց՝ 1962 թվականին, Պ.Սևա-
կը նորից անդրադառնում է դանիական վերոհիշյալ հեքիաթին:
«Առաջադրանք իամայն աշխարհի հաշվիչ մեքենաներին» բա-
նաստեղծության մեջ ևս Պ.Սևակը, մերկությունն իբրև մեկնա-
կետ վերցնելով, կրկին ընթերցողի ուշադրությունը բնեռում է հե-
քիաթի մանուկ հերոսի բացականչության վրա՝ այս անգամ ար-
դեն ելակետ ընդունելով մերկության ժողովրդական փառահեղ
մեկնաբանությունը, մերկություն, որի ցավով տառապել ու տա-
ռապում են աշխարհի գորեթե բոլոր ազգերն ու ժողովուրդները.

Բարեկամաբար ասացե՞ք նաև.

Քանի՞ տարին մեկ աշխարհ է գալու

Այն անդերսենյան մանուկը,

Որից

Թագավորները պիտի իմանան,

Որ մերկ են իրենք (II, 86-87):

Ի տարբերություն ութնյակի, այստեղ Սևակը նշել է աղբյու-
րը՝ անդերսենյան՝ հեքիաթի շարունակություն-վերջաբանը ներ-
կայացնելով հեղինակային հարցադրումներով՝

Եվ ինդրեմ՝ նաև ավելացըրե՞ք.

Այդ իմանալով՝

Թագավորները

Ծածկո՞ւմ են արդյոք մերկությունն իրենց,

Թե՞ շարունակում կրկին մերկ մնալ

Եվ հակառակը կամեցողներին

Կամ թե պարզապես ամաչողներին

Դարկադրում են՝

Աշխարհում ապրել կապված աչքերով... (II, 87):

Պ.Սևակը գործ ուներ 20-րդ դարի երկրորդ կեսի զարգացած
ընթերցողի հետ և հավատարիմ պոեզիայում «կեսխոսքայնութ-
յան» իր սկզբունքին՝ հեքիաթ չի պատմում, այլ ինքն է հարցեր

առաջադրում տեխնիկային գերապատվություն տվող, մարդկային մտածողությունն ու զգացողությունը թերագնահատող հեքիաթասացներին: Եվ այդ առաջադրվող հարցերի թվում, բնականաբար, անպատասխան են մնում նաև դարեր շարունակ աշխարհում հարկադրաբար կապված աչքերով ապրելուն դատապարտված մարդկության՝ անդերսենյան հեքիաթի մանկան նման մեկին՝ անհույս սպասումների վերաբերյալ պոետական հարցադրումները:

Դայ և աշխարհի մի շարք ժողովրդական հեքիաթներից վերցված կախարդական գլխարկի՝ (Դրեցի՛ր թե չէ, էլ չե՞ս մտածում, // Գլխիդ փոխարեն // Արդեն գլխարկը՝ սա է մտածում (II, 70)), կենսախինդ պատմություններ պատմող սուտլիկ որսկանի.

Նրանց [բանաստեղծների – Ա.Ս.] լացը չի կտրվում

Ամե՞ն տեսակ քաղցրավենիք ստանալով...

... Ու թե նրանք սուտ են ասում,

Ապա՝ շա՞տ-շա՞տ՝ որսորդի պես,

Ո՞չ ավելի... (II, 198),

կամ ստախոսությունը մասնագիտություն դարձրած անձանց (Նա սուտ է փշում: Թե սուտը բռնես, «որսորդ եմ» կասի)¹³⁷, կրտսեր որդու՝

Բայց –ով հրաշք –պետք չէր մի դար,

Ոչ էլ կես դար, որպեսզի մենք

Ծնունդ տայինք մեր... Չարենցին,

Որ... չծնվեց մորից արդար

Եվ ուժ չառավ նրա կաթից,

Այլ... դուրս թռավ մեր հեքիաթից՝

Իբրև եղբայր մի արժանի

Սիամանթո –Վարուժանի,

Կրտսեր եղբայր, կրտսեր զավակ,

Որ պիտի գա և այն անի,

Ինչ չարեցին միջնեկ -ավագ... (IV, 222-223),

¹³⁷ «Գրքերի աշխարհ», 13.01.1991, թիվ 2:

Վիշապ օձի, կախարդի, քարանալու, մի քանի գլխանի դեռի,
կոտրած տաշտակի, Շահրազադեի և հեքիաթային այլ հերոսնե-
րի, առարկաների ու երևույթների բնութագրական գծերի, դարձ-
վածային արտահայտությունների և ժողովրդական լեզվամտա-
ծողության տարակերպ կիրառությունները Պ.Սևակի պոեզիան էլ
ավելի են մոտեցնում ազգային ակունքներին:

ԱՌԱԿ

Պ.Սևակի ստեղծագործություններում առակի տեսակի 15 անդրադարձներից 14-ը այլ ժողովուրդներին է, և միայն մեկն է հայկականը¹³⁸, ընդ որում, 13 կիրառությունները արձակ խոսքում են, 2-ը՝ չափածոյում, 6 անգամ նուն հոդվածում միևնույն չինական առակի¹³⁹ գործածությանն ենք հանդիպում, 6-ը՝ հրեական-աստվածաշնչյան, 2-ը՝ ռուսական:

Ասելիքը հաստատելու նպատակով արձակ խոսքում բիբլիական և չինական առակները սկզբում մեջ են բերվում ամբողջությամբ, այնուհետև հետևում է հեղինակի մեկնաբանությունը:

Այսպես, «Դանուն և ընդդեմ «ռեալիզմի նախահիմքերի» հոդվածի սկզբում բանաստեղծն իր միտքը պարզաբանելու համար դիմում է չինական փիլիսոփայական ուսմունքից վերցված առասպել-առակի օգնությանը, որը դատիզմի պատկերավոր հիմնավորումն է:

Պ.Սևակն իր ողջ ասելիքը կառուցում է այդ առակի վրա, որին հետևում է առակից և հեղինակի՝ ասելիքից բխող մեկնաբանությունը. «Դառսական այս առասպել-առակը կարող էր դառնալ լավագույն մանիֆեստն (ու մեկնաբանությունը) ամբողջ նոր ու նորագույն արվեստի» (V, 257):

Շատ անգամ էլ մի քանի աստվածաշնչյան առակներ (առքատ Ղազարոսի, տասը մնասի, Ղովտի կնոջ) միաժամանակ հանդես են գալիս միևնույն հոդվածում (VI, 389):

Անընդհատ հետ նայելու, տեղում դոփելու և համաշխարհային չափանիշներից ետ մնալու վախը բանաստեղծին դրդում է մի քանի անգամ դիմել ետ նայելու պատճառով աղարձան դարձած Ղովտի կնոջ մասին պատմող առակին և չափածոյում.

*Իշխում է անցյալը, ես գիտեմ,
Վաղվանն ու գալիքին հաճախ,*

¹³⁸ Տե՛ս աղյուսակ 5, 8, 12:

¹³⁹ Չինական պատումը վերոհիշյալ հոդվածում մե՛րթ ներկայացվում է որպես դառսական առակ, մե՛րթ առասպել, մե՛րթ առակ-առասպել:

Եվ երբ որ նայում ենք մենք ետև,
 Դառնում ենք հաճախ աղարծամ:
 Դառնում ենք հաճախ աղարծամ:
 Աղարծամ... կնոջ պես Ղովթի,
 Թեկուզ և անցել ենք անփորձանք
 Եղել ենք անհջալ հովտից:¹⁴⁰

և արծակ խոսքում. «Բիբլիական Ղովտի կինը մեկ անգամ այդպես վարվեց (նորի մեջ իինը որոնելով, աչքները դեպի ետ) և... դարձավ աղե արծան: Մեր այս կարգի քննադատները այդպես են վարվում տարիներ շարունակ, բայց – ինչ աղարծան –առաջադիմում են» (V, 63):

«Ավանդապահությունից ճառողները, մեր մեծերի անունը չարաշահողները մոռանում են, որ մեր մեծերը նման են այս առակի տիրոջը (մինչ այդ ներկայացվում է 10 մնասի մասին պատմող աստվածաշնչյան պատումը): Մեզ տված իրենց մնասի դիմաց, – գրում է Պ.Սևակը Ս.Կապուտիկյանի «Մտորումներ ճանապարհի կեսին» գրքի գրախոսականում, – նրանք շահ են պահանջում և զայրագին կդատապարտեին նրան, ով վարշամակի մեջ ծրարված է պահում իր ստացածը» (VI, 390):

Սակայն, ի տարբերություն աստվածաշնչյան-իրեական և չինական առակների, հայկական և ռուսական կիրառությունները մասնակի են՝ չնշելով ո՞չ աղբյուրը և ո՞չ էլ այս կամ այն հատվածը կամ նրա հերոսին. «Իսկ երբ այսօրինակ գրականագետը դեռ ճղճուան ու անձնապատան ծևով պարսավում և հայիոյում է գրական կենդանի երևույթը, ապա ակամա հիշում ես կաղնու, կաղինի և հանրածանոթ առակի երրորդ «հերոսի» մասին...» (V, 276):

Պատճառը նմանատիպ առակների ոչ միայն հանրահայտությունն է, այլև ասելիքը ինքնատիպ վերարտադրելու սևակյան մտածողությունը:

Ի դեպ, նմանատիպ «հանելուկային» կառուցվածքի հանդի-

¹⁴⁰ «Անցյալը» բանաստեղծությունը Պ.Սևակի «Ծանոթացեք նորից» ծեռագիր տետրից է (պահպանվում է Գր.Չալիկյանի անձնական արխիվում): Առաջին անգամ չիրատարակված 14 ությակների հետ տպագրվել է 1991թ. «Գրքերի աշխարհ» թերթում:

պում ենք նաև Աղակի հակագիտական թեզի կապակցությամբ՝ Պ.Սևակի «Եթե ստիպված ենք ինչ-որ իյուրի մեր տան դուռը ցույց տալ» հոդվածում. «...մեր փիլիսոփաները, այս տղայամիտ մտքերը կարդալով, և այս տղայամիտ մտքերի հեղինակի պաշտպանած դրույթների ողջ վտանգավորությանը միացնելով, չեն հիշել հայկական ծանոթ այն առածը, որ ընդամենը մի տող է, բայց ունի ճիշտ 103 գործող անձ՝ մի հիմար, մի քար, մի հոր և 100 խելոք...»¹⁴¹.

«Ընտանի պիտակը» համարելով իբրև «խորխարան խայտառակություն»՝ Պ.Սևակը նախապատվությունը տալիս է ընտանի չդարձած կենդանիներին, անգամ մկանն ու առնետին, բայց ոչ երբեք հսկա ուղտին: Նա «Մժեղն ու ուղտը»¹⁴² առակի և նրա բազմաթիվ տարբերակների ու նրանցից ծնված «Ուղտի ականջում քնած ա» (ԱԾ, 53) բարոյախրատական առածի միջոցով «Մեծ ուղտի փոքրիկ ականջում» բանաստեղծությամբ քննադատում է մեր մեջ արմատացած ուրիշին ապավինելու և եղածին համակերպվելու տիսուր սովորութը:

Պ.Սևակի չափածո և արձակ խոսքում ժողովրդական բանահյուսության տեսակները երբեմն ներկայացվում են նաև ոչ իրենց տեսակը բնորոշող անվանումով, այլ ժողովրդական մեկնությամբ.

Այն խոսքը, որ դարձավ առակ, (իմա՝ ասելիք, ասույթ – Ա.Ս.) Ինձ շինեց խաղը ու խայտառակ... (III, 49):

Ռուսական կիրառությունները գրական մշակման ճանապարհով մեզ հասած կոիլովյան առակներն են. «Այստեղ է, որ բնականաբար և ակամա չես կարող չիշել հոչակավոր առակագրի (Կոիլովի) հանրահայտ առակի այն տողը, որի բառացի թարգմանությունն է՝ «իսկ արկողիկը բացվում էր հասարակ ծեռվ», այսինքն՝ «Շախաթայու» և «Շախաթայի»-ների «արորեմը» լուծելու համար «առանձին հունար չէր պահանջում»¹⁴³:

¹⁴¹ Պ.Սևակ, Եթե ստիպված ենք ինչ-որ իյուրի մեր տան դուռը ցույց տալ, «Երեկոյան Երևան», 11.09.1989:

¹⁴² Դայ ժողովրդական առակներ, Երևան, 2008թ, էջ 54:

¹⁴³ Պ. Սևակ, Սայաթ-Նովա, Երևան, 1969, էջ 434:

ԱՎԱՆԴԱՁՐՈՒՅՑ

Պարույր Սևակի ստեղծագործություններում բանահյուսական նյութերի կիրառության քանակական վերլուծության պատկերն արտացոլող աղյուսակում¹⁴⁴ ավանդության տեսակը երկորդն է՝ 185 գործածություն, 141-ը՝ չափաժոյում, 44-ը՝ արձակ խոսքում և զիջում է միայն առաջ-ասացվածին՝ 497՝ ընդգրկելով 9 երկրներ ու ժողովուրդներ:

Ավանդությունների 185 գործածություններից 24-ը հայկական է, 161-ը՝ այլ ժողովուրդներին:

Ըստ որում, հայկական կիրառությունները (17-ը՝ չափաժոյում, 13-ը՝ մանկական բանաստեղծություններում և 7-ը արձակ խոսքում) զիջում են աստվածաշնչյան-իրեականին՝ 144 (119-ը՝ չափաժոյում, 25-ը՝ արձակ խոսքում): Երրորդը հունական ավանդություններն են՝ 10 (համապատասխանաբար՝ 4 և 6), այնուհետև՝ հռոմեահիտալականը՝ 2 (1 և 1), իսկ արաբական, պարսկական, եգիպտական, թուրքական կիրառությունները (բոլորն էլ պարագաներ)՝ մեկական:

Ավանդությունների միայն հունական և իրեական-աստվածաշնչյան գործածությունները 154-ն են և ընդհանուր կիրառությունների 97% են կազմում:

Իսկ ինչպես է Պ.Սևակն օգտվել ժողովրդական ավանդագորույցներից: Արդյո՞ք հավատարիմ է մնացել «կեսխոսքայնության» իր սկզբունքին, թե՝ եղել են նաև այլ մոտեցումներ: Չափաժոյում և արձակ խոսքում ավանդությունների գործածության արդյո՞ք նույնակերպ մոտեցումներ է ցուցաբերվել:

Պ.Սևակի ստեղծագործություններում ավանդությունների կիրառության մի քանի սկզբունք է նկատվում:

1. Ավանդությունների այս կամ այն էական, հատկանշական կողմի օգտագործում: Նմանատիպ դրսեսորումների հանդիպում ենք Սևակի թե՛ չափածո, թե՛ արձակ խոսքում:

¹⁴⁴ Տե՛ս աղյուսակ 5, 6, 7, 8:

Չափածո խոսքում եթե պետք էր սիրած էակից իր հիասթափությունն արտահայտել, բանաստեղծն օգտագործում է Սամսոնի և Դալիլայի հայտնի ավանդությունը՝ սիրող զույգերին ներկայացնելով նրանց բնորոշ բնավորության գծերով ու գործողություններով.

Զարմանում եմ, թե ո՞նց իմ մտքով իսկ չանցավ,

Որ կարող ես մի օր դու Դալիլա դառնալ

Եվ քո ծեռքով խուզել մազերը Սամսոնիդ... (III, 175):

Իսկ ստի, կեղծիքի և դավաճանության դեմ ըմբուտանալիս «Վիճում եմ» բանաստեղծության մեջ նա չի կարող չվիճել.

Այն գրկի դեմ՝ հուղայական,

Որ մատնում է... (I, 384):

Յիսուսի խոսքը՝ ուղղված իր աշակերտներին, թե «ավելի հեշտ է, որ մի ուղտ ասեղի ծակովն անցնի, քան թե մի հարուստ Աստծո արքայությունը մտնի», «Մեռնել» բանաստեղծության մեջ օգնել է բանաստեղծական կերպարի լիարժեք բացահայտմանը.

Եթե մեռնե Շ...

...Այնքան արդար,

Խղճիս ծայնին միշտ ունկնդիր,

Որ՝ համաձայն բիբլիական հին լեգենդին՝

Դանգիստ անցնեմ և ասեղի նեղլիկ ծակից... (I, 362):

2. Պ.Սևակի ստեղծագործություններում խոսքի արտահայտչականությանն ու պատկերավորությանը մեծապես նպաստում են նաև Յին Արևելքի ժողովուրդների՝ հատկապես հրեական և հունական ավանդություններից սերված դարձվածային կառուցվածքների կիրառությունները:

«Եռաձայն պատարագի» մեջ ընդամենը 42 բանատողում Սևակն օգտագործել է նմանատիպ 4 դարձված-ավանդություն (3 հունական և 1 բիբլիական)՝ յուրաքանչյուրի միջոցով սեղմ ու պատկերավոր ձևով վերարտադրելով ասելիքը:

Այսպես՝ բյուր նահատակների արյուն-քրտինքը լափած ու յուրացրած Օտոման բանկի ընչաքաղցությունը բանաստեղծը

համեմատում է Դանայան տակառի, ժողովրդի մի ամբողջ հատկածի անունեցվածքայնությունն ու անօթևանությունը՝ Դիոգենեսի տակառի հետ.

Դիոգենեսի տակառից էլ գուրկ՝
յուրաքանչյուրը այս խյակներից
Դիոգենես էր մի յուրատեսակ.
մահվամբ ծառագող աչքերով երկու՝
իբրև ճրագով,
օրը ցերեկով
մարդ էին վիճտրում, սակայն... մարդ չկար:
Մարդը կորել էր... (IV, 298):

Իսկ աշխարհի քաղաքակիրք ազգերի սուտ խոստումներն ու դավաճանությունը Սևակը համեմատում է այն համբույրի հետ,
որ անմահացրեց հայտնի Յուդային,

իսկ հանրահայտնի մի ազգ... մահացրեց... (IV, 299):

Բարելոնյան աշտարակաշինության, լեզուների խառնակության, արգելված պտուղի, Սողոմ և Գոմորի, ավետարանի աղքատ Ղազարոսի, Աստծո պատվիրանների, Ղովտի կնոջ՝ հետ նայելու պատճառով աղարձան դառնալու, Զրիեղեղի, Նոյան տապանի, Մովսեսի, Ահարոնի, Պիղատոսի, Քրիստոսի ու նրա խաչելության, Յուդայի, Դանայան տակառի, Դիոգենեսի տակառի, Դիոգենեսի լապտերի, ավգյան ախոռների, պյուռոսյան հաղթանակի, սիզիֆյան աշխատանքի, Ռուբիկոնն անցնելու և բազմաթիվ այլ աստվածաշնչյան ու հունական ավանդությունների՝ «կեսխոսքայնությամբ» չափածոյում և արձակ խոսքում կիրառությունները բխում էին ժամանակակից զարգացած ընթերցողի պահանջներից (թե՛ նյութը, թե՛ աղբյուրը ծանոթ էր նրան) և գոականության առաջադրած խնդիրներից:

Չափածոյում այդպիսի գործածություններն այնպես են շահախված իեղինակային խոսքին, որ երբեմն դժվարանում ես տարանջատել դրանք: Ահա նման մի հատված՝ «հավատարմությունը սրտի արատ չէ» պոեմից.

Իմ սրտից հիմա արյուն է կաթում...

... Դարձյալ հիշում եմ,

*Որ կյանքիդ համար կյանքը վտանգած
ինքնազոհ քաջին,
Չգիտեմ ինչու,
Զըրկում ես հանկարծ իր գորեղ աջից.
Փըրկել ուզողիդ
Գամում ես խաչի.*

Խաբվում ես հաճախ հուղայող պաչից... (VI, 268):

Արձակ խոսքում, մասնավորապես գիտական ուսումնասիրություններում և գրականագիտական հոդվածներում, դրանք խթանիչներ են՝ խոսքը պատկերավոր ձևով տեղ հասցնելու, ասելիքը հաստատելու կամ ժխտելու համար:

Յուդա նահանգում Քրիստոսին մահապատժի դատապարտել տված հռոմեացի կառավարիչ Պիղատոս Պոնտացու «անմեղությունը» խորհրդանշող «ախղատոսաբար» «Պիղատոսի պես ձեռքերը լվանալ» ժողովրդական ավանդությունից և ավանդույթներից մնացած արտահայտությունները Սևակի «Անլոելի զանգակատուն» և «Խոսք հավաստիքի» պոեմներում տարբեր նպատակներով է գործածվել, «Անլոելիում»՝ Եվրոպական տերությունների քար անտարբերությունը, կեղծ անմեղությունն ու բարեպաշտությունը ընդգծելու համար.

*...Ու երբ, վերջապես, պիղատոսաբար
Մաքուր լվացած իրենց ձեռքերով
Յայկական հարցը մեջտեղ բերեցին... (IV, 75):*

Իսկ «Խոսք հավաստիքի» պոեմում Օշականը ներկայացնելով իբրև մի նոր երուսաղեմ՝ ազգային սրբատեղի՝ Պ.Սևակը կանխատեսում է նաև հայոց լեզվի հաղթահանդեսը աշխարհի լեզուների մեջ, քանզի մեսրոպյան գրերն այնքան են հզոր ու անխոցելի, որ «հին ու նորօրյա պիղատոսներին» անգամ կարող են պատժել նրանց իսկ գենքով ու մեթոդներով.

*Գաղտնասացության համար չեմ ծնվել,
Ես գիտեմ սակայն,
Որ օշականյան այս բանուկ ճամփով քայլող ամեն ոք
Անխոս-լոելյայն երդում է տալիս*

Միշտ գուգաշավիդ ընթանալ Քեզ հետ:
 Անձնադատորեն նա հանձն է առնում
 Արդյունավորվել միմիայն այնպես,
 Որ հողագնդի բյուր լեզուներից
 Անարտաքսելի մնա հավիտյան
 Մեր այն բարբառը,
 Որի գոերից կարելի է սուր եղաններ կուել,
 Բայց մեխե՞ր նաև՝

Գամելու համար հին ու նորօրյա պիղատոսներին... (I, 514):

Անդրադանալով գորավար Անդրանիկի կյանքի և ազգա-
 նվեր գործունեության աղավաղումներին, չարդարացվող լրու-
 թյանն ու անտարբերությանը՝ Պ.Սևակը «Լվանանք մեր ամո-
 թանքը» հոդվածում պիղատոսյան չքմեղ վերաբերմունքի օրի-
 նակով քննադատում է առկա երևույթը. «...Բայց պիտի որ ասվի
 այդ «մեղա»-ն և ասվի ոչ թե խոսքով, այլ գործով, ոչ թե ասված
 լինելով ծեռքերը լվանալու պիղատոսությանք, այլ գործնակա-
 նորեն ու հետևողականորեն մեր նորագույն պատմության բոլոր
 աղավաղումները շտկելով, բոլոր սևացումները սրբագրելով,
 որ հավասար է մեր կերած հացից ավագը ջոկելուն...»¹⁴⁵.

3. Հեղինակային համառոտ շարադրանքի կիրառում՝ ավան-
 դությունների էական գծերի և կառուցվածքի պահպանմամբ:
 Նման մոտեցումը նկատելի է Պ.Սևակի թե՛ չափածո, թե՛ արձակ
 խոսքում:

Աստծո քարտուղար Մովսեսի և նրա եղբայր Ահարոնի մասին
 պատմող աստվածաշնչյան ավանդությանը Սևակն անդրադ-
 ան է մի քանի անգամ:

«Նահանջ երգով» պոեմում բանաստեղծը, ոդիմելով սիրած
 էակին, հարցնում է. «Արդյոք չէի՞ր ուզի գեթ մի պատառ լե-
 զենդ», այնուհետև ներկայացնում Աստծո ծայնը ժողովրդին
 հասցնելու համար բիբլիական պատումի հերոսների՝ Մովսեսի
 և Ահարոնի առաքելության դրվագը՝ համեմված հեղինակային

¹⁴⁵ Ղողանջ հիշատակի, Կազմող՝ էդ. Մեհրաբյան, Երևան, 1991, էջ 180-181:

միջամտություններով, համադրություններով ու հակադրություններով.

Աստված, Երբ Մովսեսին գերապատվեց՝
Բոլորի մեջ նրան նախընտրելով,
Եվ պատվիրեց իր ձայնը հասցընել
Մեղքերի մեջ թաղված ժողովրդին,—
Աստված, որ աստված էր,
Չեր նկատել մի բան.

Իր Մովսեսն էր թլվանտ, կակագ, ծանրալեզու:

Աստծու համար ի՞նչ կա.

Ամենազոր է նա:

Եվ թույլ տվեց աստված, որ իր զրույցներին
Ներկա լինի նաև Ահարոնը,

Որ, իհարկե, ուներ ճարտար լեզու (III, 181):

Ենթանդից այս պատառիկի մեջբերումն իսկ նպատակ ունի իրավիճակների նմանության եզրերն ընդգծել և բանաստեղծ-հերոսի անձարակությունը շեշտել, քանզի՝

Մովսեսի պես թլվանտ,
Մովսեսի պես կակագ՝
Ես որտեղից գտնեմ մի Ահարոն,
Որ քեզ սիրող սրտիս պատվիրաններն ամեն
Ականջիդ մեջ թողնի՝
Դեռանալուց առաջ (III, 181):

1966թ. գրած «Քննադատությունն այլևս հավելված չէ» հոդվածում բանաստեղծը կրկին անդրադառնում է Մովսես-Ահարոն հարաբերությանը՝ Աստծո քարտուղար Մովսես-բանաստեղծի և նրա թարգման Ահարոն-քննադատի դերին:

Վերաշարադրելով աստվածաշնչյան պատումը՝ բանաստեղծը հետևություն է անում. «Բայց նա (այդ քննադատ – Ահարոնը) պարտավոր է իիշել, որ ինքը ընդամենը Մովսեսի թարգմանն է և ոչ թե Մովսեսը: Նա աստվածային զրույցի ունկնդիրն է և ոչ թե զրուցող... Ահարոն լինելու համար պետք է նախ և առաջ՝ չլինել կակագ և ապա՝ լինել Մովսեսի հարազատն արյամբ: Մինչ-

դեռ մեր քննադատները հաճախ կակազում են շատ ավելի սատիկ, քան իրենց «ծանրալեզու» եղբայր գրողը...» (V, 276-277):

4. Ավանդությունների մեջբերում ամբողջությամբ: Նման դրսեռումները հատուկ են հատկապես Պ.Սևակի արձակ խոսքին:

Եթե աստվածաշնչյան և հունական ավանդությունները Պ.Սևակի չափածոյում և արձակ խոսքում հանդես են գալիս հիմնականում մասնակի գործածությամբ, նրանց որևէ հատկանշական կողմի ընդգծմամբ՝ առանց մատնանշելու աղբյուրը (լսարանին ծանոթ է և աղբյուրը, և ներկայացվող նյութի բովանդակությունը), ապա ասելիքը տեղ հասցնելու համար մի շարք ժողովուրդների՝ լսարանին անծանոթ ավանդություններից օգտվելիս բանաստեղծն ստիպված է մատնանշել նաև ոչ միայն դրանց աղբյուրը, այլև ներկայացնել ավանդությունն ամբողջությամբ:

Պ.Սևակը նույն կերպ է վարվում նաև բանահյուսության այլ տեսակներին (առակ, հեքիաթ, առասպել, առած-ասացվածք) անդրադառնալիս:

Այսպես, ըստ Պարույր Սևակի՝ բանաստեղծը Աստծո քարտուղարն է (հիշենք՝ բանաստեղծությունների մի ամբողջ շարք կրում է «Աստծո քարտուղարը» խորագիրը), թլվատ մի Մովսես, որը, ինչպես գիտենք, եղբոր՝ Ահարոնի միջոցով մարդկանց եր փոխանցում Աստծո պատվիրանները:

Դետևապես, բանաստեղծները, հավատարիմ իրենց առաքելությանն ու կոչմանը, չպետք է կեղծեն ոչ միայն նրա համար, որ ժողովրդի հետ հաղորդակցվում են... թանաքով..., իսկ թանքը պարտադրում է, որ իրենից օգտվողները, առավել և բանաստեղծները, չստեն, քանզի... Այստեղ արդեն Պ.Սևակն ասելիքը հաստատելու և տեղ հասցնելու, միաժամանակ թանաքից օգտվողներին սթափեցնելու և զգոն պահելու համար խոսքը համեմում է արաբական հին գրականության միջոցով մեզ հասած մի սքանչելի ավանդությամբ¹⁴⁶.

¹⁴⁶ Պատումը Պ.Սևակն անվանում է առասպել-առակ:

«Մեկ անգամ ճամփա են գնում Արդարությունն ու Անարդարությունը և, ինչպես պետք էր սպասել, նրանց մեջ կռիվ է ծագում: Անարդարությունն սպանում է Արդարությանը և որպեսզի հանցագործության հետքերը ծածկի, ողջակիզում է նրա դիմ: Արդարության բարեկամները երկար որոնումներից հետո գտնում են նրա աճյունը և այդ մի բուռ մոխրից սարքում են... թանաք: Այն օրից ի վեր,— եզրահանգում է արաք մեծ իմաստասերը,— Արդարությունը մեռած է աշխարհում, նա ապրում է միայն գրքերի մեջ...»

Առաջմն,— եզրափակում է Պ.Սևակը,— երկրագունդը դժվար թե գոռա. «Ո՞չ, նա ապրում է աշխարհում»: — Ուրեմն և գիրք գրողներն ել չպիտի մոռանան, որ Արդարության մոխրե թանաքով չակերտավոր թե անչակերտ, մակդիրավոր թե անմակդիր սուտ գրելը առնվազն անբարոյականություն է...» (V, 265):

Արքիմեդի մասին պատմող հունական ավանդությանը Պ.Սևակը 2 անգամ է անդրադառնում, մեկը՝ 1963թ. «Այն տարիքում, երբ...» գրականագիտական հոդվածում, մյուսը՝ 1967թ. «Սայաթ-Նովա» ուսումնասիրության մեջ: Երկուսում ել ինչ-որ տեղ եթե արդարացվում է Արքիմեդ—գիտնականի ավանդապատումային կերպարը, ապա արվեստագետ-բանաստեղծի (կոնկրետ՝ Գևորգ Էմինի և Սայաթ-Նովայի պարագայում) արքիմեդաբար պահվածքն աններելի է համարվում:

5. Ժողովրդական ավանդությունների ոգով ստեղծված հեղինակային ստեղծագործություններ, որոնք առկա են բանաստեղծի չափածո գործերում:

Հեղինակաստեղծ ավանդություններից թերևս կարելի է առանձնացնել «Զիթապտղի ծառը» բանաստեղծությունը: Այն ինչ-որ տեղ ասես իիշեցնում է վշտից ուրենի դարձած աղջկա մասին պատմող ժողովրդական պատումը: Եթե վշտահար կնոջ և ուրենի ծառի արտաքին նմանությունն այդ ավանդության ստեղծման պատճառ է հանդիսացել, ապա այս բանաստեղծության մեջ սիրած էակի ներքին որոշ հատկանիշներ (կոնկրետ՝ համային) պոետին բերում է այն հաստատ համոզման, որ իր

սիրեցյալը նախկինում ծառ է եղել, այն էլ՝ «ձիթապտղի նազուն ծառ», քանզի նրա շրթունքները «հասուն ձիթապտղի համ են տալիս».

Թե չլինե՞ր համիդ նշխար-մնացորդը...
Իսկ դու գիտե՞ս արդյոք, որ դո՞ւ բնավ դո՞ւ չես.
(Ո՞չ զարմացած նայիր, ո՞չ ժիժաղիր):
Դաստա՞տ գիտեմ, որ դու դարեր առաջ
Ձիթապտղի նազուն ծառ ես եղել,
Դետո (ի՞նչ իմանամ, թե քանի դար հետո)
Երկրորդ անգամ կրկին աշխարհ գալիս
Կին ես դարձել արդեն...
Գիտեմ, հաստա՞տ գիտեմ,
Թե չէ այդ ինչի՞ց է, որ քո շրթունքները
Դասուն ձիթապտղի համ են տալիս... (VI, 178):

«Քար-կշեռքի» համաստեղության վերաբերյալ ևս Պ.Սևակը «Նահանջ երգով» պոեմում մի նոր ավանդություն է ստեղծում՝ յուրովի մեկնաբանելով սիրո իր ապրումները՝

Ինծ թվում էր, թե նա իր թաթերով
Լույսն ու մութն է կշռում ազնըվորեն,
Որ հաշտեցնի երկու վիճող հարևանի
Գիշեր-ցերեկվանը:
Իսկ հիմա նա
Դավանաբար պիտի իմ կորուստը կշռեր՝
Մի նժարին դրած քո արդարացումը... (III, 179):

6. Ավանդությունների մշակումներ, որոնք առկա են Պ.Սևակի չափածոյում. բոլոր 13 մանկական բանաստեղծություններն եւ գրված են իայկական համապատասխան ավանդությունների հենքի վրա, որոնցից չորսի («Եշը», «Շումն ու Գայլը», «Ուղտն ու ծիտը» և մասամբ նաև «Չթշթանը») սկիզբը առնչվում է նաև աստվածաշնչյան արարչագործությանը:

Պոեզիայում ավանդությունների «կեսխոսքայնությամբ» դրսեռումները ընկալելի են միայն մեծերի լսարանին՝ կապված վերջիններիս ձեռք բերած իմացությունների որոշակի պաշարի և մտածողության աստիճանի հետ:

«Կեսխոսքայնությամբ» մատուցվող ավանդությունները հիմնականում վերաբերում են մարդկային-հասարակական հարաբերություններին, սոցիալ-քաղաքական, կրոնական ու գիտամշակութային կյանքին, որոնք, ինչ խոսք, բացակայում են մանկական ստեղծագործություններում օգտագործած ավանդագրույցներում:

Ժողովրդական խորախորհուրդ ավանդությունները ևս մեծապես նպաստել են Պարույր Սևակի սեղմասույթային (աֆորիստիկ) մտածողության ձևավորմանը: Դեղինակային որոշ ասույթներ ասես ծնվել են այս կամ այն ավանդությունից:

Թանաքի մասին պատմող արաբական վերը բերված ավանդությունն այնքան է հոգեհարազատ եղել բանաստեղծին, որ թվում է թե հետագայում դրա հենքի վրա է ստեղծվել սևակյան հետևյալ թևավոր խոսքը. «...Եթե գեղարվեստական ճշմարտության հաղթանակի դեպքում գրողի ծախսված թանաքը արյան է փոխարկվում, ապա, ընդհակառակը, երբ գեղարվեստական ճշմարտությունը զոհվում է, արյան փոխարեն հոսում է թանաք» (V, 55):

Պ.Սևակը բարձր է գնահատել ավանդագրույցների դերը գրողի ստեղծագործական կյանքում: Վիպական բանահյուսության այդ տեսակի հանդեպ ունեցած հոգեհարազատությունը և առանձնահատուկ վերաբերմունքն արտահայտված է նրա «Երգել» ստեղծագործության մեջ, որտեղ հեղինակը ամեն մի գրողի մեծագույն երազանքը համարում է նրա ստեղծագործությունների՝ հավերժի ճամփորդի կարգավիճակով ժողովրդի սեփականությունը դառնալը.

...Եթե չհիշվել՝

Չքնաղ լեզենդի հեղինակ՝ պես...

Ու եթե հիշվել՝

Ժողովրդական եղանակի պես... (I, 370):

ՊԱՐՈՒՅՐ ՍԵՎԱԿԻ ՄԱՆԿԱԿԱՆ ՍՏԵՂԾԱԳՈՐԾՈՒԹՅՈՒՆՆԵՐԻ ԲԱՆԱՀՅՈՒՍԱԿԱՆ ՀԵՆՔԸ

Պ.Սևակի մանկական ստեղծագործությունների շարքի հրապարակ գալուն, անշուշտ, նպաստել է մի շատ կարևոր հանգամանք. Հովհ. Թումանյանի ծննդյան 100-ամյակի հետ կապված հոբելյանական հանդիսությունները, զանազան միջոցառումները, բանաստեղծի հանդիպումները դպրոցականների հետ և կարդացած զեկուցումներն ու ելույթները մեկ անգամ ևս հաստատում էին այն անսահման սերն ու նվիրվածությունը, որ ժողովուրդը տածում էր իր հոգևոր ստնտուի հանդեպ:

Ո՞ւմ հայտնի չէ, որ մանկական առաջին թոթովանքներից սկսած Թումանյանը իր ստեղծագործություններով մասնակցում է մեր մտածողության ձևավորմանն ու հասունացմանը և ուղեկցում մեզ նաև ողջ գիտակցական կյանքի ընթացքում:

Իր «Թումանյանի հետ» զեկուցում-հոդվածը գրելու համար Պ.Սևակը մի անգամ ևս, բնականաբար, ի մի է բերում Թումանյանի ողջ գրական ժառանգությունը և բանաձևում. Թումանյանը մեր անփոխարիմելի լավաշ հացն է և մեր ժողովրդական թեքիմքը, թե ապուրը («ապուր գոյականն է դարձել ապրել բայ» (V, 356-357)):

Իսկ ո՞ր գրողը չի հիացել, զարմացել, նաև ինչ-որ տեղ էլ նախանձել Թումանյանի անսահման մանկասիրության համար (Վկա՝ նրա մանկական անգերազանցելի ստեղծագործությունները, փոխադրություններն ու թարգմանությունները) և դրանից էլ առավել ցայտուն դրսերվող մանուկների անսահման թումանյանասիրության համար (այսօր ո՞ր երեխային հարցնես, որ չիմանա Հովհ. Թումանյանին):

Թումանյանական օրերն էլ ավելի ակնառու դարձրին այդ փոխադրած սիրո հարատևությունը: Գուցե և հենց այդ մաքուր ու անաղարտ սիրո առկայությունը և նույն տարում Արամ Ղա-

նալանյանի «Ավանդապատում»¹⁴⁷ ժողովածուի հրատարակությունն էլ եղել են այն հիմնական դրդապատճառները, որոնք նպաստել են մանկական բանաստեղծությունների փնջի լույս աշխարհ գալուն:

Իր գրական, գիտական և հասարակական բազում հոգսերի բեռի տակ կքած, հոգին խռով, հուսախաք ու հուսահատ Պարույր Սևակը կարողանում է վերջապես «ազատ» ժամանակ գտնել, «առանձնանալ» մանկաշխարհում և անկեղծ գրուցել Երեխաների հետ: Կենդանի և սրտամուտ այդ գրուցը՝ լեզենդ-բանաստեղծությունների տեսքով, ճիշտ է, շատ կարճ է տևել՝ ընդամենը մեկ շաբաթ՝ 1969թ. հոկտեմբերի 7-ից մինչև 14-ը, այնուամենայնիվ, դրանց «Վերջանությունները»՝ «Զեր ծանոթները» խորագրով, 30 տարուց ավելի շարունակում է գրավել ու հուզել մանուկ ընթերցողին:

Իբրև ավագ ընկեր և ասացող-բանաստեղծ՝ Պ.Սևակը Երեխաներին պատմում է 13 մանկապատում:

Դաշվի առնելով Երեխաների տարիքային առանձնահատկությունները՝ Սևակն իր մանկական բանաստեղծություններից Երկուսը տպագրության է հանձնում «Ծիծեռնակ» մանկական ամսագրին՝ «Վագրն ու Կատուն» (1970, թիվ 2, էջ 7) և «Ուղտն ու Ծիտը» (1970, թիվ 5, էջ 10-11), իսկ յոթը՝ միջին տարիքի Երեխաների համար հրատարակվող «Պիոներ» ամսագրին՝

1. «Էշը» (1970, թիվ 3, էջ 10),
2. «Վարդն ու Մանուշակը» (1970, թիվ 6, էջ 11),
3. «Զթշթանը» (1970, թիվ 8, էջ 7),
4. «Կաքավը» (1970, թիվ 8, էջ 7),
5. «Զղջիկը»¹⁴⁸ (1970, թիվ 12, էջ 14),
6. «Արագիլը» (1971, թիվ 3, էջ 7),
7. «Մանուշակը» (1971, թիվ 5, էջ 17):

¹⁴⁷ Ա.Ղանալանյան, Ավանդապատում, Երևան, 1969:

¹⁴⁸ Ն.Շովսեփյանի կազմած «Պարույր Սևակ. կենսամատենագիտության» մեջ 1970թ. հրատարակված գործերի թվում «Զղջիկի» փոխարեն նշված է «Աղջիկը», որը, անշուշտ, տպագրական վրիպակ է (Պարույր Սևակ. կենսամատենագիտություն, 2-րդ մաս, կազմող՝ Նինա Շովսեփյան, Երևան, 1983, էջ 55):

«Կապիկը», «Շունն ու Գայլը», «Դայոց լեռները» և «Նորից Շունն ու Գայլը» բանաստեղծությունները վերը թվարկած գործերի հետ միասին, բացառությամբ «Վարդն ու Մանուշակի», Պ. Սևակն ամփոփել է «Զեր ծանոթները»¹⁴⁹ խորագիրը կրող ժողովածուում, որը լույս տեսավ բանաստեղծի ողբերգական մահից ընդամենը մի քանի օր անց:

Ինչո՞ւ «Վարդն ու մանուշակը» տեղ չի գտել ժողովածուում: Դա հեղինակի՝ ցանկությունն է եղել, թե՝ իրատարակիչների, դժվար է միանշանակ պատասխան տալ:

Ի դեպ, հետագա տարիների բոլոր վերահրատարակություններում ևս (1984թ., 1992թ., 2000թ.) վերոհիշյալ բանաստեղծությունը չի ընդգրկվել:

Պ.Սևակի ստեղծագործություններին նվիրված հոդված-ուսումնասիրությունների ու մենագրությունների գրեթե բոլոր հեղինակները կամ մանկապատումներին չեն անդրադարձել, կամ բավարարվել են թռուցիկ ակնարկներով միայն՝ շեշտելով բանաստեղծի հետաքրքրությունների նաև այդ ոլորտի առկայության իրողությունը: Նման անդրադարձներում նույնպես «Վարդն ու Մանուշակը» վրիպել է նրանց ուշադրությունից:

Պ.Սևակի մանկական գործերի մասին գրված միակ քիչ թե շատ ամբողջական աշխատանքը Լևոն Բատիկյանի «Պարույր Սևակի մանկական ստեղծագործությունները»¹⁵⁰ հոդվածն է՝ գրված բանաստեղծի ծննդյան 50-ամյակի առթիվ:

Վերլուծելով «Զեր ծանոթները» գրքի բոլոր 12 բանաստեղծությունները՝ հոդվածագիրն անդրադարձել է նաև դրանց՝ բանահյուսության հետ ունեցած աղերսներին. «Նյութը հայ ժողովրդական միջնադարի բանահյուսությունից է, որի տարբեր պատումները կարող ենք փնտրել «Բարոյախոս», «Առակը Միսիթարայ Գոշի», «Առակը Վարդանայ Այգեկցւոյն», «Աղվեսագիրք» և այլ ժողովածուներում: Սակայն միջնադարից եկող

¹⁴⁹

Պ.Սևակ, Զեր ծանոթները, Երևան, «Դայոց լեռներ», 1971:

¹⁵⁰ «Հայոց լեզուն և գրականությունը դպրոցում» («Սովետական մանկավարժ» ամսագրի հավելված), Երևան, 1974, թիվ 2, (մարտ - ապրիլ):

նյութը միայն ատաղծ է ծառայել իմուտ արվեստագետի համար, որից նա հյուսել է արվեստի բարձրարժեք գործեր»¹⁵¹:

Անտեսելով «Ավանդապատումում» տեղ գտած բանավոր աղբյուրները՝ L.Բատիկյանը որպես ատաղծ ծառայած նյութը կապում է գրավոր աղբյուրների՝ միջնադարի՝ բանահյուսության հենքի վրա ստեղծված առակների ժողովածուների հետ: Դա է պատճառը, որ ժողովածուի բանաստեղծությունները նա անվանում է առակ-լեգենդ: «Մրանք իրենց ծագումնաբանությամբ պատկանում են առակի ընտանիքին, – գրում է հեղինակն ու շարունակում, – բայց սևակյան հյութեղ գրիչը նրանց հաղորդել է քնարական քնքշանք, պարուել բանաստեղծական գեղեցիկ գույններով և քնակեցրել լեգենդի գողտրիկ տիրության մեջ»¹⁵²:

Գրականագետ Ալբերտ Արիստակեսյանը Պ.Սևակին նվիրված իր մենագրության մեջ «Զեր ծանոթների» բանաստեղծությունների հենքը համարում է ժողովրդականին հար և նման *հեղինակաստեղծ* ավանդագրույցները. «Գրքույկի տասներկու բանաստեղծություններից յուրաքանչյուրի հիմքում ընկած է մի «ավանդապատում», որ բանաստեղծն ինքն է ստեղծել և ստեղծել այնպես, որ թվում է, թե վաղուց ի վեր ծանոթ է քեզ»¹⁵³:

Սակայն ինչպես վերը նշեցինք, մանկական շարքի լույս աշխարհ գալը կապվում էր նաև Ա.Ղանալանյանի «Ավանդապատումի» իրատարակության հետ, քանզի բացառապես բոլոր 13 բանաստեղծությունների հենքն էլ հայ ժողովրդական ավանդագրույցներն են, փաստացի աղբյուրը՝ «Ավանդապատում» ժողովածուն:

Պ.Սևակի մանկական ստեղծագործությունները՝ իբրև սկզբնաղբյուր, «Ավանդապատումում» ունեն իրենց համապատասխան ավանդագրույցներն ու դրանց տարբերակները:

Բնությունն իր խորախորհուրդ գաղտնիքներով միշտ էլ գրա-

¹⁵¹ «Հայոց լեգուն և գրականությունը դպրոցում» («Սովետական մանկավարժ» ամսագրի հավելված), Երևան, 1974, թիվ 2, (մարտ - ապրիլ):

¹⁵² Նույն տեղում:

¹⁵³ Ա.Վ.Արիստակեսյան, Պարույր Սևակ, Երևան, 1974, էջ 443:

Վել է մարդ արարածին, ստիպել թափանցել նրա խորքերն ու գտնել իրեն հուզող հարցերի պատասխանները:

Վաղնջական ժամանակներում մարդուն շրջապատող երկրային ու երկնային առարկաներն ու երևույթները կենդանացնելով և անձնավորելով, ոմանց էլ նույնիսկ սրբացնելով՝ մեր նախնիներն իրենց «մանուկ» հասակում փորձել են մեկնել դրանք: Այդ մեկնությունները՝ իբրև բնության առեղծվածները «բացող» բանալիներ, նրանք ավանդագրույցների տեսքով ի պահ են տվել գալիք սերունդներին:

Սևակը, «մանուկ» մտածողության արգասիք հանդիսացող այդ մեկնություններից 13-ին նորովի մեկնաբանություն տալով, կրկին վերադարձրել է դրանց հասցեատիրոջը՝ մանուկներին:

Ի տարբերություն ժողովրդական բանահյուսության գերակշռող տեսակների՝ ավանդություններում գեղարվեստական ներգործման ուժը հետին պլանում է, առաջնայինը ճանաչողական նշանակությունն է, աշխարհագրական, պատմական, կրոնական և այլ կարգի տեղեկություններ հաղորդելը:

Ժողովրդական ավանդագրույցների հեղինակային մշակումներում, ինչ խոսք, գեղարվեստական ներգործման ուժով է որոշվում տվյալ գործի արժեքը:

Իսկ ի՞նչ բնույթի ավանդագրույցներ է ընտրել Պ. Սևակը: Հանագա՞տ է մնացել ժողովրդական պատումների կառուցվածքին, բովանդակությանն ու նպատակառողվածությանը, թե՞ հարկ եղած դեպքում հեռացել է դրանցից, տարբերակներից կամ դրանց մասերից ո՞րն է ընտրել ու առանցք դարձրել և որո՞նք է զանց արել:

Շարքի խորագիրն ինքնին խոսուն է՝ «Զեր ծանոթները»: Ենեխան իր ուղեկից բարեկամի՝ ասցող-բանաստեղծի միջոցով կրկին անգամ հանդիպում և մոտիկից շփվում է վաղեմի ծանոթների՝ լեռների, զանազան կենդանիների, թռչունների ու ծաղիկների հետ, նրա օգնությամբ բարձրացնում հազարամյակների մշուշապատ վարագույրը և ստանում բազում առեղծվածային հարցերի պատասխանները:

Պ.Սևակի ընտրած ավանդագրույցներից 12-ը բացատրական, 1-ը՝ («Զթշբանը») ստուգաբանական ավանդություններ են: Ելնելով տարիքային առանձնահատկություններից՝ բացակայում է ավանդության 3-րդ տեսակը՝ վարքաբանականը:

Սևակյան մանկապատումներում կիրառված ավանդագրույցներից մեկը հայոց լեռների մասին է, երկուսը՝ ծաղիկների, վեցը՝ կենդանիների և չորսը՝ թռչունների:

Բոլոր կենդանիները, թռչուններն ու բույսերը, բացառությամբ ուղտի, հայկական լեռնաշխարհում հայտնի են եղել վաղնջական ժամանակներից: Ուղտը, որ անապատային կենդանի է, անծանոթ չի եղել նաև հայ ժողովրդին: Հայաստանը, տարածիկ ճանապարհների խաչմերուկում գտնվելով, միշտ էլ ուղտերի քարավաններ է ընդունել ու ճանապարհել:

Հետևաբար Պ.Սևակի օգտագործած թե՛ կենդանական, թե՛ բուսական աշխարհին ու լեռներին վերաբերող բոլոր ավանդություններն ու դրանց տարբերակները գուտ ազգային բնութի են՝ հայկական: Ինչպես ցույց է տալիս կիրառած ժողովրդական պատումների և դրանց տարբերակների գրառումների տարածվածության քարտեզը (Բուլանըխ, Արճեշ, Դերսիմ, Սեբատիա, Սյունիք, Արցախ՝ Դաշտային և Լեռնային Դարաբաղ, Գուգարք, Սալմաստ...), դրանք ստեղծվել ու պատմվել են հայկական միջավայրում՝ ընդգրկելով պատմական Հայաստանի գոեթե ողջ տարածքը:

Իբրև բանաստեղծության նախադուռ՝ չորս ստեղծագործություններում՝ «Ուղտն ու Ծիտը», «Եշը», «Զթշբանը», «Ծունն ու Գայլը», Պ.Սևակը օգտագործել է նաև եկամուտ՝ աստվածաշնչյան շերտեր:

Ժողովրդական ավանդագրույցների հանդեպ սևակյան մոտեցումները տարբեր բնույթի են՝

ա) Ավանդության մի քանի տարբերակների օգտագործում («Նորից Ծունն ու Գայլը», «Զոջիկը»).

բ) Ավանդության և ժողովրդական հանելուկների, դարձվածների ու ասույթների արտահայտած իմաստային հատկանիշների միաձուլում («Ծունն ու Գայլը», «Եշը», «Վագրն ու Կատուն»).

գ) Ավանդության և առակի խրատաբարոյախոսական ավարտի միակցում /չնայած ավանդություններից շատերն իրենց խորքում նաև խրատաբարոյախոսական իմաստ են պարունակում/ («Դայոց լեռները»).

դ) Ավանդության և հեղինակային ստեղծագործության, դրա մշակման կառուցվածքային և բովանդակային նմանություններ («Վարդն ու Մանուշակը»).

ե) Ավանդության ամենաէական՝ առանցքային հատկանիշի առանձնացում և խորացում («Չղջիկը», «Կաքավը»).

զ) Ավանդության առանցքային հատկանիշի բացահայտման նպատակով հեղինակային հավելումներ («Արագիլը», «Ուղտն ու Ծիտը»).

Է) Ավանդության նորովի մեկնություն («Չթչանը»):

Ի սկզբանե ամեն ինչ կատարյալ է եղել, քանի որ ամենաստեղծ Արարիչը ծով բարություն ունի և ամեն ինչ անթերի ու կատարյալ է բոլորին բաշխել: Յետագայում միայն նրանցից ոմանք այս կամ այն պատճառով պատժվում են, և իրավիճակների ներքին ու արտաքին փոփոխություններ են կատարվում:

Ընդ որում, բանաստեղծություններում այդ փոփոխություններն իրագործվում են կամ արարչի կամքով՝ նրա բաշխումը չիավանելու և համբերությունը շահագործելու հետևանքով («Շումն ու Գայլը», «Եշը», «Չթչանը»), կամ բացբերանության, գաղտնիք չպահելու, ծնողին չլսելու պատճառով («Վարդն ու Մանուշակը»):

Արտաքին փոփոխությունների պատճառ է դառնում նաև ոչ միայն շատ քնելն ու ուշ արթնանալը և գոտի չկապելը («Դայոց լեռները»), այլև անհնազանդությունը երկրային մեծավորին՝ թագավորին («Չղջիկը»), կամ էլ երկնային մեծավորի՝ Արծվի անհարկի միջամտությունը («Կաքավը»):

Բնության մեջ փոփոխություններ են կատարվում ինչպես զավեշտական միջադեպերից («Ուղտն ու Ծիտը») և Վագրի նմանակի ծնունդը փոշտոցից («Վագրն ու Կատուն»), այնպես էլ անփության ու փնթիության պատճառով («Կապիկը»):

Դերերի փոփոխություն է կատարվում նաև խորամանկության, շողոքորթության ու խաբեության միջոցով («Նորից Շունն ու Գայլը»):

Մարդուց Արագիլի կերպարանափոխությունը մարդկանց բեռը թեթևացնելու նպատակ է հետապնդում («Արագիլը»):

Թե՛ ժողովրդական պատումներում, թե՛ Սևակի մանկական ստեղծագործություններում բոլոր փոփոխություններն ել կատարվում են արտաքին ուժերի ազդեցությամբ: Մի դեպքում այդ ուժը Աստվածն է (բանաստեղծություններում՝ Ստեղծող), մեկ այլ դեպքում՝ հասարակությունը, մարդիկ, կամ ծնողը՝ մայրը, երրորդ դեպքում՝ երկրի կամ երկնքի տիրակալները՝ թագավորը, Արծիվը...:

Պ. Սևակի մանկական ստեղծագործություններն իրենց նպատակառությամբ և ասելիքի խորությամբ *Երկու խմբի* են բաժանվում:

Առաջին խմբի մեջ մտնում են այն բանաստեղծությունները, որոնք սոսկ արտաքին երևույթներից բխող բացատրությունների հիման վրա են ստեղծված («Ուղտն ու Ծիտը», «Վագրն ու Կատուն», «Կապիկը», «Էշը», «Մանուշակը», «Վարդն ու Մանուշակը», «Չթչանը»):

Նման կարգի գործերը դուրս են նկարագրականի, բացատրականի շրջանակներից: Դրանք ոչ թե ժողովրդական ավանդագրույցների պարզունակ «վերաշարադրանքներ» են, այլ նպատակամղված վերափոխություններ:

Այս խմբի ամեն մի բանաստեղծություն, բացառությամբ «Վագրն ու Կատուն»-ի, երկու հիմնական ֆունկցիա է կատարում՝

ա) այս կամ այն առարկայի արտաքին կառուցվածքից բխող մեկնաբանություն՝ իբրև նախահիմք՝ կատարված փոփոխության:

բ) այդ փոփոխության պատճառ հանդիսացող տարաբնույթ երևույթների (բացբերանություն, անգաղտնապահություն, պոռուախոսություն, կեղծարարություն, խաբեություն, փնթիություն, անհասկացողություն, անհամերաշխություն) քննադատություն:

Առաջին խմբի բանաստեղծությունների վերջաբաններն ար-

դեն իսկ կատարված փոփոխությունները հաստատող արտահայտություններով են ավարտվում. Չե՞ք հավատում՝ գազանանց գնացեք... («Կապիկը»), կամ՝ Դրա համար էլ նման են այդքան...: («Վագրն ու Կատուն»)....:

Այստեղ բացակայում են երկրորդ խմբի գործերին հատուկ խորքայնությունն ու այլաբանական բազմիմաստ մեկնաբանությունները: Այս հանգամանքն էլ բացատրվում է ցածր տարիքի երեխաների մտածողության աստիճանով, իրերն ու երևույթներն ընկալելու նրանց կարողություններով:

«Ուղտն ու Ծիտը», «Վագրն ու Կատուն», «Եշը» և «Կապիկը» ստեղծագործությունների առանցքը միայն այդ կենդանիներին բնորոշ, մյուսներից տարանջատող ակնառու արտաքին կողմերն են:

«Ուղտն ու Ծիտը» բանաստեղծության համար իբրև սկզբնաղբյուր է ծառայել «Ուղտը» ավանդագրույցը, որն «Ավանդապատում»-ում երկու տարբերակ ունի (թիվ 350, Ա, Բ, էջ 127):

Տարբերակներից մեկը կապվում է Զրիեղեղի և Նոյան տապանի ժամանակների հետ:

Նոյը, տապանից դուրս գալով, ազատ է արձակում նաև բոլոր կենդանիներին: Մարդիկ բազմանալով՝ օգտվում են բոլոր կենդանիների ծառայությունից, միայն ուղտն է ծովանում, և կենդանիները բողոքում են Աստծուն:

Ուղտի կուզի առաջացումը առաջին տարբերակում կապվում է չաշխատելու պատճառով նրա մեջքին առյուծի հասցրած հարկածից, իսկ երկրորդ տարբերակում՝ ուղտի բարձր հասակը պայմանավորվում է հասակ բաժանելիս կենդանիներից առաջինն Աստծուն նրա ներկայանալով: Թե՛ ժողովրդական ավանդադիուցներում, թե՛ սևակյան մշակման մեջ ուղտի հերթը հասնելուց հետո Արարիչը նրան ոչ միայն բարձր հասակ է տալիս, այլև համաչափ մեջք, ոտք ու «սիրուն աշտարակի» պես վիզ:

Դեռանալով պատումի ժողովրդական մեկնաբանություններից՝ բանաստեղծը երեխաներին պատմում է այդ իսկա արածի ծուռ վզի, մեջքի կուզի ու ոտքերի անհամաչափության բոլորովին այլ՝ զավեշտալի պատճառ՝ լիաթոք ծիծաղը:

Պ.Սևակը երեխաներին պատմում է զվարճալի մի պատմություն. Ստեղծողի պահանջով Ուղտն է գնում Ծտին կանչելու: Զավեշտն էլ ավելի է ընդգծվում, երբ հետևում է պոռոտախոս Ծտի՝ *Մի այնպիսի քացի կուտես, // Որ յոթ տապակ կպտղտեն* սպառնալից պատասխանը: Սակայն Ուղտը ծիծաղում է ինքնաբուխ ու տևական, որից էլ ձևախեղվում է նրա՝ սարի պես հսկա մարմինը.

*Ու ծիծաղեց Ուղտը քահ-քահ,
Ու ծիծաղեց հսկան այնքա՞ն,
Որ ծիծաղից գետին փովեց:
Ու ծիծաղեց... վիզը ծովեց,
ՄԵԶՔԸ ծովեց,
Ո՛ՄՔԸ ծովեց:
Վիզ, մեզք ու ուտ ծովեց, գնաց
Եվ այդպես էլ... ծոված մնաց... (ԶԾ, 25)¹⁵⁴:*

Ի տարբերություն ժողովրդականի՝ սևակյան պատումում բացակայում է պատժի գործոնը, և առկա թերությունները քննադատվում ու ժխտվում են լիաբոք ծիծաղի միջոցով:

Բացելով Ուղտի անհամաչափ արտաքինի առաջացման «գաղտնիքը»՝ բանաստեղծը միաժամանակ քննադատում է մեծախոսությունը, դատարկախոսությունն ու սեփական ուժերը չափից ավելի գերազնահատելն ու դիմացինին թերագնահատելը:

Կատվի մասին պատմող ժողովրդական ավանդագրույցի (Ավանդապատում, թիվ 342, Կատու, Ա, Բ, Գ, Դ, Ե, Զ, էջ 123)¹⁵⁵ վեց տարբերակներից մեկն է միայն նմանության հիմքի վրա ստեղծված, մնացած 5-ը՝ «Կատուն Քրիստոսի թաշկինակն ա» ժողովրդական ասույթի քրիստոնեական տարբեր մեկնաբանություններ են, որոնք մանկական բանաստեղծության համար չեն կարող ատաղձ դառնալ:

¹⁵⁴ **Պ.Սևակ**, Զեր ծանոթները, Երևան, 1984, էջ 25: Այսուհետև այս ժողովածուի հղումները՝ էջի հետ միասին, կնշվեն բնագրում:

¹⁵⁵ Ավանդություններից շատերի խորագրերը (մասնավորապես կենդանիների ու բույսերի մասին պատմող) «Ավանդապատում» պայմանական են և սույն առարկայական բաժանման համար են:

«Վագրն ու Կատուն» գրելիս Պ.Սևակը Ա տարբերակն է մշակել: Այն պատմում է, թե ինչպես է Նոյի տապանում ապաստան գտած ժամանակ առյուծը հանկարծ փոշտացել: Նրա քրից դուրս է ընկել կատուն: Դրանից է, որ կատուն շատ նման է առյուծին:

Այս պատումին բանաստեղծը հավելել է նաև քրից թոած (քրից ընկած) ժողովրդական դարձվածը:

Պ.Սևակը գործ ուներ Երեխաների հետ և պետք է հավատ ներշնչեր նմանության նախապատմության իր մեկնաբանությամբ: Իսկ ձեռքի տակ եղած աղբյուրը մասամբ էր բավարարում հեղինակին, քանզի կատվի հետ արտաքին առավել շատ նմանության եզրեր ունի վագրը, քան առյուծը:

Այս չնչին հեղինակային շտկումն անգամ շեշտվում է, որպեսզի ընդգծվի այն բծախնդիր ու մանրակրկիտ աշխատանքը, որ կատարում էր բանաստեղծը՝ նախքան որևէ գործ ձեռնարկելը:

«Վագրն ու կատուն» բանաստեղծությունը ծավալով ամենակարճն է (18 բանատող) և սկսվում է առանց որևէ նախապատմության:

Երեխաների ուշադրությունն անմիջապես բևեռվում է նրանց երկու խաղալիք-ընկերների՝ Վագրի ու Կատվի վրա՝ «Որ կարծես Վագրի քրից է ընկել» արտահայտությամբ ընդգծելով նրանց անչափ նմանությունը: Այնուհետև «բացվում է» «քրից ընկելու» խորհրդավոր պատմության վարագույրը, և այս անգամ արդեն ժողովրդական դարձվածն է դառնում պատումի բացման մեկնակետը:

Փոշտոցից Կատվի ծնունդի ժողովրդական մեկնաբանությունը պահպանելով՝ Սևակը փոշտալը կապում է Վագրի՝ ցրտից սաստիկ մրսելու և մութ ու ցուրտ անտառում բժիշկ ու դեղ չլինելու հանգամանքի հետ.

Իսկ մութ անտառում՝

Ի՞նչ դեղ ու բժիշկ,

Մրսած Վագրին ո՞վ կամ ինչպե՞ս բուժեր:

Ու փոշտում է Վագրը շատ ուժեղ:

ԵՎ Արաքրից մի բան է կաթում,

Որ տեղն ու տեղը դառնում է... Կատու (ԶՇ, 35):

Եթե մնացած 12 մանկական ստեղծագործություններում հիմնական ասելիքի հետ միասին անպայման առկա է այս կամ այն բացասական երևույթի դեմ ուղղված քննադատական տարրը, ապա «Վագրն ու Կատուն» միակ բանաստեղծությունն է, որ սոսկ բացատրական պատմություն է տալիս Երեխաներին և չունի քննադատական նպատակառուղղվածություն: Այստեղ բացակայում է նաև որևէ ուժի կողմից իրագործվող պատիժը:

«Կապիկը» բանաստեղծությունը ևս կառուցված է ժողովրդական պատումի հիման վրա (Ավանդապատում, թիվ 341, Կապիկ, Ա, Բ, էջ 123): Ավանդագրույցի Երկու տարբերակներում էլ կապիկը մարդ է եղել և զբաղվել է ներկարարությամբ: Եվ եթե Ա տարբերակում նա պատժվել է Երկնավորի կողմից ու կապիկ դարձել աշխատելուց առաջ Երեսը չխաչակնքելու և չաղոթելու համար, իսկ եղունգների տակի կապույտն էլ վկայությունն է նրա Երբեմնի մասնագիտության, ապա Բ տարբերակում կապիկ դառնալու պատճառը մահամերձ մորը նեղացնելն է ու վերջինիս անեծքը: «Այդ օրվանից էլ կապիկն անհանգիստ ու անհույս թափառում է անտառներում», – պատմում է ժողովրդական ավանդագրույցը:

Երկրորդ տարբերակում չի նշվում ներկարարության հետևանքները: Մատնանշվում է միայն անեծքի արդյունքը, այն է՝ մարդուց կապիկի վերածվելը և անհանգիստ ու անհույս թափառական կյանքը:

Պ.Սևակը ո՞չ կրոնական հողի վրա կատարված պատիժն է օգտագործել, և ո՞չ էլ ծնողին նեղացնելն է դարձրել կերպարանափոխության պատճառ: Նա բանաստեղծության համար առանցք է վերցրել ներկարարի մասնագիտությունը՝ նրա դըրսկորման որոշ մանրամասներով և իբրև պատիժ ներկարարի անփոխության ու փնթիության՝ կապիկ դառնալը:

Ի տարբերություն «Մանուշակի» և «Վարդն ու Մանուշակի»՝ իրավիճակների փոփոխությունն այս մանկապատումի մեջ ի-

րագործվում է ոչ թե անեծքի, այլ մարդկանց միացյալ որոշման շնորհիվ.

*Բոլորը մեկ հավաքվել են ժողովի,
Ել չե՞ն թողել, որ ծղավի - բղավի,
Ոչ էլ ուզել կամ չուզելս են հարցրել
Ու... կապիկ են դարձրել* (ԶՕ, 33):

Բանաստեղծության վերջաբանը գրելիս **Պ.Սևակն** օգտվել է Ատարբերակից՝ հավելելով մի փոքրիկ որվագ ևս:

Եթե ժողովրդական պատումում մատնանշվում է միայն կապույտ գույնը, ապա Սևակը փնթիության հետևանքներն ավելի ընդգծելու համար մի գույն էլ է ավելացրել՝ կարմիրը:

Պոչի տակի կարմիրի և մատների եղունգների տակի կապույտի գոյության փաստերով էլ մանկագիր բանաստեղծը քննադատում է կապիկ-մարդու կամ մարդ-կապիկի անտաղանդ, անշնորհք ու անփույթ ներկարար լինելը:

Որպես ապացույց փնթիության պատճառով մարդկանց պատժի՝ բանաստեղծն իր փոքրիկ բարեկամներին իրավիրում է գագանանոց.

*Չե՞ք հավատում՝ գազանանոց գնացեք
Ու կտեսնեք, որ կապիկի պոչի տակ
Մինչև հիմա դեռ կարմիրն է մնացել,
Իսկ մատների եղունգի տակ անփույթը
Մինչև հիմա չի լվացել կապույտը...* (ԶՕ, 33):

Ինչպես մյուս մանկապատումներում, այստեղ ևս ճանաչողական, ուսուցողական կողմից ոչ պակաս կարևոր դեր է խղում նաև դաստիարակչականը:

Քննադատելով ձեռնարկած գործի թերիմացությունն ու փնթիությունը, անփութությունն ու անտարբերությունը՝ կապիկի մերժելի օրինակով **Պ.Սևակը** երեխաներին ուսուցանում է լիարժեք յուրացնել ընտրած մասնագիտությունը և հարգել ու գնահատել մաքրությունը:

Դագարամյակներ շարունակ մարդու հոգսը թեթևացնող կենդանիներից մեկն էլ էշն է, որն աչքի է ընկել իր հեզությամբ ու

անտրտունջ բեռնակրությամբ: Սակայն այդ հատկանիշներն ամենահն էլ չեն նպաստել նրա որական գնահատականին:

Եշի ականջների ընդգծված երկարությունը, անդուր զռոցը և ուշ ընկալելու ունակությունը բազմաթիվ անեկդոտների ու զավեշտական պատմությունների տեղիք են տվել:

«Ավանդապատում»-ում (347, Եշը, Ա, Բ, էջ 126) տեղ գտած պատմություններից մեկը սատանայի միջամտությամբ Եշի զռոցին է առնչվում, մյուսը՝ խելքին ու ականջներին: Սևակը օգտագործել է վերջին տարբերակը՝ միահյուսելով խելքի և ականջների հետ առնչվող այլ պատումներ:

«Եշը» բանաստեղծությունը ևս, ինչպես ավանդագրույցը, սկսվում է Աստծո արարչագործությամբ ու շնորհաբաժանումով: Ժողովրդական պատումում առաջին հերթին խելքն է բաժանվում, և խելքի պակասի պատճառը Եշի ուշ ներկայանալն է:

Եշը դժգոհում է Աստծո բաշխումից և տրտնջում, թե՝ «Բա ես ես փոքր կտոր խելքով ի՞նչ պիտի անեմ»: Աստված հանգստացնում է նրան՝ խոստանալով հաջորդ օրը շուտ ներկայանալու դեպքում, իբրև փոխհատուցում, ամենամեծ ականջները տալ: Աստված կատարում է իր խոստումը:

«Եշը» բանաստեղծության մեջ, ճիշտ է, այս դրվագները բացակայում են, սակայն փոխարենը մտցված է երկու տառից բաղկացած սեփական անունը անընդհատ մոռանալու և երկարականջների առաջացման պատմության դրվագները: Յեղինակային մշակման մեջ Եշն իր անհասկացողությամբ ու մոռացկությամբ չարաշահում է Տիրոջ համբերությունը.

*Նորից գնաց,
Եկավ նորից,
Ու կրկնվեց նորից նույնը.*

Մոռացել էր իր անունը (ԶՕ, 17-18):

Բարձրյալը ճարահատյալ քաշում է Եշի ականջներից՝ փորձելով հիշեցնել նրա՝ երկու տառից բաղկացած անունը.

«Քո անունը էշ է, իշուկ:

Երկու տառ է, ո՞նց չես հիշում» (ԶՕ, 18):

ճիշտ է, «խելոք» էշը վերջապես մտապահում է իր անունը, բայց որպես ուշ ընկալելու արդյունք, որպես այդ օրերի հիշատակ ու պիտակ՝ մնում են երկար ականջները:

*Եվ այն օրից խելոք էշը
իր անունը արդեմ հիշեց.
Ել հարցմելու կարիք չկար,
Բայց ականջը... մնաց երկար* (ԶԾ, 19):

Բացառված չէ, որ Պ.Սևակը՝ իբրև ժողովրդական ստեղծագործությունների հմուտ գիտակ և անմիջական կրող, իմանար նաև *Անգածը քաշեցին*, //Անունը տվեց ժողովրդական հանելուկը¹⁵⁶ կամ «Իմ էշ խելքն ասա» ժողովրդական դարձվածն իբրև այս կամ այն երևույթի՝ ուշ ընկալելու և զղալու արտահայտություն:

Դակառակ ժողովրդական պատումների՝ հեղինակային ստեղծագործություններում շնորհաբաժանմանը շուտ ներկայանալը ոչ մի դեր չի խաղում: Չի շահում նաև երկնային ամենաստեղծ Արարչից դժգոհողը: Եվ եթե «Ավանդապատումում» երկար ականջները Աստծո կողմից խելքի դիմաց ստացած փոխառուցման արդյունք են, ապա սևակյան մշակման մեջ՝ անհասկացողին պատժելու:

Մանուշակի մասին երեք ավանդագրույց է գրաւել (Ավանդապատում, թիվ 310, «Մանուշակ», Ա, Բ, Գ, էջ 112): Երեքի մեջ էլ ներկայացվում է մանուշակ աղջկա՝ ծաղկի կերպարանափոխվելու, չոլերն ընկնելու, լեզվակը բկից դուրս գալու և շուտ թառամելու պատմությունը:

Բոլոր փոփոխություններն ել կատարվում են խոսքի գորության՝ անեծքի օգնությամբ:

Ժողովրդական ավանդագրույցներից մեկը կապվում է մոր, երկուսը՝ Քրիստոսի անեծքի հետ:

«Մանուշակը» բանաստեղծության համար որպես ատաղձ է ծառայել Ե. Լալայանի՝ Բորչալուից գրառած գրույցը: Պ.Սևակն

¹⁵⁶ *Ա.Դարությունյան*, Դայ ժողովրդական հանելուկներ [Բամահավաք ժողովածու], Երևան, 1965, էջ 59:

այն ամբողջությամբ չափածոյի է վերածել՝ չխախտելով սյուժետային կառուցվածքն ու գործողությունների հաջորդականությունը:

Մոր անեծքի մեջ է ներառված նաև մյուս երկու պատումների անեծքներն ու դրանց հաջորդող մեկնաբանությունները:

Մարդու արտաքին գեղեցկությունն ու քննչությունը մնում են ստվերում, եթե նրա մեջ առկա են բնավորության բացասական գծեր:

Ապավիճնելով մարդկության «մանուկ» հասակում խոսքի զորության ունեցած հզոր ներգործությանը՝ իբրև մարդու գործողությունները կանոնակարգող միջոց, Պ.Սևակը ժողովրդական պատումների օրինակով աշխատում է մանուկ ընթերցողին գերծ պահել խոսք տանել-բերելու անբարո սովորույթից.

*Նրա խոսքը տարել նրան,
Նրա խոսքը բերել սրան,
Ինչքան գաղտնիք են վստահել,
Ոչ մի գաղտնիք նա չի պահել* (ԶՕ, 8):

Անեծքը ծնվում է զայրույթի պոռթկումի պահին: Դեղինակային մշակման մեջ այն հիմնավորվում է. մոր բազմաթիվ խրամները՝ սթափեցնելու աղջկան, անցնում են անարդյունք.

*Խրատել է մայրը նրան,
Խսկ նա՝ էլի միշտ բացբերան:
Խրատել է մայրը մեկ էլ,
Խսկ նա գլուխ չի էլ թեքել* (ԶՕ, 8):

Մայրը ճարահատյալ անեծքի զորությամբ պատժում է աղջկան.

*«Դաշտերն ընկած՝
Ապրես ժնկած,
Դենց զորանաս՝
Շուտ չորանաս,
Ու լեզուդ էլ
Բաց բերնիցդ թող դուրս չգա,
Այլ բկիցդ,
Ծոծրակիցդ»* (ԶՕ, 8):

«Մանուշակը» բանաստեղծության վերջնամասի ժողովրդական անեծքի ծավալուն մեջբերումը թերևս ինչ-որ չափով ազդում է բանաստեղծության գեղագիտական կողմի վրա, թուլացնում նրա բարոյախրատական ուղղվածությունը:

Վարդի ու մանուշակի մասին պատմող ավանդագրույցի (Ավանդապատում, թիվ 311, Վարդն ու մանուշակը, Ա, Բ, էջ 112) առաջին տարբերակն ասես մանուշակի մասին ժողովրդական պատումի օրգանական շարունակությունն է:

Մանուշակի բնավորության բացասական գծերին այստեղ «ավելացված է» նաև եղբոր հետ անընդհատ կրիվները:

Ժողովրդական երկու ավանդագրույցն ել քրոջ և եղբոր՝ Վարդի ու մանուշակի վերափոխվելու և տարբեր ժամանակ բացվելու մասին է: Առաջինի մեջ նրանց՝ իրարից հեռացման պատճառը բացահայտված է, իսկ երկրորդում այն բացակայում է: Առաջին տարբերակում նրանց իրար մոտ բերողը կպատժվի՝ «մուրազաչոր կմեռնի», իսկ երկրորդում, ընդհակառակն, ցանկությունն անմիջապես կկատարվի:

Սևակը ժողովրդական պատումի առաջին տարբերակն է մշակել: Չորս քառատողից բաղկացած բանաստեղծության մեջ ևս պահպանվել է անեծքի զորությամբ կերպարանափոխության և պատժի գործոնը: Բացառությամբ պատումի մեջ առկա քրոջ արյունը ծծելու և երեսին քսելու դրվագի ու ստեղծված իրավիճակը խախտողի դեմ ուղղված արտահայտության՝ մնացած նասերում բանաստեղծը հարազատ է մնացել ժողովրդական ավանդագրույցի կառուցվածքին և գործողությունների հաջորդականությանը:

Որպեսզի մայրական անեծքի կիրառումն առավել հավաստի ու համոզիչ դարձնի, Սևակը չափածո մշակման մեջ ավելացրել է նաև զավակներին մի քանի անգամ խրատելու, նրանց երդվելու և երդումը խախտելու, համբույրով, նույնիսկ ծեծով սրափեցնելու դրվագները.

*Մայրը շատ է նրանց խելք ու խրատ տվել,
Նրանք՝ «Էլ չենք անի», – ասել են ու երդվել,*

«Զթշբանից» և մանկական մյուս ստեղծագործություններից բխող բարոյախոսությունը:

Երկրորդ խմբի սևակյան մանկապատումները («Դայոց լեռները», «Շունն ու Գայլը», «Նորից Շունն ու Գայլը», «Զղջիկը», «Արագիլը», «Կաքավը»), ի տարբերություն առաջինի, առավել խորքային են: Ժողովրդական ավանդագրույցներն այստեղ մանուկ ընթերցողին են ներկայանում «Վերաստեղծված» ու «Վերահիմաստավորված», իսկ ասելիքը հրամցվում է այլաբանորեն:

Դաշվի առնելով այս խմբի ստեղծագործությունների նպատակառողությունը՝ Պ. Սևակը կամ շեշտված բարոյախրատական վերջաբանով է եզրափակում իր ասելիքը՝ «Ով ուզում է չքարանա...» («Դայոց լեռները»), «Ու քանի դեռ կա աշխարհում// Դարկ պահանջող ու հարկ տվող...» («Զղջիկը»), «Տարիներ են եկել-անցել...» («Շունն ու Գայլը»), կամ էլ այդ բարոյախոսությունը բանաստեղծության խորքում է («Կաքավը», «Նորից Շունն ու Գայլը»):

«Դայոց լեռները» բանաստեղծությունը ստեղծվել է համանուն ավանդագրույցի հենքի վրա (Ավանդապատում, թիվ 9, Դայոց լեռները, էջ 10): Ա. Ղանալանյանի գրառած այս պատումը ժողովածուում այլ տարբերակ չունի:

Պ. Սևակը հարազատ է մնացել ժողովրդական պատումի կառուցվածքին և գործողությունների հաջորդականությանը: Նա պահպանել է նաև ավանդագրույցի առանցքային գծերը՝ եղբայրների վաղ արթնանալը, գոտիները կապելը և բարեկելու սովորույթը:

Թե՛ ժողովրդական պատումում, թե՛ բանաստեղծության մեջ դարերի խորքից եկած այդ ավանդույթի խախտման պատճառ է դառնում հաղթանդամ ու հսկա եղբայրների ծերանալը: Իսկ ավանդույթը խախտողը, ով և ինչ հանգամանքներում էլ որ լիներ, միշտ էլ պատժվել է ինչ-որ ուժերի կողմից: Ժողովրդական ավանդագրույցում այդ ուժը Աստվածն է: Սակայն սևակյան մշակման մեջ այն բացակայում է. Աստծո դերին «փոխարինել» է արտասովոր ու ցնցող բանից զարմանք արտահայտող «քարանալ» կամ «քար կտրել» դարձվածը.

Ծառ են քնում – ուշ վեր կենում
Եվ ի՞նչ... հանկարծ մոռանում են
Նախ և առաջ կապել գոտին.
Առանց գոտու ելնում ոտի,
«Բարի լույս» են իրար ասում,
Բայց... իրար ծայն է՛լ չեն լսում:
Եղբայրները քարանում են,
Դառնում լեռներ հազար ու բյուր... (ԶՕ, 6):

Այդ փոփոխությունն, ինչ խոսք, առավել սահուն ու համոզիչ է դարձրել գործողությունների ընթացքը:

Քանի որ բանաստեղծը գործ ուներ երեխաների հետ, նա ավելացրել է նաև արթնանալուն պես իրենց երեսն ու ծեռքերը լվանալուց հետո միայն «բարի լույս» ասելու և սիրով իրարից «բարի լույս» լսելու հատվածը:

Ժողովրդական ավանդագրույցում եղած ևս երկու ավանդությունների առկայությունը (աղբյուրների առաջացումը Եղբայրների արցունքներից և լեռները երիզող դաշտերի առաջացումը նրանց մեջքի գոտիներից) պահպանել է նաև **Պ.Սևակը**.

Նրանց աչքի արցունքները՝

Դազար աղբյուր,

Նրանց մեջքի գոտիները՝

Դաշտ ծաղկաբույր... (ԶՕ, 6):

Գոտիները հնագույն ժողովուրդների համար ոչ միայն զարդեր են եղել, այլև առնականության և զանազան վտանգներից ու փորձանքներից պաշտպանելու խորհրդանիշ են համարվել: Վաղնջական ժամանակներից գոտիների հանդեպ դրսնորված հատուկ վերաբերմունքի մասին է խոսում նաև այն փաստը, որ արևելյան մարտարվեստում մարզիկների վարպետության ու մարտունակության աստիճանը որոշվում է մարտագոտիների տարբեր գույներով:

Պ.Սևակը «Դայոց լեռները» լեզենդ-բանաստեղծության մեջ ավելի է խորացրել ու ընդգծել գոտիների դերը: Ցիշտ է, ավանդության մեջ եղբայրների ծերությամբ ու հիշողության կորստով

է պատճառաբանվում հետագա գործողությունների ընթացքը, սակայն բանաստեղծն այլ կերպ՝ անցյալի ավանդների հետ կապի խզմամբ է մեկնաբանում այն:

Վաղ արթնանալը երեխաներին առողջ ու ամուր դաստիարակելու, իսկ ժողովրդին՝ կյանքի խելահեղ հորձանուտում քնով չընկնելու, նրա ընթացքից ետ չմնալու և միշտ երիտասարդ մնալու նախապայմանն է: Գոտի չկապելն իսկ թուլացնում է և անհատին, և ժողովրդին: Իսկ միշտ առույգ ու երիտասարդ է մնում և չի ծերանում այն անհատն ու ժողովուրդը, որի զավակները՝ ծեր թե մանուկ, ոչ միայն վաղ են արթնանում, այլև գոտիներն ամուր կապած՝ գոտեպնդվում և գոտեպնդում են իրար ու բռունցքվում:

Պ.Սևակը չի պարփակվել ժողովրդական պատումի շրջանակներում: Յեղինակային մշակման մեջ ճանաչողական-բացատրական ֆունկցիան ամբողջանում է բանաստեղծի՝ գոտեպնդվելու և եղբորը գոտեպնդելու ուղերձ-վերջաբանով, որն ինքնին դաստիարակչական-բարոյախրատական մի պատվիրան է՝ հղված թե՛ մանուկ ընթերցողին՝ մեր հայրենիքի վաղվապահապանին, թե՛ ողջ հայ ժողովրդին.

...Ով ուզում է չքարանա,
Պիտի որ նա չմոռանա
Չարթնել շատ շուտ,
Ելնել ոտի,
Մեջքին կապել ամուր գոտի,
Այսինքն՝ միշտ գոտեպնդվել
Ու եղբորը գոտեպնդել... (ԶԾ, 6):

Թե՛ «Շումն ու Գայլը», թե՛ «Նորից Շումն ու Գայլը» բանաստեղծությունների հենքը «Գայլն ու շումը» ժողովրդական ավանդությունն է (Ավանդապատում, թիվ 339, Գայլն ու շումը, Ա.Բ, Գ, էջ 122): Այն երեք տարբերակ ունի, և երեքի մեջ էլ շները կապված են մարդկանց հետ ու հավատարիմ ծառայում են նրանց:

Տարբերակներից մեկում շները նախկինում գայլեր են եղել և

բարի ոգիների թելադրանքով են հեռացել գայլերի ընտանիքից ու մտել մարդկանց մոտ ծառայության: Եղած տարբերակները, ի տարբերություն նրա օգտագործած մյուս ավանդագրույցների ոչ թե լրացնում են մեկը մյուսին, այլ իրենց ասելիքով ու նպատակառողջաժությամբ ինքնուրույն միավորներ են, և բանաստեղծի գոչի տակ դրանք դարձել են առանձին-առանձին բանաստեղծություններ՝ մեկն իբրև սկզբնաղբյուր ծառայելով «Շուն ու Գայլի», մյուսը՝ «Նորից Շունն ու Գայլի» համար:

Սևակի օգտագործած տարբերակում (Բ) Գայլը հարձակվում է գոմեշի վրա, որ պատառուի, սակայն չկարողանալով՝ գնում է Աստծու մոտ և հոտառության փոխարեն խնդրում ուժ տալ: Խնդրանքը բավարարվում է:

«Շունը հոտառությամբ ավելի ապահով վիճակ ստեղծեց իր համար, քան Գայլը ուժով», – պատմում է ավանդագրույցը:

Դեղինակային մշակման մեջ գոմեշի դեմ կռվի դրվագին նախորդում է գայլի կռիվը էշի՝ այսինքն՝ բութի, անհասկացողի դեմ, նրան խեղդելն ու պարծենալը: Այնուհետև ներկայացվում է գոմեշի կողմից համառ դիմադրության հանդիպելն ու խնդրանքը Աստծուց՝ հոտառությունը փոխարինել ուժով.

«Դուտառության մեջ ի՞նչ կա որ...

Ուժ տուր, ուժ է ինձ հարկավոր» (ԶՕ, 21):

Ստեղծողն այս անգամ էլ է բավարարում Գայլի խնդրանքը՝ նրա ու Շան միջև ուժի և հոտառության վերաբաշխում կատարելով.

Էլ ոչ չափեց, ոչ էլ ձևեց,
Շան ուժն առավ՝ Գայլին տվեց,

Դուտառությունն էլ՝ Շներին: (ԶՕ, 21):

Աչքի առաջ ունենալով նաև անկշտությունն ու ագահությունն ընդգծող ժողովրդական գայլի ախորժակով, գայլի պես սոված, գայլի պես անկուշտ արտահայտություններն ու շան պես գլխի ընկնել, շան նման պոչը քաշել, շան հոտառություն, շան կաղալը մինչև գելին տեսնելն ադարձվածները և թևավոր ասույթները՝ Պ.Սևակը ուժի ու սուր հոտառության դրսենորման

օրինակներով ցույց է տալիս, որ միշտ չէ, որ ուժն ու ուժեղն է հաղթում: Ժողովրդական պատումին հավելելով *Ուժեղից ուժեղն էլ կա* ասացվածքը և ժխտելով ամեն տեղ ուժին գերակայություն տալու սխալ մտայնությունը՝ բանաստեղծը երեխաներին ուսուցանում է ուժին, բռնությանը դիմագրավելու մի ձև և՝ նուրբ ու սուր հոտառությամբ և խորաթափանցությամբ ապահով կյանք ստեղծելու, նպատակին հասնելու մարտավարությունը.

*Տարիներ են Եկել-անցել,
Գայլն իր ուժով մինչև հիմա
Էլի նույն Գայլն է մնացել՝
Նույն սովածը ծմեռ-ամառ,
Նույն որսորդի ահ ու մահով,
Այնինչ, շունը իրեն համար
Ստեղծել է կյանք ապահով՝
Ոչ թե ուժով կամ բռնությամբ,
Այլ նուրբ ու սուր հոտառությամբ (ԶԾ, 21-22):*

«Նորից Շունն ու Գայլը» բանաստեղծության կառուցվածքը համապատասխանում է ժողովրդական ավանդագրույցին, որի տարբերակներից մեկում գայլերը մարդկանց բակերում են լինում, իսկ շները՝ անտառում: Այնուհետև ներկայացվում է հիվանդացած շների խնդրանքը գայլերին՝ մինչև առողջանալը տեղափոխություն կատարել, ցանկությունն իրականացնելուց հետո այլևս ետ չվերադառնալն ու գայլերի տարակուսած հարցումին՝ «Առողջացա՞ք, դե՛ վերադարձե՞ք»-ին, շների՝ հաշոցով ժխտական պատասխանը:

Ինչպես գիտենք, ընտանի կենդանիներից ամենահավատարիմը շունն է, և դա հաստատել է ժողովուրդն իր բազմաթիվ թերվավոր ասույթներում. *Շունը շինականի պահապան ընկերու է, Հավ շունը գեղացու արբնեկն ի (գործակիցը)* (Վան), *Շան տիրասիրությունն ու հավատարմությունը գոված են (Ղարբաղ)*¹⁵⁸: Սակայն Պ.Սևակը չի օգտագործել ո՞չ հանրահայտ ա-

¹⁵⁸ Ա.Ղանալանյան, Առաջանի, Երևան, 1960, էջ 291:

ռած-ասացվածքներից բխող իմաստային տարաբնույթ հատկանիշները և ոչ էլ առկա տարբերակների պարզունակ մեկնաբանությունները:

Եթե «Նորից Շունն ու Գայլը» բանաստեղծության կառուցվածքի համար որոշիչ դեր է խաղացել «Գայլն ու շունը»-ի (Ավանդապատում, Գայլն ու շունը, թիվ 339, Ա, Բ, Գ, էջ 122) Ատարբերակը, ապա ասելիքի բազմանշանակությանն ու խորքայնությանը նպաստել է «Շունը» ավանդագրույցը (Ավանդապատում, թիվ 340, Շուն, էջ 122): Շան մասին պատմող ավանդության 4 տարբերակ կա «Ավանդապատումում», երեքը՝ շառադրված գրական հայերենով, մեկը՝ Գորիսի բարբառով: Սևակյան երկու պատումներն ել համեմված են ժողովրդական լեզվամտածողությամբ և ժողովրդախոսակցական հնչերանգային տարաբնույթ դրսեորումներով:

Գորիսում գրառված «Շունը» ավանդագրույցը պատմում է, որ շներն իրենք են դժգոհում Աստծո անարդար բաշխումից. «ամեն օր զինջիլում (շղթայի տակ), միակի տակ...»: Սրանք, Վրդովված իրենց վիճակից, որոշում են պատգամավոր ուղարկել Երկնավորի մոտ, որ իրենց էլ մյուս կենդանիների նման ստեղծի: Պատգամավորի պոչի տակ յուղ են քսում, որ շները հոտոտելով ճանաչեն և չխանգարեն տեղ հասնելուն: Ըստ ավանդության՝ առ այսօր պատգամավորը չի վերադարձել, իսկ անհանգստացած շները որտեղ մի շուն են տեսնում, պոչը բարձրացնում են՝ տեսնեն իրենց բանբե՞րն է, թե ոչ:

Սակայն Պ.Սևակի ստեղծագործությունը կդառնար ժողովրդականի սոսկ չափածո վերաշարադրանք, եթե ավանդականի նման մնար միայն բացատրականի շրջանակներում: Այն բանաստեղծի գրչի տակ վերահմաստավորվել է՝ շնորհիվ առանցքային հանդիսացող մի շարք հեղինակային հավելումների, որոնք ավելի են խորացնում ասելիքը և մտածել տալիս մանուկ Ընթերցողին:

«Շունը» ավանդագրույցում շներն իրենք են դժգոհում իրենց անազատ կյանքից ու շղթաներից և փորձում ելք գտնել, իսկ ս-

և ակյան մշակման մեջ, ընդհակառակն, շներն են կամովին շղթայակապ լինում, որը և դառնում է բանաստեղծության գլխավոր մեխը՝ այլաբանորեն մարդ-կենդանի զուգահեռ անցկացնելով՝ եզրակացությունը թողնել մանուկ ընթերցողին:

Շունն ու Գայլը նույն ընտանիքից են և արտաքուստ էլ նման են, ինչպես վագրը, առյուծը և կատուն: Սակայն այս նմանությունը միայն արտաքինից է, քանզի բնության մեջ նրանք ապրում են տարբեր կենսակերպով. մեկը ազատ է, անշղթա, մյուսը՝ անազատ ու շղթայված, մեկը ստիպված է իր օրվա ապրուստը ինքը հոգալ, մի օր սոված է, մի օր՝ կուշտ, մյուսը միշտ կուշտ է ու ապահով և գլխին էլ տեր ունի:

Ի տարբերություն «Շունն ու Գայլ»-ի՝ այստեղ բացակայում է աստվածային արարչագործությունն ու շնորհաբաժանումը: Դերերի տեղափոխությունն էլ Աստծո կամքով ու իմացությամբ չի կատարվում, այլ շների «խելոքանալու»՝ այսինքն՝ կեղծիքի ու շողոքորթության շնորհիկը՝ նոր դերի դիմաց ազատության ու արժանապատվության կորստի հատուցմամբ.

*Իրենց նոր կյանքը, հոտած բները
Շատ հավանեցին նորեկ Շները:
Քիչ խանգարում էր լոկ շղթան վզի,
Բայց հացի հոտը, բա համը մսի:
Ավելի լավ չէ՝ վզների շղթան,
Բան սոված-ծարավ դես ու դեն վազ տան... (ԶԾ, 28):*

Հոտած բների ու վզներին հագցրած շղթայի անհարմարությունն ու անսովորությունը մի պահ շներին կանգնեցնում են երկընտրանքի առաջ: Սակայն դա էլ շատ կարծ է տևում, քանի որ ազատության մեջ ապրելու և ազատ կյանք վարելու դիմաց մի կտոր միս ու հաց վաստակելու «պայքարը» լուծվում է վերջինիս օգտին: Հանուն ստամոքսի՝ զոհաբերվում է երկնային ամենամեծ ու անփոխարինելի պարզեց՝ ազատությունն ու անկախությունը:

Ստամոքսին գերակայություն տալը հատուկ է ոչ միայն կենդանի-անասուններին, այլև մարդ-ասուններին: Հանուն մի կտոր

հացի և ապահով կյանքի՝ մարդը ևս ազատության ու արժանապատվության կորստով ընդունակ է ամեն ինչ անել՝ նվաստանալով խնդրել, շողօքորթել, դիմել կեղծիքի և անմարդկային այլ արարքների:

Մեր կյանքում հաճախակի հանդիպող ահա իենց այս անասնական երևույթի դեմ պայքարելու մղումից է, որ Պ.Սևակը դիմել է ժողովրդական իմաստնությանը: Մանուկ ընթերցողի ուշադրությունը ևս բևեռելով այս արատավոր փաստի առկայության վրա՝ բանաստեղծը ձգտում է երեխաներին փոքր հասակից ծանոթացնել ճշմարիտը տեսնելու և ճիշտ ապրելու գաղտնիքներին:

Առակային այլաբանությամբ պարուրված այս բանաստեղծությունն ունի նաև կյանքում շատերի առաջ ծառացող հարցադրումը՝ ո՞րը ընտրել, ազատ և դժվարություններով լեցուն անշղթա կյանքը, թե՝ շղթաներով փոխհատուցվող ապահովությունը: Կենդանի անասունը ընտրել է երկրորդը, իսկ մարդը, դու, փոքրիկ բարեկամ, ո՞րը կընտրեիր:

Բանաստեղծի այս ներքին հարցումն ինքնին իր մեջ պարունակում է նաև հարցից բխող դրական բարոյախրատական պատասխանը:

Իհարկե, իր մտածելակերպով ու ունակություններով այսօրվա երեխան տարբերվում է Աղայանի ու Թումանյանի ժամանակների երեխաներից: Եվ, բնականաբար, հավատարիմ իր դաշտանած սկզբունքին՝ Պ.Սևակը փորձում էր նորովի ներկայացնել նաև մանկական բանաստեղծությունը, առավել ևս, երբ 1920-50-ականներին այն ինչ-որ տեղ գաղափարականացված էր:

«...Անտեղի չէ ասել, – գրում է գրականագետ Դ.Գասպարյանը, – որ ինացած պատկերացումներից, մտքի լճացումից Սևակը փորձում էր ազատել նաև մանկական բանաստեղծությունը...»¹⁵⁹:

¹⁵⁹ Դ.Գասպարյան, Պարույր Սևակ. Կյանքը և ստեղծագործությունը, Երևան, 2001, էջ 36:

Ինչպես վերը նշվեց, մանկական բանաստեղծությունների լույս աշխարհ գալը կապվում էր նաև այդ նույն տարին «Ավանդապատում» ժողովածուի իրատարակության հետ: Սակայն դա էլ վերապահումով պիտի ասել, քանզի առավել խորքային, այսինքն՝ երկրորդ խմբի որոշ բանաստեղծությունների («Զղիկը», «Կաքավը» և «Արագիլը») հենքը հանդիսացող ժողովոդական ավանդագրույցների առանցքային հատկանիշների տարաբնույթ դրսեորումների հանդիպում ենք նաև Պ.Սևակի ավելի վաղ շրջանի ստեղծագործություններում ու հարցագրույցներում:

Դետեկտուապես պետք է ենթադրել, որ մինչև «Ավանդապատումի» իրատարակությունը կամ բանաստեղծը ծանոթ է եղել անցյալի բանահավաքների գրառումներին, կամ էլ տարբեր առիթներով բանասացներին ունկնդրելով՝ դարձել է դրանց կրողն ու նորովի մեկնաբանողը:

Այսպես, Զղիկի արտասովոր կառուցվածքին և ապրելակերպին Պ.Սևակը առաջին անգամ անդրադարձել է դեռևս 1955 թվականին «Անկեղծ ասած» բանաստեղծության մեջ:

Միրած աղջկա մեջ նա տեսնում է դիմացինին մոլորեցնելու խաբուսիկ, երկակի կյանքով ապրելու մղումը և նրան համեմատում ժողովրդական պատումներում շեշտվող չղջիկի հետ:

Պ.Սևակը ներկայացնում է ոչ թե ժողովրդական պատումը, այլ իր հուսախաթ ապրումները: Փլուզվում են հավատի հեքիաթային աշտարակները, ցրվում է մշուշը, և սիրած աղջիկը նրա առաջ կանգնում է անշղարշ ու անհեքիաթ, իր իսկական՝ չղջիկային էռլրյամբ, որը «ոչ թռչուն է և ոչ էլ մուկ է».

Դու՝ հեքիաթում իրաշք աղջիկ,

Այսինչ կյանքում՝ ինչ-որ... չղջիկ

Որ ոչ թռչուն, ոչ էլ մուկ է... (I, 212):

Երկու տարի անց՝ 1957թ. գրած «Խոստանում եմ» բանաստեղծության մեջ Պ.Սևակը խոստանում է թռչուն դառնալու դեպքում գերապատվությունը տալ մթին որջում ապրող բուին ու չղջիկին, քան թե բոլորի կողմից սիրված և ինքնուրույնությունից գուրկ թութակին.

Եթե անգամ դառնալ թոչուն՝
Բուի՛ նման, չղջիկի պես
Ապրել թեկուզ մթին որջում,
Քան թե դառնալ սիրված... թութակ (I, 393):

«Սայաթ-Նովա» աշխատության մեջ (1967թ.) Պ.Սևակը կրկին անդրադարձել է այդ կենդանակերպ թոչունին, սակայն այլ տեսանկյունից:

Սայաթ-Նովայի նման բոլոր իսկական բանաստեղծները ևս, հավատարիմ իրենց կոչմանը, աներկյուղ տերերի երեսին են շպրտում այն, ինչին արժանի են: Նրանք բախվում են «արքունիքներին ու պալատներին, ինչպես որ թոչունն է բախվում իր վանդակի ճաղերին...: Ազատածին և բանտարգելված թոչունը և ոչ թե չղջիկը, որ «ոչ թոչուն, ոչ էլ մուկ է...»»¹⁶⁰:

«Իրենց լուսաբաղ գանգը գերության վանդակների մեջ» ջախջախելու պատրաստ «ազատածին և բանտարգելված թոչունի» պահվածքով բանաստեղծներին Պ.Սևակը, ի դեմս Սայաթ-Նովայի, հակադրում է չղջիկային պահվածքով այն «կույր ու խավարասեր» գոչակներին, որոնք «ամենանեղլիկ ճեղքենից ու ծակերից» անգամ ճողովրել գիտեն»:

Չորրորդ անգամ Պ.Սևակը այս նույն թեմային անդրադառնում է 1969 թվականին «Զղջիկը» մանկական բանաստեղծությամբ: Այստեղ Զղջիկը երեխաներին է ներկայանում արդեն որպես հերիաթի թոչուն՝ իր անհնազանդ ոգով ու հանդուգն պահվածքով:

«Զղջիկի» մասին պատմող ավանդագրույցի (Ավանդապատում, Զղջիկ, թիվ 359, Ա, Բ, էջ 133) երկու տարբերակներն ել պատմում են կիսաթոշնային, կիսակենդանական արտաքինով այդ արտասովոր արարածի մասին, բացում նրա՝ հարկ չտալու, թագավորներին մոլորեցնելով հանգիստ ապրելու գաղտնիքը, բացահայտում գիշերները թոչելու պատճառները:

«Զղջիկը» բանաստեղծությունը գրելիս Պ. Սևակը օգտվել է ժողովրդական պատումի թե՛ առաջին, թե՛ երկրորդ տարբերակ-

¹⁶⁰ Պ.Սևակ, Սայաթ-Նովա, Երևան, 1967, էջ 332:

ներից: Այն մանկական շարքի ամենածավալուն գործն է (96 բանատող)՝ բաղկացած 4 մասից:

Ավանդագրույցի առաջին տարբերակը Չղջիկի՝ մկան ատամ և թռչունի թև ունենալու համելուկը լուծելու մասին է: Թե՛ մկների, թե՛ թռչունների թագավորի հետաքրքրությունն ու մտահոգությունը ոչ այնքան այդ թռչնախառն կենդանակերպի՝ արտասովոր արտաքինը ներկայացնելն է, որքան հարկ չվճարելուց խուսափելու պատճառը պարզելը:

Նեքիաթային կառուցվածք ունեցող այս պատումն էլ է ժողովրդական հեքիաթների նման ցանկալի ավարտ ունենում: Հարկահավաք թագավորներից ամեն մեկը, տեսնելով իրենց «հարկատուի»՝ հարկից իրաժարվելու համոզիչ փաստարկները՝ մկների թագավորին ցույց տալով թռչունի թև, թռչունների թագավորին՝ մկան ատամ, մնում են «շվարած և գլուխները կորցրած»:

«Եսպես չոքիկը, երկուսին էլ խաբելով, մինչև հիմի էլ իր համար հանգիստ ապրում է առանց տուրք տալու», – ժողովրդի ուզած ձևով էլ ավարտվում է զանգեզուրյան այս տարբերակը:

Ավանդագրույցի մյուս տարբերակը համելուկատիպ սկիզբ ունի՝ առանց անունը տալու ներկայացնելով չոքիկի տարօրինակ տեսքը: Այստեղ, չնայած բացակայում են հարկահավաք թագավորները, այնուամենայնիվ ո՞չ հավքերը, ո՞չ էլ մկները չեն ընդունում չոքիկին՝ պատճառաբանելով իրենց տեսակին անհրաժեշտ կառուցվածքի բացակայությամբ:

Չղջիկի դիմադրության փորձերին՝ իբրև ապացույց, հետևում է պատասխանը. Եթե հավք է, թող մեզ հետ ինքն էլ հարկ տա: Չղջիկն ընկնում է չոլերը:

«Մկա (հիմա) էնոքի (դրա) համար գիշերը կթռնա», – պատմում է Ս. Դայկունու գրառած ավանդությունը¹⁶¹: Պ. Սևակը այս երկու տարբերակից շաղախել է մի այնպիսի ստեղծագործություն, որ պահպանել է գործողությունների նկարագրության սոսկ

¹⁶¹ Ս. Դայկունի, ժողովրդական առակներ, 1907, էջ 70:

արտաքին պատումային տարրերը: Նա մանուկ ընթերցողի հետ միասին թափանցում է նաև դրանց խորքերը, բացում մարդկային մտածողությանն ու տրամաբանությանն անհարիր, արտաքուստ զավեշտական թվացող, ներքուստ՝ ողբերգական որոշ երևույթների պատճառները:

Երկրորդ տարբերակի հանելուկատիպ կառուցվածքով սկզբնամասը (Հավք մը կա, թե ունի, բնբուլ չունի, բերանը կմանի (նման է) մկան. նեա (ոչ) շիտակ (իսկական) մուկ ա, նեա շիտակ հավք) Պ.Սևակը դարձրել է բանաստեղծության նախադուր: Իսկ նույն տարբերակի վերջնամասի՝ քարանձավային բնակչի՝ գիշերները թռչելու հետ կապված դրվագը բերել է սկիզբ՝ դարձնելով հանելուկի և մի բաղադրիչ:

*Քարանձավն է նրա բույնը,
Եվ Չղջիկ է իր անունը:
Թևեր ունի
Նա թռչունի
Ու կարող է հանգիստ թռչել:
Բայց արի տես՝ կտուց չունի
Ու մկան պես գիտի կրծել:
...Նաև կույր է երկու աչքով... (ԶՇ, 36):*

Բայց քանի որ Սևակի նպատակը ոչ թե երեխաներին հանելուկ առաջադրելն էր, այլ հանելուկային առեղծվածի բացումը, նա բանաստեղծության հենց սկզբից է հայտնում այդ դժբախտ արարածի և հիմնական մեղավորի անունն ու քարանձավում ապրելու պատճառները:

Պահպանելով ժողովրդական պատումի տարբերակներում եղած առանցքային տարրերը՝ Պ.Սևակը չափածո մշակման մեջ խորացրել է դրանք՝ դարձնելով մեր կյանքից վերցրած ու թատերականացված մի փոքրիկ ներկայացում՝ իար և նման թագավորներով ու քսու պետերով, գործող անարդար օրենքներով ու «արքայական դատարանի կաշառակեր անդամներով»: Եվ այս ամենի ֆոնին հայտնվում է ըմբոստ ու անհնազանդ մի թռչուն, որն իր պահվածքով զարմացնում ու միաժամանակ

զայրացնում է բոլոր մեծամեծներին, այն դեպքում, եթե նրա հլու-հնազանդ ցեղակիցները.

...կեղծ-անկեղծ դողում էին,

իրենք թռչում՝ սողում էին

Ոտքերի տակ իրենց պետի... (ԶԾ, 40):

Բանաստեղծության երկրորդ մասում թագավորին համարելով Չոջիկի դժբախտության իիմնական մեղավորը՝ երրորդում Սևակը տալիս է այդ դժբախտության նախապատմությունը, որի առիթը ոչ թե հարկ չտալն ու հարկից խուսափելն է, ինչպես ժողովրդական պատումներում, այլ «ընդամենը» ազատ թռչելն ու զվարթ երգելը:

Բանաստեղծության չորրորդ մասն իր բարոյախրատական մեկնաբանությամբ մի հրաշալի պատվիրան է՝ ուղղված մանուկ ընթերցողին.

Կուրանում, բայց չի կուանում

Արքաների ուժի առջև:

Կուրանում, բայց չի մոռանում,

Որ ավելի լավ է կառչել

Քարանձավի խոնավ պատին,

Քան թե ամեն տեսակ պետի

Առաջ սողալ

Ու դողդողալ... (ԶԾ, 41):

Ազատ ճախրանքի պատգամին մինչև վերջ հավատարիմ մնալու գաղափարն է արտահայտում մանկապատումի վերջաբանը, որն ասես ինչ-որ տեղ հիշեցնում է Հովհ. Թումանյանի «Թագավորն ու չարչին» բալլարի ավարտը.

Ու քանի դեռ կա աշխարհում

Յարկ պահանջող ու հարկ տվող,

Նա միշտ կապրի մեզնից հեռու,

Կապրի միշտ իր ուզած ծնով... (ԶԾ, 41):

«Կաքավը» բանաստեղծության հենքը ևս ժողովրդական ավանդությունն է: Անշուշտ, Պ. Սևակն ավելի վաղ է ծանոթ եղել կաքավի մասին եղած ժողովրդական ավանդագրույցներին, քան-

զի այդ կերպարին նա առաջին անգամ անդրադարձել է «Ավանդապատումի» հրատարակությունից դեռ 12 տարի առաջ՝ 1957 թվականին:

Պոետական կերպարն ամբողջացնելու համար «Տխրում եմ» ստեղծագործության մեջ նա ներկայացնում է իր կողմից որոշ երևույթներ ժիշտելու հիմնական շարժառիթները:

Աշխարհի ուրախություններն ու դառնությունները կրող բանաստեղծն իր ամենամեծ ցավն է ապրում ու տխրում, երբ ամենակարող ու ամենաստեղծ մարդն ինքն է աջակցում կյանքի հակասական ու նաև զավեշտական իրողության ստեղծմանը՝ պաշտամունքի արժանացնելով ազատ երգն ու ճախրանքն արգելողին.

Ու երբ գուսան – չալ կաքավն է ընկնում վանդակ,

իսկ երգ ատող,

Նվազ հատող

Մարդը դառնում... մեկենասի ծուլված քանդակ...

Ես, սրտիս տեղ, իմ կրծքի տակ

Տխուրացյա մի կաքավ եմ հաճախ զգում (I, 407):

Ստալինյան բռնապետության և անհատի պաշտամունքի քննադատությունից ու մերկացումից հետո սա, թերևս, մտավորականության առաջին բարձրաձայն ճիշերից մեկն էր:

Մյուս անդրադարձը մենք տեսնում ենք «Անլոելի զանգակալուն» պոեմի «Ղողանջ ցնծության»-ում, ուր Կոմիտասի ասվածատուր ծայնը ներկայացվում է որպես ծնողներից զավակին անցած միակ, բայց եզակի պարզեցում:

...իսկ ի՞նչ ունեին: Լոկ ծայն կլկըլան.-

Մերթ այնպես մեղմիկ,

Ասես թե գինով լցնում են կուլան...

Մերթ այնպես խաղաղ,

Կաքավն է ասես սաղմոսում «կղա»... (IV, 13):

«Ավանդապատում»-ում կաքավի մասին գրառված երեք լուսաբառերակ կա (Կաքավ, թիվ 362, Ա, Բ, Գ, էջ 135):

Մի լուսաբառերակը հարսի ու սկեսրոջ հարաբերությունների

մասին է, որտեղ սկեսուրը, հակառակվող հարսին անիծելով, կաքավ է դարձնում: Մյուսն ամբողջությամբ քրիստոնեական գաղափարախոսության կնիքն է կրում: Վերջինս պատմում է կոռապաշտ Սուրեն իշխանի և որդու՝ քրիստոնեությունն ընդունելու պատճառով հակամարտության, կաքավների կողմից որդու տեղը մատնելու, որդուն սպանելու մասին: Ըստ ավանդության՝ նրանց ոտքերի և կտուցի կարմիրը նահատակի արյան մեջ թաթախելու հետևանքն է:

Բնականաբար, այս տարբերակներն իրենց նպատակաւողվածությամբ չեն կարող գրավել Սևակին: «Կաքավը» բանաստեղծության հենքը մանկագիր Վախթանգ Անանյանի գրած ավանդագրույցն է¹⁶², որտեղ ներկայացվում է նախկինում հրաշալի ծայն ունեցող կաքավների «կըղ-կըղա»-ի առաջացման պատմությունը՝ կապված երկնքի թագավորի՝ արծվի և նրա համախոհների երգ չսիրելու, նախանձից երգելն արգելելու, ապա ճարահատյալ կրկին թույլ տալու հետ:

Պ.Սևակը, դուրս գալով պատումում առկա արտաքին փոփոխությունները նկարագրելու շրջանակներից, փիլիսոփայական խոր ընդհանրացումներով ու այլաբանորեն ներկայացնում է առանց պարտադրանքի ու հրամանի ազատ, անկաշկանդ ու ինքնաբուխ արտահայտվելու, ամեն մեկն իր ծայնով ու կարողություններով բնության ներդաշնակությունը պահպանելու ծգտումը:

Բնության ներդաշնակության բռնի խախտումը միշտ էլ բացասական հետևանքներ է ունենում ոչ միայն շրջապատի, այլև հենց այդ խախտման պատճառ հանդիսացողների ու նրանց հովանավորողների համար: Արդյունքում՝ կրկին ազատ երգելու հնարավորություն տալն իսկ չի վերականգնում բնության անփոխարինելի պարզելու...:

«Կաքավը» բանաստեղծության մեջ Սևակը երեխաների ու շաղրությունը բներում է սիամական երկվորյակների պես իրար հետ կապված երևույթների՝ նախանձի և դրանից բխող բռնության վրա:

¹⁶² Վ.Անանյան, Հայաստանի կենդանական աշխարհը, հ. 3, Երևան, 1965, էջ 56:

Թոշունների օրինակով բանաստեղծը փորձում է մանկանը գերծ պահել նախանձից և նախանձ հասկացությունից, քանի որ չարությունն ու նախանձը կարող են սպանել գեղեցիկը, զրկել հոգեսոր սննդից՝ երգից՝ վնասելով թե՛ շրջապատին, թե՛ հենց իրեն՝ նախանձողին.

Ու լուռ մնաց ամեն կաքավ:

Սար ու ծորից էլ ծայն չեկավ:

Այսպես անցան ամիս, տարի...

Եվ ամպ նստեց սար ու քարի (ԶԾ, 11):

Բանաստեղծության վերջին տողը երկիմաստ է գործածված։ Այս դեպքում խոսքը կենսատու լուսի՝ երգի բացակայության պատճառով շրջապատին մռայլությունը, տխրությունը տիրելու մասին է։

Ժողովրդական ամպ նստել հոգու վրա և ամպել արտահայտությունների կիրառությունը առավել դիպուկ ու պատկերավոր է վերարտադրում ասելիքը։

Բռնությունը, արգելքը հաճախ բումերանգի պես հարվածում է նաև արգելք դնողին՝ բռնացողին։

Ամպ չէր սիրում Արծիվն ինքը.

(Եթե պարզ չէ իր երկինքը,

Ինքը ինչպե՞ս էլ որս անի,

Ո՞նց զոհերին զանազանի) (ԶԾ, 11):

Այս դեպքում արդեն ամպ չսիրելը ուղիղ ձևով է գործածված։ Արտաքուստ՝ երգ սիրողի գեղեցիկ դիմակով, իսկ ներքուստ՝ հանուն ամպերի վերացման ու իր որսի՝ երկնքի տիրակալը կաքավներին թույլատրում է ազատ երգել։

Երեք մասից բաղկացած բանաստեղծության վերջին՝ 3-րդ մասը փիլիսոփայական մի խոր ընդհանրացում է, որն արդեն դուրս է բարոյախրատականի շրջանակներից և մոտենում է այն սահմանագծին, որից անդին մանկական բանաստեղծությունը պատրում է իր տարիքային շապիկը ու ներկայանում հասունությունը։

Թվաց՝ պիտի նորից տեղան,
Նորից լողան
Ու գեղգեղան
Նրանց նախկին երգերը ջինջ,
Բայց ստացվեց լոկ «կա՞ղ-կըղա»,
Լոկ «կա՞ղ-կըղա», ուրիշ ոչինչ... (ԶԾ, 12):

«Կաքավն» ու «Չղջիկը» բանաստեղծությունները տրամաբանորեն շաղկապված են իրար հետ: Երկուսի մեջ էլ բռնությունը, շողոքորթությունն ու նախանձն են դառնում բնության ներդաշնակությունը խախտող ուժեր: Առաջինի մեջ ազատ երգը, երկրորդի մեջ երգն ու ազատ ճախրանքը (հնձ պատկանող երկնքի տակ// Ով թռչում է հարկ պիտի տա...) պատճառ են դառնում նրանց հալածանքների ու դժբախտության:

Թե՛ կաքավի կըղ-կըղոցը, թե՛ չղջիկի քարանձավային կյանքն ու կուրությունը բռնության ու հալածանքների արդյունք են և այդ դժբախտության սոսկ արտաքին կողմերը:

1967թ. գրած հանելուկների շարքի «Դանելուկ երկրորդ»-ում առաջադրված «Այդ ո՞ր կենդանին է, որ չգիտի լողալ, // Իսկ թե փորձեց՝ // Սուզվում-խեղղվում է» հարցին կենդանաբանի՝ «Այդ կենդանին ուղտն է» պատասխանը բանաստեղծի պոռկումի պատճառն է դառնում.

— Ո՞չ,
Այդ կենդանին... են եմ,
Որ չգիտեմ կյանքի սահանքներում լողալ,
Դետն էլ նաև... սողալ... (VI, 236):

Պ.Սևակը թե՛ իր ապրած կյանքով, թե՛ իր ստեղծագործություններով արդեն իսկ ուղեցույց է, լույսի մի փարոս՝ ինքնամաքրում գնալու ճանապարհին:

Շան, կաքավի և Չղջիկի մասին պատմող ժողովրդական պանդագրույցների նորովի մեկնաբանությամբ ևս Պ.Սևակը հաստատում է Աստծո ամենաթանկ պարգևի՝ ազատության ու անկախության, ազատ ճախրանքի ու թևածման՝ սրբությամբ պահպանելու պատգամը:

Ուժին, բռնությանը, ստիճ, կեղծիքին և զրպարտությանը համակերպվելու, ստորագրաշությամբ ու ստրկամտությամբ առաջ գնալու, իշխանության գլուխն անցնելու շատերի ձգտումից է նաև խաթարվել բնության ներդաշնակությունը: Նման երևույթների դեմ պայքարի միջոցներից մեկն էլ մանկական գրականությունն է: Փոքր հասակից այդ արատավոր երևույթների վրա բեռնելով երեխայի ուշադրությունը, հնարավորություն է տրվում, որ երեխան ինքը ընտրի իր ուղին. ինչպես ապրել, ազատ թևածելով, թե՝ գետնատարած սողալով...

Գարնան ավետաբեր և բնության զարթոնքի խորհրդանիշ առագիլն առանձնահատուկ վերաբերմունքի է արժանացել մեր ժողովրդի կողմից՝ ընդհուպ մինչև պաշտամունք դառնալը: Դրա վկայությունն այդ արարածի հանդեպ ունեցած մարդկանց ակնածանքն ու ստեղծված ժողովրդական պատումներն են, որոնց մեջ պախարակվում, նզովքի և արհամարհանքի է արժանանում արագիլին վնասողը կամ նրա բույնը քանդողը:

Մինչև 1969 թվականը Պ.Սևակը ևս երեք անգամ՝ «Կորցրեցի և գտա» բանաստեղծության մեջ (1961թ.), «Եռաձայն պատառագ» պոեմում (1965թ.) և 1968թ. հարցազրույցներից մեկում¹⁶³ անդրադարձել է արագիլային պատումին:

«Եռաձայն պատարագում» ավերածությունների, կոտորածների ու աքսորի ահասարսություններին հետևում է իր իողին ու երազներին աներեր կանգնած, իայ ժողովրդին նարմնավորող արագիլի ոչ թե մեկ, այլ երկու ոտքով կանգնած լինելու և ապրելու հաստատականությունը.

...բայց և կար կամքի մի կենտ արագիլ.
որ փլատակվող երկինքների տակ
ու մշտաբորբոք անշեջ կրակի
շեկ շեղի վրա կանգնած էր արդեն

¹⁶³

«Գրական թերթ», 30.03.84:

*ոչ թե մեկ ոտքով,
այլ երկու ոտքով... (IV, 299):*

Մյուս գործածություններում Պ.Սևակի ուշադրության կենտրոնում է եղել արագիլի՝ մի ոտքի վոա կանգնելու իրողությունը՝ այդ «գաղտնիքը» բացելու համար ժողովրդականին հավելվով նաև իր՝ պոետական մեկնաբանությունը։ Այդ երկու կիրառություններն ել բանաստեղծի ներքին էությունն ու անձնական ապրումը բացահայտելու համար են. առաջինի մեջ այն կորցրած և վերագտած սիրո հետևանքով ձեռք բերած բարության չափանիշ է։

Ու ժպտում եմ ես կրկին,

Ու բարի եմ ես այնքան,

Որ կարող եմ նմանվել այն արագիլ թռչունին,

Որին հարց են երբ տվել,

Թե ինչո՞ւ է նա կանգնում իր մի ոտին շարունակ,

Պատասխանել է այնպես,

Կարծես թե եմ եմ հուշել.

– «Որպեսզի բեռն աշխարհի թեթևանա գեթ մի քիչ»... (I, 309),

իսկ երկրորդում՝ մարդկանց «բեռը» թեթևացնելուն միտված պոետական էության դրսևորման չափանիշ՝ «...կարծում եմ, բանաստեղծը ինչ-որ բանով պիտի նմանվի այդ բարի, ազնիվ արագիլին»¹⁶⁴։

Բացի «Լագլագի քար» ավանդությունից («Ավանդապատում», թիվ 132, էջ 51), ուր արտացոլված է համագյուղացիների հակակրական վերաբերմունքը արագիլին ու նրա ծագերին վնասողների հանդեպ, արագիլների մասին ևս երկու ավանդագրույց կա ժողովածություն («Ավանդապատում», թիվ 366, Արագիլ, Ա, Բ, էջ 137), երկուսն ել Մշո պատումներ՝ գոառված բենսեի կողմից։

Երկու ավանդագրույցներում էլ արագիլները մարդիկ են, մեկում նրանք հողագործ գյուղացիներ են, որոնք գարնանը վե-

¹⁶⁴ «Գրական թերթ», 30.03.84:

ռափոխվում են թռչունի և գալիս մեր երկիրը, իսկ մյուսում՝ այդ կերպարանափոխություններին (թե՛ գնալիս, թե՛ վերադառնալիս) նախորդում է Աստծուն մատաղ անելու և գետում լողանալու, ինչպես նաև ամեն տարի ծագերից մեկին Բարձրյալին մատաղ անելու սովորույթը:

Վերջինս, կրոնական մեկնաբանություն լինելով, բնականաբար, չեր կարող գրավել Պ.Սևակին և մանկական ստեղծագործության համար ատաղձ հանդիսանալ:

«Ավանդապատումի» Բ տարբերակը՝ որպես մարդ-արագիլների ազնվության ու բարության ապացույց, մի հեքիաթատիպ պատմություն է՝ կապված կնոջ կորցրած ապարանջանի, երկրերկիր այն փնտրելու, արագիլների շնորհիվ գտնելու և նրանց օգնությամբ կնոջը թևավորելու ու հայրենի տուն վերադարձնելու հետ:

Սևակյան մշակման մեջ բացակայում է կնոջ ապարանջանի հետ կապված այս պատմությունը ևս:

«Արագիլը» բանաստեղծությունը ստեղծվել է ժողովրդական պատումներում շեշտվող արագիլների մարդ լինելու, նրանց ազնվության ու մարդասիրության, գարնան մոտենալու ժամանակ կերպարանափոխության, թևեր առնելու, այլ երկիր թռչելու և աշնանը կրկին մարդանալով՝ հայրենի երկիր վերադառնալու փաստերի հենքի վրա: Սրանք ավանդապատումային առկա փաստեր են, որոնց Սևակը շաղախել է նաև շատ-շատերի համար անտեսանելի ու անընկալ պոետական իր էությունն ու ապրումները հոգսաշատ աշխարհի, մարդու և գեղեցիկի վերաբերյալ:

Ժողովրդական երկու պատումներում էլ բացակայում են արագիլների չվելու պատճառները: Պ.Սևակը իր բանաստեղծության մեջ մանուկ ընթերցողին պատմում է իրենց երկիրը թողնելու, թևեր առնելու և չվելու հիմնական պատճառը.

Չեր գործից շատ է գործը մեր,

Ու մեր բեռը՝ այնքան ծանր,

Որ թվում է ծերը մանր (ԶԾ, 14):

Երբ գարնանը արեգակի շողալու հետ սառույցը հալվում է, և

հողը՝ փափկում, այդ բեռան ծանրության տակ հողում խրվելու, մինչև հատակը թաղվելու վտանգի պատճառով մարդիկ թևեր են առնում, դառնում արագիլներ ու չվում այնտեղ, ուր բոլորն անհամբեր գարնանն են սպասում, ուր և բեռն է թեթև, և դրա ծանրության տակ հողի մեջ չեն խրվում:

«Արագիլը» բանաստեղծությունը բազմաշերտ է ու բազմախորհուրդ, որի երեք մասերից յուրաքանչյուրն ասես տարիքային տարբեր խմբերի համար է նախատեսված:

Առաջին մասը նմանության վրա հիմնված գուգահեռներ են.

*Ես Գարունի օրագիրն եմ,
Առաջին գ. նրա գիրն եմ,
Երբ կանգնում եմ իմ մի ոտիս
Ու մի թևով բռնում գոտիս (ԶՕ, 13):*

Իբրև ամրության խորհրդանիշ՝ Պ.Սևակը կրկին շեշտում է գոտի կապելու և գոտին բռնելու, այսինքն՝ գոտեպնդվելու ու գոտեպնդելու նախնյաց պատգամը:

Բաղաձայնույթի կիրառմամբ՝ գ-երի հնչյունախաղով ու «արագիլ, օրագիր, սևագիր, նրա գիր» հանգախաղով Պ.Սևակն էլ ավելի երաժշտական է դարձնում բանաստեղծության մուտքը:

«Արագիլը» բանաստեղծության մեջ ավանդապատումի չափածո մշակման հետքը գրեթե չի նշմարվում: Այն վեր է ածվել սրտաբաց զրույցի, զրույց՝ արագիլ-պոետի և մարդ-երեխայի՝ մանկամարդու հետ:

Պ.Սևակը բացում է նաև իր արտաքինի և ներքին մաքրության՝ ճերմակության գաղտնիքը՝ իբրև գարունի սևագիր, գարնան մի ավետաբեր թռչուն, որն առանց մարդկանց՝ առանց մանուկների՝ ճախրանքից զոկված մի անթև թռչուն է.

*Երբ ծեզ մոտ եմ, մի թռչուն եմ,
Որ գարուն է միշտ ծեզ բերում:
Երբ ծեզ մոտ չեմ, թևեր չունեմ
Ու չեմ թռչում ես ամպերում (ԶՕ, 13):*

Այնուհետև բանաստեղծը մանուկներին է ներկայացնում մարդուց արագիլի ավանդապատումային փոխակերպության պոե-

տական մեկնաբանությունը՝ իբրև գարնան լրաբեր, նոր կյանքի ու զարթոնքի ավետաբեր, իբրև մարդկանց փրկության հեռագիր:

Պ.Սևակը հնագետի նման պեղում, գտնում և երեխաներին է մատուցում ժողովրդական ավանդության ստեղծման նախապատմությունը: Ամենամյա գարնան գալուստն առաջինն ավետող արագիլի՝ մի ոտքի վրա կանգնելու առեղծվածը բանաստեղծը բացում է յուրովի: Մարդկային ու պոետական աշխարհի գաղտնիքների բացահայտման իր տարբերակն է նա տրամադրում մանուկ ընթերցողին.

*Ես կանգնում եմ միշտ մի ոտի,
Որ դրանով թեթևանա
Չեր աշխարհի ծանր բեռը,
Որ ձեր հողն էլ, ինչպես մերը,
Շատ չփափկի ձեր բեռան տակ,
Ու չիրվեք մինչև հատակ
Կամ ստիպված առնեք թներ,
Չեր հին բույնը թողնեք ավեր... (ԶԾ, 16):*

Աշխարհի հոգսն ու բեռը շալակած բանաստեղծը չի ուզում բեռ դառնալ և բնավեր դարձնել մարդկանց:

Պ.Սևակի չափածոյում ժողովրդական ավանդության 141 գործածություններից միայն տասներեքն են գեղարվեստական մշակման ենթարկվել, մնացած 128-ը մատուցվում են «կեսխոսքայնությամբ»: Վերջիններս հիմնականում վերաբերում են մարդկային-հասարակական հարաբերություններին, սոցիալ-քաղաքական, կրոնական ու գիտամշակութային կյանքին, որոնք, ինչ խոսք, բացակայում են մանկապատումներում կիրառված ավանդություններում:

Այլ են ժողովրդական ավանդագրույցների հանդեպ ցուցաբերած մոտեցումներն ու պահանջները մանուկների համար գոված չափածո գործերում, ուր ցայտուն կերպով են դրսերվում նաև Սևակի մանկավարժական ունակությունները նախնյութի ընտրության, ապա՝ այդ նյութը մատուցելու առումով:

Պ.Սևակի մանկական բանաստեղծություններն իրենց նպա-

տակառողղվածությամբ, թեմատիկայով, լեզվարտահայտչամիջոցներով ու մատուցման ձևերով առանձնանում են բանաստեղծի՝ մինչ այդ գրած գործերից:

Մանկական ստեղծագործություններում կիրառված 13 ավանդագրույցներն էլ վերաբերում են բնությանն ու կենդանական աշխարհին և ճանաչողական, ուսուցողական, դաստիարակչական ու բարոյախրատական նպատակ են հետապնդում:

Ամբողջ շարքն աչքի է ընկնում ժողովրդական դարձվածների առատությամբ (502 բանատողում՝ 40 ժողովրդական դարձված): Ժողովրդական դարձվածների նման քանակի գործածության հանդիպում ենք նաև 1956թ. գրված ստեղծագործություններում, մեծ մասը՝ ութնյակներում (697 բանատողում՝ 59 դարձված):

Եթե «Ավանդապատումի» գրեթե բոլոր ավանդագրույցները սկսվում են միանգամից, առանց որևէ նախաբանի, որոշ դեպքերում միայն՝ *ասում են, թե, կար ժամանակ, մի օր, մի ժամանակ* արտահայտություններով, ապա Պ.Սևակի մանկական բոլոր ստեղծագործություններն էլ ունեն ժողովրդական լեզվամտածողությանը մոտ ինքնատիպ պատմելածել:

Ժողովրդական ավանդագրույցների *Աստված կամ Քրիստոս* բառերը սևակյան մանկապատումներում փոխարինվել են *Ստեղծողով*¹⁶⁵: Դրանցից չորսը՝ «Ուղտն ու ծիտը», «Չթշթանը», «Էշը», «Շունն ու գայլը» բանաստեղծությունները, սկսվում են ասվածային արարչագործությամբ ու շնորհաբաժանումով՝ արտահայտված հեղինակային ինքնատիպ պատմելածելով՝ «*Ով ստեղծեց գազաններին, // Թռչուններին, վազաններին...*», կամ էլ՝ «*Մի օր ասաց Ստեղծողը // Իր ստեղծած թռչուններին...*»:

Աստծո արարչագործությամբ սկսվող գործերը խորթ չեն հայ գրականությանը: Ավ.Իսահակյանի «Լիլիթը» և Հովհ. Շիրազի «Բիբլիականը» դրա ամենավառ օրինակներն են:

¹⁶⁵ Խորհրդային տարիներին գրական ստեղծագործություններում, մանկականում՝ առավել ևս, կրոնին, աստծուն ու եկեղեցուն առնչվող թեմաներն ամենայն «հոգատարությամբ» գտվում, մաքրվում էին, դարձվում «անվնաս»:

Բանաստեղծ-ասացողի մանկապատումներն սկսվում են նաև Ասում են, թե մի ժամանակ, // Ինչքա՞ն առաջ՝ ի՞նչ իմանաք... («Դայոց լեռները»), Մանուշակը մի ժամանակ, // Ինչքա՞ն առաջ՝ ի՞նչ իմանաք... («Մանուշակը»), Մի ժամանակ, իհն ժամանակ, // Ինչքա՞ն առաջ՝ ի՞նչ իմանաք... («Կաքավը»), Կար ժամանակ... («Նորից Շունն ու Գայլը», «Չղջիկը»), Մի ժամանակ մարդ է եղել Կապիկը... («Կապիկը») տողերով:

Երկու ստեղծագործություն սկսվում է առանց նման արտահայտությունների՝ միանգամից՝ *Տեսեք*, Վագր է սա, // Իսկ սա էլ Կատու: («Վագրն ու Կատուն»), և Վարդն ու Մանուշակը Քույր ու Եղբայր են եղել... («Վարդն ու Մանուշակը») տողերով, որոնք ել ավելի անմիջական ու մտերմիկ են դարձնում բանաստեղծ-ընթերցող կապը:

Միայն մի բանաստեղծություն է հեղինակը ներկայացնում առաջին դեմքով՝ Արագիլի անունից՝ Արագիլն եմ, // Արագիլն եմ, // Ես գարունի օրագիրն եմ... («Արագիլը»), չնայած «Ավանդապատումում» այն սկսվում է «Ասում են, թե»-ով:

Եթե մանկական տասնմեկ բանաստեղծություններում ժողովրդական ավանդագրույցները չափածո մշակման մեջ անգամ տեսանելի են, ապա նույնը չենք կարող ասել մյուս երկու գործերի՝ «Վագրն ու Կատուն» և «Արագիլը» բանաստեղծությունների մասին: Պ.Սևակն ասես այդ երկու գործերը անջատել է իրենց ավանդապատումային կաղապարից՝ դարձնելով գողտիկ մանկական բանաստեղծություններ՝ իրենց հերոսներով ու միջավայրով:

Դետաքրքիր մի հանգամանք ևս: բանաստեղծը պահպանել է բոլոր պատումներում նկարագրվող կերպարանափոխությունները՝ իբրև անցյալում կատարված իրողության արդյունքներ: «Արագիլը» բանաստեղծության մեջ նա հարազատ է մնացել բնագրին՝ պահպանելով մարդ-արագիլ-մարդ կերպարանափոխության ժողովրդական մոտեցումը՝ որպես շարունակական գործընթաց, որն էլ, ինչ խոսք, բացատրվում է ամենամյա գարնան և ամենամյա նույն ավետաբերի՝ արագիլի գալստյան փաստով:

Պարույր Սևակի մանկական բանաստեղծություններում առկա է ոչ միայն ժողովրդական դարձվածների ու հարադիր բառերի (այսպես՝ բարև ասել, բարև լսել, գլուխ թեքել, խելքի գցել, լեզուն կծել, գլուխ տանել, հանգիստ ու քուն չեն տալիս, հոգուն հասցնել, հաց ու թաց տալ, ճշավի-բղավի, խրվենք-գնանք, սրան-նրան, ուներ-չուներ, չափեց-ձևեց, գազան-վազան, քարում-սարում...), այլև ժողովրդախոսակցական լեզվին հատուկ հնչերանգային ու բառակազմական տարաբնույթ միջոցների (հա՛ երգում է, ո՞նց զոհերին զանազանի, սրա՛ն դու տես, բա հա՛մը մսի, բարկությունից քիչ էր մնում իրեն ուտեր, բայց արի տես, ես իմ հոգին, ես իո մուկ չեմ, լույս ասածն էլ մոռանում է, գլուխներս ճիշտ որ տարաք...) առատությունը:

Այդ ամենը բանաստեղծի խոսքին հաղորդում են ազգային լեզվամտածողության երանգներ, իսկ մանուկների հետ նրա զրույցը դարձնում առավել անմիջական, կենդանի ու հավատի: Դրան, անշուշտ, նպաստել է նաև նյութի՝ թեմայի ընտրությունը, քանզի բոլոր 13 մանկական ստեղծագործությունների հենքն էլ ժողովրդական ավանդագրույցներն են:

Մանկական շարքի բանաստեղծություններում **Պ.Սևակը**, Ելնելով լսարանի առանձնահատկություններից և ինչ-որ տեղ էլ «դեմ» գնալով իր սկզբունքներին, ասելիքը մատուցում է նկարագրական-պատմողական, ավելի ճիշտ, ասացողական ոճով, ինչը էլ ավելի է նպաստում երեխաների կողմից մատուցվող նյութի ամբողջական ընկալմանը:

1967թ. հունիսից բանասիրական գիտությունների դոկտորի գիտական աստիճան շնորհելու՝ բարձրագույն որակավորման հանձնաժողովի կողմից հաստատման և 1969թ. գարնանից իրատարակության պատրաստ «Եղիցի լույս» ժողովածուի լույս ընծայման ձգձգումներն այն աստիճան էին ալեկոծել **Պ.Սևակի** փոթորկուն հոգին, որ «իր աշխարհից տարագիր» բանաստեղծը փորձում էր գոնե մանկաշխարհում մեղմել իր հոգեկան տվայտանքները՝ երեխաների հետ զրուցելով մերթ մթության մեջ պատեպատ խփվող չոշիկի, մերթ ձայնը կորցրած կաքա-

Վի, մերք հույս, լույս և բարություն սփռող արագիլի բերանով:

Ու որքան էլ բանաստեղծը փորձում է նաև Վագրի ու Կատվի, Եշի, Ուղտի ու Ծտի պատմություններն անել Երեխաներին, միևնույնն է, նա թևածում է ասելիքի խորքայնությամբ աչքի ընկնող Երկրորդ խմբի բանաստեղծություններում:

Դենց այս խմբի բանաստեղծությունների օգնությամբ է Պարույր Սևակն իր «անիջյալ ու անսանձ» մտքով¹⁶⁶ մանուկ ընթերցողին իր ետևից տանում դեպի անծայրածիր ու մաքրամաքուր մի աշխարհ:

Եվ եթե բանաստեղծը ողբերգաբար չզոհվեր ու ազատ ժամանակ գտնելով՝ շարունակեր իր մանկապատումները, համոզված ենք, որ դրանք կդառնային այն հզոր զենքը, որով այդ Երանելի աշխարհը հասնելու և նրա հետ հաղորդակցվելու ճանապարհին իր փոքրիկ «Վրիժառումների» գլուխն անցած կկռվեր անարդարության, չարի, ստի ու կեղծիքի դեմ, անպայման կիաղթեր՝ աշխարհը լցնելով ծով բարությամբ ու մաքրությամբ:

¹⁶⁶ Արանք Պ.Սևակի բնորոշումներն են: Տե՛ս Ա.Յափուջյան, Պարույրի հետ, «Դայաստանի հանրապետություն», 14.06.1994թ:

Երկու խուլերի խոսակցությունը՝ իբրև իրար չլսելու և չհասկած լինելու երևույթի, բանաստեղծն անդրադարձել է նաև 1966թ. գրած «Քննադատությունը այլևս հավելված չէ» հոդվածում. «Դաճախ մեր ասուլիսը նմանվում է երկու խուլերի խոսակցության, որովհետև... մեր գրույցին միջամտում է մի երրորդ անձ էլ, որի անունն է ոչ թե Անձնական ճաշակ, այլ արդի գրականության վրա սևեռված Դայացք» (V, 280):

Զվարճապատումային կառուցվածք ունի նաև «Կորցրեցի և գտա» բանաստեղծության վերջաբանը.

Ու ժպտում եմ ես կրկին,
Ու բարի եմ ես այնքան,
Որ կարող եմ նմանվել այն արագիլ թռչունին,
Որին հարց են երբ տվել,
Թե ինչու՞ է նա կանգնում իր մի ոտին շարունակ
Պատասխանել է այնպես, կարծես թե ես եմ հուշել.
– Որպեսզի բեռն աշխարհի
թերևանա գեթ մի քիչ... (I, 309):

Արձակ խոսքում զվարճապատումային կառույցների կիրառությունն օգնում է անեկդոտի և իրականության իրադրությունների նմանությամբ ասելիքը պատկերավոր և երգիծանքով ներկայացնելուն:

«Գո՞մ, թե՞ պալատ» չափածո վիպակի իրատարակման ձգձգման և չորս անգամ վերամշակման ստիպելուց հետո բանաստեղծը խոստովանում է, որ, չնայած «մորթին քերթելուն չարժի», բայց ստացվել էր այն անեկդոտի պես, երբ արջի հետ ակամա մենամարտողին ասում են. «Արջին բաց թող ու փախի՛ր», իսկ նա խեղճ-խեղճ պատասխանում է. «Ես թողնում եմ, բայց արջը բաց չի թողնում»¹⁷²: Անեկդոտից վերցված այս երկխոսությունն առավել սուր ու խորությամբ է արտահայտում գրական աշխարհում ժամանակի պարտադրած գաղափարախոսության հետևանքները:

¹⁷² Ոողանջ հիշատակի, Անցյալը ներկայացած, Երևան, 1991, էջ 274:

Չափածո խոսքում կիրառված անեկդոտ-գվարճախոսությունները, ի տարբերություն ժողովրդական նմանատիպ կառույցների, երկսայր են, երկիմաստ ու խորքային, և առաջնայինը զավեշտի, ծաղրի միջոցով այս կամ այն երևույթի քննադատությունն է:

ՇՈՒՏԱՍԵԼՈՒԿ

Անեկոտ-զվարճապատումին սերտորեն առնչվում է նաև շուտասելուկը, քանզի վերջինիս կիրառության ժամանակ առաջադրվող պահանջն իրականացնելուց հետո խաղընկերներից մեկն ակամայից ընկնում է նախապես պատրաստված «ծուղակը», եթե ի վիճակի չէ հստակ արտաբերել համապատասխան տեքստը:

Բանահյուսության այս տեսակին բնորոշ հիմնական հատկանիշը արագախոսությունն է՝ առաջադրված համապատասխան տեքստի բառերի հերթականությունն ու հստակ վերարտադրությունը: Երբեմն էլ առաջադրվող տեքստերը որոշակի հմաստ չեն արտահայտում, քանզի առաջնայինը բառային կառույցների մեջ արագ արտաբերմամբ խճողում առաջացնելու կամ բառերի ու տառերի խճողմամբ դիմացինին ծիծաղելի վիճակի մեջ գցելը:

Պ.Սևակը չորս անգամ է անդրադարձել շուտասելուկին¹⁷³ և չորսն էլ՝ չափածոյում, երեք անգամ այդ տեսակի, նրա այս կամ այն հատկանիշի ընդգծմամբ.

...Որոնց իմաստն ենք հասկանում այնքան,
Որքան պառավը՝ իր հմայական խառնակ խոսքերը
Որքան երեխան՝ իր խառնիծաղանց շուտասելուկը (II, 212),
կամ

*Ծիծեռնակների և սարյակների շուտասելուկից
Թորգոմն արթնացավ (III, 7):*

Շուտասելուկի տեսակի հետաքրքիր և ինքնատիպ դրսեռման օրինակի ենք հանդիպում «Իրերի դատը» բանասեղծության մեջ:

Նյութապաշտությունն ու պաշտոնամոլությունը «բուժելու» դեղամիջոցներից մեկն էլ ծիծաղը, ծաղրն է:

¹⁷³ Տե՛ս աղյուսակ 5:

«Իրերի դատը» բանաստեղծության մեջ Պ. Սևակն առաջադրում է «գլխարկը զցեմ-գլուխը պահեմ» հեղինակաստեղծ շուտասելուկը՝ արագ և ճիշտ արտաքերումը դարձնելով գլխարկ կրելու նախապայման.

Այսուհետև համազգեստ հազմող ամեն ոք պիտի
իր (այսպես ասենք) համագլխարկը դնելուց առաջ
Ասի հետևյալ մի քանի բառը՝

Շուտասելուկին, ո՞չ աղոթքի պես.

«Գլխարկը զցեմ– գլուխը պահեմ

Գլխարկը զցեմ– գլուխը պահեմ »

Իսկ եթե հանկարծ սխալմամբ ասի՝

«Գլուխը զցեմ- գլխարկը պահեմ»,

կարող է այդոր նա տանը մնալ

Ու մինչև անգամ գործի չգնալ... (II, 71):

Եթե ժողովրդական շուտասելուկային բանաձևումների գեռակշռող մասը պատրաստի կառույցներ են և նպատակառության են առավելապես զվարժանքի ու խաղի մասնակցի արտաքերման կարողությունը, նրա խոսքի անսասանությունը «փորձարկելուն» և արտասանությունը զարգացնելուն, ապա հեղինակաստեղծ վերոհիշյալ կառույցը կոչված է շուտասելուկային երգիծանքի միջոցով պաշտոնատար որոշ դատարկագլուխների խսկական էությունը բացահայտելուն:

Ի տարբերություն ժողովրդականի՝ սևակյան վերը բերված շուտասելուկը նաև բարոյակրթական, բարոյախրատական նպատակ է հետապնդում:

Ժողովրդական բանարվեստի գանձարանում հանելուկը ամենամասսայական ու ամենասիրված տեսակներից մեկն է եղել, որը պայմանավորված էր նրա՝ թե՛ իբրև ժամանցի ու մրցության, թե՛ մտավարժության նպատակներով կիրառությամբ: Բանահյուսության այլ տեսակների նման հանելուկն էլ է ներքափանցել գրականություն՝ ներկայացնելով ոչ միայն որպես ինքնուրույն ժամանակաբնույթ խաղեր¹⁷⁴.

Միջնադարի բանաստեղծները, գրողներն ու գիտնականներն իրենց գործերում մեծ տեղ են հատկացրել հանելուկին¹⁷⁵:

Պ.Սևակն իր նախորդների գրական ավանդույթների շարունակողն էր ու նաև՝ «ավանդախախտը» (սևակյան բնորոշումն է): Նրա ստեղծագործություններում հանելուկի 23 կիրառության ենք հանդիպում և բոլորն էլ՝ չափածո խոսքում¹⁷⁶: Դրանք ոչ թե բանահյուսական նյութի գրական մշակումներ են, այլ այդ տեսակի տարակերպ դրսերումներ: Սևակյան հանելուկատիպ գործածությունները բխում էին բանաստեղծի՝ պոեզիայում նոր խոսք ասելու և ապրածն ու զգացածը նորովի վերարտադրելու նպատակամղումից: Նման պարագաներում դրանք ոչ ժամանցի ու մրցության նպատակ են հետապնդում և ոչ էլ մտավարժության: Պ.Սևակի ստեղծագործություններում հանելուկային կիրառությունները դառնում են բանաստեղծի ներաշխարհը բացահայտելու յուրատեսակ միջոց և նպաստում անկեղծ ու մտերմիկ միջավայր ստեղծելուն:

Ժողովրդական հանելուկի կիրառման լսարանը միշտ ընդգրկում է եղել, և հազվադեպ է հարց ու պատասխան անցկացվել երկու անձանց միջև: Յանելուկային հարցումները գրեթե միշտ ուղղվել են մեծ լսարանին:

Բնությունն ու մարդու կյանքն էլ է լի բազում չլուծված խնդիր-

¹⁷⁴ Ա. Դարությունյան, Դայ ժողովրդական հանելուկներ, Երևան, 1960:

¹⁷⁵ Ա. Մնացականյան, Դայ միջնադարյան հանելուկներ, Երևան, 1980:

¹⁷⁶ Տե՛ս աղյուսակ 5:

ներով և առեղծվածներով ու իրենց պատասխանին սպասող հանելուկներով։ Իսկ Բարձրյալի հետ հաղորդակցվող Աստծո քարտուղար-բանաստեղծները կյանքի և բնության անբացառութիւնը թվացող ու անլուծելի գաղտնիքները և հանելուկ-առեղծվածները ոչ միայն բացողն ու բացահայտողն են, այլև լուծող-մեկնաբանողը, քանզի նրանք, ի տարբերություն սովորական մահկանացուների, ունեն «հատուկ աչք ու ականջ, նյարդային հատուկ համակարգ, ուրիշ հոտոտելիք ու շոշափելիք. այսինքն՝ բոլոր նրանք (կամ միայն նա), ովքեր ունեն ոչ թե հինգ, այլ ՎԵՐ զգայարան» (VI, 417):

Նրանց է տրված «Վեցերորդ զգայարանի» միջոցով կյանքի և աշխարհի խորախորհուրդ գաղտնիքները տեսնելու, զգալու և բացահայտելու աստվածատուր շնորհը։

Նա թարգմանիչն է ծեր այն (իմչերի՝),
Որ չեն հասցըրել անգամ միտք դառնալ,
Այլ զնդամենը շարժում են հոգու,
Խաղ են մկանի
Կամ արյունի եռք...
...Նա ծեր փոխարեն
Չեր երազներն է տեսնում քնի մեջ...
– Այդ... Ե՞ս եմ որ կամ (I, 502):

Իսկ ո՞րն է բանահյուսության այս տեսակի հանդեպ Պ.Սևակի հետաքրքրության պատճառը, առավել ևս, երբ դրանք մանկաշխարհի համար չեն նախատեսված։

«Անլրելի զանգակատուն» պոեմից հետո Պ.Սևակը բանաստեղծական նորովի մտածողությամբ դարձել էր «ավանդախախտ»՝ դեմ գնալով պարզունակ «թոնրատնային» պոեզիային։ «Մարդը ափի մեջ» ժողովածուն, ուր տեղ էր գտել նաև ՎԵՐԵՐԵՐՅԱԼ բանաստեղծությունը և ամբողջ «Վերնագիրը ՎԵՐԾՈՒՄ» շարքը, իիասթափեցրել էր շատերին։ Սևակյան ինքնակիալ մտածողությունը, բանաստեղծական անսովոր կառուցվածքների ու պատկերների (այդ թվում նաև՝ հանելուկային) առատությունը հաճախ գրական շրջանակներում տարակարծու-

թյունների, նաև քննադատությունների տեղիք են տվել:

«Վերնագիրը Վերջում» շարքը, որին Յան Սահյանը, կես կատակ, կես լուրջ ռեբուս համարելով, խորհուրդ էր տալիս այն հանելուկների ժողովածուում տեղադրել¹⁷⁷, շատերի կողմից ճիշտ չի ընկալվել, և բանաստեղծն ստիպված է եղել թե՛ բանավեճերի ժամանակ, թե՛ հոդվածներում, նամակներում ու հարցազրույցներում բացատրել այդ «ավանդախախտ» պոեմի արժեքը (Վահե Յովակիմյանին հղած նամակում այն անվանում է 11 գլխանի պոեմ)` համարելով իր «բոլոր գրածների մեջ հազվագյուտներից մեկը» (VI, 419):

«Վերնագիրը Վերջում» շարքում ընդգրկված բոլոր 11 բանաստեղծություններն ել ինքնաբացահայտումներ են՝ գեղարվեստական խոսքի ուժով արված հոգու ինքնանկարներ: Այդ անսովոր շարքը բոլոր բանաստեղծ ծնվածների մասին է և բանաստեղծի «վեցերորդ գայարանին»՝ աշխարհին ու մարդկանց հաղորդակից դարձնելու մտահոգությունից է ծնունդ առել:

Բանաստեղծական խոսքի գորությամբ ասես բացվում են պոետի հոգու գաղտնարանների դրույթը, և ընթերցողն այդ «պատկերասրահում» հաղորդակցվում է նրա անքնությանը, լրությանը, արհամարհանքին, տանջանքին, խոհերին, քայլերին, ինքնիր համար երգելուն, ուրախության ու թախծելու պահերին:

Բազմաշերտ հանելուկային կառույցի եզակի օրինակ է «Եկուրիշ ոչի՞նչ» բանաստեղծությունը: Առանց հարցման ու հարցադրման երանգի, ընթերցողին է ներկայացվում իինդ «հանելուկ-առաջադրանք»՝ իրենց բանաստեղծական «պատասխան-լուծումներով».

*Չորից թռչելիս,
Ժայռից ցատկելիս,
Որպես կենդանի – շմչող արարած,
Նա խեղանդամվում
Ու տնքտնքոցով քարշ տալով ոտք՝*

¹⁷⁷ Ս.Սարինյան, Պարույր Սևակը գուգահեռի վրա, «Գարուն», 1981, թիվ 11:

Փոշի է հանում ճանապարհներին...

- Իսկ մենք պարզապես կոչում ենք... քամի.

Եվ ուրիշ ոչի՞նչ:

Նա էլ, մարդու պես,

Ունի ամոթի զգացումը նույն,

Դրա համար էլ

Դագուստ է գործում խոտից ու թփից,

Որպեսզի ծածկի իր մերկությունը...

- Մենք ընդամենը կոչում ենք... առո՛ւ,

Եվ ուրիշ ոչի՞նչ:

Առասպելական իսկա մարջաններ,

Որ վզնոց դարձած

Զուգում են վիզը պատըշգամբների,

Մի բան էլ ավել -

Ունեն համ ու հոտ...

- Իսկ մենք կոչում ենք... պղպե՛ղ կամ տաքղեղ.

Եվ ուրիշ ոչի՞նչ:

Զուգված ավագի դեղին կապրոնով

Եվ անձեռագործ նեյլոնով կանաչ՝

Դնչեցնում է նա իր ջինջ սոպրանոն...

- Իսկ մենք պարզապես կոչում ենք... աղբյո՛ւր.

Եվ ուրիշ ոչի՞նչ:

Մի մե՞ծ երփիներանգ յուղաներկ կտավ,

Որ ժամեր հետո փոխվում է հանկարծ

Սև ու միագույն խորանկարի...

- Իսկ մենք կոչում ենք լոկ... օր ու գիշե՛ռ.

Եվ ուրիշ ոչի՞նչ:

Այս «հարց ու պատասխանին» հաջորդում են ևս երեք հակիրճ բանաստեղծական մեկնություններ գլխի (հրաշք իսկական), սրտի (լեցուն գաղտնարան) և մարդ արարածի (մի քայլող աշխարհի).

Դրաշք իսկական,

Կոչում ենք... գլուխ:

*Եեցուն գաղտնարան.
Անվանում ենք... սիրու:
Մի քայլող աշխարհ,
Մարդ ենք հորջորջում... (I, 334-335):*

Բնության այս բոլոր իրաշագործությունները՝ հանելուկային պատկեր-ընկալումների տեսքով, «երրորդ աչք» և «վեցերորդ զգայարան» ունեցող Աստծո քարտուղար-բանաստեղծների մենաշնորհն է: Նրանց է միայն տրված իրերի և երևույթների խորքերը թափանցելու և տեսածն ու զգացածը բառաշապիկի մեջ տեղավորելու և մարդկանց հոգիները դրանցով հարստացնելու պարզեցը.

Եվ... վայ ինձ ու ծեզ.

Այսքանից հետո

Մենք մեզ կոչում ենք նաև... բանաստեղծ... (I, 335):

Պարույր Սևակի ստեղծագործությունների վրա նշանակալից ներգործություն են ունեցել մեր մշակութային կյանքում որոշակի արժեք ներկայացնող գրքերի և ժողովածուների իրատարակությունները: Այսպես, օրինակ՝ 1950-ականներին գրված մի շարք բանաստեղծությունների, մասնավորապես «Ութնյակների» ծնունդը պայմանավորված էր Ա. Ղանալանյանի «Դայկական առածանիի» (1951թ.), իսկ 13 մանկական բանաստեղծություններինը՝ «Ավանդապատումի» (1969թ.) իրատարակությունների հետ:

Ս. Դարությունյանի հայ ժողովրդական հանելուկներին նվիրված ուսումնասիրությունների¹⁷⁸ և համահավաք ժողովածուի (1965թ.)¹⁷⁹ իրատարակությունները ևս, խթան են հանդիսացել

¹⁷⁸ Ս. Դարությունյան, ժողովրդական հանելուկների մի քանի առանձնահատկությունների մասին, Երևան, 1959, թիվ 1:

Նույնի՝ Դայկական հանելուկների կապը բանահյուսական մյուս ժամրերի հետ, Երևան, 1959, թիվ 4:

Նույնի՝ Դայ ժողովրդական հանելուկներ (ուսումնասիրություն), Երևան, 1960:

¹⁷⁹ Նույնի՝ Դայ ժողովրդական հանելուկներ [Դամահավաք ժողովածու], Երևան, 1965:

Պ. Սևակի հանելուկատիպ բանաստեղծությունների լույս աշխարհ գալուն: Բանաստեղծն ինքն էլ է այդ մասին խոստովանել Ս. Հարությունյանին՝ ասելով, թե հանելուկների մասին նրա կատարած ուսումնասիրությունների և համավաք ժողովածուի հրատարակություններն իրեն հուշել են գրելու հանելուկային կառույցներով բազմաթիվ բանաստեղծություններ և հատկապես «Վերնագիրը վերջում» շարքը¹⁸⁰:

Այսպես՝ թե՝ «Եվ ուրիշ ոչի՞նչ» բանաստեղծությունը, թե՝ «Վերնագիրը վերջում» շարքը գրվել են նույն՝ 1959թ., Թբիլիսիում և իրենց կառուցվածքով ու ուղղվածությամբ նույն նպատակին են ծառայում, իսկ «Կրկնվող հանելուկը» (1965թ.), «Հանելուկ առաջինը», «Հանելուկ երկրորդը», «Սերը հանելուկ» և «Արմատավոր հանելուկը» (1967թ.) հաստատում են վերը ասվածը:

Ժողովրդական հանելուկները, բանահյուսական որոշ տեսակների նման (Նոր տարվան, Երաշտին, բնությանը, Երկնային լուսատուններին նվիրված երգեր) կորցնելով իրենց բուն գործառույթը, ժամանակի ընթացքում մեծերից անցել են Երեխաներին և այսօր էլ, իբրև ժամանցի, մոցության ու մտավարժության միջոցներ, շարունակում են գոյատել մանկաշխարհում: Սակայն Սևակի ստեղծագործություններում հեղինակաստեղծ հանելուկներն ու հանելուկային կառույցների կիրառությունները շուտասելուկների նման նոր իմաստ են ձեռք բերում և նորովի դրսերումներով կրկին ծառայում հասուն տարիքի մարդկանց:

Եթե ժողովրդական նմանատիպ ստեղծագործություններում առարկայի ու նրա պատկեր-բանաձևի միջև եղած կապը բավականին մթագնած է, և այդ կապի բացահայտման հնարավորությունը ընձեռված է հանելուկ առաջադրողին, ապա սևակյան հանելուկներում ու հանելուկատիպ կառույցներում այն բացահայտվում է հենց իր՝ հանելուկ առաջադրող բանաստեղծի կողմից՝

¹⁸⁰ Նույնի Եվ օրինյալ էր ծնունդը (հուշեր Պ. Սևակի մասին), ձեռագիր:

ա) կամ «հանելուկի» սկզբում՝ իբրև վերնագիր («Սերը հանելուկ») (VI, 237).

բ) կամ ստեղծագործության վերջում («Հանելուկ առաջին», «Հանելուկ երկրորդ») (VI, 234, 236).

գ) Հանելուկային հարցի պատասխանը հուշում է բանաստեղծության խորագիրը («Վերնագիրը վերջում» շարքը) (I, 492-502).

դ) Մասնակի պատասխանից հետո հանելուկային առարկան հստակ չի ներկայացված, կասկածելի է («Արմատավոր հանելուկ») (VI, 239).

Ե) Բանաստեղծական պատկեր-հանելուկները ներկայացվում են առանց հարցադրման և հեղինակային մեկնաբանությամբ («Եվ ուրիշ ոչի՞նչ») (I, 336).

զ) Բանաստեղծության մեջ հանելուկային կառուցվածքը հանդես է գալիս իբրև ավանդության նախադուռ՝ հանելուկի առարկայի նախօրոք մատնանշմամբ («Չղջիկը»)¹⁸¹:

Հանելուկային կառույցներին և դրանց ներքին ոգուն համապատասխանող բանաստեղծությունների խորագրերը ևս ժողովրդականի նման բազմատեսակ են: Դրանք կամ կոչվում են բուն տեսակի անունով՝ թվային հաջորդականության ընդգծմամբ («Հանելուկ առաջին», «Հանելուկ երկրորդ»), կամ խորագիրը տեսակի հետ հանելուկի առարկան է մատնանշում («Սերը հանելուկ»), կամ էլ հանելուկաբնույթ բանաստեղծությունների շարքը մի ընդհանուր խորագրի տակ է («Վերնագիրը վերջում»), որն ինքնին առաջադրած հանելուկի պատասխանն է:

Հանելուկային կառույցներով բանաստեղծությունները տարբերվում են իրարից ոչ միայն իրենց կառուցվածքով, այլև հարցադրման ու դրանց պատասխանների ինքնատիպ լուծումներով: Այսպես, օրինակ՝ թվում է՝ ընդհանուր կառուցվածքով իրար նման են «Հանելուկ առաջին»-ը և «Հանելուկ երկրորդ»-ը: Սակայն սրանք սոսկ հարցադրում-առաջադրանքի ձևով են նման: Առաջինի մեջ հանելուկային առարկան անորոշ է (իսկ

¹⁸¹ Պ. Սևակ, Զեր ծանոթները, Երևան, 1984, էջ 36:

այդ ի՞նչն է, // Որ երբ հասավ, // փախցընում է մեր քունն աչքից (VI, 234), իսկ երկրորդի մեջ այդ առարկան ինչ-որ չափով կոնկրետացված է. *Այդ ո՞ր կենդանին է, որ չգիտի լողալ, // Իսկ թե փորձեց՝ // Սուզվում-խեղղվում է* (VI, 236):

«Հանելուկ առաջին»-ի հարցմանը հետևում են 5 համոզիչ պատասխաններ՝ ամեն մեկը ինքնատիպ ու ապրված. պապիկի կարծիքով անքնությունն իջևանել է իր ներսում ծերության, պատերազմի երես տեսած հայրիկի կարծիքով՝ գերության, մայրիկի կարծիքով՝ մերության, փոքրիկ տղայի կարծիքով՝ Զմեռ պապիկի, իսկ արբունքահաս աղջկա կարծիքով՝ սիրո տեսքով:

Յուրաքանչյուր պատասխանի մեջ ասես ամբողջանում են ու առանձնանում տարբեր սերի և տարիքի մարդկային բնավորությունները: Այս բանաստեղծությունը հանելուկային կառույցների շարքում միակն է, որի լուծման առարկան կոնկրետացված ու ո-ռոշակիացված չէ, և բոլոր մասնակիցներն ել իրենց պատահաններով ճիշտ են և յուրովի են ապրել այդ անքնությունը:

Հանելուկային միջավայրի կիրառությամբ Պ.Սևակն էլ ավելի անմիջական ու կենդանի է դարձնում բանաստեղծական պատկերները: Մայրիկի կերպարն ամբողջանում է նրա պատասխանի կրկնությամբ՝ սկզբում՝ շեշտված (իբրև իմացած պատահանի անմիջական արտաքերում) և ապա՝ բացականչական նշանով (անքնությունն իբրև մայրության անքաժանելի առում), իսկ փոքրիկ տղայի կերպարը՝ նրա ճիշով, որ գալիս էր Զմեռ պապիկին տեսնելու կարոտից.

Փոքրիկ տղան

Փոքրիկ ափը զարկեց ափին

Ու ծայնիկն իր միացմելով

Զնգուն ծափին՝

Չասաց... գոռաց.

– Զմեռ պապին (VI, 234):

Հանելուկային պատասխանի բանաստեղծական ինքնատիպ դրսերում է արբունքահաս աղջկա պատասխանն իր խոսուն լրությամբ.

Իսկ աղջիկը արքունքահաս...

...Ոչինչ չասաց,

Բայց մտածեց.

– Պա՞րզ չէ, սե՞րը... (VI, 234):

Եթե «Հանելուկ առաջին»-ում հարցմանը հաջորդող պատասխաններն ինքնին հանելուկային միջավայր են ստեղծում և դրանցով բնորոշում բանաստեղծության ինքնատիպ կառուցվածքն ու ասելիքի «բազմաձայնությունը» (հիշենք սիմֆոնիզմի սկակյան բնորոշումը. «Սիմֆոնիզմը ամենին էլ բանաստեղծական մեծ կտավների մենաշնորհը չէ. «սիմֆոնիզմը» կարող է դրսենորվել նաև 15-20 տողանոց բանաստեղծության մեջ, որովհետև «սիմֆոնիզմը» ոչ այնքան ժամր է, որքան մտածողության ձև») (V, 142-143), ապա «Հանելուկ Երկրորդ»-ում նույնիսկ որոշ չափով կոնկրետացված հանելուկային առարկան չի օգնում ճիշտ պատասխանը գտնելուն: Թեպես հանելուկի կոնկրետացված առարկան՝ կենդանին, պետք է, որ այդ բնագավառի գիտակ կենդանաբանից կորզեր ճիշտ պատասխանը (այդ կենդանին ուղտն է), բխում էր սոսկ արտաքին հատկանիշների նմանությունից: Ճիշտ պատասխանը գտնելուն օգնում է հենց ինքը՝ հարց առաջադրողը, քանզի հանելուկի առարկայի պես առեղծվածային ու անընկալ է նաև հենց ինքը՝ «ճշմարտածին» ու «ճշմարիտ» Աստծո քարտուղար-բանաստեղծը.

Իսկ ես գոռացի.

– Ո՞չ,

Այդ կենդանին... ե'ս եմ,

Որ չգիտեմ կյանքի սահանքներում լողալ,

Չետմ էլ նաև... սողալ... (VI, 236):

«Հանելուկ Երկրորդ»-ը հարցադրվող հանելուկի առարկայի արտաքին և պոետական բնավորության ներքին նմանությունների հենքի վրա է կառուցված:

«Կյանքի սահանքներում» լողալ ու սողալ չկարողանալու ինքնախոստովանությանը հանդիպում ենք նաև «Նահանջ Երգով» պոեմում՝ գրված դեռևս 1961թ..

Ու ես պիտի մեռնեմ որոշակի մահով.

– Մի օր ես խեղամա՞հ պիտի լինեմ,

Սակայն ոչ թե ջրում

թեպետ մինչև այսօր

Չեմ սովորել գոնե կյանքում փո՞քը - ինչ լողալ (III, 181):

Այնուհետև բանաստեղծը բացահայտում է իր «խեղամահ» լինելու իսկական դրդապատճառը.

Ապրաժ-զգացածը ասել չգորելո՞ց

Ես կխեղվեմ մի օր՝

ինչպես մահանում եմ

Կոկորդի մեջ խցված սուր ոսկորից... (III, 181 - 182):

«Մի բան մտածելը և այլ բան ասելը անբարոյականության վատթարագույն տեսակն է, ինչպես որ հարկադրաբար սիրելն էլ վատթարագույն շնականությունն է»¹⁸², – գրում է Պ.Սևակը «Անցյալը ներկայացած» ինքնակենսագրականում:

«Դանելուկ առաջին»-ի և «Դանելուկ երկրորդ»-ի մեջ ներկայացված անսպասելի ու անսովոր պատասխանի ձևը բացակայում է ժողովրդական հանելուկներում: Դանելուկային կառուցով բանաստեղծության յուրատեսակ դրսերումներ են «Սերը հանելուկ»-ը և «Արմատավոր հանելուկ»-ը: Առաջինում բանաստեղծության խորագիրը առաջադրված ինչուների պատասխանն է, որով փորձ է արվում բացահայտել սիրո ճիրաններում տանջվող-տառապողի քաղցր ապրումները.

Ե՞րբ և ինչպե՞ս է,

Որ մենք մեր գլխով

Կարծես դիպչում ենք արևի գլխին...

...Ե՞րբ և ինչպե՞ս է... [որ] ...տնավորված մեր սիրուը

Դարձյա՛լ

Տնավեր դարձած

Ու թափառական դարձած վերստին,

ճամփա է ընկնում

¹⁸² Ղողանջ հիշատակի, Կազմող՝ Եղուարդ Մեհրաբյան, Երևան, 1991:

*Մաշված հետքերով անքում կարոտի՝
ինքն իրեն նորից դառնալու հույսով...*

*Վերջապես, ասա՛, Ե՞րբ և ինչո՞վ է,
Որ ցավի հումը*

Եփվել-եռալով դառնում է տաճաճք...

Եվ մի այնպիսի՛ – այնպիսի՛ տաճաճք

Որ մեզ դարձնում է ... կենտրոն աշխարհի (VI, 237 - 238):

Այս հանելուկային հարցադրումների պատասխաններին, թե խորագիրն անգամ չլիներ, կարող եր ճիշտ պատասխանելու նա, ով ճաշակել է սիրո թե՛ վայելքները, թե՛ տաճաճքները:

Դանելուկային կառույցներով ստեղծագործությունների մեջ իր ինքնատիպությամբ առանձնանում է «Արմատավոր հանելուկը»՝ նվիրված մասրենուն.

*Ժայռից մասուր է կաթում, // կարմիր սարսուր է կաթում,*¹⁸³ – այսպես է վերակենդանացրել Դամո Սահյանը բնության այս հրաշալիքը:

Պ.Սևակի գրչի տակ մասրենին հանդես է գալիս իբրև բնության հրաշագործություն և միաժամանակ՝ առեղծված, իբրև... «արմատավոր հանելուկ»: Բանաստեղծության հենց սկզբում բացվում է այդ հանելուկի իսկությունը՝ առարկան: Դա մասրենին է, որը կապկել է վարդերին և «բուսնում է... ժայռի ականջին» ու «քարափի շրթունքին»: Սակայն մասրենին, որ «թե՛ թուփ է, թե՛ ծառ է», նաև «ո՛չ թուփ է, ո՛չ ծառ է, ո՛չ վարդ է...»:

– Իսկ ի՞նչ է, – հարցին հետևում է պոետական մեկնությունը,

– Երևի

Մասրենին... լուսնոտն է... արևի,

Որ քայլում քիվերի վրայով,

Բնական – ժայռեղեն քիվերի,

Ու ներքն չի ընկնում իր վերից... (VI, 239 - 240):

Մասրենին... լուսնոտն է... արևի, – ահա այսպես է լուծվում այդ արմատավոր հանելուկը: Պատկերների նման խտություն

¹⁸³ Դ.Սահյան, Քարափների Երգը, Երևան, 1968, էջ 133:

բանաստեղծական խոսքում հիրավի նորություն էր գրականության մեջ:

Հանելուկային կառույցների հետ սերտորեն կապվում են նաև հարցման ձևով և ինքնատիպ ու անսովոր պատասխանով առանձնացող բանաստեղծությունները («Խեղկատակը» (II, 48), «Երես ու աստառ» (II, 202), «Լավագույնը» (VI, 226)): Մի դեպքում հարցումներին անսովոր պատասխաններ է տալիս խեղկատակը.

- Որտե՞ղ են ապրում քամիները:
 - Պալատների մեջ:
 - Եվ, անշու'շտ, մեր իսկ ոռւնգներում:
 - Որտե՞ղ են մեռնում բոլոր կուռքերը:
 - Ծափ ու ծիծաղի ծանրության մերքո,
- Նաև խունկերում (II, 48):

Մեկ այլ դեպքում («Երես ու աստառ», «Երջանկության նոր չափանիշ» (VI, 204), «Լավագույնը») «հանելուկային հարցադրումներին» պատասխանում է բանաստեղծն ինքը, բայց նրա պատասխանն էլ խեղկատակի պատասխանի պես հեռացած է բնական տրամաբանական, կենսաբանական պատասխաններից, որոնց մեջ ևս հստակ ուրվագծվում է այն «երրորդ աչքը», որ բանաստեղծը կոչել է «վեցերորդ զգայարան».

Ուռենիները նրա՝ համար են,
Որպեսզի... ցույց տան ջրին ճանապարի...
Եվ ծուխը, նույնպես, նրա՝ համար է,
Որպեսզի... ցույց տա ուղղություն քամուն:
...Եվ արտույտները նրա՝ համար են,
Որպեսզի... իրենց երգով չորացնեն
Շաղն ու եղյամը վաղ առավոտվա (II, 202):

Բանաստեղծական նման խտացված մեկնաբանություն-պահուասխանները Պ.Սևակի մոտ հաճախ թևավոր ասույթի ուժ են ձեռք բերում.

Լավագույն հավատն այն է,
Որ երբեք չի դառնում կրոն:

*Հավագույն դիմակն այն է, անկասկած,
Որ կոչվում է դեմք (VI, 226):*

Ի դեպ, հանելուկային տարատեսակ դրսենորումներից և ոչ
մեկը չի կրկնում մյուսին: Նման կիրառությունները բանաստեղ-
ծական պատկերի ու գեղարվեստական խոսքի մատուցման մի-
մի հայտնություններ են, որոնք, ինչ խոսք, նորություն էին մեր
բանաստեղծական աշխարհում և ինքնատիպ երանգ էին հա-
ղորդում Պ.Սևակի պոեզիային:

ԺՈՂՈՎՐԴԱԿԱՆ ԽՈՍՔԻ ԲԱՆՁԵՎԱՅԻՆ ԿԱՌՈՒՅՑՆԵՐԸ

Պ. ՍԵՎԱԿԻ ՍՏԵՂԾԱԳՈՐԾՈՒԹՅՈՒՆՆԵՐՈՒՄ

(ԱՐԹԵՐ, ՕՐԴՆԱՆՔ-ՄԱՂԹԱՆՔ, ԱՆԵԾՔ, ՀԱՅՐՈՅԱՆՔ, ԵՐԴՈՒՄ)

Եթե մեծածավալ բանահյուսության տեսակների կիրառության ժամանակ օգտագործվում են նաև դրանց սյուժետային, կերպարային ու իմաստակառուցվածքային հատկանիշները, ապա բանարվեստի մի շարք տեսակների՝ մասնավորապես խոսքով ասելիքը հաստատելուն կամ ժխտելուն միտված բանաձեռնումները, խոսքի գորությամբ շրջապատի վրա ներգործելուն նպատակամղվածները՝ աղոթք, ամեծք – օրինանք, ողջույնի ու մաղթանքի խոսքեր և այլն, Պ.Սևակի ստեղծագործություններում հանդես են գալիս ոչ միայն իրենց արտաքին ու ներքին կառուցվածքային հատկանիշների և տարրերի կիրառությամբ, այլև դրանց ամբողջական մեջբերմամբ:

Բանաստեղծի մոտ դրանք բավական մեծ քանակ են կազմում՝ 213 ընդհանուր կիրառությամբ (70 աղոթք, 68 մաղթանք, 33 օրինանք, 26 ամեծք, 9 երդում և 7 հայիոյանք) և բացակայում են այլ ժողովուրդների բանարվեստի նմուշների գործածություններում¹⁸⁴: Պետք է ասել, որ բանաստեղծի արձակ խոսքում, ի տարբերություն չափածոյի, դրանք կամ բացակայում են (աղոթք), կամ էլ փոքր քանակ են կազմում (3 մաղթանք, 7 օրինանք, և 1 ամեծք)¹⁸⁵:

Զանազան աստվածներին ու չար ոգիներին ուղղորդված ժողովրդական աղոթքներն ու հմայական բանաձեռնումները շրջապատի առարկաների վրա խոսքի գորությամբ ներգործելու միջոցներ են, որոնք կոչված են մարդուն պաշտպանել նրա գործողությունները կաշկանդող չար ուժերից:

Աստվածաշնչյան աղոթքները ևս իրենց նպատակառուղով

¹⁸⁴

Տես աղյուսակ 6, 7, 8:

¹⁸⁵ Տես աղյուսակ 5:

ծությամբ ու կառուցվածքով նման են ժողովրդականին (քանզի ստեղծվել են դրանց հենքի վրա) և ուղղված են միայն Աստծուն կամ Քրիստոս-Աստծուն և նպատակ ունեն Արարչի միջամտությամբ վերականգնելու խախտված ներդաշնակությունը։ Իսկ երկնավորի գթասրտությանն արժանանալու և խնդրանքը կատարվելու համար անհրաժեշտ էր մի շատ կարեոր նախապայման՝ գործած թեկուզե ամենաչնչին մեղքերի համար Աստծո առաջ խոստովանելով՝ մաքրագործվել, նոր միայն թողություն հայցել նրանից։

Պետության և եկեղեցու սպասավորները տաճարներ էին կառուցում՝ Բարձրյալին հաղորդակցվելու և հավատը պահպանելու համար, իսկ «ժողովրդի ինքնակամ ծառաները» և աստծո քարտուղար-բանաստեղծները, աշխարհի մաքրության ու մարդուն մարդ պահելու համար իրենց հոգիներն էին սրբատեղի տաճարներ դարձնում։

Նրանք ոչ միայն երկնային ամենակարող ուժի և մարդկանց միջև կապող օղակն են, այլև աշխարհում ներդաշնակություն ստեղծողն ու պահպանողը։ Առանց նրանց կկտրվեր կապը Աստծո և մարդկանց միջև ու կխախտվեր կյանքի բնականոն ընթացքը։

*Իսկ չե՞ս վախենում, որ հանկարծ... մեռնեմ:
Ես վախենում եմ, շա՞տ եմ վախենում,
Բայց ոչ ինձ համար,
Այլ լոկ քե՞զ համար.
Իսկ եթե հանկարծ իմ մահով խախտվի
Դամակշոված այս վիճակը քո,
Ո՞նց պիտի լինես,
Ի՞նչ պիտի անես:
Տե՛ս, որ իմ մահով քեզ չկործանե՞ս,
Սուտ ու փուտ աշխարհ,
Փուչ ու ո՛չ աշխարհ... (II, 192-193):*

Դայոց դիցարանի գերագույն Աստծո՝ Արամագդի քարտուղարը՝ դպիրը՝ գրի, գրականության, գիտության ու արվեստի հովանավորը, նաև երազները մեկնաբանողը Տիր աստվածն է,

Հին Արևելքի ժողովուրդների մեջ՝ Մովսեսը, հույների մեջ՝ Ապոլլոնը:

Բանաստեղծները և Աստծո և մարդկանց միջև կապող օհակն են՝ Աստծո գրագիրը, մարդկանց ցանկությունների թարգմանը, բարեխոսն ու երազահանը:

1957թ. ամռան աներևակայելի «բերքի» կապակցությամբ (ընդամենը մեկ ամսում 4000 բանատող էր արարվել) ահա թե ինչպես է արտահայտվել Պ.Սևակը Լ.Չախվերդյանին գրած նամակում. «...Գրում եմ անվերջ, իամարյա թե ամեն օր, իղացումները քնել չեն տալիս – լինում են շաբաթներ, երբ թվում է, որ ես ինքնուրույն մարդ չեմ, այլ ընդամենը... աստծո քարտուղար – նա թելադրում է, ես գրում եմ»:¹⁸⁶

«Աստծո քարտուղարը» շարքն ամբողջությամբ «ողջ մարդկության հետ գրույցի նստելու», նրանց մեղքերի բեռն իրենց ուսերին կրելու պատրաստ «ճառագայթային ախտով» դատապարտվածներին է նվիրված:

Թե՛ իր չափածո, թե՛ արծակ ստեղծագործություններում Պ.Սևակը բանաստեղծին համեմատում է Աստծո քարտուղարի՝ Մովսեսի հետ: Առավել ուշ ժամանակներում տրված այս գնահատականը բխում էր բանաստեղծի ստեղծագործական դավանանքից, այն է՝ բանաստեղծությունը դարձնել մաքուր ու անկեղծ հոգու մրմունջ ու աղոթք:

1942թ. փետրվար-մարտ ամիսներին գրած «Աղոթքներ» շարքը, որի միավորներից մեկը նվիրված է Երգի արքային՝ աղոթահորը՝ Նարեկացուն, ասես նախանշում էին Երկու տասնամյակ անց կատարվելիք թոհջքի այն ուղին, որի կանգառներից մեկը կրելու էր «Մարդը ափի մեջ», մյուսը՝ «Եղիցի լուս» անվանումները:

ճշմարիտ բանաստեղծությունն ինքնին անկեղծ խոսք է, ինքնախոստովանություն, աղերս-աղոթք ու պահանջ: Այդ առումով, բնության ամենակարող ուժին՝ Աստծուն ուղղված Մե-

¹⁸⁶ Լ.Չախվերդյան, Պարույրը, Երևան, 1987, էջ 78:

ծարենցի «Տու՛ր ինձի, Տե՛ր, ուրախությունն անանձնական» բանաստեղծությունը ներկայացնելով իրու անանձնական ուրախության աղերս-պահանջի, անկեղծ ու «բնաբուխ» աղոթքի եզակի դրսեորում՝ Սևակն այն համարում է աշխարհի բոլոր բանաստեղծների համար նորօրյա մի «Դայր մեր». «Եթե ամեն մի բնաբուխ (և ոչ թե անգիր արված) աղոթք արդեն բանաստեղծություն է, ապա մեծարենցյան այս բանաստեղծությունը կարող է մի նոր «Դայր մեր» դառնալ՝ լինեն դրանք արվեստագետներ, թե պարզապես մեծատառով մարդիկ»¹⁸⁷:

1950-ական թվականների կեսերից սկսված սրտաբուխ գրույցը մարդու և աշխարհի հետ 60-ականների վերջերին վեր է ածվում աղոթքի՝ աղոթք առ աստված, առ մարդ, առ մարդաստվածը:

Պ.Սևակի բանաստեղծություններից շատերը ևս մարդկային սիրո և տառապանքի դրսեորման յուրատեսակ աղոթքներ են:

Մեղքերի թողության աղերս-աղոթքի կաղապարով կառուցված եզակի օրինակ է «Խոստովանություն» բանաստեղծությունը.

Դա՛յր Սուրբ, եթե մարդը հավատացյալը չէ,
Որտե՞ղ պիտի նա իր մեղքը խոստովանի:
Խո՛ս-տո՛-վա՛ -նո՛ւ -թյա՛ն եմ կարոտ, Դա՛յր Սուրբ՝
Չներվելո՛ւ գնով
Եվ բանադրվելո՛... (II, 209-210):

Սևակը ևս, անսալով դարերի խորքից եկող Նարեկացու ծայնին, նրա նման մարդկության մեղքերի բեռն ուսերին առած, խոսում է հանուր մարդկության անունից և աշխարհի մաքրության ու աշխարհում ներդաշնակությունը պահպանելու համար իր խոսքը դարձնում է գրույց-աղոթք, աղոթք -խռովք ու աղոթքընդվզում:

Պ.Սևակի մի շարք բանաստեղծություններ ամբողջությամբ կառուցված են աղոթքների արտաքին և ներքին օրենքներին համապատասխան՝ պահպանելով թե՛ կառուցվածքային (նույ-

¹⁸⁷ Պ.Սևակ, Սայաթ-Նովա, Երևան, 1969, էջ 252:

նիսկ վերջաբանային) տարրերը և թե՛ ներքին ոգուց բխող ինքնաբուխ խոսքը: Դրանց մեջ բանաստեղծի խոստովանության առարկան մի դեպքում Յայր Սուրբ Խոհեմությունն է («Խոստովանություն»).

Եվ ակամա, նորի՞ց, ես չանսացի
Իմ պապերի ծայնին՝ խոհեմությա՞ն,
Յայր Սուրբ Խոհեմության,
Որին պիտի
Խոստովանեմ իմ մեղքերը
Յայր Սուրբ, ես կուզեի կյանքի՞ն գնով
Զնօն «զգույշ» բառը:
Մեծ մե՞ղք է սա... (II, 209),

մեկ այլ դեպքում՝ տեր Կոկիծը («Յպատակի խռովությունը»).

Ախ, տե՛ր Կոկիծ, հարկավոր չէ՝,
Բավակա՞ն է, տե՛ր ողորմյա՞ (II, 151),

Երրորդ դեպքում՝ Մարիամը («Բարեխոս եղիր իմ և իմ միջև»).

Ասում եմ, իբր, կապույտի վրա
Չեմ նստում ճանճեր:
Հսու՞մ ես Մարիա՞մ,
Ինձ ներս ու դրսից կապույտ հագցըրու (II, 139),

մեկ ուրիշ դեպքում՝ Ամենակարող Աստվածը («Անարժեքության տապկնոցում»).

Ինչի՞ց, տե՛ր աստված, ինչի՞ց է, ինչո՞ւ
Որ ամենից շուրջ և ամենից շա՞տ
Իրեմ՝ մարդու մեջ հենց մարդն է կորչում (VI, 196):

Իսկ «Անլոելի զանգակատուն» պոեմում այդ աղերսանք-աղոթք-խնդրանքը ուղղված է Փարիզին.

Փարի՞զ, Փարի՞զ...

Եղիր բարի.

Ի սեր աստծո՞ գթա՞ծ եղիր.

Այս ծուռ ճամփից նրան շեղի՛ր

Ու բեր շիտակ ճանապարհի.

Այնպե՞ս արա, որ նա դարձյալ

Քեզ ողողի մտքով պայծառ... (IV, 215):

Բացի աղոթքների իմաստակառուցվածքային տարրերի գործածությունից, Սևակն օգտագործում է նաև աստվածաշնչան աղոթքներից ու երբեմն էլ շարականներից վերցված գրաբարով առանձին հատվածներ և բառակապակցություններ՝ դրանց հավելելով կամ դրանցից բխեցնելով ու դրանցով կառուցելով հեղինակային մեկնաբանությունը՝ հեղինակի խոսք-եզրակացությունը։ Նման կառույցներ հանդիպում են Պ. Սևակի մեծածավալ ստեղծագործություններում, մասնավորապես «Անլոելի զանգակատուն» և «Եռաձայն պատարագ» պոեմներում։

Այսպես՝ «Ղողանջ աքսորի»-ում, երբ ամեն անգամ ողորմություն հայցող ժողովրդի բերանով «Ողորմեա»-ի շարականներից հատվածաբար մեջբերումներ է արվում՝ տիրոջ ողորմության ու գթառատության սպասումով, հետևում է դառն իրականությունը ներկայացնող հեղինակի խոսքը՝ գլխատվող մի ողջ ժողովրդի բերանով։

– Յաղագըսիարց, եղբարց, մերոց,
Որք են տարեալ իգերութիւն,
–Տէ՛ր, ողորմեա՛...,
–Շիցո՛ զիուր վառ հնոցի,
Փոկեա զմեզ, ամենագութ...
–Դայցեմք ի քեն արտասուելով
Եվ պաղատիմք զայս ասելով.
–Տէ՛ր, ողորմեա՛...,
–Ընկալզեր աղաչանըս,
Լո՛ւր, գթառա՛տ, և ողորմեա՛...,
–Ցո՛յց մեզ զքո ողորմութիւն,
Տուրաշխարհիս խաղաղութիւն... (IV, 195-196):

Աստծո ողորմությունը հայցելով հանդերձ՝ աշխարհին խաղաղություն ցանկանալու բաղձանքի իրականացումը առավել սարսափելի է նկարագրված։

Մեկ էլ տեսար՝ խաղաղությունն իրո՛ք իջել,
Վեր է աժել շեն աշխարհը մի շիրմատան,
Ուր այլևս չեն էլ ճարվի ապրող մարդիկ,
Որ բյուրավոր հանգչողներին երանի տան... (IV, 196):

«Եռաձայն պատարագ» պոեմում աղոթքային պատարիկների գործածությամբ Պ.Սևակին հաջողվում է բանաստեղծական պատկերը դարձնել տպավորիչ, իսկ խոսքը՝ կառուցել դիպուկ ու սեղմ:

«Արձակեա՝ զմեզ» արտահայտությանը ի պատասխան՝ հնչեցնելով «բայց Տերն արձակեց նրա ոսոխին» (IV, 279), իսկ «Լեռինք, անկերութ դուք ի վերայ մեր... ծածկեցե՛ք զմեզ»-ին՝ «բայց նրանց վրա լեռները չընկան և չծածկեցին բլուրներն անսիրտ... խլված էր և զենք, և դանակ, և ձեռք...» (IV, 285) հեղինակային մեկնաբանություն-պատասխանները: Իսկ «Ծունք բազումք եղեն զինեւ // Արի՛, Տէ՛ր եւ փրկեա՝ դու զիս»-ին՝ (IV, 284) հետևում է աշխարհի ու մարդկության դեմքին խարազանող հեղինակի շաչող ճիշը:

Ըստ անգամ էլ բանաստեղծական պատկերները կառուցվում են աղոթքի տեսակի արտաքին (ցածր արտաքերմամբ՝ մրմունջով) և ներքին (իր մեջ ընդգրկող ուժի և էներգիայի) հատկանիշների ու կիրառման արդյունքի մատնանշմամբ.

*Խոսքերը ցածր են՝
աղոթքի նման,
Խոսքերս բարձր են՝
աղոթքի նման,
Որ չի հասնում տեղ
Ու չի կատարվում (I, 314):*

«Անլրելի զանգակատուն» և «Եռաձայն պատարագ» պոեմներում ու մի շարք բանաստեղծություններում աղոթքների առանձին մասերն ու իմաստակառուցվածքային տարրերը այնպես են մերվել տվյալ ստեղծագործությունների ընդհանուր կառուցվածքին ու բանաստեղծական խոսքին, որ դարձել են դրանց անքակտելի բաղադրիչները:

Բանաստեղծությունը ոչ միայն անկեղծ խոսք է, աղոթք, մրմունջ ու ինքնախոստովանություն, այլև աշխարհին, մարդկությանն ու բարի գործին ուղղված մաղթանք և օրինանք, երբեմն նաև՝ չարին պատժող, չարին սթափեցնող անեծք:

Մաղթանքի և օրինանքի տեսակների սևակյան կիրառությունները զգալի քանակ են կազմում՝ մաղթանքը՝ 68 (65-ը՝ չափածո, 3-ը՝ արձակ խոսքում), օրինանքը՝ 33 (26-ը՝ չափածո, 7-ը՝ արձակ խոսքում)¹⁸⁸:

Ի տարբերություն աղոթքների՝ վերջիններս **Պ.Սևակի** ստեղծագործություններում հանդես են գալիս հեղինակային խոսքի ընդհանուր շաղախի հետ միաձույլ, և դժվար է տարանջատել բանաստեղծական կերպարի օրինանքը ժողովրդականից.

*Ծննդկանի շուրջ նստեցին նոանք՝
Որդուն մաղթելով արևշատություն,
Նորատի մորը՝ շուտ ապաշխարանք,
Աղվորիկ մի հարս,
Բարի տատություն... (IV, 8):*

կամ՝

*...Թող չկտրվի ակի ծոինչը,
Գութանի անուշ ծլվստիկ ծենք.*

— Իր ծենի Շն մատաղ... (IV, 62):

...Գալուստի դ մեռնի քո կարոտ յարը... (IV, 228):

Ժողովրդական «Աստված ծեռիցդ առավ, թող սրտիցդ էլ առնի» ասույթամաղթանքային կիրառությունը «Նահանջ երգով» պոեմում օգնում է առավել սրությամբ ու խորությամբ վերատադրելու բանաստեղծական ներաշխարհի: Կապ գտնելով ժողովրդական մաղթանքի արտահայտած գաղափարի և իր՝ քնարական հերոսի ապրումների միջև՝ բանաստեղծը ինքնատիպ հնարքով է վերարտադրում այն:

Պ.Սևակը նախ՝ մտերմիկ տոնով մեջ է բերում մեռելատիրոջն ուղղված ավանդական մաղթանքը.

*Գիտե՞ս, թե ինչպես են մեռելատեր մարդուն
Միսիթարում մերոնք՝
Լեռնաշխարհի մարդիկ.
«Աստված ծեռիցդ առավ,
Թող սրտիցդ էլ առնի» (III, 185):*

¹⁸⁸Տե՛ս աղյուսակ 5, 6, 7:

Այնուհետև՝ ներկայացնում է կորցրած սիրո պատճառով տառապանքի ծովում անհույս ափեափի խփվող քնարական հերոսին՝ իբրև կատարյալ «մեռելատեր», որից խլել են նաև ժողովրդական մաղթանքի ամոքիչ ուժ ունեցող արտահայտության դրսերումը.

Քեզ իմ ծեռքից առա՞ն.

Մեռելատեր եմ ես:

Իսկ Ե՞րբ պիտի գնաս և իմ սրտի՞ց, սրտի՞ց... (III, 185):

«Դին-հին գոքերի, մատյանների մեջ» մնացած ու «հնացած խոսքերով», բայց ոսկու պես արժեքը երբեք չկորցրած իր մաղթանք-իղձ-ցանկությունն է հայտնում բանաստեղծը մարդկանց.

Գրասի՛ ուտ եղեք,

Եղեք ողորմա՞ծ,

Մարդու նկատմամբ մա՛ռդ եղեք, մարդի՛կ (I, 330):

Մաղթանք-օրինանքների բազմաշերտ ու բազմախորհուրդ կառուցվածքով են ավարտվում Պ. Սևակի թե՛ «Նահանջ երգով», թե՛ «Եռաձայն պատարագ» պոեմները:

Օրինելով սիրած էակի անունը, ժափտը, կողերը, հեռացումը, տառապանքը և իր՝ պոետի մեկնումը՝ բանաստեղծը «Նահանջ երգով» պոեմում ամեն անգամ խորացնում, բացում է դրանց ապրված պոետական էլությունը՝ իր մեկնում-նահանջումը, ի հակադրություն շահնուրյան նահանջի, բնութագրելով «նահանջ... երգով».

– *Օրինյալ եղիր այնպես, ինչպես կայիր՝*

Թեկուզ ինձնից հեռո՞ւ,

Ո՛չ ինձ համար...

– *Դավետ օրինյալ լինի քո անունը,*

Որ ինչում է մերթ «Կին» ու մերթ էլ «Սեր»...

– *Դավետ օրինյալ լինի քո ժափտը՝*

Դայտարարը սիրո և խնդության...

– *Դավետ օրինյալ լինեն քո կողերը,*

Որոնք կյանք են ծնում տաք հպվելուց,

Ինչպես որ շփվելուց ծնվում է հուր...

– Դավետ օրինյալ լինի նաև հեռացումը,
Որ իբրև նոր գալուստ կարձագանքի հեռվում...
– Օրինյալ լինի նաև տված տառապանքը,
Որից ոչ թե մեռնում, այլ ժնվում են կրկին...
– Օրինյալ լինի նաև իմ մեկնումը,
Իմ այս նահանջումը,

Որ նահանջ է... երգով (III, 197-198):

Պ.Սևակի «Եռածայն պատարգ» պոեմում ժողովրդական ասույթը (եղ ուղտը մի օր էլ մեր դուն ա չոքելու) ներկայանում է մաղթանք-ցանկության տեսքով՝ կատարելով բանաստեղծական պատկերի դեր:

*Թող ուրախության ուղտը գեթ վերջում՝ ամենավերջում,
իր ծունկը ծալի մեր դուն առաջ՝
թեպետ ուշացած, բայց միշտ ցանկալի ուխտավորի պես...*

(IV, 324):

«Սայաթ-Նովա» ուսումնասիրության մեջ «Թող հողը թեթև լինի իր վրա» ժողովրդական մաղթանքի յուրովի կիրառությամբ (մաղթանքը դարձել է խոսքը կառուցելու հենք) Պ. Սևակը էլ ավելի է ընդգծել ու խորացրել բանաստեղծների աստվածային առաքելությունը. «Բոլոր դարերի բոլոր բանաստեղծների վրա հողը թեթևանում է հենց այն գիտակցությունից, ինչը կարող է ամենավայելու տապանագիրը դառնալ նրանց բոլորի շիրիմին.

Անարկվածի նշան ճակտիս՝ խալխի նամուս քաշեցի:

Եվ ով էլ որ կարդա նման տապանագիր, կարող է չկասկածել, որ նրա տակ հանգչում է բանաստեղծ կամ *խալխի նոքար*¹⁸⁹:

Ժողովրդական մաղթանք-բաժակաճարի ու օրինանքի համաձուլվածքով և ողջույնի խոսքերի բազմազանությամբ է կառուցված «Դրավիրում-ուրախանում եմ» բանաստեղծությունը.

*Ղե՛հ, խմողաց խու՞մը անուշ,
Եռեփի գինու կու՞մը անուշ...* (I, 425),

¹⁸⁹ Պ.Սևակ, Սայաթ-Նովա, Երևան, 1969, էջ 343:

Այս մի թասն էլ՝ նրանց կենաց, ովքեր... (I, 423),
Թող մայր հողը նրանց վրա թեթև... լինի (I, 428),
Խմենք, հետո այս կենացը ծաղկացնենք.

– Ով որ երգի՝ ձայնն անսպառ (I, 225),
Գալուստը բարի՛, գաս հազար բարով,
Իմ գլխի վրա և իմ աչքերի (VI, 234),
Բարձր բարի՛, իմ սիրասու՞ն ու սիրելի՛,
Չարչարանքիդ ապաշխարա՞նք (VI, 233):

Ժողովրդական բանարվեստից վերցված նմանատիպ արտահայտությունները ավելի կենդանի ու մտերմիկ շունչ են հաղորդում ասելիքին:

Եթե աղոթքների գործածություններում առկա է առավել խրոխտ ու պաթետիկ ոճը, ապա բանահյուսության այս տեսակի գործածություններում գերակայում են ժողովրդական լեզվի լուրատեսակ դրսեորումները թե՛ անաղարտ տեսքով, թե՛ հեղինակային խոսքի շաղախում: Նման կիրառությունները պայմանավորված են նաև թեմայի ընտրությամբ ու կենդանի ժողովը-դախոսակցական լեզվով անհրաժեշտ միջավայր և կոլորիտ ստեղծելու նպատակամղումով:

Ի տարբերություն ասույթաբանական վերոհիշյալ տեսակների՝ **անեծքը** խոսքի հմայական զորությամբ մարդու և նրան շրջապատող առարկաների ու երևույթների վրա բացասաբար ներգործելու բանահյուսական կիրառական ժանրերից է:

Անեծքի տեսակի 26 գործածություններից 25-ը չափածոյում է, 1-ը՝ արձակ խոսքում¹⁹⁰:

Սևակյան կիրառություններում անեծքի տեսակը ներկայանում է՝

ա) իր նպատակամղվածությամբ՝ պահպանելով զապաշապիկի դեր կատարող նրա ներքին կրակը, որից դարեր շարունակ զգուշացել ու սարսափել են բոլոր ազգերի մարդիկ.

¹⁹⁰Տե՛ս աղյուսակ 5, 6, 7:

Յրաշքով փրկված,
աշխարհեաշխարհ զարկված որբերի ողբը ողորմուկ
և այրիների անեծքը անծուխ,...

...վերադառնալով բնակվում է նա
այս անգամ արդեն նրանց տներում,
ովքեր հատեցին ջիղը այրության
և այրիության գիղը տպեցին
ճակատի վրա մի ո՞ղ աշխարհի.
բնակվում այնտեղ՝ ալլահի տեղակ,
վարձք ու օրինության տեղը գրավում՝
նրանց տներից դուրս վռնդելով
եղած ու չեղած ջիներին բարի... (IV, 307-308):

բ) Յեղինակի խոսքի մեջ՝ որպես բաղադրիչ մաս.
Վայ քեզ, թշվան երջանկություն,
Տանջանքի հողը գլխիդ:

Մի՞թե նրա չափ էլ չկաս, որ չտանջես ինքը քեզ (VI, 174):

գ) հերոսի բերանով արտաքերած ուղղակի խոսք՝ իբրև պատասխան «Աստված պահի գլխավորիդ» օրինանքի.

Իսկ խեղճ կինը, թե չամաչեր,
Երինջի պես կբառաչեր.

«Թաղե՞մ էդպես գլխավորին» (I, 410),

որին հետևում է անեծքի առաջացման պատճառի և նրան ծնող
միջավայրի հակիրճ նկարագրությունը.

Որովհետև գլխավորը՝

Այդ անհոգի բեղավորը,

Նրան ծեծում ու տանջում է ամեն վայրկյան... (I, 410):

Նմանատիա կառույցի հանդիպում ենք նաև Պ. Սևակի նամ-
կական ստեղծագործություններում, «Մանուշակում»՝ ուղղակի
խոսքով և բազմաստիճան կառուցվածքով.

Երբ տեսել է՝ օգուտ չկա,
Անիծել է մայրն աղջկան՝
«Դաշտերն ընկած՝
Ապրես ծնկած,

Հենց զորանաս՝
 Շուտ չորանաս,
 Ու լեզուդ էլ
 Բաց բերնիցո թող դուրս չգա,
 Այլ բկիցո,
 Ծոծրակիցո»¹⁹¹։

Իսկ «Վարդն ու Մանուշակում»՝ անուղղակի խոսքով՝ պատմողաբար.

Երբ չի օգնել նույնիսկ պաշելն ու ծեծելը,
 Մայրիկը բարկացել, մի օր անհծել է,
 Որ իրար իետ անվերջ կռվող եղբայր ու քույր
 Մեկը մեկից միշտ էլ կարոտ մնան կյանքում:¹⁹²

Վերոհիշյալ կիրառություններում ոչ միայն առկա է անեծքի առաջացման պատճառը, այլև անեծքի արդյունքն իբրև տվյալ տեսակին բնորոշ ժողովրդական խոսքի զորությունը հաստատող ու ամրագրող փաստ.

Դրա համար
 Մինչև հիմա
 Մանուշակը, ցողուն տալիս
 Դեռ նոր ցցված՝
 Կեռանում է,
 Դեռ նոր բացված՝
 Թառամում է...¹⁹³

կամ

Ինչպես ասաց մայրը, եղավ հենց այդպես էլ...¹⁹⁴

Դ) Աերդրված ժողովրդական երգի կառույցում.

Ծամկտրածը իր մարեին ո՞նց չամիծեր,
 Ինչպե՞ս չասեր, որ նա արեց իր բախտն ավեր,
 Զահել սրտում կրակի պես վառեց ցավեր.

¹⁹¹

Պ. Սևակ, Զեր ծանոթները, Երևան, 1984, էջ 8:

¹⁹² «Պիհոներ», 1970, թիվ 6, էջ 11:

¹⁹³ Պ. Սևակ, Զեր ծանոթները, Երևան, 1984, էջ 8-9:

¹⁹⁴ «Պիհոներ», 1970, թիվ 6, էջ 11:

Արար - աշխարք լիքը լավեր՝

Ինչո՞ւ թողեց կտրիծ քաջին,

Ինչո՞ւ տվեց քավթառ խոջին.

-Իմ կեղտ էնոր մեղրի միջին,

Էնոր ուկուն նստեն հավեր,

Քա մարե՛ ջան, քա տնավե՛ր... (IV, 129):

Ե) անեծքաերդումային կառուցվածքով.

...Ա՞յս, ինչպե՞ս, ո՞նց մոռանալ

Արիավիրքն այն օրերի.

-Աշխարքում ով մոռանա՝

Զուխտ աչքով թող քոռանա... (IV, 185):

գ) անեծքաբանադրական կաղապարով.

Վայ տամ ու ողբամ այն թշվառ մարդուն,

Որ հավա՛տ ուներ - և ծովածավա՛լ,

Եվ հիմա չունի՛,

Մի՛ կարիլ չունի...

Վայ տամ... այն գանգին,

Ուր ծմեռում է խելքը՝ արջի պես,

Նաև այն գանգին,

Որ ուսին դրված կաղամբ է ասես... (I, 420-421):

Լ) ժողովրդական Աստված «հա»-ն օրինել, // Օրինել է և «չէ»-ն, // Բայց անիծել է մեկ-տեղ «հա ու չէ»-ն... (VI, 40) ասույթի միջոցով անեծքը ներկայացվում է որպես բարձրյալի կողմից բնության ներդաշնակությունը կարգավորող ու պահպանող միջոց:

Խոսքի գորությամբ շրջապատի վրա ներազդելու, մարդկանց վրա ներգործելու ժողովրդական «պատժամիջոցներից» է նաև **հայիոյանքը**.

Սևակի ստեղծագործություններում այդ տեսակի 7 կիրառություն կա (բոլորն էլ չափածոյում և հայկական բանարվեստում¹⁹⁵): Եղած 7 գործածություններն էլ հանդես են գալիս՝

¹⁹⁵Տե՛ս աղյուսակ 12:

ա) կամ միայն տվյալ տեսակի անվան մատնանշմամբ.

Գինովանում է մենակությունը՝ խայամի նման,
Գինովանում ու հայիոյում...աստծուն:

Բարի շների հաչոցն էլ հիմա

Դաչոց չէ կարծես,

Աղոթք է՝ հղված հայիոյված աստծուն,

Որ հայիոյողին գթաբար ների (II, 35):

բ) կամ տվյալ տեսակի մեջ ներառված ժողովրդական լեզ-
վամտածողության և ինքնատիպ պոեզիայի ընդգծմամբ.

...Բաց եմ անում

Եվ արգելված-հայիոյական բառերն ամեն՝

Իրենց թաքուն պոեզիայով,

Որ կուտակվել է դարեղար... (I, 346):

գ) հայ ժողովրդի կրած անլուր տառապանքներին անհա-
ղորդ աշխարհին, երկնքին ու Աստծուն ուղղվելիք խոսքերը ի
զորու չեն արտահայտելու պոետի զայրույթն ու հոգու խորքից
ժայթքած ապրումը, եթե օգնության չգային կրկին անեօթն ու
հայիոյանքը՝ իրենց պոռթկումի պահի նկարագրությամբ.

ԴԵ՝ շրոո՛նք բեր, որ չանիծի,

ԴԵ՝ բեր բռո՛նցք, պրկված կռո՛ւի,

Որ չդառնա քինահարույց կռքի խոյանք

Ու միսրծվի երկնքի մեջ՝

Իբրև նզո՞վք,

Ո՛չ, ի՞նչ նզովք.

Իբրև աստծու ու երկնքի լիրք հասցեին

Մի առնական թունդ հայիոյանք... (IV, 193):

«Թունդ հայիոյանքի» ծնունդի պատճառ են դառնում կյանքի
և տառապանքի շատ երևույթներ, սակայն դրանց արտաբերու-
մը դժվարանում է, եթե հայիոյանքի «առարկան» պոետի հոգու
մի մասնիկն է.

...Եվ հատուկենտ խեղճ լույսերի լեզուն ճարտար

Կապ է զնկնում.

Զիգ ժամերով

Կակագում են նրանք միշտ նույն վանկի վրա,
 ինչպես ինքը,
 երբ ուզում եմ
 իմ հարազատ հորեն ու մորը թունդ հայիոյել՝
 իմ այս իզո՞ւր շիտակության,
 իմ անօգո՞ւտ այս տաքության,
 իմ սիրո այս անտակության,-
 իմ այս հիմար
 Կյանքի՝ համար,
 Որ այլ բան չէ, եթե կուզեք,
 Բան կույրերին... հեռուստացույց նվիրելը (VI, 191):

Սրանք սոսկ չոր ու ցանաք խոսքեր չեն, այլ ապրված տառապանքի բանաստեղծական արտահայտություններ:

Պ.Սևակն ինքը կրողն էր ժողովրդական բանարվեստի մի շարք տեսակների, և թող ամենկին էլ տարօրինակ չինչի, նաև հայիոյանքի:

«Սահման չճանաչող հայիոյանք», – այսպես է բնութագրում Ս. Սարինյանը Պ.Սևակին զայրույթի և պոռթկումի պահերին իմաստակների ու մարդուկների հասցեին «հղած» «համեմուքի» կապակցությամբ և անմիջապես էլ ավելացնում, – բայց ես քիչ մարդկանց եմ հանդիպել, որոնք լինեն այնքան կիրթ ու ազնվական, որքան Պարույրը»¹⁹⁶:

Պ.Սևակի երկերում բանահյուսական փոքր ժանրերից ամենաքիչ գործածվածը երդումն է 9 կիրառություն (8-ը՝ չափածոյում, 1-ը՝ արձակ խոսքում)¹⁹⁷: Ի դեպ, երդումի 4 օրինակ է գործածվել, կյանքս վկան՝ 3 անգամ և ով մոռանա, ջուխտ աչքով թող քոռանան՝ 4 անգամ (3-ը՝ չափածոյում, մեկը՝ արձակ խոսքում) և արևս վկան ու ես ու իմ հոգինը՝ 1-ական անգամ:

Եթե բանահյուսական փոքր ժանրերի կիրառություններն առկա են Պ.Սևակի բոլոր ստեղծագործական շրջաններում, ապա երդումը կիրառվել է հիմնականում 1947-1959թթ. ընթաց-

¹⁹⁶ Ս.Սարինյան, Պարույր Սևակը գուգահեռի վրա, «Գարուն», 1981, թիվ 11, էջ 54:

¹⁹⁷ Տե՛ս աղյուսակ 5:

քում, ըստ որում 4-ը՝ «Անհաշտ մտերմություն» պոեմում:

Եթե երդումի բարբառային կամ գրականացված գործածությունները (*Աշխարքում ով մոռանա, // Զուխտ աչքով թող քոռանա* (IV, 185-186), – Թե ուրանամ, զույգ աչքերով թող կուրանամ) (III, 51) Պ.Սևակի համար ընդունելի էր 1940-50-ական թվականներին, ապա այդ տեսակի գործածության գոեթե բացակայությունը 60-ականներին՝ պայմանավորված էր պոեզիային նոր ժամանակների առաջադրած պահանջներով:

Այսպիսով, Պ.Սևակի ստեղծագործություններում հմայական բանահյուսության բանաձևային կառույցների կիրառությունը Բխում էր պոեզիայում «կեսխոսքայնության»՝ բանաստեղծի որդեգորած դավանանքից, ինչն էլ կամա թե ակամա պետք է պարտադրեր այնպիսի խտացված ու պատկերավոր արտահայտություններ ընտրել, որ հնարավոր լիներ քիչ խոսքով շատ բան ասել: Այդ հնարավորությունն ընձեռում էր ժողովուրդն իր լեզվամտածողությամբ ու լեզվաշինության դարավոր կենսափորձով, իր բառ ու բանով, գունեղ դարձվածներով և բանայիւսական կարճառու ստեղծագործություններով:

ԱՌԱՋԱՅԻՆ ՄՏԱԾՈՂՈՒԹՅՈՒՆ Պ.ՍԵՎԱԿԻ ՍՏԵՂԾԱԳՈՐԾՈՒԹՅՈՒՆՆԵՐՈՒՄ

Ի տարբերություն բանահյուսության ծավալուն տեսակների՝ Պարույր Սևակի չափածո և արձակ խոսքում բավական մեծ քանակ են կազմում ժողովրդական բանարվեստի վիպական ժամրի կարճառութ ստեղծագործությունների կիրառությունները՝ շուրջ 631 (51%): Բանահյուսության տեսակների օգտագործման քանակական պատկերն արտացոլող առյուսակից պարզորոշ երևում է նաև բանաստեղծի համակրանքը հատկապես ամենակենսունակ ու տարածված տեսակի՝ առած-ասացվածքի հանդեպ: Այսպես՝ բանահյուսության 20 տեսակների մեջ թե՛ չափածո և թե՛ արձակ խոսքում այն առաջինն է՝ 497 գործածություն, 1226 ընդհանուր կիրառության 40%-ը, չափածոյում՝ 329 (921 կիրառության 35%-ը) և արձակ խոսքում՝ 168 (305 կիրառության 55%-ը)¹⁹⁸:

Պ.Սևակի ստեղծագործություններում ժողովրդական առած-ասացվածքների 497 գործածություններից 456-ը հայկական նմուշներն են (325-ը՝ չափածո, 131-ը՝ արձակ խոսքում)¹⁹⁹, իսկ 41-ը՝ այլ ժողովուրդներինը (4-ը՝ չափածոյում և 37-ը՝ արձակ խոսքում)²⁰⁰:

Եթե չափածոյում այլ ժողովուրդների բանահյուսության տեսակների կիրառությամբ առած-ասացվածքը նախավերջինն է (բոլոր 4 գործածություններն ել հրեական-աստվածաշնչյան են), ապա արձակ խոսքում ավանդության հետ աշխարհի 8 ժողովուրդների իմաստախոսությունների 37 կիրառությամբ այն առաջինն է (հրեական-աստվածաշնչյան՝ 8, հունական՝ 2, ռուսական՝ 9, հռոմեական՝ 7, արաբական՝ 3, լեզգիական՝ 3, արևելյան-թուրքական՝ 2, ֆրանսիական՝ 2 և թուրքմենական՝ 1²⁰¹):

Առած-ասացվածքները խտացված, պատկերավոր, կայուն

¹⁹⁸ Տես առյուսակ 5, 12:

¹⁹⁹ Տես առյուսակ 12:

²⁰⁰ Տես առյուսակ 8, 10, 11:

²⁰¹ Նույն տեղում:

բառակապակցություններ են, որոնց թարգմանաբար կիրառությունը եթե արձակ խոսքում (այն էլ ոչ մասնակի՝ դարձվածաբար, այլ ամբողջությամբ) ինչ-որ տեղ հնարավոր է՝ օտար աղբյուրի պարտադիր մատնանշմամբ, ապա չափածոյում, ելնելով այդ տեսակի գործածության բանաստեղծի հայեցակետից, բնականաբար, անհնարին է դառնում: Դենց դրանով էլ պայմանավորված է այլ ժողովուրդների առած-ասացվածքների գորեթե բացակայությունը բանաստեղծի չափածո խոսքում:

Պ.Սևակի չափածո և արձակ խոսքում ժողովրդական բանահյուսության տարբեր տեսակների կիրառության քանակական պատկերն արտացոլող աղյուսակները ցույց են տալիս, որ բանաստեղծի ստեղծագործական վերելքն ու վարպետացումն ուղեկցվել են ժողովրդական բառ ու բանի, մասնավորապես դարձվածների և առած-ասացվածքների կիրառման տեսակարար կշռի բարձրացումով²⁰²: 1941-1951թթ. ժողովրդական իմաստախոսությունների գորեթե բացակայությունը չափածոյում (ընդամենը 5 գործածություն, այն էլ՝ ոչ հստակ) և 1952-1965թթ. 309 գործածությունները հաստատում են վերը ասվածը: Նույն երևույթն է նկատվում նաև արձակ խոսքում (1941-1958թթ.՝ 1, իսկ 1959-1970թթ.՝ 164 կիրառություն):

Եթե մինչև 1950-ական թվականների կեսերը Սևակի չափածո և արձակ խոսքում առած-ասացվածքներն աննշան քանակ են կազմում, 50-ականների երկրորդ կեսից առկա է դրանց կիրառության կտրուկ աճ, 60-ականների սկզբներից սկսած՝ կրկին նվազման միտում է նկատվում²⁰³: Բանաստեղծի ստեղծագործություններում աչքի են գարնում ինչպես հայ և աշխարհի մի շարք ժողովուրդների առած-ասացվածքների, այնպես էլ հայ և համաշխարհային մեծությունների ու նաև իր՝ սևակյան սեղմասույթների (աֆորիզմների) առատ կիրառությունները: Դրանց դըռսևորումներն այնքան բազմաշերտ են ու բազմատեսակ, որ պարզորոշ ընդգծվում է մեծ բանաստեղծի, գրականագետի և

²⁰² Տե՛ս աղյուսակ 3, 13, 14:

²⁰³ Տե՛ս աղյուսակ 13, 14:

հրապարակախոսի նախասիրությունների ոլորտն ու մտքի թևածման շրջանակները:

Ստեղծագործական հասունացմանը զուգահեռ առաջային մտածողությունը դառնում է բանաստեղծի լեզվամտածողության անբաժանելի տարրերից մեկը, որն էլ, ինչ խոսք, նրա ստեղծագործությունների ժողովրդայնության գլխավոր նախապայմաններից մեկն է:

Ստալինյան 30-ամյա բռնատիրությանը փոխարինելու եկած խրուշչովյան, այսպես կոչված, «ձնիալի» տարիները արվեստի, գիտության և մշակույթի նվիրյալներին «ազատ» արտահայտվելու հնարավորություն էին ընձեռել:

Այդ հնարավորությունը, սակայն, սահմանափակվում էր միայն մանր-մունր թերությունները վեր հանելով և քննադատելով, իսկ զուտ ազգային ու մարդկային խնդիրներ շոշափող հարցերը քննարկման առարկա չէին կարող լինել և մի քանի տարի հետո էին ժայթքելու «Անլոելի զանգակատուն»-ով ու «Եղիցի լույս»-ով, առաջինն իբրև համազգային, իսկ երկրորդը՝ համամարդկային ճիչ ու բողոք:

Ինչ խոսք, քաղաքացի բանաստեղծը չէր կարող չարձագանքել այդ փոփոխություններին: Այստեղից էլ՝ «Ութնյակների» ծնունդը:

«Բանաստեղծը, – գրում է Պ.Սևակը, – պետք է ցույց տա ոչ թե ինչ պիտի անեն (ու քաղաքագետների գործն է), այլ ինչ չպիտի անեն»:²⁰⁴

Քննադատության թիրախ դարձած մարդկային թերությունները սևակյան ութնյակներում մեծ մասամբ «հանդերձավորվել» են երգիծական առած-ասացվածքներով:

Դժվար չէ նկատել, որ 1956թ. գրած շուրջ 70 ութնյակներից 47-ում առկա է ավելի քան 72 առած-ասացվածքի կիրառություն: Ընդ որում, դրանց գերակշռող մասը երգիծական է, և թե՛ ութնյակները, թե՛ այդ տարիներին գրած մի շարք բանաստեղ-

²⁰⁴ «Գարուն», 1967, թիվ 8-9:

ծություններ աչքի են ընկնում ժողովրդական պատկերավոր լեզվամտածողությամբ և սարկազմի հասնող ծաղրով ու քննադատության սրությամբ:

Պ.Սևակի ստեղծագործություններում ժողովրդական իմաստախոսությունները միջոց են դառնում կյանքում տեղ գտած թերությունները վեր հանելու և քննադատելու: Դրանց օգնությամբ բանաստեղծը ծաղրի է ենթարկում ու մերկացնում՝

Ազահությունը՝

Բեղերը քեզ քիչ են թվում,

Ուզում ես և լինի մորուք.

Դա'մ ջահել մնալ ես ուզում,

Դա'մ դառնալ իմաստուն ծերուկ:

Դու շատի ետևից ընկած

Քիչն էլ ես բաց թողնում ծեռքից... (ԱԾ, 28)²⁰⁵

Այս, հիմա՞ր, այդ ո՞վ է բռնել

Մի ծեռքով երկու ծմերուկ:(I, 264), (ԱԾ, 140):

Մեծախոսությունը և ամբարտավանությունը՝

Սա տուն չի շինել,

Գիտի, թե սյունը տան մեջ է բուսնել: (ԱԾ, 37)

Նա, ով չի վազել,

Անցնել է ուզում, ոչ միայն հասնել:

– Խոսելը հեշտ է,

Դոսելն է դժվար –

Դուն է հարկավոր.

Սյունը չի բուսնի,

Ինչքան էլ գոռաս.

«տուն է հարկավոր» (I, 264):

Երախտամոռությունը՝

Այս տի՞՞պը: Քո տանը լակում,

Ուրիշի դռանն է հաչում...

²⁰⁵ Ա.Ղանալանյան, Առաջանի, Երևան, 1960, էջ 330: Այսուհետև հեղինակային կիրառություններին գուգահեռ կնշվի նաև ժողովրդականի աղբյուրը (ԱԾ-Առաջանի):

*Ուտում է իր կուտն այս բակում,
Զուն ածում մեկ ուրիշ քուչում (I, 263), (ԱԾ, 29)
Մանրախնդրությունը՝
Իսկ այս տիպը, հապա տեսեք.
Չվի մեջ էլ մազ է փնտրում... (I, 263), (ԱԾ, 53)
Շահամոլությունը և եսասիրությունը՝
Թե ասես՝ «Մատս վարունգ է»,
Աղ կառնի ու մոտ կվազի: (ԱԾ, 43)
Թե ասես «Աչքս դուրս եկավ»,
«Տուր տանեմ խեղճ կատվիս» կասի... (VI, 30), (ԱԾ, 25):*

*Ուրիշի թերությունը մատնացուց անելով՝ սեփական արա-
տի քողարկումը՝*

*...Նա ուրիշի շյուղն է տեսնում
Մոռանալով իր գերանը. (ԱԾ, 46)
Ուրիշներին դեռ մածունից
Ու պանրից է քարոզ կարդում
Մոռանալով, որ այլներս
Չի՝ մակարդում իր մերանը (I, 262):*

Քիչ չեն այնպիսի առած-ասացվածքները, որոնց միջոցով ա-
ռավել իստակ են դրսեորվում մարդկային բնավորությունների
բազմազանությունը, լավին, կատարյալին հասնելու ձգտումը.

*Մարդ կա՝ աշխարհն է շալակած տանում,
Մարդ կա՝ ելել է շալակն աշխարհի... (ԱԾ, 37)
...Նա, որ ելել է շալակն աշխարհի,
Աշխարհում երբեք թաց տեղ չի քնում... (I, 175), (ԱԾ, 10):*

Առածների ու ասացվածքների օգնությամբ հնարավոր է
դառնում թափանցել բանաստեղծի հոգեկան աշխարհը, հա-
ղորդակից դառնալ նրա ապրումներին.

*Ես այնպես հեշտ էի տարվում,
Ես այնպես հեշտ էի վառվում,—
Իմ թելած ասեղի վրա
Դուլունքի պես էի շարվում:
Եվ հանկարծ... ես՝ վաղուց հանգած,*

Վառվեցի և ի՞նչ –քո սառցից...

Դեյ գիտի. ծովերից անցա

Ու հանկարծ... խեղովեցի առվում (I, 246), (ԱԾ, 130):

Այդօրինակ գործերում ժողովրդական իմաստախոսությունն օգնում է առանց երկար-բարակ բացատրությունների ամփոփել, ամբողջացնել ասելիքը: Նման ասույթների առկայությունը բնակ չի խանգարում բանաստեղծության քնարականությանը, դեռ ավելին, ասույթն էլ է ստանում քնարական երանգ, իսկ հեղինակի խոսքը դառնում է ավելի անմիջական ու մտերմիկ:

Երեխին խաղալիքով են խաքում ասացվածքը «հնազանդ ու սիրահոժար» մերվում է Պ.Սևակի չափածո խոսքի կառուցում, և պոետական ապրումը բանաստեղծական պատկերի տեսքով վեր է ածվում իսկական հայտնության:

Ու ես տառապանքից խաղալիք եմ շինում,

Որ... ինձ նման տարեց մանուկներին խաքեմ (III, 183):

Սևակի չափածոյում ժողովրդական իմաստախոսություններն օգնում են հեղինակին զերծ մնալ ավելորդախոսությունից, հայտնի իմաստնություններով խոսքը համեմել և ասելիքը խտացնել այնպես, որ իրերն ու երևույթներն ավելի դիպուկ և հստակ բնութագրվեն:

Պ.Սևակն իր օգտագործած առած-ասացվածքների նկատմամբ տարբեր մոտեցումներ է ցուցաբերում, որոնց ընթացքում կյանքի, իրականության երևույթներն առավել սրությամբ ու խորությամբ են բացահայտվում: Նման դեպքերում ասույթը ստեղծագործության մեջ հանդես է գալիս՝

ա) Անաղարտ. այնպես, ինչպես ժողովուրդն է օգտագործում.

Պիտի գնաս,

Որ ես անվերջ իմ մտքի մեջ

(Թութակի պես կամ անվտանգ խելագարի)

Նույնը կրկնեմ.

«Ճատը... գը-նաց, քի-չը մը-նաց»... (VI, 156), (ԱԾ, 106):

Սակայն Սևակը չի բավարարվում առածի մեջբերմամբ, այլ բացում ու զարգացնում է այն.

Եվ քանի որ պիտի գնաս,

Դե, շուտ գնա, որ շուտ էլ գա՞ս, շատ չմնա՞ս... (VI, 156):

Ժողովրդական ասույթը Սևակի ամենազոր գոչի տակ վերահմաստավորովում ու նոր հնչողություն է ձեռք բերում.

Քաջերի սահմանն իրենց գենքն է հենց (ԱԾ, 330):

Քաջեր միշտ էլ կան,

Զե՞նք է հարկավոր:

Քաջեր միշտ էլ կան,

Պետք է ասպարե՞զ,

Որ նույնպես չկար (IV, 250):

Ընդգծված ժողովրդական ասացվածքն ասես հետագա գործողությունների համար նախապատրաստական փուլ է նախանշում: Մաշտո՞ցն է այս թևավոր արտահայտության հեղինակը, թե՞ ժողովուրդը: Սևակի մոտ այն ներկայացվում է իր ստեղծման ժամանակաշրջանում.

Պետք էր, շա՞տ էր պետք ինչ-որ բան անել.

Սակայն ի՞նչ անել և ինչպե՞ս, ինչպե՞ս (IV, 255):

Ահա այս անորոշ ու ծայրահեղ վիճակն է պատճառ հանդիսանում վերոհիշյալ իմաստնության ծնունդի: Այդ գենքը «ժանգախույս» և հզոր լեզուն է, քանզի՝ *ինչ չի կարող ոչ մի գենք անել, // Լեզուն է անում* (IV, 251):

Այս ասույթների ներքին էության բացահայտումից ու ինքնահաստատումից հետո է միայն սկսվում անցումը «Եվ այր մի՝ Մաշտոց անուն...» պոեմի բուն գաղափարին՝ մեսրոպյան հրաշագործության գնահատմանը:

Բ) Առաջը մեջ է բերվում մասնակի կամ ամբողջովին գրականացված, ինչը բխում էր ժամանակի պահանջներից, ժողովրդի կրթամակարդակի և մտածողության փոփոխությունից:

Քոռն ի՞նչ կուզի, երկու աչք (ԱԾ, 81) առաջը Սևակի «Կտակը» բանաստեղծության մեջ այսպիսի տեսք է ստացել. Կույրը, տղան, ինչպես գիտես, երկու աչք է միայն ուզում (I, 174), իսկ Ատամից անուշ բան չկա, կա, օր ցավաց՝ կըքաշեն, քցեն (ԱԾ, 260) ասույթը՝

Ինչքան էլ թանկ թան է ատամը,

Ցավելիս հանում են – զցում (I, 253):

գ) Շատ հաճախ էլ Սևակը առած-ասացվածքն ընթերցողին է հրամցնում, այսպես ասած, համեմված որոշ դիպուկ ու պատկերավոր մակդիրներով՝

Ծիծաղում է նա լիաթոք,

Ով որ վերջում է ծիծաղում... (III, 26):

Եվ կարծես թե յուղ են ածում

Ուրախության թեժ կրակին (IV, 113):

Կրակի վրա եղ չեն լցնի (ԱԾ, 144) առածի բանաստեղծական հավելադրումներն այստեղ օգնում են հարսանեկան ծիսակարգը էլ ավելի կենդանի և վառ գույներով նկարագրելուն:

Նման «հավելադրումները», սակայն, ոչնչով չեն խաթարում ժողովրդական իմաստախոսության ոչ կառուցվածքը և ոչ էլ նպատակառությանը:

Համեմատություններով շաղախելիս բանաստեղծն ասելիքն առավել հավաստի, տպավորիչ ու անմիջական դարձնելու համար նմանության եզրեր է տեսնում տվյալ առարկայի, երևույթի և առած-ասացվածքի ընդհանրացնող գաղափարի միջև: Նման դեպքերում համեմատությունը երկու եղանակով է կատարվում, այն է՝ համեմատություն ասույթի կաղապարի մեջ (այս բանը նկատելի է հատկապես հեղինակային սեղմասույթներում).

Առաջին սերը, ինչպես որ հացը,

Ի նշ էլ որ ամես, միշտ կուտ է գնում... (I, 276),

և համեմատություն ժողովրդական ասույթից դուրս՝ հեղինակի խոսքի և առածի միջև.

Եվ իրենց հոգնած շալակին առել

Ոչ միայն մանչին կամ մի մագաղաթ,

Այլ մի բովանդակ... բնիկ հայրենիք,

Մի ծանքը, ծանքը, ծանքը հայրենիք՝

Իրենց կանացի թիկունքին կպած

Այն կուզի նման կամ այն սապատի,

Որ շտկըվում է լոկ գերեզմանում... (VI, 134):

Պ.Սևակի չափածո խոսքում մեկուկես տասնյակից ավելի առաջ-ասացվածքի տարատեսակ կիրառությունների ենք հանդիպում.

1.Մեծ քանակ են կազմում նաև (50-ից ավելի) այնպիսի կիրառությունները, երբ ասույթը՝ իբրև դարավոր կենսափորձի արգասիք և ուղենիշ հանդիսացող արտահայտություն, մեջ է բերվում՝ հաստատելու ասելիքի ճշմարիտ լինելը:

Ցույց տալով ժողովրդական իմաստնությանը (*Աքլորը, որ անժամանակ կանչե, գլուխը կկտրեթ*) (ԱՇ, 133) ականջալուր չլինելու հետևանքները՝ Պ.Սևակը չի համակերպվում ասույթի արտահայտած գաղափարի հետ և ոչ էլ գգուշավորություն է քարոզում:

Դառնություն և ցավ կա բանաստեղծի խոսքի մեջ: Ժամանակից ու դարից բխող մարդկային մեծ ցավը, ծաղրն ու հեգնանքը ավելի են խորանում ու ընդգծվում, երբ ժողովրդական առածը հանդես է գալիս իբրև հաստատումն հեղինակի խոսքի, ինչը նաև նկարագրվող երևույթի քննադատությունն ու ժխտումն է: Հեղինակի խոսքին անմիջապես հետևում է ժողովրդական իմաստախոսությունը՝ ընթերցողին թողնելով տվյալ իրավիճակի և առածի տրամաբանական կապի բացահայտումը: Սա բուն ժողովրդական մոտեցում է.

Ինչ ասեմ խելքիդ.

Ժամանակից շուտ մի խոսք ասացիր,

Քեզ, դրա համար,

Մեղավորների շարքը դասեցին:

Բա ո՞նց մոռացար.

«Աքլորը կանչեց ժամանակից շուտ,

Մորթեցին կերան,

Դետն էլ մատները մի լա՝ լիզեցին» (VI, 29):

Կյանքի բարելավման և նրա առաջընթացի նախապայմաններից մեկն էլ պահանջկոտությունն ու եղածով չբավարարվելն է: «Ընչանք երեխեն լաց չըլնի, մերը ծիծ չի տա» (ԱՇ, 145) առածը ուղենիշ է եղել ժողովրդի կյանքում: Նոր ժամանակներում բա-

նաստեղն ինքն է իր խոսքի շաղախում հրամցնում ժողովրդական ասույթը՝ իբրև ուղենիշ և սթափության կոչ: «Աղաջում եմ» բանաստեղծության մեջ այն այսպես է հանդես գալիս.

*Թե սոված եք և երեխա,
Մի՛ վախեցեք լաց լինելուց.
Դե՛հ, քանի դեռ նա չի լալիս,
Ծիծ չե՛ն տալիս:* (I, 417):

Պ.Սևակը «Իբրև սկիզբ» բանաստեղծության մեջ ժողովրդական խոսքը ներկայացնում է որպես խոսակցին հայտնի իրողություն.

*Բայց իմ ափը ի՞նչ է տալիս:
Ինքը գիտես, որ մի ափը
Մինչև անգամ ծափ չի տալիս (I, 348), (ԱԾ, 212),*

իսկ ութնյակներից մեկում՝ հենց իրեն՝ հեղինակին հայտնի ասույթ: Նման կիրառություններում առած-ասացվածքը հանդես է գալիս ոչ թե բանաստեղծի խոսքի կառուցում, այլ այդ խոսքին կից՝ իբրև ասելիքը հաստատող միջոց.

*...Չեմ ոդիմել ատամնաբույժի,
Բայց հարցիդ պատասխանն ունեմ.
«Ինչքան էլ թանկ բան է ատամը,
Ցավելիս հանում են – զցում»... (I, 253), (ԱԾ, 260):*

Մեծ քանակ են կազմում նաև այնպիսի կիրառությունները, երբ ժողովրդական բարոյական ըմբռնումներն արտահայտող ասույթին անմիջապես հետևում է հեղինակային հիմնավորումնախապայմանը.

*Անկարելի բան աշխարհում չկա՝,
Եթե աշխարհում իշխում է բարին... (II, 110):*

Երբեմն էլ բանաստեղծն ինքն է իր գործողությամբ վերահաստատում ժողովրդական առածի (Մրբատաշ քարը գետնին չեն թողա) (ԱԾ, 127) արտահայտած գաղափարը.

*Մրբատաշ քա՞ր է լուր զնկած գետին,
Կդմեմ պատին (I, 377):*

2.Առած-ասացվածքները հանդես են գալիս նաև բանաստեղ-

ծական խոսքի հետ սերտորեն շաղախսված: Չորս տասնյակից ավելի նմանատիպ կիրառություններում Սևակը ժողովրդական ասույթները հանում է իրենց կայուն բառակապակցություններից՝ մտցնելով հեղինակային խոսքի մեջ:

«Ուղտի օրինակով» բանաստեղծության մեջ «Օխտի պար գյալը կը ըստ կը բռնի» (ԱԾ, 114) առածը այսպիսի տեսք է ստացել.

*Ես ուղտի նման սակավապետ եմ,
Բայց ոչ ուղտի պես քենը միշտ պահող:
Նման եմ ուղտի նըս մի բանով.
Է՞հ, մեկ էլ տեսար՝
Պար գալըս բռնեց
Խարիսով ու ծոճկան կամքրջի վրա (I, 468):*

Վերոհիշյալ մակդիրների կուտակումով բանաստեղծն էլ ավելի է ընդգծում կամքրջի անհուսալիությունն ու իր տարօրինակության աստիճանը:

Իսկ Դաստ ու բարակ մի գին ա, վայ բարակ մանողին (ԱԾ, 186) առածը «Դավատարմությունը սրտի արատ չէ» բանաստեղծության մեջ այսպես է հանդես գալիս.

*Ու ճիշտ այդպես էլ՝
Դաճախ քեզ համար
Մե՛կ է*

Մանվածքի բարակն ու հաստը... (VI, 268-269):

Թասիբը (պատիվը) գցել են շամը, շունը չի կերել (ԱԾ, 93) առածը «Եռաձայն պատարագ» պոեմում բոլորովին այլ դրսերում է ստացել:

Բանաստեղծը առածը հանում է իր կայուն բառակապակցությունից, տարրալուծում, այնուհետև թասիբը (պատիվը) փոխում խիղճ-ով և հակառակ դրսերմամբ (հետևաբար և՝ մարդկային ուտելը անասնական լափել-ով փոխարինելով) ձուլում հեղինակային խոսքի կառույցի մեջ:

Այդ ամենն էլ ավելի է ընդգծում ժողովրդական ասույթի արտահայտած գաղափարի (իբրև ժողովրդի կենսափորձից ձևա-

Վորված բացարձակ ճշմարտություն) և նկարագրվող իրադրության (իբրև մարդկային չափանիշներին չհամապատասխանող երևույթ) միջև եղած հակասությունը.

Կար մի իրաման, անխախտ իրաման.

– Բովանդակ մի ազգ իր պետ ու ծետով,

մի ո՞ղջ ժողովուրդ ճռաքաղ անել՝

մոռացած ալլահ, փեյղամբար ու խիղճ,

խիղճ, որ մինչև իսկ շունը չի ուտում,

իսկ սրանք նույնիսկ լափեցի՞ն, շտա՞պ,

և թվում է, թե... մարսեցին նաև... (IV, 292):

Եթե վերոհիշյալ առածն օգնում է բանաստեղծին բացահայտելու և ամբողջացնելու երիտթուրքերի ու նրանց կամակատարների իսկական դեմքը, ապա «Խիղճը և իր մարդկային դիմակը» ստեղծագործության մեջ այդ նույն ասույթը երկխոսության միջոցով կիրառելով (կրկին մասնատված, հեղինակային խոսքի կառուցում ու հակառակ դրսենորմամբ)՝ Սևակը նուրբ հումորով քննում, վերլուծում է ընդհանապես մարդու և նրա խղճի միջև ծառացած բարդ ու հակասական հարաբերությունը.

ԽԻՂՃ

Բայց ինձ գցել են նույնիսկ շան առջև,

Եվ անգամ շունը

Չի կարողացել ինձ ուտել, հաքա՛:

ԵՍ

Իսկ մարդիկ, կարծեմ, քեզ ուտում են հեշտ

Եվ լավ էլ մարսում:

ԽԻՂՃ

... Դու... գիտե՞ս, դու այն անքնությունն ես,

Որից խուսափել չեն կարողանում մինչև իսկ նրանք,

Որ ինձ ուտում են և լավ էլ մարսում (VI, 129):

Ի դեպ, Պ. Սևակի չափածու և արձակ խոսքում քիչ չեն ժողովրդական իմաստուն մտքերի կրկնության դեպքերը: Դրանք սույն մեխանիկական երևույթներ չեն, և ամեն մի կիրառություն բխում է տվյալ ստեղծագործության ներքին պահանջներից,

հնչում է նորովի, քանզի մարդկային և հասարակական երևոյթ-ները ընթերցողին են ներկայանում տարբեր կողմերով ու տարակերպ դրսևորումներով:

«Մարդը ափի մեջ» ժողովածուի մասսայական քննարկումից հետո Պ.Սևակն այսպես է մեկնաբանում ընթերցողների այն դիտողությունները, որոնք վերաբերում են գրքում տեղ գտած կրկնություններին. «...Ընորհակալությամբ եմ ընդունում և այն մատնանշված կրկնությունները, որոնց իսկական մեղավորը իմ... անբարեխիղ իիշողությունն է: Բայց հարկ եմ համարում տեղն ու տեղն էլ ավելացնել, որ կրկնությունների մի որոշ մասը լիապես գիտակցված է և նորից կիաճախի իմ հաջորդ գրքերի ընթերցողներին: Ինչո՞ւ: Որովհետև կան կրկնություններ, որոնք նման են մեխի. մի քանի հատ է պետք, որ մեխվելիքը ոչ միայն վայր չընկնի, այլև մնա ընդմիշտ...» (V, 228):

3.Երեք տասնյակից ավելի տարրալուծված առած-ասացվածքների կիրառություններ կան Պ.Սևակի չափածոյում:

Դաճախ ժողովրդական իմաստախոսություններն այնպես են տարրալուծված լինում հեղինակի ստեղծագործության մեջ, որ միայն մտքից է հասկացվում դրանց իմմքը, ելակետը: Նման կառուցներում դրանք անմիջապես ընթերցողի կողմից ընկալվում են, քանզի ընդհանրացնող ուժ ձեռք բերած առած-ասացվածքը տարածված է հանրության տարբեր շրջանակներում:

Ժողովրդական *Ինչ որ բրդես, է՛ս կիսրես* (ԱԾ, 121) առածի տարրալուծումը «Եռաձայն պատարագ» պոեմում օգնում է բանաստեղծին սեղմ ու խոսուն տողերով բացահայտելու 1915-1945թթ. ընկած ժամանակահատվածը. հայկական եղեռնի հանդեպ քաղակակիրք կոչված պետությունների քար անտարբերության դիմաց աշխարհն ու մարդկությունն ինքն է «հյուրասիրվում» ֆաշիզմի «ճաշով».

...Նա հանցապարտին չմահապարտեց
և դրանով իսկ բրդեց մի ապուր,
որ 20 տարի անցնելուց հետո
ինչ ինքը խորեց ամբողջ 10 տարի (IV, 304):

Մասնատված և տարրալուծված (իրան աչքի գերանը թռած, ուրիշի աչքի չոփն է ման գալիս (ԱԾ, 46)) առածի կիրառության ինքնատիպ օրինակի ենք հանդիպում նաև «Ֆրանչեսկա դա Ռիմինի» պոեմում:

Պ.Սևակը մասնատում է այն և վերստին առածի վրա ստեղծում պատկեր, որի օգնությամբ հնարավոր է դառնում թափանցել հերոսուհու հոգու գաղտնարանն ու արտահայտել անբացատրելին: Նա դրան հասնում է հարցին հակառակ հանգուցակետից մոտենալով միայն. քնարական հերոսի ապրումների և գործողությունների նկարագրության օգնությամբ բանաստեղծը հակադրվում է առածի ընդհանրացնող գաղափարին.

Ֆրանչեսկա;

Այդ գաղտնիքը՝

Գաղտնիքներից զարիկուրելին,

Դաստանալով հաստանում է,

Ինչպես շյուղը օտար աչքում:

Որտեղ որ է նա կղառնա գերան մի մեժ

Այլկըս մեր աչքերի մեջ...

...ես առանց քեզ այդ գերանն եմ անվերջ տաշում,

Մեր գաղտնիքի ան գերանը,

Որ մեր աչքում հաստանալով հաստանում է,

Ու տաշում եմ ամեն ձևով,

Մինչև անգամ եղունգներով իմ հնամաշ:

Ու տաշում եմ

Ու քերծում եմ

Ու ճանկուտում,

Որ բարակի;

Գեթ բարակի... (VI, 282-283):

Պ.Սևակի ստեղծագործություններում ժողովրդական ասույթը դառնում է այն ատաղծը, որի վրա հյուսվում է բանաստեղծի ասելիքը: Այսպես, «Երկու շուն կռվելիս ճամփորդի բանը կը աջողի» (ԱԾ, 237) առածը «Անլոելիում» այսպիսի տեսքով է հանդես եկել.

Բայց Եվրոպան էլ ուներ ծանապարհ
Եվ, որպես ծամփորդ՝
Նա... կրվացը իրար հետ շներ,
Որ իր ծամփորդի բանը հաջողի (IV, 182):

Անունը կա ամանումը չկա առածը (ԱԾ, 70) մերթ հանդես է գալիս անփոփոխ («Անլոելի զանգակատուն» (IV, 210)).

մերթ տարրալուծված՝ առածի միայն մի անդամի մատնանշմամբ («Եվ այր մի՝ Մաշտոց անուն...»).

Դայաստան կոչված աշխարհն էլ արդեն
Լոկ անունով էր Դայաստան կոչվում (IV, 248):

«Դայ ու վայ» ժողովրդական ասույթի անդամների տարրալուծմամբ և բառային կառույցների վերլուծությամբ ու դրանց ստեղծման նախապատմությունը բացահայտելով և մասնաւմ ձևերի փնտրութիւնով՝ «Եռաձայն պատարագ» պոեմում բանաստեղծն առավել խորությամբ է նկարագրում հայ ժողովրդին բաժին հասած անլուր տառապանքը.

– Այս ազգը որի՞ց և ինչո՞վ է վատ, –
Պատասխան տվեք, քարե՛րն են հարցնում, –
այս ազգը ումի՞ց և ինչո՞վ է վատ,
որ դատապարտվեց այսչափ վատության, –
պատասխան տվեք, քարե՛րն են հարցնում:
Եվ ո՞վ, և ինչո՞ւ սրանց «հայ» կոչեց,
որ հանգավորի միմիայն «վայ»-ով:
Եվ ինչպե՞ս, և ե՞րբ, ի՞նչ ուժով արդյոք...
...իրարից «հայը» ու «վայը» պոկե՛լ... (IV, 283):

Ի դեպ, Պ.Սևակի ստեղծագործություններում տարրալուծված ժողովրդական իմաստախոսություններն ևս տարատեսակ դրսենորումներով են հանդես գալիս: Այսպես՝ «Ղակ հաղող ուտողի ակոեքը (ատամներ) կառնվի» առածը (ԱԾ, 190) սևակյան կիրառություններում հանդես է գալիս թե՛ խորացմամբ, զարգացմամբ ու պոետական ներաշխարհի և մտորումների համադրությամբ.

*Խակությունից է ատամը առնում:
Ո՞չ միայն ատամն, այլ նաև հոգի ն:՝
Եվ մի թե, մի թե ես եմ մեղավոր,
Որ խակն ու թթուն շատ է աշխարհում* (I, 464),

թե՛ մասնատմամբ և նրա անդամների փոփոխության միջոցով (խակ խաղող-խակակութ սեր, ատամներն առնվե-ատամնառու սիրտ) նոր իրավիճակների բացահայտմամբ:

Քո խակակութ սիրուց ատամնառու սրտով,

Սուրլապես խարված և մահառիթ խոցված... (III, 192):

4.Պ.Սևակի ստեղծագործություններում քիչ չեն այնպիսի կիրառությունները (շուրջ 20), երբ առած-ասացվածքի զարգացմամբ, նմանատիպ հեղինակաստեղծ սեղմասույթների համադրությամբ ավելի է խորացվում և քննադատվում մարդկային կերպարներն ու բնավորությունները: Այսպես՝ «Ով տուն չի շներ, գիտե սյուն ի մեջն է բուսեր» առածը (ԱԾ, 37) հետևյալ ութնյակում այպիսի զարգացում է ստացել.

Սա տուն չի շնել,

Գիտի, թե սյունը տան մեջ է բուսնել.

Նա, ով չի վազել,

Անցնել է ուզում, ոչ միայն հասնել:

— Խոսելը հեշտ է,

Դոսելն է դժվար —

հուն է հարկավոր.

Սյունը չի բուսնի,

Ինչքան էլ գոռաս.

«Տուն է հարկավոր» (I, 264):

Առածատիպ հեղինակային երեք սեղմասույթներն ել նման դեպքերում ներկայանում են որպես նոր տարբերակներ, քանզի դրանք թե՛ իրենց կառուցվածքով, թե՛ լեզվարտահայտչամիջոցներով, թե՛ հնչերանգով համահունչ են ժողովրդական իմաստախոսությանը:

5.Առածի զարգացում՝ համադրված նրա արտահայտած գաղափարի և պոետական ներաշխարհի միջև.

Իր մասին, հայտնի բան է,
Փորձանքը լուր չի տալիս:
Դու եկար ծիշտ որ այդպես,
Բա այդպես հյուր են գալիս:
Դու եկար և ամեն ինչ
Արեցիր տակնուվրա:
Ես հիմա ինչպես ասեմ,
Թե՛ փորձանք, զուր ես գալիս (I, 219):

Պ.Սևակի որոշ ութնյակներ կառուցված են միևնույն երևույթը քննադատող մի քանի առած-ասացվածքների օգտագործմամբ: Երախտամոռությունը մերկացնող «Մեր դռանը լակ ա լակում, գնում ա ուրիշի դռանն ա հաչում» առածին (ԱԾ 29) (Այս տիպը: Քո տանը լակում, // Ուրիշի դռանը է հաչում) հաջորդում է մևնույն երևույթի մեկ այլ տարբերակ՝ «Իրանց տանը կուտ են ուտում, խալիսի տանը ծու ածում» (ԱԾ 29), (Ուտում է իր կուտն այս բակում, // Չուն ածում մեկ ուրիշ քուչում), որին հետևում է տվյալ երևույթի դրսերման հեղինակային հեգմախառն պատճառ-մեկնաբանությունը.

Դու, ի՞նչ է, չգիտե՞ս ինչու:
Զգայուն առագաստ ունի.
Դասկանում, զգում է իսկույն,
Թե քամին ո՞ր կողմն է փչում (I, 263):

Երբեմն էլ առածին հաջորդում է առածը կամ դրան համահունչ հեղինակային սեղմասույթը: Այս բանը նկատելի է հատկապես այն գործերում, ուր բանաստեղծն աշխատում է գոչի մի հարվածով ջնջել, վերացնել հակահասարակական ու հակամարդկային երևույթները.

Ի՞նչ էլ նվագեն, նա է պարողը (ԱԾ, 42),
Ի՞նչ էլ կարել տան, նա է կարողը,
Ո՞ր ծառն էլ ցույց տան, նա է քարողը:
Դարգո՞ւմ եք նրան:
... Եկեք միասին չհարգենք նրանց...
... Ովքեր չեն ջոկում ոչ թացը չորից,
Ոչ էլ տարբերում անդունդը ծորից (I, 361):

Իսկ շահամոլությունն ու կեղծավորությունը քննադատող «Ատում եմ» բանաստեղծության մեջ մեկը մյուսին են հաջորդում թե՛ ժողովրդական, թե՛ հեղինակաստեղծ կառուցները.

Ատում եմ... նրանց,

Ովքեր ուրիշի շեն տումն են քանորում

Իրենց պետք եկած գերանի համար,

Ովքեր ուրիշի ծառերն են ջարդում

Մի բուռ չհասած ծիրանի համար,

Ովքեր համայնքի ծովից են խոսում,

Բայց դեպի իրենց լճակն են խոսում... (I, 379):

Նման կիրառություններում առած-ասացվածքն իր ընդհանուացնող վիճակից Սևակը տեղափոխում է կոնկրետացվող, մասնավորեցվող իրավիճակ՝ կրկին անգամ արժեքավորելով խոսքի զորությամբ շրջապատի վրա ներազդելու և կյանքը վերափոխելու ժողովրդական իմաստախոսության հզոր ուժը:

6.Երբեմն էլ **Պ.Սևակը** առածի բառերի միտումնավոր փոփոխություն է կատարում. *Շաքարը շան բերան առածի մեջ շաքառը* փոխելով *Սուրբ Աշխարհ՝* բանաստեղծը թուրք խուժանի և նրան աջակից գերմանիայի կերպարներն ավելի իրատեսորեն է ներկայացնում.

Քանդեցին երկինք մի լուր,

Մորթեցին մի ժողովուրդ,

Դացառատ մի ողջ աշխարհ

Սարքեցին փշրանք-Աշխար,

Սուրբ Աշխար՝ շան բերանում,-

Ուզեցին մեկ հայ թողնել,

Եվ այն էլ... թանգարանում... (IV, 187):

7.Օխտը չափի, մին կտրի (ԱԾ, 6) ասացվածքը զգուշավորություն և հաշվենկատություն է ուսուցանում: Ասույթի անդամների տեղերը փոխելով, թվային չափանիշների միտումնավոր խախտում կատարելով՝ **Պ.Սևակը**, ավելի խորությամբ է բացահայտում իր հոգեկան աշխարհի ալեկոծություններն ու սիրած էակի հասցրած տառապանքները.

Աչքը բաց՝
Բայց էլի խաբեցիր –
Ոտքերը – ձեռքերը
Կապեցիր:
Դիմա էլ
Կտրում ես յոթ անգամ,
Բայց գոնե
ՄԵԿ ԱՆԳԱՄ ՀԱՎԻԵՑԻՇ (I, 214):

8. Ծատ դեպքերում էլ ժողովրդական առած-ասացվածքին հետևում է բանաստեղծի եզրափակիչ խոսքը, որն ասույթի ընդհանրացնող գաղափարի տրամաբանական շարունակությունն է, նրանից բխող հեղինակային մեկնաբանությունը.

Շաքարի տեղ շիբ են ծախում,
Ի՞նչ է շիբն էլ սպիտակ է:
Կարծում են, թե կարևորը
Ապրանքը չէ,
Այլ... պիտակը... (VI, 26):
Չյունը ի՞նչ է իմանում,
Թե աղքատը փայտ չունի.
Ծամփան ի՞նչ է իմանում,
Թե ծին ոտքին պայտ չունի:
Բայց ես գիտեմ. ով երեկ
Շես տներ է ավիրել,
Ինչքան զղջման խոսք ասի,
ՄԵԿ Է, ԽՈՂԾԻ ԽԱՅՔ ՉՈՒՆԻ (VI, 31):

9. Սևակի ստեղծագործություններում հաճախ ենք հանդիպում այնպիսի դեպքերի, երբ հեղինակը կասկածի տակ է առնում ժողովրդական իմաստախոսությունը, հակադրվում, ժխտում և ապա առաջ քաշում իր տեսակետը, որն էլ ասելիքով նախորդի բացասումն է:

Բանաստեղծը դարի պատգամախոսն է, նրա առաջադիմական գաղափարների կրողը: Անտարբերությունը, չեզոքությունը, մորթապաշտությունը դարի հիվանդություններից են: Ուստի

Պարույր Սևակը հակադրվում է ժողովրդի մեջ տարածված այն թյուր ու սխալ կարծիքին, թե՝

Ասել-ասում եմ, թե լավ է այնտեղ,

Որտեղ մենք չկանք:

Իսկ ես պնդում եմ, որ լավ է այնտեղ,

Որտեղ չենք կարող չլինել ու կանք... (II, 125):

10.Բանաստեղծը պետք է իր իսկ կրակով լուսավորի դարը, ջերմացնի մարդկանց: Ժողովրդին անմնացորդ նվիրվելու, նրա համար այրվելու և մոխրանալու գաղափարի բանաստեղծական արտահայտությանը մենք հանդիպում ենք Սևակի այն գործերում, ուր խոսվում է գրողի դերի, նրա կոչման մասին: Ասելիքը տեղ հասցնելուն օգնել է ժողովրդական խոսքին(Աղօ կրակ է հանգցնում) հակադրվելու սևակյան ինքնատիպ մոտեցումը.

Առաջներում մերպեսներին

Այրում էին խարույկի մեջ...

Դիմա պիտի խարույկ վառենք մենք ինքները,

Խարույկ՝ մեզմով:

Աղօ կրակ է հանգցընում:

Բայց մենք պիտի մեր կրակով աղն էլ վառենք,

Որ ավելի բռցավառվենք,

Այնպես վառվենք,

Որ չմնա նույնիսկ մոխիր ու մնացորդ... (II, 76):

Իսկ Բզի գլխին բռունցքով տալ չի ըլնի (ԱՕ, 162) առաջին հակադրվելով՝ Պ.Սևակը բացահայտում է դարի ցավերով ապրող և տառապող «ճշմարտախոս ու ճշմարտածին» բանաստեղծների իսկական էռլեռյունը, նրանց անցած և անցնելիք ճանապարհի դժվարությունները.

...Որովհետև մենք լավ գիտենք,

Որ շատ հաճախ

Բռունցքով ենք զարկում մեխի ծակող ծայրին,

Մեր բռունցքով՝ մուրճի տեղակ (II, 82):

11.Ասույթի արտահայտած գաղափարի ժիտմամբ (Եղբ

կսկիծն է դառնում արդեն անտանելի, // Ասում են, թե մոտենում
է նրա վերջը:// Զո՞ւր են ասում:// Սո՞ւտ են ասում:) բանաստեղ-
ծը տալիս է դրա ընդունման յուրովի պայմանները.

Ճիշտ կասեին,
Եթե իրոք մենք անձնապես
Ու մեն-մենակ սովորեինք
Գիտությունը տառապանքի (II, 153):

12. «Դպատակի խռովությունը» բանաստեղծության մեջ Պ. Սևակը հակադրվում է ժողովրդական *Փորձը փորձանք չի դառնա* ասույթին, և իրական կյանքում հաճախ հանդիպող դրա հակառակ դրսեորումը նոր՝ հեղինակային սեղմասույթի ծնունդի պատճառ է դառնում.

...Չէ՞ որ, տե՛ր իմ, փորձը մեկի

Մյուսի համար շատ հաճախ է փորձանք դառնում (II, 152):

Իսկ «Ատում եմ» ստեղծագործության մեջ նույն իմաստախոսությունը այսպես է ներկայանում.

Այն փորձն եմ ատում,

Որ մարդկանց գլխին դառնում է փորձանք...(I, 379):

Դոպուպն ինքն է հոտած, հենց գիտե թե բունն է հոտած (ԱԾ, 46) առածի հակառակ դրսեորման փայլուն օրինակ է դրա հենքի վրա ստեղծված ութնյակը, որտեղ ժողովրդական ասույթի բանաստեղծական դրսեորմանը հաջորդում է նույն գաղափարն արտահայտող և նույնատիպ կառուցվածքով հեղինակաստեղծ մի ուրիշ ասույթ.

Սկզբու առուն ծահճացել,

Կարծում է հունն է հոտած (VI, 32):

Ժողովրդական առածի զարգացմանը հետևում է նաև դրա հակառակ դրսեորման հեղինակային մի նոր սեղմասույթ ևս, որը տարրալուծված է բանաստեղծական խոսքի կառույցում, իսկ հարցական հնչերանգը և ժողովրդական դիմելածնը բանաստեղծի խոսքին հաղորդում են ժողովրդական լեզվամտածողության երանգներ.

**ԵՎ ԻԱԿԱՊՈՎԱԿԸ Է ԼԻՇՈՒՄ.
Ի՞նչ ես ուզում խեղծ թիսսից՝
Առողջ ծտեր ո՞նց հանի,
Թե տակի ձուն է հոտած** (VI, 32):

13.Սևակն օգտագործում է նաև կրոնին և հավատալիքին վերաբերող թեավոր ասույթներ՝ ու արտահայտություններ: Դրանք ոչ միայն պատկերավոր խոսք ստեղծելու միջոց են դառնում, այլև բացահայտում են քնարական հերոսի ներաշխարհը: Դա արվում է ժողովրդական ասույթի և նկարագրվող իրադրության համադրությամբ, ժողովրդական իմաստախոսության ստեղծման նախապատմությունը տալով.

*...Երբ աչքերն են սառում,
Ասում են, թե՝ այ-այ՝ մարդ է գալու:
Բայց դա եթե սուտ չէ,
Ապա բարություն է,
Որ ծնվել է միայն խեղծությունից:
Իմոնք էլ են սառում,
Սակայն դու չե՞ս գալու:
Դու չե՞ս կարող: Գիտե՞մ...* (I, 310):

14.Առած-ասացվածքների նպատակառուղղվածությունն ավելի է շեշտվում, երբ այն մեջ է բերվում հարցադրմամբ: *Ուղտի ականջումը քնած ա առածը* (ԱԾ, 53) արդեն իսկ խոսում է բացասական երևույթի մասին: Սակայն առածը՝ առած, բայց երբ շոշապատի մարդիկ համակերպվում են այդ բացասականի հետ, բանաստեղին դա և՛ զարմանք, և՛ զայրույթ է պատճռում, իսկ հարցադրմամբ ներկայացվող առածով նա արտահայտում է իր ժխտական վերաբերմունքը նման երևույթի հանդեպ: Ժողովրդական խոսքին նախորդող հեղինակի հարցական հնչերանգով խոսքն ինքնին հանգեցնում է նաև նրա արտահայտած գաղափարի ժխտմանը.

*Դուք նախընտրում եք վիթխարի ուղտի՞ն,
Իսկ ես լրջորեն նախապատվում եմ
Նույնիսկ մկանը, առնետի՞ն անգամ,
Որոնք ընտանի չեն դարձել ցայսօր...*

...Ու երբ քնի մեջ մղձավանջային
Չեզ առնետները կրծոտեն սիրով,
Դուք՝ արթնանալով մի պահ մտածեք,
Թե արժի՞ արդյոք դարեր շարունակ
Քնել մե՞ծ ուղտի փոքրիկ ականջում... (II, 208):

Մախաթը ջվալը չի պարտկի կամ Մզրախը ջվալի միջին չես
պահի առածների(ԱԾ, 282) հետ գործ ունենալիս Սևակը դի-
մում է այլ հնարքների: Առածի հարցական հնչերանգն արտա-
հայտում է բանաստեղծի ժխտական վերաբերմունքը.

...Յո ասե՞՞ղ չէ սերը, որ կոցընես,
Իսկ թե ասեղ է նաև կթաքցնե՞ս
Ինչ-որ բարձիկի մեջ կամ տոպրակում:
Եթե ասեղ է նաև
Աչք է ծակում... (III, 131):

Շատ անգամ էլ հարցադրումը ոչ թե առածի, այլ առածին
նախորդող հեղինակի խոսքի մեջ է.

...Բայց մի ափը ի՞նչ է տալիս:
Ինքդ գիտես, որ մի ափը
Մինչև անգամ ծափ չի տալիս... (II, 248), (ԱԾ, 212):

Սակայն միշտ չէ, որ հարցական երանգը նախապատրա-
տում է ժխտական պատասխան: Նարցադրումը նաև հաստա-
տում է հեղինակի արտահայտած գաղափարը.

Իսկ իսկություն չէ՝
Որ գորքից հետո
Միշտ էլ լեզուն են մարտադաշտ հանում,
Եվ ինչ չի կարող ո՞չ մի գորք անել,
Լեզուն է անում (IV, 251):

Երբեմն էլ հարցի ձևով հանդես եկող հեղինակային խոսքը
չնայած նախապատրաստել է նրա դրական պատասխանը, սա-
կայն առածը գալիս է ժխտելու, անորոշության մատնելու այն.

...Այդ քանի՞ երկիր Արարատ ունի:
Իսկ Արարատը...

Ե՞հ, անունը կա - ամանում չկա... (IV, 210):

Գեղարվեստական խոսքում հարցադրումների նման բազմա-

շերտ դրսնորումները Պ. Սևակի պոեզիային հաղորդում են ազգային մտածողության երանգներ:

15.Կան հեղինակային սեղմասույթներ, որոնք կառուցված են ժողովրդական առած-ասացվածքների կաղապարներով և համահունչ են նրանց ոգուն և նպատակառուղղվածությանը.

<i>Տաքն ի՞նչ իմանա,</i>	<i>Սարն ի՞նչ գիտե՝</i>
<i>Թե պաղը ինչ է:</i>	<i>Տուժն ինչ է,</i>
<i>Վերքը կիմանա,</i>	<i>Չշտապողը՝</i>
<i>Թե աղը ինչ է:</i>	<i>Ուշն ինչ է:</i>
<i>Նա՛, ով շատերին</i>	<i>Թե դատարկ է</i>
<i>Կսկիծ է տվել,</i>	<i>Անցյալը՝</i>
<i>Ինչպե՞ս իմանա,</i>	<i>Ի՞նչ իմանաս՝</i>
<i>Թե դաղը ինչ է (I,258):</i>	<i>Դուշն ինչ է (I,261):</i>

Այս ստեղծագործությունների հենքը էշն ի՞նչ գիտի՝ նուշն ինչ աև Սաղն ինչ իմանա՝ կաղն ինչ ա (ԱՕ, 47, 201) ժողովրդական ասույթներն են: Իսկ «Հայտարարում եմ» բանաստեղծության հետևյալ հատվածը՝

Հայտարարում եմ.

*Իմ փորձված մետրը երբեք չեմ փոխի
անորոշ թիզով,*

*Փորձված բանջարն իսկ երբեք չեմ փոխի
անծանոթ մսով... (I, 378),*

կառուցված է *Փորձած թանը անփործ մածումից լավ ա (ԱՕ, էջ 283)* առածի կաղապարով:

Սևակի չափածոյում օգտագործված այնպիսի առած-ասացվածքներ և դարձվածային արտահայտություններ կան, որոնք, լինելով գուտ ժողովրդական, այնուամենայնիվ, «Առածանիում» տեղ չեն գտել: Նման ասույթների առկայությունը պայմանավորված է երկու հանգամանքով: Դրանք կամ բանավոր ճանապարհով են անցել բանաստեղծին («Մարդ կա՛ աշխարհն է շալակած տանում, մարդ կա՛ ելել է շալակն աշխարհի», «Ծաքառը շան բերան» և այլն), կամ էլ գրավոր՝ այս կամ այն հեղինակի ստեղծագործություններում դրանց կիրառությունների միջոցով:

Երբ աշուղագետ Շավիդ Գրիգորյանը հայտնում է Սևակին, թե Մարդ կա՝ աշխարհն է շալակած տանում, մարդ կա՝ ելել է շալակն աշխարհի արտահայտությունը գրեթե նույնությամբ կա նաև Աշուղ Սազայու (Աղաջան Փարոյան (1848-1917թթ.)) երգերից մեկում՝ 13 քառատողից բաղկացած «Աշխարհի դաստանի»²⁰⁶ երրորդ քառատողում, բանաստեղծը սկզբում զարմանում, ապա անմիջապես վրա է բերում. «Բայց ինչո՞ւ եմ զարմանում, երկուսիս աղբյուրն էլ ժողովուրդն է եղել, ժողովրդական ստեղծագործությունը։ Ուրեմն հանճարեղ մտածողություն է ունեցել այդ անուս աշուղը»²⁰⁷:

Ի դեպ, Սևակը «Մարդ էլ կա, մարդ էլ» բանաստեղծությունը գրել է «Սազայի և Ենգի» երգերի ժողովածուն իրատարակվելուց 3 տարի առաջ՝ 1955թ., Մոսկվայում։ Վերոհիշյալ առածի մասնակի դրսենորումներին հանդիպում ենք նաև «Խոստանում եմ» (Դանգստանայ, // Բայց ոչ երբեք այլոց մեջքին (1957թ.)) (I, 392) և «Դու ո՞րն ես ընտրում» [1957թ.] (...հե՞րն էլ անհծած, // շատ վե՞ցն է նրա, որ կյանքն է կաղում, // եթե նա կյանքի վզին է նստած) գործերում։²⁰⁸

Պ.Սևակն ասելիքը հաղորդելիս աշխատում է մտերմիկ միջավայր ստեղծել։ Դրա համար բանաստեղծը իմաստախոսությունների հետ գործածում է «ասում են, թե...», «ինչպես գիտեք», «սուտ չի ասված», «ճիշտ են ասում», «հայտնի բան է» և համանման այլ բառակապակցություններ, որոնք բանաստեղծական խոսքը և կիրառվող ասույթի իմաստը դարձնում են առավել հավաստի ու ազդեցիկ։ Նման պատմելածեի օգտագործումը բանաստեղծ-ընթերցող կապն ավելի անմիջական է դարձնում։

²⁰⁶ Մարդ կա՝ տիսուր-տրտում ման կուգա,
Մարդ կա՝ ունի ոսկու գումար, ման կուգա,
Մարդ կա՝ շալակել է աշխարհ, ման կուգա,
Մարդ կա՝ ինձել է շալակն աշխարհի... / Սազայի և Ենգի, Երգերի ժողովածու, Երևան, 1958, էջ 90:/

²⁰⁷ Ը.Գրիգորյանի բանավոր հուշերը գրի է առել տողերիս հեղինակը 1983 թվականին։

²⁰⁸ Պ.Սևակ, Դու ո՞րն ես ընտրում, «Գրական թերթ», 23.11.1990, թիվ 48:

Ասում են, թե միանգամից կյանքում ոչի՞նչ չի կատարվում...
(I, 333)

**...ճիշտ խոսողի խեղծ գդակը,
ինչպես գիտեք, ծակ է լինում... (I, 438)**

**...Եվ ոսկով ծածկվեց մի հսկա երկիր,
ուր (ճիշտ են ասել ու ճիշտ եմ ասում)
եղել էր ու կար շնից շատ իշխան,
բայց իշխանություն չի՝ եղել երբեք... (IV, 280)**
Իր մասին, հայտնի բան է,
Փորձանքը լուր չի տալիս... (I, 219)

**Աղքատի բախտը բանում է յոթ տարին մեկ – սուտ չի աս-
ված... (I, 167):**

Ժողովրդական իմաստախոսությունների հետ գործ ունենա-
լիս Սևակը կամ ընդհանուրից գնում է դեպի մասնավորը, կամ -
մասնավորից՝ ընդհանուրը:

Պ.Սևակի չափածոյում կան բանաստեղծություններ, որոնց
վերնագիրն ինքը առած-ասացվածք է կամ նրա հուշող մի ֆրա-
զը՝ դարձվածային արտահայտությունը (Մարդ էլ կա, մարդ էլ
(I, 175), Լաց էլ կա, լաց էլ կա (I, 337), Սև կատու (I, 339), Ոսկին
վերստին ոսկի է մնում (I, 330)): Ընդհանրացնող իմաստ ծեռք
բերած ժողովրդական խոսքը ուղենիշ է եղել մարդկանց կյան-
քում: Բանաստեղծը, ժողովրդական խոսքի ընդհանրացնող ի-
մաստը կոնկրետացնելով, մասնավորեցնելով, իրական կյան-
քում հանդիպող բազմաթիվ բնավորությունների օրինակով
մարդկանց ուշադրությունը կրկին բներում է այդ կոնկրետաց-
վող փաստի վրա:

Սևակն ունի մանրադիտակային տեսողություն և կարողա-
նում է առանց դժվարության թափանցել առաջին հայացքից
անթափանցելի թվացող երևույթների խորքերն ու տեսնել թե՛
գլխավորը, թե՛ երկրորդականը: Սակայն երկրորդականն էլ իր
արմատներով կապված է գլխավորի հետ: Սևակը երևույթների
վերլուծության ժամանակ հաճախ է մասնավորից գնում դեպի
ընդհանուրը, երկրորդականից դեպի գլխավորը, այսինքն՝ ա-

սույթն ամբողջացնում, ամփոփում է ասելիքը («Առաջին սերը»(II, 8), «Նորօյա աղոթք» (I, 276), «Մեծ ուղտի փոքրիկ ականջում» (II, 206)):

Պ.Սևակի ստեղծագործությունների առանձնահատկություններից մեկն էլ այն է, որ բանաստեղծին հաջողվում է տրամաբանական կապ ստեղծել ժողովրդական իմաստախոսության և հեղինակի խոսքի միջև։ Ինչպես երևում է վերը թվարկած դեպքերից, ասույթը կտրված չի բանաստեղծի խոսքից։ Յուրաքանչյուր առաջ-ասացվածքի գործածության ժամանակ Սևակը դրանց հետ է, դրանց մեջ և դրանց միջոցով է արտահայտում իր վերաբերմունքը կյանքի այս կամ այն երևույթի նկատմամբ։

Չափածոյում առաջ-ասացվածքների անփոփոխ կիրառությունների հիմնականում հանդիպում ենք Պ. Սևակի վաղ շրջանի գործերում, մասնավորապես «Անհաշտ մտերմություն» պոեմում (1947-52թթ.):

Այդ շրջանի առաջային դրսերումները մեծ մասամբ հանդես են գալիս ոչ թե բանաստեղծական խոսքի շաղախում, այլ հերոսների խոսքի մեջ, այն էլ՝ կոլորիտ ստեղծելու համար։

– Մինչ ես «առ» եմ ասում, դու քշում ես «ակոս», –

Ասաց Մկրտիչն ու... խորհրդավոր նայեց... (III, 104)

– Մկան համար մահ է, կատվի համար՝ համաք, –

Ուզեց Մկրտիչը չհամբերել... (III, 104)

Չեղինակային խոսքի կառուցում ժողովրդական խոսքի նման գործածությունները մի տեսակ արհեստական են, ինչն էլ բացասաբար է ազդում բանաստեղծական պատկերների և ասելիքի ամբողջականության ու անմիջականության վրա։

Պ.Սևակի չափածո խոսքում ժողովրդական ասույթների տարատեսակ դրսերումներին հանդիպում ենք բանաստեղծի գրական գործունեության երկրորդ շրջանում՝ 1956-69թթ. գրած գործերում, որոնց մեջ հեղինակային խոսքն ու ժողովրդական բառ ու բանը գրական հայերենի, ժողովրդախոսակցական լեզվի, հարկ եղած դեպքում նաև՝ գրաբարի հետ սերտորեն միաձուլված են և ներդաշնակություն են ստեղծում։

Այդ շրջանի ստեղծագործություններում ժողովրդական առաջ-ասացվածքների կիրառությունները սոսկ բանաստեղծական ձևեր ու հնարքներ չեն, այլ ասելիքը մտերմիկ և սրտաբուխ վերարտադրելու հնարավորություններ, խոսքին ժողովը-դայնություն հաղորդելու միջոցներ:

Պ.Սևակի արձակ խոսքում ևս ժողովրդական առաջ-ասացվածքները մեծ քանակ են կազմում՝ 168, և բանահյուսության 20 տեսակների կիրառության մեջ այն առաջինն է: Արձակ շարադրանքի դեպքում ժողովրդական ասույթների գործածությունը անհամեմատ հեշտանում է. չկան չափածոյի պահանջներից բխող կաշկանդիչ գործուները: Այս դեպքում ևս դրանց սևակյան կիրառությունները տարբեր բնույթի են, և հեղինակը ազատ է իր շարադրանքի մեջ, անկաշկանդ՝ նյութի ընտրության և վեռարտադրության ժամանակ:

Բանաստեղծի արձակ խոսքում կան գործեր, որոնք աչքի են ընկնում ժողովրդական իմաստախոսությունների առատությամբ: Այսպես, «Երբ մրցում է ամբողջ Երկիրը» (1961թ.) ակնարկում Սևակը գործածել է մոտ 30 առաջ-ասացվածք ու թևավոր խոսք: Աղասի՝ ազգային հարցի և ազգային լեզուների ճակատագրին վերաբերող հակաժողովրդական և հակագիտական դոկտորական ատենախոսության կապակցությամբ գրած իր ջախջախիչ հոդվածում²⁰⁹ Սևակը 7 ասույթ է գործածում, 3-ը՝ լեզգիական, 3-ը՝ հայկական և 1-ը՝ հունական:

Միայն «Սայաթ-Նովա» ուսումնասիրության մեջ Սևակը օգտագործել է 47 առաջ-ասացվածք, իսկ «Քննադատությունն այլևս հավելված չէ» հոդվածում՝ 15:

Պ.Սևակի արձակ խոսքում ժողովրդական ասույթները հանդես են գալիս՝

1. Առաջի կաղապարի օգտագործմամբ՝ նրա արտահայտած գաղափարին հակադրվելով (Եմինի ամբողջ խոսքը մի խրատ պիտի լինի մեր երիտասարդությանը. մի խրատ... որ Եմինի փոխարեն ես կուզենայի ձևակերպել այսպես. Եթե ծիշտ է, որ

²⁰⁹ «Եթե ստիպված ենք ինչ-որ հյուրի մեր տան դուռը ցույց տալ, «Երեկոյան Երևան», 11.09.1999:

կրկնությունը գիտության մայրն է, ապա առավել ճիշտ է, որ կրկնությունը գրականության մահն է) (V, 216):

2. Դարձվածային միավորի կիրառությամբ՝ ժողովրդական ասույթի անդամներից մեկը մի այլ անդամով փոխարինելով (Մի՛ շտապեք այս փոքրիկ «Եթե»-ն ուղտ դարձնել (Հուն ուղտ շինել) (V, 168)):

3. Նակադրություն ժողովրդական առածին՝ կապված միջավայրի փոփոխության հետ («Մեր մի առածը խրատում է, թե «հմացածդ ճամփից կարճը չկա», ... Չգիտեմ՝ կյանքում ինչպե՞ս, բայց գրականության մեջ ծանոթ ու բանուկ ճամփան չի կարծ, այլ այդ ճամփով քայլողի խելքն ու միտքն է կարծ»): (V, 214)

4.Առածների (հայկական և հրեական) համադրություն՝ դրանց ստեղծման նախապատմությունը տալով («Որտեղ հաց՝ այնտեղ կաց»): Չի կարելի կասկածել, որ այս տիսուր փիլիսոփայությանը մեր ժողովուրդը հասել է իր պատմության վերջին հազարամյակին, երբ ստիպված էր կրկնել «թափառական հրեա»-ի աննախանձելի բախտը: Այս առածից առաջ դարեր շարունակ նա կրկնում էր մեկ ուրիշ իմաստություն, իմաստությունն այն հրեայի, որին դեռ չեր կապել «թափառական» մակոդիրը. «Ոչ միայն հացիւ կեցցե մարդ...»: «Ոչ միայն հացիւ», ոչ միայն մարմնով, այլ նաև հոգով, այլ նաև «բանիւ»:) (V, 166-167):

5.Առածի հանելուկային կառուցվածքով կիրառություն՝ այն մասնատելով:

Ընդգծելով ժողովրդական ասույթի (Գիծը մի քար քցեց ֆորը, հազար իմաստուն չկարացին հանել // Մեկ գիծ մեկ կարաս կոտրեց, հարիր խելոք վրա թափեցին, չկարացին սաղացնիլ (ԱԾ, 88))՝ քիչ բառերով շատ բան ասելու հնարավորությունը (ընդամենը մի տող է, բայց ումի ճիշտ 103 գործող անձ՝ մի հիմար, մի քար, մի հոր և 100 խելոք)՝ Սևակը առաջ է քաշում անելանելի վիճակից դուրս գալու իր տարբերակը. «Ինձ թվում է, որ հորի մեջ գցած քարից ազատվելու միակ ճարն ու հնարը պարզապես այդ քարը թաղելն է»²¹⁰:

²¹⁰ «Եթե ստիպված ենք ինչ-որ իյուրի մեր տան դուռը ցույց տալ, «Երեկոյան Երևան», 11.09.1999:

Մեկ այլ դեպքում այդ նույն առածի կիրառությունը բոլորովին ուրիշ դրսերում է ստացել («Իմ պարտավորությունը [զեկուցումը] ես հասկանում եմ իբրև փոքր-ինչ երկարացված բացման խոսք կամ մի քար, որ նետում են ոչ թե ջրհորը («հարյուր խելոք հավաքվեն՝ չհանեն»), այլ լիճը - որպեսզի ալիքներին հաջորդեն ալիքները և գնալով ծավալվեն»): (V, 380)

6. Հարմարվողականությունը քարոզող ժողովրդական ասութին («Եթե ժամանակը սրտովդ չէ, դու ժամանակի սրտովը եղիր») հակադրվելով՝ բանաստեղծի ներաշխարհի բացահայտում («Ես չկարողացա ինտենել ժողովրդական իմաստնությանը») և կրկին դարձա առաջին կուրսի ուսանող՝ այս անգամ արդեն Մոսկվայի Գորկու անվան ինստիտուտում»):

7. Առածի արտահայտած գաղափարի քննարկում, վիճարկում՝ ժխտելով ու հաստատելով այն («Կարելի է վիճարկել ամեն մի աֆորիզմ, ամեն մի առած ու ասացվածք, այդ թվում նաև հայերի «Երկու բարին մեկտեղ չի լինում» իմաստուն խոսքը: Կարելի է վիճարկել, քանի որ երբեմն «Երկու բարին մեկտեղ լինում է»: Արվեստի պատմությունը նման երջանիկ դեպքերում «Երկու բարին» կրողին անվանում է «մեծ», «բարիների» շատության դեպքում՝ «հանճարեղ»: Բայց, ընդհանրապես, դժբախտաբար, իրոք որ «Երկու բարին մեկտեղ չի լինում», ուրեմն և պետք է ճանաչել սեփական տաղանդը և աշխատեցնել շահավետորեն: Հակառակ դեպքում «մեծի ետևից ընկնողը փոքրն էլ է կորցնում») (V, 55):

8. Փաստացի օրինակներով նույն առածի (Երկու բարին մի տեղ չի լինում) արտահայտած գաղափարի հաստատում, այնուհետև, իբրև բացառություն, այդ գաղափարի ժխտում («Եվ ահա այս ընդհանրական իրողության հովտում կոթողվում է Մանուկ Աբեղյանի ահռելի հասակը, իբրև հերքումն իենց նոր հիշված առածի և իբրև հաստատումն այն բացառության, որ ոչ միայն Երկու բարին կարող է մեկ տեղ լինել, այլև Երեք բարին: Եվ իսկապես էլ. Մ.Աբեղյանի մեջ ներդաշնակ կյանքով ապրում էին թե՝ մեծ լեզվաբանը, թե՝ մեծ գրականագետը, թե՝ մեծ բանա-

գետը, իրենց արանքում տեղ տալով նաև մեծ պատմաբանին և մեծագույն տաղաչափագետին»):²¹¹

9.Առաջի մասնատում՝ առանձին մասերի համադրությամբ (Առաջն ասում է. «Կան բաներ, որ չես անի, մինչև չովորես, կան բաներ էլ, որ չես սովորի, մինչև չանես»): Ինձ թվում է, թե տասնամյակներ շարունակ մեր բանաստեղծությունը օրուկ-ված-ոտնակապված էր սույն առաջի առաջին մասով միայն. ա-նում էին այն, ինչ սովորել էին և, ընդհակառակը, բանի տեղ չէին դնում այն բաները, որ «չես սովորի, մինչև չանես»: Իսկ հի-մա, ըստ իս, մեր գրականությունը տանջվում է հիշյալ առաջի երկու մասերի միջև. Երիտասարդներից շատերն անում են բա-ներ, որ չեն սովորել (շատ ափսոս), իսկ ավագներից ոմանք ջանում են անել նորանոր բաներ, որպեսզի սովորեն (փառք աստծու) (V, 254):

10.Արձակ խոսքում ժողովրդական ասույթը հանդես է նաև գալիս որպես ամբողջացնող՝ ընդհանրացնող միջոց (Այսօրի-նակ բոլոր ոտանավորները կարելի է առնել մեկ ընդհանուր խորագրի տակ. «Ես տանձ ասեմ, դու գանձ հասկացիր»): Սա-կայն բանաստեղծը չի բավարարվում այդքանով: Նա նույն ա-ռաջի մասնատմամբ և նրա առանձին միավորների կիրառու-թյամբ էլ ավելի է շեշտում ու խորացնում առկա երևույթը. «Իսկ ես, սիրելի դ իմ, «գանձ» չեմ հասկանա, և քո «տանձը» ոչ միայն չի ծախվի, այլև իբրև դեղահատ էլ չի կլլվի, որովհետև այդ «տանձը» ստեղծված է ոչ թե ավշից ու արևից, այլ թղթից ու մեծամտության թանաքից» (V, 168):

11. Միևնույն առաջ-ասացվածքի գործածությունները, իհար-կե, տարբեր նպատակներով ու դրսենորումներով առկա են բա-նաստեղծի ոչ միայն չափածո, այլև արձակ խոսքում: Այստեղ ևս դրանք հանդես են գալիս թե՛ ամբողջական, թե՛ դարձվածա-յին կիրառությամբ: Այսպես, ժամանակի հետ քայլելու և ժամա-

²¹¹ Պաշտոնական ընդդիմախոսություն Սարգիս Հարությունյանի «Մանուկ Ա-բեղյան» դոկտորական ատենախոսության մասին (Սարգիս Հարությունյանի անձնական արխիվ):

նակից ետ չմնալու մտահոգությամբ գրված «Ղժվարը իրենից հասուն լինելու է» հոդվածում կիրառված *Ուղտի ականջումքնած առածը* և հեղինակային հարցադրումն ու ժողովրդական բառ ու բանով համեմված համեմատությունն էլ ավելի են խորացնում ու ընդգծում ասելիքի նպատակառությունը. «Իսկ ուղտի ականջում այսպես երանելի քնածներն ինչի՞ վրա են իրենց հույսը դնում... Պիտի ասեք՝ Ժամանակ, սպասիր վազեմ տատոնցս տուն, արիեստս սովորեմ ու գա՞մ...: Սա նման է նամանավանդ «ձիս կապեմ, գամ»-ասածին, որովհետև Ժամանակ կոչվածը սրիկա է հենց այն պատճառով, որ չի սպասում» (V, 342-343):

12. Մանրախնորությունը, ավելորդ զգուշավորությունը, անհիմն կասկածամտությունը «չոփը գերան սարքելու»՝ որոշ մարմինների միտվածության քննադատությունը **Պ.Սևակն իրագործում է հունական և հայկական առածների «հերոսների» միջոցով:** Հունական՝ *Այն, ինչ կարելի է Զևսին, չի կարելի Եգիս առածը համադրելով առկա իրավի-ճակին* («Լիտերատուրնայա գագետան» էլ Զևս չէ, այլ ընդամենը մի այնպիսի եզ է, որպիսին «Գրական թերթը»)՝ բանաստեղծը այս անգամ հայկական առածի արտահայտած գաղափարի ժխտմամբ եզրափակում է իր ասելիքը՝ *հերիք է եզը Վերցնել և տակը հորթ ման գալ:*

Ի տարբերություն չափածոյի՝ արձակ խոսքում առած-ասացվածքների բարբառային կիրառություններն զգալի քանակ են կազմում, իսկ դրանց մեջ, ինչ խոսք, քիչ չեն նաև օտար բառերի գործածությունները: Նման գործածությունները տեղ են գտել բանաստեղծի ինչպես ակնարկներում («Սերունդների Երթը» (1960թ.), «Երթ մրցում է ամբողջ Երկիրը» (1961թ.)), այնպես էլ հրապարակախոսական մի շարք հոդվածներում («Յա հասան քաչալ, յա քաչալ հասան» (V, 406), «Հիվանդությունը «խալվարով մտնում է, մսխալով դուրս գնում»)²¹²: Նման դեպքերում բանաստեղծը ասելիքը ընկալելի դարձնելու համար

²¹² **Պ.Սևակ,** Երթ մրցում է ամբողջ Երկիրը/ Մեր փարոսները/, Երևան, 1961:

«թարգմանում» է նաև հայկական առաջը՝ այսինքն՝ հեշտ տարածվում է, դժվարությամբ՝ բուժվում:

Այլ ժողովուրդների առաջ-ասացվածքների կիրառությունների գերակշռող մասը՝ 40-ից 37-ը, արձակ խոսքում մեջ է բերվում թարգմանաբար՝ հարկ եղած դեպքում զուգահեռ ներկայացնելով նաև դրանց հայերեն տարբերակը («Պատմական այն շրջաններն են դրանք, երբ տեր-տիրացուների ու դատող-աշխատողների փոխհարաբերությունը ռուսները բնորոշում են մի առաջով, որ հայերեն փոխադրելիս կստացվի՝ «մեկը՝ արորի խոփով, յոթը՝ գդալ-շերեփով», և որի դիմաց հայերս էլ ունենք՝ «քոնիրը՝ հով, վրան՝ բով. տասներկու հոգի՝ մի ստերջ կով»)՝²¹³:

Եթե առաջներն ու ասացվածքներն օգնում են բացահայտելու բանաստեղծին, ապա մյուս կողմից էլ բանաստեղծն է իր հերթին բացահայտում, պարզաբանում ժողովրդական իմաստախոսությունը: Այն Սևակի մոտ վերահմաստավորվում է և ստանում նոր երանգավորում, նոր որակ: Դակառակ դեպքում և ասույթը, և՝ բանաստեղծությունը կկորցնեին իրենց ազդեցիկությունն ու գրավչությունը և կդառնային կամ ժողովրդականի սոսկ կրկնություն, կամ «արիմիտիվ ֆոլկլորային մտածողությամբ» մի պարզունակ ստեղծագործություն:

Սևակն իրեն բառերի լվացարար է անվանում: Իսկական բանաստեղծը պետք է բառերի վրայի փոշին մաքրի, ազատի ժանգից և նախկին փայլը վերադարձնի: Բանաստեղծն իր դժգոհությունն է արտահայտում նրանց հասցեին, ովքեր ասելիքի պակասը թաքցնում էին բառեր չլինելու պատճառաբանության տակ: «...ինչպե՞ս թե բառեր չկան, ինչպե՞ս թե բառեր չեմ գտնում: Իսկ բանաստեղծի գործն ի՞նչ է: Բառեր միշտ կան, միայն գտնողներն են քիչ: Եվ այդ քչերն էլ կոչվում են բանաստեղծ: Բառեր կան և շատ կան: Բայց, դժբախտաբար, բառերի մի մասը քնած է (և ոչ երբեք մեռած), ուստի և հարություն տվող է պետք: Բառերի մյուս մասը պարզապես լրում է, ուստի և խո-

²¹³ Պ.Սևակ, Սայաթ-Նովա, Երևան, 1969, էջ 305:

սեցնող է պետք: Իսկ բառերի երևի գերակշիռ մասը պարզապես (շատ գործածվելուց և անհարկի գործածելուց) մաշված է անտանելի, ուստի և նրանց նախնական իմաստը վերականգնել ու փրկել է պետք...» (Վ, 400):

Եվ, ահա, գրական հայերենի և գեղարվեստական գրականության համար խորթացած այդ «քնած», «լոած» և «մաշված» բառերն ու բառակապակցությունները, որոնք բավական մեծ քանակ են կազմում ժողովրդի կենդանի խոսակցական լեզվում և նրա բանարվեստում, Սևակի ամենազոր գրչի տակ հարություն են առնում և վերակենդանացած ու վերահմաստավորված կրկին վերադառնում ժողովրդին:

Իսկ ինչո՞ւ Սևակին հոգեհարազատ է բանահյուսության հատկապես այս տեսակը: Ինչո՞ւ է բանաստեղծը հաճախակի դիմում ժողովրդական իմաստախոսություններին և որանց դարձվածային դրսեորումներին:

Սևակը լավ էր հասկանում՝ պոեզիան արձակ չէ, որը կարողանա ունենալ կյանքն իր մեջ ընդգրկելու վերջինիս լայն հնարավորությունները: Դարկավոր էր քիչ խոսքով շատ բան ասել, ասելիքը խտացնել փոքր կաղապարի մեջ այնպես, որ ստեղծագործությունը չկորցներ իր հմայքն ու երաժշտականությունը, չդառնար սոսկ գաղափար արտահայտող բառերի շղթա:

Չափածոյում նոր խոսք ասելու և իր ստեղծագործական դաշվանանքին հավատարիմ մնալու մղումից էլ Պ. Սևակը հայացքն ուղղում է դեպի ժողովրդի բանավոր ավանդները և, մասնավորապես, առաջներն ու ասացվածքները, որովհետև՝

ա) ժողովրդական ասույթները բանահյուսության ամենատարածված, ամենամասսայական ու կենսունակ տեսակներից են.

բ) Առած-ասացվածքները վիպական ժամրի այնպիսի ստեղծագործություններ են, որոնք մեկ-երկու նախադասությամբ, հաճախ նաև մի քանի բառով արտացոլում են կյանքի զանազան կողմերի ու երևույթների վերաբերյալ մարդկային պատկերացումները: Նրանք անմիջական պատասխան են տալիս ժողովրդին հուզող ամենատարբեր հարցերին, ուստի և գործածվում են ամեն առիթով.

գ) Առաջներն ու ասացվածքները կյանքի տարբեր երևույթների վերաբերյալ մարդկանց դարերի կենսափորձից ծնված և ընդհանրացնող ուժ ձեռք բերած պատկերավոր խտացված փիլիսոփայական արտահայտություններ են, որոնք ուղենիշ են եղել մարդու կյանքում, դաստիարակել նրան, օգնել ճանաչելու աշխարհը, շրջապատող իրերն ու երևույթները:

Առաջ-ասացվածքների թեմատիկ բազմազանությունը, սեղմ ձևով շատ բան ասելու կարողությունը, փիլիսոփայական խոր ընդհանրացումները հնարավորություն են տալիս բանաստեղծին ոչ միայն հեղինակային խոսքը դարձնել ավելի դիպուկ, պատկերավոր ու արտահայտիչ, այլև նպաստում են կյանքի երևույթների փիլիսոփայական ընկալմանն ու վերարտադրմանը, մեզ շրջապատող աշխարհն ու մարդուն բազմակողմանի ներկայացնելուն:

Ի դեպ, հուշագիրների վկայությամբ Պ.Սևակի բանավոր խոսքը ևս հագեցած է եղել ժողովրդական իմաստախոսություններով, իսկ «Հայկական առածանին»²¹⁴ մոսկովյան տարիներին նրա սեղանի գիրքն է եղել²¹⁵: 1961թ. Մոսկվայում Սևակը թարգմանել է նաև իսպանացի բանաստեղծ Անտոնիո Մաչադոյի առածներից և տաղիկներից:

Պ.Սևակի գրառումների շարքում մեծ քանակ են կազմում ոչ միայն հայ և աշխարհի մի շարք ժողովուրդների առաջ-ասացվածքները, այլ նաև մեծ մտածողների և արվեստագետների մտքի շողարձակումները՝ նրանց խտացված ու խորիմաստ փիլիսոփայական ընդհանրացումները:

Պ.Սևակը հաճախ չի թաքցնում իր համակրանքը ինչպես ժողովրդական իմաստնությունների («Վաղնջական ու սրբազն այն առածը, թե «Թանաքը արյունից թանկ չէ...» (V, 280), «Ամենքին տվել մինոք, առած, երգեր...» (VI, 109)), այնպես էլ հե-

²¹⁴ Ա.Ղանալամյան, Հայկական առածանի, Երևան, 1951:

²¹⁵ Մ.Արրահամյան-Թաթիկյան, Փառք և օրինություն հիշատակին քո, Երևան, 1993թ., էջ 15 (հուշերի գրքում հեղինակը «Հայկական առածանին» սխալ-մամբ գրել է «Հայկական առակներ և ասացվածքներ»—Ա.Ս.):

ղինակային սեղմասույթների (աֆորիզմների) հանդեպ (Լավ է ասել եքայուապերին. «Սիրել, չի նշանակում միմյանց նայել, սիրել, նշանակում նաև նայել միևնույն ուղղությամբ» (V, 263): Դայ մեծերի թևավոր ասույթների կիրառության ժամանակ կամ նշվում է հեղինակի անունը («Ոչ այլ ոքի, քան Չարենցին է պատկանում ինի մասին ասված առաջանման այն հոյակապ խոսքը, որ պարտավոր ենք անգիր իմանալ. «Դիմը հաճախ հանճարեղ անցքեր է ճարում») (V, 330), կամ հանրահայտության պատճառով չի նշվում (Ասենք, Մկ. Արմենի «Դեղնար աղբյուրի» հայտնի ասույթը՝ «Եվ ուզում եմ ճչալ. «Դըբա կյանքս ինչի՞ ընցավ» (VI, 421)):

Պ.Սևակը ընդգծված համակրանքով է խոսում նաև թե՛ հայ գրողների («Նրա [Պեշիկթաշլանի - Ա.Ս.] լավագույն բանաստեղծությունների բազմաթիվ տողեր ստացել են ոչ միայն առաջի ուժ, այլև կոչի զորություն» (V, 335)), թե՛ իր գոչակից ընկերների («Նա չի ընդլայնում, այլ կուտակում է: Այս հատկության շնորհիվ է, որ եմինի բանաստեղծությունների շատ տողեր նմանվում են թևավոր խոսքերի» (V, 217)), թե՛ գրականագետների աֆորիստիկ լեզվամտածողության մասին:

Գնահատելով Ս.Սարինյանի՝ առաջի խտության հասնող **դիպուկ ծևակերպումները** և **կուռ բանաձևումները**, որոնք ընդամենք մի քանի էջի վրա են սեղմված այնպես, ինչպես «սատանան շշի մեջ» (V, 306), բանաստեղծը մեջ է բերում դրանցից մի քանիսը («Մեր ժողովրդի պատմությունը դարձավ վեպ, մեր առաջին վեպը՝ ժողովրդի պատմություն» («Վերք Դայաստանի»-ի մասին), «Ոչ իդեալականը, որ իրական է, չափազանցվում է նույնքան, որքան իդեալականը, որ հակառակում է իրականությանը»):

Սևակի արձակ խոսքը ողողված է հայ և համաշխարհային մեծությունների սեղմասույթային շողարձակումներով:

Դեղինակային կարճասույթներից (աֆորիզմներից) օգտվելիս ևս Պ.Սևակը տարբեր հնարքներ է կիրառում: Մի դեպքում այն, իբրև ուղենիշ, հաստատում է բանաստեղծի ասելիքը (Միշտ էլ սրբազան երկյուղածությամբ արտաքերելով «ժողո-

վուրդ» բառը, այսուհանդերձ նույն ժողովրդին արդյունավետ ծառայելու նպատակադրվածությամբ, ըստ իս, մենք պիտի չմոռանանք նաև ահռելիության չափ պարտադիր այն խոսքը, որ պատկանում է Ստենդալին. «Չի կարելի քծնել ոչ ոքի, մինչև իսկ ժողովրդին»), մեկ այլ դեպքում («Սայաթ-Նովա» մենագրություն) հեղինակային սեղմասույթների օգնությամբ 200 տարվա հեռավորության վրա ապրած ճշմարիտ արվեստագետներն են իրար համեմատվում և հաղորդակցվում (Անգլիացի Բերնարդ Շոուն՝ աչքի առաջ ունենալով ճշմարիտ ու անխառն բանաստեղծներին՝ նկատում է, որ սրանք «բարձրածայն խոսում են իրենք իրենց հետ, իսկ աշխահն ականջ է դնում»):

Պ.Սևակը ասելիքը հաստատում է նաև հեղինակային և ժողովրդական իմաստախոսությունների համադրությամբ: Այսպես, «Մարդը ափի մեջ» ժողովածուի իրատարակությունից հետո անդրադառնալով «Անլոելի զանգակատում» պոեմով հիացած երկրպագուների հիասթափությանը՝ բանաստեղծը գրում է. «Ինչո՞ւ-ի պատասխանը ինձնից ավելի լավ կարող է տալ անգլիացի Մոեմը. «Դասարակությունը սիրում է նորը, բայց այն ժամանակ միայն, եթե նա հուզում է, բայց ոչ անհանգստացնում: Դասարակությունը սիրում է մտքեր այն պայմանով, որ դրանք զգեստավորված լինեն պատկերների մեջ, միայն թե այդ մտքերը այնպես լինեն, որպիսիք անցել են իր իսկ գլխով, բայց համարձակության պակասի պատճառով մնացել են չասված»: «Ինչո՞ւ»-ին կարող է պատասխանել նաև ժողովուրդն իր առաջով. «Մարդն իր չիմացած բանի թշնամին է»:²¹⁶

Բանաստեղծը հակադրվում է հեղինակային՝ օսկարուալդյան «Պոեզիան գեղեցիկ սուտ է» կարճասույթին՝ այն համարելով սխալ բնորոշում, իսկ սարոյանական «Ինչո՞ր տեղ ինչո՞ր բան սխալ է» ասույթը Պ.Սևակը ոչ միայն բնաբան է օգտագործում, այլև դարձնում է այն հենքը, որի վրա հյուսում է «Սխալ խոսք սխալի մասին» բանաստեղծությունը (II, 94):

²¹⁶ Պողանջ հիշատակի, Պ.Սևակ, Անցյալը ներկայացած, Երևան, 1991, էջ 277:

Գրողն, ուրեմն, ոչ միայն տարբեր հնարքներով, երբեմն էլ հղկելով, մշակելով, վերակենդանացնելով ու վերահմաստավորելով ժողովրդի ստեղծածը կրկին վերադարձնում է ժողովրդին, այլև ինքն է ստեղծում ժողովրդականին համահունչ պատկերավոր փիլիսոփայական խտացված արտահայտություններ՝ սեղմասույթներ (աֆորիզմներ): Եթե հեղինակային սեղմասույթները համընկնում են ժողովրդի մտածողությանը, աշխարհընբռնմանը և հոգեբանությանը, ապա դրանք, ընդհանրացնող ուժ ծեռք բերելով, մասնավորից վերածվելով համընդհանուրի, հետագայում դառնում են նրա բանավոր մշակույթի անբաժան մասը. «Պետք է նկատել, որ ժողովրդական առած կամ ասացվածք են դարձել գրականությունից եկող մեծ մասամբ այնպիսի ասույթներ կամ թևավոր արտայատություններ, որոնք իրենց նախնական ծագումով կամ պակաս չափով կապված են եղել բանավոր ստեղծագործական ավանդների հետ և բովանդակությամբ համահնչուն են եղել ժողովրդական աշխարհայցքին և հոգեբանությանը»²¹⁷:

Սեղմասույթային մտածողությամբ էր օժտված նաև Պ.Սևակը: Սևակը փիլիսոփա բանաստեղծ է, ժողովրդական ասույթների նման առաջին հայացքից պարզ, սակայն իրականում՝ բազմաշերտ ու իմաստալից:

Առաջային լեզվամտածողությունից «սերված» մարդու և աշխարհի, սիրո և բնության, հայրենիքի և հայրենասիրության, լեզվի և խոսքի, գրողի, բանաստեղծի ու գրականության, արվեստի և մշակույթի վերաբերյալ սեղմասույթներում առավել խորությամբ է դրսևորվում Պարույր Սևակի՝ փիլիսոփայական խոր ընդհանրացումներով հագեցած ասույթաբանական հզոր տաղանդը²¹⁸:

Սևակյան մտքի շողարձակումներն այնքան շատ են բանա-

²¹⁷ Արամ Ղանալամյան, Առաջանի, Երևան, 1960, էջ 11:

²¹⁸ Սևակյան արձակ և չափածո սեղմասույթները տեղ են գտել մեր կողմից՝ կազմած գրքում (Ինաստուն մտքերի աշխարհում. Պարույր Սևակ, կազմող՝ Արմեն Սարգսյան, Երևան, 2004):

տեղծի չափածո խոսքում, որ երբեմն դժվարանում ես տարանցատել ժողովրդի բանաստեղծին բանաստեղծ ժողովրդից: Նրա խորիմաստ բազմաթիվ թևավոր խոսքերը, փիլիսոփայական խտացված արտահայտություններն իրենց ներքին էությամբ ու արմատներով համահունչ են ժողովրդական լեզվամտածողությանն ու հոգեբանությանը.

*Օտարության մեջ ազատ լինելն էլ այլ գերություն է,
իսկ տան մեջ նույնիսկ գերի լինելը՝ այլ ազատություն:* (III, 321)

Սևակը սեղմասույթների օգնությամբ արվեստին, գրականությանը վերաբերող հարցեր է քննարկում.

Լավ է լինել հմուտ դարբին, քան ոսկերիչ: (I, 349)

Պատկերավոր ու դիպուկ թևավոր ասույթների միջոցով բանաստեղծը քննադատում է արվեստի համար բեռ դարձած մարդկանց՝ արվեստում «տնիկեսաներին».

Լավ է չունենալ կյանքում տուն ու տեղ,

Քան թե արվեստում լինել... տնիկեսա... (I, 480)

Շատ անգամ էլ արտաքուստ չկան ժողովրդականի տարրերը, բայց նման խտացված բանաձևումները ևս դարձել են թևավոր ասույթներ: Պատճառը առածային մտածողությանը մեծ արժեք տալն է.

Սպանությանը վաղեմիության ժամկետ չի կաշում,

ինչպես չի կաշում ներկը կրակին (III, 305):

Կարոտը մարդ չէ, որ բռնես ու մորթես... (III, 191):

Մայրը միշտ մայր է, որդիքն են տարբեր... (I, 360):

Ինչքան էլ ծանր է մանուկ թաղելը,

Մանուկ պահելը ծանր է ավելի... (II, 8):

Եթե ժողովրդական և հեղինակային ասույթների կիրառության ժամանակ առկա է համադրության, հակադրության, տարրալուծման, ժխտման, կառուցվածքային և այլ դրսենորումներ ու ինարքներ, ապա բուն սևակյան կարճասույթներում դրանք, ինչ խոսք, պետք է բացառվեին. բանաստեղծն ինքն է իր ասելիքի տեր ու տնօրենը, և ինքն իր ասածը ժխտել, համադրել ու կասկածի տակ առնել չեր կարող:

Գիտելիքների հզոր պաշարի և իմացական բարձր մակարդակի շնորհիվ ժողովրդական բանահյուսության տարատեսակները Պարույր Սևակի հոգու խառնարանում այնպես են միահյուսվում բանաստեղծական խոսքին, որ դրանք ծուլածո բառապատկերների շողշողուն շապիկով դուրս են հորդում և շրջապատը ողողում լույսի շողով ու անսահման բարությամբ:

«ճշմարիտ արվեստագետները, – գրում է բանաստեղծն իր գրախոսականներից մեկում, – չեն կարող նմանվել այն ձկների վտառին, որ հետևում են լողացող նավին: Դելֆինն էլ է ծուկ, բայց նա միշտ լողում է նավի առջևից: Արվեստագետը դելֆին պիտի լինի» (VI, 386-387):

Պ.Սևակն իր պոեզիայի անկրկնելի հմայքով, իր փիլիսոփայական խոր մտածողությամբ եղել և մնում է մեր արդի արվեստի, գրականության «դելֆիններից» մեկը:

ԱՄՓՈՓՈՒՄ

Գրականագիտական հոդվածներում և ուսումնասիրություններում ժողովրդական բանահյուսության վերաբերյալ արտահայտած իր տեսական հայացքները, որ բխում էին արդի գրականության և ընթերցողի պահանջներից, Պարույր Սևակը դարձրել է ստեղծագործական դաշտականք և գրական գործունեության շուրջ 30 տարիների ընթացքում հավատարիմ մնացել այդ սկզբունքներին ու դաշտականքին:

Ելնելով 20-րդ դարի երկրորդ կեսի ընթերցողի մտածողության մակարդակից և գրականության առաջադրած խնդիրներից՝ Պ. Սևակը գեղարվեստական գրականության մեջ, մասնավորապես չափածոյում, ժողովրդական բանահյուսությունից օգտվելու իր սկզբունքներն է առաջադրում և գործնականում առաջնորդվում դրանցով: Այսպես՝

1. Գրողը պետք է բանահյուսական «հումեֆ» նյութը ոչ թե ոճավորի, այլ վերաստեղծի ու վերահիմնաստավորի:

2. Բանահյուսական մշակումը պետք է դուրս գա վերաշրադրանքի և վերափոխության շրջանակներից:

3. Թեմայի ընտրությունը պայմանավորում է տվյալ ստեղծագործության ձևը:

4. Քանի որ արդի գրականությունը, մասնավորապես պոեզիան, զարգացած ընթերցողի պահանջներից բխող «կեսխոսքային» պոեզիա է, ապա բանաստեղծի համար նյութի օգտագործման աղբյուր կարող են դառնալ ժողովրդական բանարվեստի մասնակի կիրառությունները, դրանց դարձվածային դրսևրումներն ու բանաձևային խտացված պատկերավոր արտահայտությունները:

5. Նավատարիմ մնալով պոեզիան երկու մտերիմների գրուցի վերածելու և ասելիքը կեսխոսքայնությամբ վերարտադրելու իր իսկ առաջադրած սկզբունքին՝ Սևակը գտնում էր, որ անհրաժեշտ է խոսքը խտացնել ոչ միայն բանահյուսական ստեղծագործությունների մասնակի, դարձվածային կիրառու-

թյուններով ու բանաձևային պատկերավոր արտահայտություններով, այլև ժողովրդական և հեղինակային սեղմասույթներով:

6. Բանաստեղծի թե՝ չափածո, թե՝ արձակ խոսքում բանահյուսության տեսակներից գերակշռում է առած-ասացվածքը: Արդի գրականությունը չի հանդուրժում շատախոսությունն ու ավելորդաբանությունը (առավել ևս՝ չափածոյում), իսկ ժողովրդական իմաստախոսությունները աչքի են ընկնում իրենց պատկերավորությամբ, կուր կառուցվածքով և խորքայնությամբ: Դրանց ճիշտ, տեղին ու տարատեսակ կիրառությունները չեն հակասում Պ.Սևակի ստեղծագործական դավանանքին՝ ասելիքի «կեսխոսքայնությանը»:

7. Չափածո խոսքում բանահյուսության տեսակների գործածությունը շատ բանով կախված է լսարանին՝ դրանց ծանոթ լինելու հանգամանքից: Այդ բանը վերաբերում է հատկապես այլ ժողովուրդների բանարվեստի նմուշների կիրառությանը:

8. Պ.Սևակի ստեղծագործությունների համար նյութի օգտագործման աղբյուր են ծառայել ոչ միայն բանասացներից գրառած հայկական բանարվեստի նմուշները (բացառությամբ մեր պատմիչների գործածած բանահյուսական նյութերի), այլև թարգմանաբար (և, բնականաբար, գրական մշակման ճանապարհով) փոխանցվածը («Իլիական», «Ոդիսական», «Ռոստամ և Սոհրապ», աստվածաշնչյան ավանդապատումներ, առակներ և ասույթներ, «Դազար ու մի գիշեր», «Շուկե ծկնիկ» և այլն):

9. Բանահյուսական ստեղծագործությունների մշակումներ Սևակը չի կատարել, քանզի ուներ չափածո խոսքում դրանց կիրառության իր սկզբունքներն ու մոտեցումները: Բացառությունը, թերևս, մանկական բանաստեղծությունների փունջն է, որի լույս աշխարհ գալու հիմնական «մեղավորը» լսարանի տարիքային առանձնահատկությունն էր:

10. Վիպական բանահյուսության գերակշռող մասը (առապել, վիպական գրույց, հնագույն վեպ, էպոս, հեքիաթ, առակ, ավանդություն), ինչպես նաև քնարական բանահյուսությունը հանդես են գալիս կամ տվյալ տեսակին բնորոշ կառուցված-

քային առանձնահատկություններով, կամ դրանց կերպարային հատկանշական կողմերով, կամ մասնակի կիրառությամբ, կամ էլ առանձին պատկերային, մակոդիրային ու դարձվածային միավորի արժեք ծեռք բերած բառով ու բառակապակցությամբ: Ի դեպ, առասպելի, վիպասանքի և ժողովրդական վեպի կիրառությունները կատարվում են դրանց բնորոշ տարրերի օգտագործմամբ, առանց կառուցվածքային գծերի:

11. Բանահյուսության որոշ տեսակներ հանդես են գալիս թե՛ իրենց կառուցվածքային գծերով, թե՛ տվյալ տեսակին բնորոշ տարրերի կիրառմամբ (էպոս, հեքիաթ, երգ, առած-ասացվածք): Միայն տվյալ տեսակին հատուկ կառուցվածքով են հանդես գալիս հանելուկը, շուտասելուկը, աղոթքը, մասամբ նաև՝ ավանդությունը, օրինանքը, մաղթանքը և երդումը:

12. Բանահյուսական ստեղծագործությունների ամբողջական գործածությամբ (գրականացված, անփոփոխ կամ մասնակի փոփոխված կառուցվածքով) հանդես են գալիս միայն վիպական ժանրի կարճառու ստեղծագործությունները, մասնավորապես ժողովրդական խոսքի ամենակենսունակ ու մասսայականություն վայելող բանաձևային կառուցմերը՝ առած-ասացվածքները, երբեմն էլ՝ անեծք-օրինանքները:

13. **Պ.Սևակը** բանահյուսության տեսակների ժանրային, կառուցվածքային և բովանդակային որոշակի կիրառությամբ ստեղծել է ժողովրդականին համահունչ հեղինակային նմանատիպ հորինվածքներ (ավանդություն, հանելուկ, շուտասելուկ, սեղմասութ, մաղթանք-օրինանք):

14. Բանահյուսության տեսակների կիրառությունը ծառայում է իբրև գեղարվեստական երկի կառուցվածքային տարրերը բնորոշող և ձևավորող միջոց («Անլոելի զանագակատուն» պոեմի դողանջները):

15. Եթե **Պ.Սևակի** արձակ խոսքում ժողովրդական լեզվարտահայտչամիջոցներն ու ազգագրական և բանահյուսական նյութերի տարակերպ դրսերումները առավելապես ազդակներ, խթանիչներ են՝ ասելիքը տեղ հասցնելու համար (այդ

երևույթն ակնառու է մասնավորապես այլ ժողովուրդների բանարվեստից արված մեջբերումներում), ապա չափածոյում այդ կիրառությունները վերջին շրջանի գործերում արդեն դարձել են մտածողություն, բանաստեղծական կերպարի բացահայտման լիարժեք միջոցներ և այնպես են ծուլված չափածո խոսքին, որ մասնագիտական սրատես աչքն անգամ երեմն դժվարանում է տարանջատել դրանք:

16. Պ.Սևակի գրական գործունեության առաջին փուլում բանահյուսության տեսակների և ժողովրդական լեզվամտածողության տարաբնույթ հնարքների կիրառության վերելքը համընկնում է բանաստեղծի ստեղծագործական հասունացման գործընթացի հետ:

17. Ստեղծագործական գործունեության երկրորդ փուլում դրանց կիրառության վայրընթացը ևս պայմանավորվում է Սևակի ստեղծագործական հասունացմամբ, ինչը բխում էր նաև նրա դավանանքից. ժողովրդական բանարվեստի տարատեսակների կիրառությունների անմիջական՝ ուժեղ ազդեցության դրսերումներին (երբ առկա են բանահյուսության բացահայտ գործածությունները) փոխարինում են միջնորդավորված դըրսերումները: Այսպես, վերջին շրջանի գործերում առած-ասացվածքների կիրառություններին փոխարինում են սևակյան սեղմասութային մտածողության առկայությունները՝ հեղինակային ասույթները (աֆորիզմները), որոնք արգասիք են բանաստեղծի առածային մտածողության:

Թումանյանին գրած իր նամակներից մեկում Լեռն հարցնում է, թե ովքե՞ր են ավելի շատ ազդել նրա վրա, և հատկապես ո՞ր գործերի վրա է նկատվում այդ ազդեցությունը, Թումանյանը նշում է Լեռմոնտովի, Պուշկինի, Բայրոնի, Գյոթեի և Շեքսպիրի անունները և այնուհետև՝ ավելացնում. «Ես որ ասում եմ՝ ազդված եմ... այդ ազդեցությունները ես ոչ թե իմ գործերի տողերի մեջ եմ նկատում, այլ որովհետև զգում եմ իմ հոգու, իմ բարոյական ամբողջության վրա...»:²¹⁹

²¹⁹ Դովի. Թումանյան, Երկերի ժողովածու, Երևան, 1969, հ. 4, էջ 366:

Պ.Սևակը և իր մեջ ամբարել էր հայ և համաշխարհային մեծությունների գրական ողջ ժառանգությունը, ուրեմն նաև նրանց ստեղծագործություններում տարբեր ձևերով արտացոլված ժողովրդական բանարվեստը:

Պ.Սևակի լեզվամտածողության և ժողովրդական բանավոր ավանդության հետ սերտ կապի մասին հստակ պատկերացում տվող 15 աղյուսակները վերահաստատում են այդ և ցրում այն թյուր կարծիքը, թե իբր Սևակը մերժում էր բանահյուսական նյութի օգտագործումն առհասարակ:

Բանաստեղծը դեմ էր ոչ թե բանահյուսական նյութն օգտագործելու երևույթին, այլ դրանից օգտվելու ավանդական՝ «նկարագրական-պատմողական» եղանակին՝ այն համարելով ժամանակավրեափ:

Գրողի մեծությունը և նրա ստեղծագործությունների հարատեսությունը ոչ թե ավանդականին, այլ իր ժողովրդի դարավոր ավանդներին հավատարիմ մնալով է պայմանավորված: Նա չպետք է դառնա ավանդականի հավատարմատարն ու գերին, այլ տեր ու տիրակալը, «մեծագույն ավանդախախտը»:

Դայ և համաշխարհային բանահյուսության նմուշների սևակյան տարատեսակ կիրառություններն ու օգտագործման ինքնատիպ հնարանքները ոչ միայն նորություն էին մեր գրականության մեջ, այլև թարմ շունչ, բազմերանգություն ու բազմաձայնություն էին բերում բանաստեղծական խոսքին ընդհանրապես:


Պ.Սևակի բանագիտական հայացքների և նրա ստեղծագործությունների՝ հայ և աշխարհի մի շարք ժողովուրդների բանահյուսության հետ ունեցած աղերսների բացահայտմանը նվիրված սույն ուսումնասիրությունը՝ բանաստեղծի գրական ողջ ժառանգության, նրա մասին հրատարակված նյութերի, բանավոր ու գրավոր հուշագրությունների համադրմամբ, հաստատում է այն պարզ ճշմարտությունը, որ ծառի ամրությունը նրա արմատների խորության մեջ է, արվեստագետի, գրողի մեծությունը՝ ժողովրդական ավանդների հետ ունեցած նրա սերտ առնչության մեջ:

Այստեղ միանգամայն տեղին է հիշատակել Եղիշե Չարենցի՝ հմուտ և հանճարեղ լոռեցու մասին գրած տողերը.

Նա մեծ էր հողով, արյունով,

Արմատներ ուներ նա հողում... ²²⁰

Պարույր Սևակը շարունակեց իր գրական մեծ նախորդների ավանդույթները, գնաց դեպի ժողովուրդը և արմատներ ձգելով նրա մեջ՝ դարձավ մեր գրականության հաստաբուն կաղնիներից մեկը:



²²⁰ Ե. Չարենց, Յայ դասականների գրադարան, Երևան, 1983, էջ 535:

ՀԱՎԵԼՎԱԾ

Ստորև բերվող 15 առյուսակներում ըստ տարեթվերի և տողաքանակի ներկայացվել է Պ.Սևակի չափածո և արձակ ստեղծագործություններում ազգագրական, բանահյուսական և ժողովրդական լեզվամտածողության տարատեսակ դրսերում-ների քանակական պատկերը:

Դայ և աշխարհի մի շարք ժողովուրդների բանահյուսության շուրջ 20 տեսակների գործածության առյուսակները ցույց են տալիս, որ բանաստեղծը չի սահմանափակվել սոսկ ազգային արժեքների կիրառության շրջանակներում:

Քանի որ առած-ասացվածքը Սևակի չափածո և արձակ խոսքում բանահյուսության գերակշռող տեսակն է, առանձին տրվել է նաև դրանց օգտագործման պատկերն ըստ տարիների, ինչը հնարավորություն է ընձեռել առավել խորությամբ բացահայտել Սևակի սեղմասույթային (աֆորիստիկ) մտածողության ակունք-ները:

Ներկայացվող առյուսակներում ամենևին չբացառելով մասնակի վրիպումներն ու բացթողումները՝ առկա տվյալներն, ինչ խոսք, հստակ պատկերացում կարող են տալ ոչ միայն Պարույր Սևակ բանաստեղծի նախասիրությունների և լեզվամտածողության վերաբերյալ, այլև ժողովրդական ավանդների ու բանահյուսության հետ նրա ստեղծագործությունների ունեցած սերտ աղերսների մասին:

ԱՐՅՈՒՍԱԿՆԵՐ

Պ.Մեակի ստեղծագործություններում բանահյուսական և ազգագրական նյութերի, ժողովրդական մտածողության զանազան դրսերումների ու ժողովրդական դարձվածների օգտագործման քանակական պատկերն ըստ տարեթվերի և տողաքանակի²²¹

Աղյուսակ 1

Միվայրական թիվ	Տարեթիվը	Ընդհանուր տողաքանակը	Բանահյուսական և ազգագրական նյութերի ու ժողովրդական մտածողության տարբեր դրսերումները	Ժողովրդական դարձվածները
1.	1941թ.	1265 ²²²	98	7
2.	1942թ.	2777	121	13
3.	1943թ.	8	2	1
4.	1944թ.	0	0	0
5.	1945թ.	2410	34	4
6.	1946թ.	480	28	19
7.	1947թ.	986	65	8
8.	1948թ.	437	17	2
9.	1949թ.	857	46	8
10.	1950թ.	614	28	4
11.	1951թ.	291	9	5
12.	1952թ.	4209	358	127
13.	1953թ.	1619	201	75
14.	1954թ.	48	16	7
15.	1955թ.	1148	120	29
16.	1956թ.	697	153	59
17.	1957թ.	3124	472	63
18.	1958թ.	8239	1119	352

²²¹ Քանակական վերլուծության համար մի քանի տարիների ընթացքում գրած գործերի վերջին տարեթիվն է նշվել: Դաշվարկների ժամանակ հնարավոր են մասնակի վրիպումներ ու բացքողումներ լինեն, որոնք, սակայն, եապես չեն կարող ազդել վերլուծությունից բխող եզրահանգումների վրա:

²²² Հ.Դավթյանի հետ գրած «Արամ Ղանալանյանի «Աբովյանը և ժողովրդական բանահյուսությունը» գրքի գրախոսականը (12.06.1941, «Սովետական դպրոց») և համահեղինակային հրապարակախոսական մի քանի հոդվածներ հաշվարկների մեջ չեն ընդգրկվել:

Այլուսակ 1
շարունակություն

Հերուրական թիվը	Տարեթիվը	Ընդհանուր տողաքանակը	Բանահյուսական և ազգագրական նյութերի ու ժողովրդական մտածողության տարբեր դրսնորումները	Ժողովրդական դարձվածները
19.	1959թ.	3617	306	55
20.	1960թ.	2024	171	41
21.	1961թ.	6208	317	69
22.	1962թ. ²²³	3273	336	33
23.	1963թ.	2570	250	26
24.	1964թ.	4001	415	44
25.	1965թ.	5296	478	76
26.	1966թ.	1370	81	12
27.	1967թ.	17566	629	264
28.	1968թ.	126	5	0
29.	1969թ.	2072	92	47
30.	1970թ.	990	33	1
31.	1971թ.	260 ²²⁴	5	7
Ընդամենը՝				
30 տարում՝		78582	6005	1458

²²³ «Գրական թերթի» թիվ 48-ում իրապարակված «Դու ո՞րն ես ընտրում» բանաստեղծության թվականը [1962] պայմանական է:

²²⁴ Պ.Սևակի անձնական արխիվից օգտվելու հնարավորություն, ցավոք, չունեցանք: Մեր ձեռքի տակ եղած բանաստեղծի միակ ձեռագիր նյութը՝ Սարգիս Նարությունյանի «Մանուկ Աբեղյան» դոկտորական ատենախոսության նախնական կարծիքը և ընդունակությունն է:

Չափածոյում և արձակ խոսքում²²⁵ քանահյուսական և ազգագրական նյութերի, ժողովրդական մտածողության զանազան դրսենորումների ու ժողովրդական դարձվածների օգտագործման քանակական պատկերն ըստ տարեթվերի և տողաբանակի

Աղյուսակ 2

Տարեթվական	Տարածություն	Համարական մակարդակ							
1.	1941թ.	1265	1265	0	98	98	0	7	7 0
2.	1942թ.	2777	2182	595	121	107	14	13	10 3
3.	1943թ.	8	8	0	2	2	0	1	1 0
4.	1944թ.	0	0	0	0	0	0	0	0 0
5.	1945թ.	2410	34	2376	34	0	34	4	0 4
6.	1946թ.	480	480	0	28	28	0	19	19 0
7.	1947թ.	986	986	0	65	65	0	8	8 0
8.	1948թ.	437	347	90	17	17	0	2	2 0
9.	1949թ.	857	217	640	46	31	15	8	6 2
10.	1950թ.	614	424	190	28	28	0	4	4 0
11.	1951թ.	291	291	0	9	9	0	5	5 0
12.	1952թ.	4209	4209	0	358	358	0	127	127 0
13.	1953թ.	1619	1619	0	201	201	0	75	75 0
14.	1954թ.	48	48	0	16	16	0	7	7 0
15.	1955թ.	1148	478	670	120	106	14	29	27 2

²²⁵ Արձակում կամ արձակ խոսք հասկացության տակ ընդգրկել ենք Պ.Սևակի միայն հրատարակված ակնարկները, գրաքննադատական ու հրապարակախոսական հոդվածները, գիտական ուսումնասիրությունները, գրախոսությունները, նամակները և հարցազրույցները: Արձակ ստեղծագործությունների տողաքանակի հաշվումները կատարվել են 40000 նիշը 1 հրատարակչական մամուլ մոտավոր հաշվարկով:

Աղյուսակ 2
շարունակություն

Նկարական թիվ	Մարդաբանութեան պահանջման մակարդակը	Ընդունակութեան պահանջման մակարդակը	Տարբերակած պահանջման մակարդակը	Համաձայն պահանջման մակարդակը	Տարբերակած պահանջման մակարդակը					
16.	1958թ.	8239	8239	0	1119	1119	0	352	352	0
17.	1959թ.	3617	3062	555	306	285	21	55	51	4
18.	1960թ.	2024	384	1640	171	79	92	41	8	33
19.	1961թ.	6208	2398	3810	317	152	165	69	22	47
20.	1962թ.	3273	1923	1350	336	285	51	33	27	6
21.	1963թ.	2570	1104	1466	250	196	54	26	14	12
22.	1964թ.	4001	2556	1445	415	286	129	44	41	3
23.	1965թ.	5296	3836	1460	478	417	61	76	71	5
24.	1966թ.	1370	0	1370	81	0	81	12	0	12
25.	1967թ.	17566	746	16820	629	95	534	264	12	252
26.	1968թ.	126	16	110	5	1	4	0	0	0
27.	1969թ.	2072	502	1570	92	45	47	47	40	7
28.	1970թ.	990	0	990	33	0	33	1	0	1
29.	1971թ.	260	0	260	5	0	5	7	0	7

Ընդամենը՝

30 տարում	78582	40820	37762	6005	4639	1366	1458	1056	402
-----------	-------	-------	-------	------	------	------	------	------	-----

Չափածոյում բանահյուսական և ազգագրական նյութերի, ժողովրդական մտածողության տարատեսակ դրսենորումների, ժողովրդական դարձվածների ու առած-ասացվածքների²²⁶ օգտագործման քանակական պատկերն ըստ տարեթվերի և բանատողերի

Աղյուսակ 3

Աղյուսական թիվ	Տարեթվեր	Կանատողներ քանակը	Ժողովրդական դարձվածներ	Առած- ասացվածքներ	Բանահյուսական և ազգագրական նյութերի ու ժողովրդական մտածողության տարբեր դրսենորումներ
1.	1941թ.	1265	7	1	98
2.	1942թ.	2182	10	1	107
3.	1943թ.	8	1	0	2
4.	1944թ.	0	0	0	0
5.	1945թ.	34	0	0	0
6.	1946թ.	480	19 (18-ը՝ «Սիրո ճանապարհում»)	1	28
7.	1947թ.	986	8	0	65
8.	1948թ.	347	2	0	17
9.	1949թ.	217	6	1	31
10.	1950թ.	424	4	2	28
11.	1951թ.	291	5	0	9
12.	1952թ.	4209	127 (120-ը՝ «Անհաշտ մտերմու- թյունում»)	16 (Բոլորն էլ՝ «Անհաշտ մտերմությու- նում»)	358
13.	1953թ.	1619	75	5	201
14.	1954թ.	48	7	3	16
15.	1955թ.	478	27	6	105
16.	1956թ.	697	59	79 (72-ը՝ ությակներում)	153
17.	1957թ.	2769	61	34	460
18.	1958թ.	8239	352 (350-ը՝ «Անլոելիում»)	47(42-ը՝ «Անլոելիում»)	1119
19.	1959թ.	3062	51	20	285

²²⁶ Չնայած Պ.Սևակի չափածոյում բազմաթիվ առած-ասացվածքներ դարձվածային կառուցվածքով են օգտագործված, նպատակահարմար գտանք դրանք առանձին ներկայացնել:

Առյուսակ 3
շարունակություն

Նիվական թիվ	Տարեքիլ	Բանատութեական նակարագիր	Ժողովրդական դարձվածներ	Առաջացվածք ներ	Բանահյուսական և ազգագրական նյութերի ու ժողովրդական մտածողության տարբեր դրսերումներ
20.	1960թ.	384	8	2	94
21.	1961թ.	2398	22	18	152
22.	1962թ.	1923	27	18	285
23.	1963թ.	1104	14	17	196
24.	1964թ.	2556	41	28	286
25.	1965թ.	3836	71	25	417
26.	1966թ.	0	0	0	0
27.	1967թ.	746	12	3	95
28.	1968թ.	16	0	0	1
29.	1969թ.	502	40 (Բոլորը՝ «Զերծանոթներում»)	2	42
30.	1970թ.	0	0	0	0
31.	1971թ.	0	0	0	0
Ընդամենը					
30	4082	0	1056	329	4635
տարում՝					

Արծակ խոսքում բանահյուսական, ազգագրական և ժողովրդական մտածողության տարատեսակ դրսենորումների ու ժողովրդական դարձվածների օգտագործման քանակական պատկերն ըստ տարեթվերի և տողաքանակի

Աղյուսակ 4

Տեղական դրույթ	Տարեթվ	Տողերի քանակը	Բանահյուսական և ազգագրական նյութերի ու ժողովրդական մտածողության տարբեր դրսենորումներ	Ժողովրդական դարձվածներ
1.	1941թ.	0	0	0
2.	1942թ.	595	14	3
3.	1943թ.	0	0	0
4.	1944թ.	0	0	0
5.	1945թ.	2376	34	4
6.	1946թ.	0	0	0
7.	1947թ.	0	0	0
8.	1948թ.	90	0	0
9.	1949թ.	640	15	2
10.	1950թ.	190	0	0
11.	1951թ.	0	0	0
12.	1952թ.	0	0	0
13.	1953թ.	0	0	0
14.	1954թ.	0	0	0
15.	1955թ.	670	14	2
16.	1956թ.	0	0	0
17.	1957թ.	355	12	2
18.	1958թ.	0	0	0
19.	1959թ.	555	21	4
20.	1960թ.	1640	92 (14-ը՝ ակնարկներում)	33 (21-ը՝ ակնարկներում)
21.	1961թ.	3810	165 (30-ը՝ ակնարկներում)	47 (9-ը՝ ակնարկներում)
22.	1962թ.	1350	51	6
23.	1963թ.	1466	54	12
24.	1964թ.	1445	129	3
25.	1965թ.	1460	61	5
26.	1966թ.	1370	81	12

Աղյուսակ 4
շարունակություն

Հեղութական պելու	Տարեքիվ	Տողերի քանակը	Բանահյուսական և ազգագրական նյութերի ու ժողովրդական մտածողության տարբեր դրսերումներ	Ժողովրդական դարձվածներ
27.	1967թ.	16820 (16000-ը՝ «Սայաթ- Նովայում»)	534 (500-ը՝ «Սայաթ- Նովայում»)	252 (250-ը՝ «Սայաթ- Նովայում»)
28.	1968թ.	110	4	0
29.	1969թ.	1570	47	7
30.	1970թ.	990	33	1
31.	1971թ.	260	5	7
Ընդամենը՝				
30 տարում		37560	1367	409

Չափածոյում և արձակ խոսքում բանահյուսության
տեսակների գործածության քանակական պատկերը

Աղյուսակ 5

Ծեսակը Թիվը	Տեսակը	Գործածության ընդհանուր քանակը	Չափածոյում	Արձակ խոսքում
1.	Առած- ասացվածք	497	329	168
2.	Ավանդություն	185	141	44
3.	Քնարական երգ	87	80	7
4.	Աղոթք	70	70	0
5.	Մաղթանք	68	65	3
6.	Առասպել	59	36	23
7.	Հեքիաթ	57	46	11
8.	Էպոս	46	30	16
9.	Օրինանք	33	26	7
10.	Անեծք	26	25	1
11.	Վիպասանք	25	20	5
12.	Հանելուկ	23	23	0
13.	Առակ	15	2	13
14.	Երդում	9	8	1
15.	Հայիոյանք	7	7	0
16.	Զվարճապատում	6	3	3
17.	Միջնադարյան վեպ	5	5	0
18.	Շուտասելուկ	4	4	0
19.	Միրավեպ	3	0	3
20.	Պատմական վիպերգ	1	1	0
Ընդամենը՝				
20 տեսակ	1226	921	305	

Չափածոյում բանահյուսության տեսակների գործածության
քանակական պատկերը

Աղյուսակ 6

Հերթական թիվը	Տեսակը	Գործածության քանակը
1.	Առած-ասացվածք	329(42-ը՝ «Անլրելի զանգակատունում», 16-ը՝ «Անհաշտ մտերմությունում», 72-ը՝ ութնյակներում)
2.	Ավանդություն	141
3.	Քնարական երգ	80(60-ը՝ «Անլրելի զանգակատունում»)
4.	Աղոթք	70
5.	Մաղթանք	65
6.	Առասպել	36
7.	Հեքիաթ	46
8.	Էպոս	30
9.	Օրինանք	26
10.	Անեծք	25
11.	Վիպասանք	20
12.	Հանելուկ	23
13.	Երդում	8
14.	Հայիոյանք	7
15.	Միջնադարյան վեա	5
16.	Շուտասելուկ	4
17.	Անեկդոտ - զվարճապատում	3
18.	Առակ	2
19.	Պատմական վիպերգ	1
19 տեսակ		Ընդամենը՝ 921 գործածություն

Արձակ խոսքում բանահյուսության տեսակների գործածության
բանակական պատկերը

Աղյուսակ 7

Հերթական թիվ	Տեսակը	Գործածության քանակը
1.	Առաջ-ասացվածք	168
2.	Ավանդություն	44
3.	Առասպել	23
4.	Քնարական երգ	7
5.	Եպոս	16
6.	Դեքիաք	11
7.	Առակ	13
8.	Օրինանք	7
9.	Վիպասանք	5
10.	Սիրավեալ	3
11.	Անեկդոտ - զվարճապատում	3
12.	Մաղթանք	3
13.	Երդում	1
14.	Անեծք	1
Ընդամենը՝ 14 տեսակ		305

Չափածո և արձակ խոսքում իայ և աշխարհի մի շարք ժողովուրդների բանահյուսության տեսակների
գործածության քանակական պատկերը

Թիվ օրենսդրություն	Հայական գործածություն	Հայական գործածություն										Տարեց ամառաւուն	Տարեց ամառաւուն						
		Հայական	Հայական	Հայական	Հայական	Հայական	Հայական	Հայական	Հայական	Հայական	Հայական								
1.	Յակական	786	188	20	5	23	5	5	-	25	7	1	-	41	7	17	7	-	1
2.	Յրական	125	37	-	-	-	-	-	-	-	-	-	-	-	110	25	2	4	
3.	Կոմական	22	33	14	10	-	-	-	-	4	7	-	-	-	4	6	-	-	
4.	Ուսական	1	14	-	-	-	-	-	-	-	-	-	-	1	2	-	1	-	2
5.	Քոչական-հաստիւն	2	8	1	-	-	-	-	-	-	-	-	-	1	1	-	-	-	
6.	Ալական	1	5	-	-	-	-	-	-	-	-	-	-	1	1	-	1	-	
7.	Շիական	-	8	-	-	-	-	-	-	-	-	-	-	-	-	-	-	0	
8.	Պարկական	-	0	-	-	-	-	-	-	-	2	-	-	-	-	-	-	1	
9.	Սեզական	-	3	-	-	-	-	-	-	-	-	-	-	-	-	-	-	-	
10.	Ցուրքական-առևտյան	-	3	-	-	-	-	-	-	-	-	-	-	-	-	-	-	1	
11.	Նրանիսկան	-	2	-	-	-	-	-	-	-	-	-	-	-	-	-	-	-	
12.	Ռանիսկան	2	-	-	-	-	-	-	-	-	-	-	-	-	2	-	-	-	
13.	Ազյական	1	1	-	-	-	-	-	-	-	-	-	-	-	1	1	-	-	
14.	Գերմանական	1	-	-	-	-	-	-	-	-	1	-	-	-	-	-	-	-	
15.	Ասուաքարեկան	1	-	1	-	-	-	-	-	-	-	-	-	-	-	-	-	-	
16.	Եվրոպական	-	1	-	-	-	-	-	-	-	-	-	-	-	-	-	-	1	
17.	Ցուրքական	-	1	-	-	-	-	-	-	-	-	-	-	-	-	-	-	-	
Ընդամենը	821	336	38	23	20	5	5	-	30	10	1	-	46	11	141	44	2	15	
	1220	59	25	5	40	1	57		105		1							15	

כטבנש

8

15

10

6

3

2

1

1

עיפוי

ריגולו

ריגולו

8

8

15

10

6

3

2

6

ארכיאולוגית

ריגולו

-

8

7

-

-

-

-

-

-

-

סבומנום

ריגולו

-

-

-

-

-

-

-

-

-

-

תונת

ריגולו

86

3

7

-

-

-

-

-

-

טראנס

ריגולו

-

-

-

-

-

-

-

-

-

סינט

ריגולו

8

1

-

-

-

-

-

-

-

טונת

ריגולו

25

1

-

-

-

-

-

-

-

טונת

ריגולו

131

1

-

-

-

-

-

-

-

טונת

ריגולו

326

-

-

-

-

-

-

-

-

טונת

ריגולו

4

-

-

-

-

-

-

-

-

טונת

ריגולו

-

-

-

-

-

-

-

-

-

טונת

ריגולו

23

-

-

-

-

-

-

-

-

טונת

ריגולו

3

3

-

-

-

-

-

-

-

טונת

ריגולו

70

-

-

-

-

-

-

-

-

70	.	3	3	23	.	4	.	329	168	25	1	26	7	8	1	06	3	7	-	80	7	.	3	122
70		0		23		4		497		26		33		9		08		7		07		3		6

Այլ ժողովուրդների բանահյուսության տեսակների
գործածության քանակական պատկերը

Աղյուսակ 9

Հերթական թիվ	Ժողովուրդը	Գործածու- թյան ընդունում անական	Չափածոյում	Արձակում
1.	Հրեական- աստվածաշնչյա ն	162	125 (119ավանդ.+ +4առած+2առակ)	37 (25ավանդ.+ +4առակ+8առած)
2.	Հունական	55	22 (14առասպել+ +4էպոս+4ավանդ.)	33 (18առասպել+ +7էպոս+ 6ավանդ.+2առած)
3.	Ուրսական	15	1 (հեքիաթ)	14 (9առած+ +2հեքիաթ+2առակ+ +1ավանդ.)
4.	Հռոմեական- իտալական	10	2 (1առասպել+ +1ավանդ.)	8 (7առած+1ավանդ.)
5.	Արաբական	6	1 (հեքիաթ)	5 (3առած+1ավանդ.+ 2 հեքիաթ)
6.	Զինական	6	0	6 (նույն առասպել- առակի 6 գործածություն) ²²⁷
7.	Պարսկական	3	0	3 (2էպոս+1ավանդ.)
8.	Լեզգիական	3	0	3 (առած)
9.	Թուրքական- արևելյան	3	0	3 (2առած+1ավանդ.)
10.	Ֆրանսիական	2	0	2 (առած)
11.	Ղանիական	2	2 (հեքիաթ)	0
12.	Անգլիական	2	1 (հեքիաթ)	1 (հեքիաթ)
13.	Ասուրաբարե- լական	1	1 (առասպել)	0
14.	Եգիպտական	1	0	1 (ավանդություն)
15.	Թուրքմենական	1	0	1 (առած)
16.	Գերմանական	1	1(էպոս)	0
Ընդամենը՝				
16 ժողովուրդներ	273	156		117

²²⁷ «Հանուն և ընդուն «ռեալիզմի նախահիմքերի» հողվածում չինական պատումը ներկայացված է մերը որպես դառսական առասպել, մերը առակ, մերը առասպել-առակ:

Զափածոյում այլ ժողովուրդների բանահյուսության
տեսակների օգտագործման քանակական պատկերը
Այլուսակ 10

Հեռական թիվ	Ժողովուրդը	Օգտագործված բանահյուսական նյութերի քանակը և տեսակը
1.	Դրեական-աստվածաշնչյան	125(119ավանդ.+4առած-ասացվածք+2առակ)
2.	Դունական	22(14առասպել+4էպոս+4ավանդ.)
3.	Դռոմեական-իտալական	2(1առասպել+1ավանդ.)
4.	Դանիական	2(հեքիաթ)
5.	Ասուրաբաբելական	1(առասպել)
6.	Ռուսական	1(հեքիաթ)
7.	Արաբական	1(հեքիաթ)
8.	Անգլիական	1(հեքիաթ)
9.	Գերմանական	1(էպոս)

9 ժողովուրդների բանահյուսության 6 տեսակ է գործածվել՝

1. Ավանդություն 124
2. Առասպել 16
3. Հեքիաթ 5
4. Էպոս 5
5. Առած-ասացվածք 4
6. Առակ 2

Ընդամենը՝ 156 գործածություն

Արձակ խոսքում այլ ժողովուրդների բանահյուսության
տեսակների օգտագործման քանակական պատկերը
Այսուսակ 11

Տեղական թիվը	Ժողովուրդը	Օգտագործված բանահյուսական նյութերի քանակը և տեսակը
1.	Հրեական- աստվածաշնչյան	37 (25ավանդություն+4առակ+8առած- ասացվածք)
2.	Հունական	33(18առասպել+7էպոս+6ավանդություն+2առած- ք)
3.	Ռուսական	14 (9առած +2հեքիաթ+2առակ+1ավանդություն)
4.	Հռոմեական- իտալական	8 (7առած-ասացվածք+1ավանդություն)
5.	Արաբական	5 (3առած +1հեքիաթ +1ավանդություն)
6.	Չինական	6 (նույն առասպել-առակի գործածություն)
7.	Պարսկական	3 (2էպոս+1ավանդություն)
8.	Լեզգիական	3(առած-ասացվածք)
9.	Թուրքական- արևելյան	3 (2առած+1ավանդություն)
10.	Ֆրանսիական	2 (առած)
11.	Անգլիական	1 (հեքիաթ)
12.	Եգիպտական	1 (ավանդություն)
13.	Թուրքմենական	1 (առած)

13 ժողովուրդների բանահյուսության 6 տեսակ է գործածվել՝

- Ավանդություն 37
- Առած-ասացվածք 37
- Առասպել 18
- Էպոս 9
- Հեքիաթ 4
- Առակ 4

Ընդամենը՝ 117 գործածություն

Չափածու և արձակ ստեղծագործություններում իայ
ժողովրդական բանահյուսության տեսակների գործածության
բանակական պատկերը

Աղյուսակ 12

Հերթական թիվ	Տեսակը	Ընդամենը	Չափածոյում	Արձակ խոսքում
1.	Առաջ- ասացվածք	456	325	131
2.	Քնարական երգ	87	80	7
3.	Աղոթք	70	70	0
4.	Մաղթանք	68	65	3
5.	Դերիաք	48	41	7
6.	Օրինանք	33	26	7
7.	Եպոս	32	25	7
8.	Անեծք	26	25	1
9.	Առասպել	25	20	5
10.	Վիպասանք	25	20	5
11.	Ավանդություն	24	17	7
12.	Դամելուկ	23	23	0
13.	Երդում	9	8	1
14.	Դայիոյանք	7	7	0
15.	Անեկդոտ- զվարճապատում	6	3	3
16.	Միջնադարյան վեպ	5	5	0
17.	Շուտասելուկ	4	4	0
18.	Միրավեպ	3	0	3
19.	Պատմական վիպերգ	1	1	0
20.	Առակ	1	0	1
Ընդամենը՝				
20 տեսակ	953	765	188	

Չափածոյում առած-ասացվածքների գործածության
քանակական պատկերն ըստ տարեթվերի և քանատողերի
Աղյուսակ 13

Դեր՝ թվական	Տարեթիվը	Բանատողերի քանակը	Գործածության քանակը
1.	1941թ.	1265	1
2.	1942թ.	2182	1
3.	1943թ.	8	0
4.	1944թ.	0	0
5.	1945թ.	34	0
6.	1946թ.	480	1
7.	1947թ.	986	0
8.	1948թ.	347	0
9.	1949թ.	217	1
10.	1950թ.	424	2
11.	1951թ.	291	0
12.	1952թ.	4209	16(բոլորն էլ «Անհաշտ մտերմությունում»)
13.	1953թ.	1619	5(3-ը՝ «Ուշացած իմ սեր»-ում)
14.	1954թ.	48	3
15.	1955թ.	478	6 (2-ը՝ ութնյակներում)
16.	1956թ.	697	79(72-ը՝ ութնյակներում)
17.	1957թ.	2769	34
18.	1958թ.	8239	47(42-ը՝ «Անլրելիում» + + 1-ը՝ ութնյակում)
19.	1959թ.	3062	20(1-ը՝ ութնյակում)
20.	1960թ.	384	2(«Երգ երգոցում»)
21.	1961թ.	2398	18(7-ը՝ «Նահանջ երգով»-ում)
22.	1962թ.	1923	18(3-ը՝ «Եվ այր մի՝ Մաշտոց անուն»-ում)
23.	1963թ.	1104	17
24.	1964թ.	2556	28
25.	1965թ.	3836	25
26.	1966թ.	0	0
27.	1967թ.	746	3
28.	1968թ.	0	0
29.	1969թ.	502	2
30.	1970թ.	0	0
31.	1971թ.	0	0
Ընդամենը՝			
31 տարում	40820 բանատող	329 գործածություն	

Արձակ խոսքում առաջ-ասացվածքների գործածության
քանակական պատկերն ըստ տարեթվերի և տողաքանակի
Աղյուսակ 14

Հերթա- կան թիվ	Տարե- թիվը	Տողերի քանակը	Գործածության քանակը
1.	1941թ.	0	0
2.	1942թ.	595	0
3.	1943թ.	0	0
4.	1944թ.	0	0
5.	1945թ.	2376	1
6.	1946թ.	0	0
7.	1947թ.	0	0
8.	1948թ.	90	0
9.	1949թ.	640	0
10.	1950թ.	190	0
11.	1951թ.	0	0
12.	1952թ.	0	0
13.	1953թ.	0	0
14.	1954թ.	0	0
15.	1955թ.	670	0
16.	1956թ.	0	0
17.	1957թ.	355	0
18.	1958թ.	0	0
19.	1959թ.	555	3
20.	1960թ.	1640	12
21.	1961թ.	3810	37
22.	1962թ.	1350	9
23.	1963թ.	1466	9
24.	1964թ.	1445	9
25.	1965թ.	1460	7
26.	1966թ.	1370	10
27.	1967թ.	16820 (16000-ը՝ «Սայաբ- Նովայում»)	57(47-ը՝ «Սայաբ- Նովայում»)
28.	1968թ.	110	0
29.	1969թ.	1570	3
30.	1970թ.	990	8
31.	1971թ.	260	3
Ընդամենը՝			
31 տարում		37762	168

Չափաժոյում քնարական երգատեսակների կիրառության
քանակական պատկերն ըստ տարեթվերի

Աղյուսակ 15

Ներքարակներ	Միկրոմարդ	Մշակում	Պանդոկապելու	Հայրենապերակ	Օրորում	Վիճակ	Ազեղս	Կողման	Ընդունություն
1.	1946թ.	1	-	-	-	-	-	-	1
2.	1947թ.	-	-	-	-	-	-	-	-
3.	1948թ.	-	-	-	-	-	-	-	-
4.	1949թ.	1	1	1	-	-	-	4	-
5.	1950թ.	4	3	1	1	-	-	-	9
6.	1951թ.	-	-	-	-	-	-	-	-
7.	1952թ.	-	-	-	-	-	-	-	-
8.	1953թ.	-	-	-	-	-	-	-	-
9.	1954թ.	-	1	-	-	-	-	-	1
10.	1955թ.	-	-	-	-	-	-	-	-
11.	1956թ.	-	-	-	-	-	-	-	-
	1957-								
12.	1958թթ	6	3	3	1	1	4	34	7
									59
13.	1959թ.	-	-	-	-	-	-	-	-
14.	1960թ.	-	-	-	-	-	-	-	-
15.	1961թ.	-	-	-	-	-	-	-	-
16.	1962թ.	1	-	-	1	-	1	-	3
	Ընդամենը՝	13	8	5	3	1	5	38	7
									80

ПАРУЙР СЕВАК И НАРОДНЫЙ ФОЛЬКЛОР

Резюме

Исследование, посвященное фольклористическим взглядам Севака, а также взаимосвязи его произведений с армянским и международным фольклором, подготовленное на основе всего литературного наследия поэта, опубликованных о нем материалов, устных и письменных мемуаров, утверждает ту простую истину, что прочность дерева в глубине его корней, величие искусствоведа, писателя в имеющейся тесной связи с народными традициями.

Исследование состоит из введения, двух глав, пятнадцати таблиц и выводов.

Первая глава посвящена фольклористическим воззрениям П. Севака и представлена следующими разделами:

1. Формирование фольклористических взглядов;
2. Фольклористические взгляды, посвященные исследованиям стихотворцев средневековья;
3. Фольклористические взгляды как факторы, способствующие развитию литературы;
4. Истоки языкового мышления П. Севака;
5. Языковое мышление и переводная литература П. Севака;
6. Фольклор народов мира и П. Севак. При использовании фольклора П. Севак советует следовать следующим принципам:
 - а) если это фольклорная обработка, то она должна выйти за рамки переложения, в лучшем случае за рамки переизменения;

- б) фольклорный материал писатель должен не стилизировать, а пересоздать и переосмыслить;
- в) выбор темы должен обуславливать форму данного произведения;
- г) поскольку современная поэзия сложная и глубоко-смысленная “полусловная”, “пунктирная” поэзия, исходящая из мышления читателя космического и атомного века, поэтому для поэта источником использования материала могут стать частичные употребления народного творчества, его фразеологические проявления, пословицы и поговорки.

Вторая глава посвящена применением П. Севаком примерно 1226 разнородных фольклорных произведений народов мира.

В произведениях П. Севака преобладают пословицы и поговорки, применяемые 497 раз, среди которых армянская составляет заметное количество – 456.

Второе – предания: 185. В применении этого вида преобладают предания других народов – 161, из которых 144 – библейские предания.

Разнородное применение фольклорных материалов в поэзии П. Севака не только новость в нашей литературе, но и приносили свежее дыхание, многокрасочность и многоголосие в поэтическое слово вообще.

Фундаментальные знания, приобретенные в области фольклора, широкие аспекты изучения темы и обладание материалом сделали поэзию поэта-ученого более многослойной, многоголосой и глубинной, предавая его языко-мышлению свежее дыхание и своеобразие.

PARUYR SEVAK AND FOLKLORE

Summary

The monograph is dedicated to Paruyr Sevak's folklore-related ideas and interrelations of his works with Armenian and international folklore.

The first chapter discusses the folklore-related worldview of Paruyr Sevak. It is introduced by the following sections:

1. Formation of the folklore-related ideas;
2. Medieval poets seen through the folklore-related approach;
3. The folklore-related worldview as a factor of contributing to the development of literature;
4. Sources of linguistic thinking of Paruyr Sevak;
5. Linguistic thinking and the problem of translation;
6. The world folklore and Sevak.

When using folklore materials Sevak recommends adhering to the following principles:

- a. A folklore elaboration should exceed the frames of versification, the frames of modification at the most;
- b. Writers should recreate and give a new meaning to the folklore material, rather than sterilize it;
- c. Selection of the theme should account for the form of the given work;
- d. As contemporary poetry is complicated, profound and "half-worded" due to the cosmic and atomic age reader's thinking, the poet may use partially folklore texts, phraseological illustrations, proverbs and sayings as his/her poetic sources.

The second chapter is dedicated to Sevak's usage of 1226 various folklore texts of the peoples of the world. Sevak's works mainly include proverbs and sayings used 497 times, of which a substantial number (456) make Armenian ones. In the second place are legends – used 185 times. Among them predominate other people's legends used 161 times, mainly biblical legends (144 times).

The manifold usage of folklore material in the poetry of Sevak is not only a novelty in Armenian literature, but also brought a new spirit, multicolor and polyphony in the poetic language on the whole.

Fundamental knowledge gained in the sphere of folklore, wide aspects of the study of the theme and knowledge of the material made the poetry of the poet-scientist more multi-layer, polyphonic and profound giving a new spirit and individuality to his linguistic thinking.

The study is based on the entire literature heritage of the poet, as well as on the published materials about him, oral and written memoirs. It proves the truth that the firmness of a tree lies in its roots, while greatness of a writer lies in having a strong connection with popular traditions.

ՕԳՏԱԳՈՐԾԱԾ ԳՐԱԿԱՆՈՒԹՅԱՆ ՑԱՆԿ

ԱՐԲՅՈՒՐՆԵՐ

Պարույր Սևակ, Երկերի ժողովածու՝ 6 հատորով, Հայաստան»

1. I հ., Երևան, 1972թ.:
2. II հ., Երևան, 1973թ.:
3. III հ., Երևան, 1973թ.:
4. IV հ., Երևան, 1974թ.:
5. V հ., Երևան, 1974թ.:
6. VI հ., Երևան, 1976թ.:
7. Պարույր Սևակ, Անլոելի զանգակատուն, Երևան, 1959թ., «Հայպետհրատ»:
8. Պարույր Սևակ, Անլոելի զանգակատուն, Երևան, 1966թ., «Հայաստան»:
9. Պարույր Սևակ, Եղիցի լույս, Երևան, 1969թ., «Հայաստան»:
10. Պարույր Սևակ, Եղիցի լույս, Կազմեց և ծանոթագրեց Արմեն Պարույրի Ղազարյանը, Երևան, 1992թ., «Նախրի»:
11. Պարույր Սևակ, Զեր ծանոթները, Երևան, 1971թ., «Հայաստան»:
12. Պարույր Սևակ, Զեր ծանոթները, Երևան, 1984թ., «Սովետական գրող»:
13. Պարույր Սևակ, Մուտք, Երևան, 1985թ., «Սովետական գրող»:
14. Պարույր Սևակ, Սայաթ-Նովա, Երևան, 1969թ., ՀՍՍՀ ԳԱ:
15. Պարույր Սևակ, Նախնական կարծիք և պաշտոնական ընդդիմախոսություն Սարգիս Հարությունյանի «Մանուկ Աբեղյան» դոկտորական ատենախոսության մասին (19 ձեռագիր էջ, Սարգիս Հարությունյանի անձնական արխիվ):

16. Պարույր Սևակ, Երբ մրցում է ամբողջ Երկիրը / Մեր փարոսները/, Երևան, 1961թ.:
17. Պարույր Սևակ, Անկեղծ ասած, Խմբագրեց և ծանոթագրեց Արմեն Պարույրի Ղազարյանը, Երևան, 2002թ., «Մուլտի»:

ԱՅԼ ԳՐԱԿԱՆՈՒԹՅՈՒՆ

18. Աբեղյան Մ., հ. Ա, Բ, Գ, Դ, Երևան, 1966-1970թթ., ՀՍՍՀ ԳԱ:
19. Աբեղյան Մ., Կոմիտաս, Հազար ու մի խաղ, ժողովրդական երգարան, 1-ին հիսնյակ, Վաղարշապատ, 1903թ.:
20. Աբեղյան Մ., Կոմիտաս, Հազար ու մի խաղ, ժողովրդական երգարան, 2-րդ հիսնյակ, Վաղարշապատ, 1905թ.:
21. Անանյան Վ., Հայաստանի կենդանական աշխարհը, հ. 3, 1965թ.:
22. Աստուածաշունչ, Մատեան Հին և Նոր կտակարան-ների, Կոստանդնուպոլիս, 1896թ.:
23. Ավետիսյան Կ., Իմաստուն խոսքերի աշխարհում, Երևան, 1973թ., «Հայաստան»:
24. Բուզանդ Փ., Պատմություն հայոց, Երևան, 1968թ., «Հայաստան»:
25. Բեղիրյան Պ., Ժամանակակից Հայերենի դարձվածաբանությունը, Երևան, 1973թ., «Լույս»:
26. Գասպարյան Դ., Հայրենիք և ճակատագիր, Երևան, 2001թ., «Հայաստան»:
27. Գիլգամեշ, Հին Արևելքի դյուցազնավեպ, Երևան, 1963թ., ՀՍՍՀ ԳԱ:
28. Գրիգորյան Ա., Ժամանակակից խորհրդահայ պոեմը, Երևան, 1990թ.:
29. Դիցաբանական բառարան, Երևան, 1985թ., «Լույս»:

30. Թումանյան Յովի., Երկերի ժողովածու, IV հ., Երևան, 1969թ., «Հայաստան»:
31. Թումանյան Յովի., Երկերի ժողովածու՝ 6 հատորով, հ. 6, Երևան, 1959թ.:
32. Թումանյան Յովի., Ասույթներ, թևավոր խոսքեր, կենսագրական և մատենագիտական տեղեկություններ, Երևան, 1969թ., «Ալ. Մյասնիկյանի անվան հանրապետական գրադարան»:
33. Ժողովրդական խաղիկներ, խմբագրեց Մանուկ Աբեղյանը՝ մասնակի աշխատակցությամբ Կոմիտասի, Երևան, Հայպետհրատ, 1940:
34. Խորենացի Մ., Պատմություն հայոց, Երևան, 1968թ., «Հայաստան»:
35. Կոսեղովսկի Զ., Բիբլիական ավանդապատումներ, Երևան, 1970թ., «Հայաստան»:
36. Կուն Ն., Դիմ Դունաստանի լեզենդներն ու առասպելները, Երևան, 1979թ., «Սովետական գրող»:
37. Հազար ու մեկ գիշեր, Երևան, 1990թ., «Հայաստան»:
38. Հայկական ժողովրդական հեքիաթներ, Երևան, 1990թ., «Արևիկ»:
39. Հայկունի Ս., ժողովրդական առակներ, 1907թ.:
40. Հայրենի կարգավ, Կազմեց Ավ. Ղուկասյանը, Երևան, 1957թ., Հայպետհրատ:
41. Հայոց լեզու, I մաս, Ա պրակ, Երևան, 1980թ., «Լույս»:
42. Հարությունյան Ս., Հայ ժողովրդական հանելուկներ (ուսումնասիրություն), Երևան, 1960թ., ՀՍՍՌ ԳԱ:
43. Հարությունյան Ս., Հայ ժողովրդական հանելուկներ (Համահավաք ժողովածու), Երևան, 1965թ., ՀՍՍՌ ԳԱ:
44. Հարությունյան Ս., Անեծքի և օրինանքի ժամրը հայ բանահյուսության մեջ, Երևան, 1975թ., ՀՍՍՌ ԳԱ:
45. Դունգար բանաստեղծներ (թարգմանություններ և ծանոթագրություններ՝ Պ. Սևակի), Երևան, 1968թ.:
46. Ղանալանյան Ա., Հայ շինականի աշխատանքային եղանը, Երևան, 1937թ., Պետհրատ:

47. Ղանալանյան Ա., Հայկական առաջանի, Երևան, 1951թ., ՀՍՍՌ ԳԱ:
48. Ղանալանյան Ա., Առաջանի, Երևան, 1960թ., ՀՍՍՌ ԳԱ:
49. Ղանալանյան Ա., Ավանդապատում, Երևան, 1969թ., ՀՍՍՌ ԳԱ:
50. Ղանալանյան Ա., Հայ գրականությունը և բանահյուսությունը, Երևան, 1986թ., «Սովետական գրող»:
51. Մնացականյան Ա., Հայ միջնադարյան հանելուկներ, Երևան, 1980թ., ՀՍՍՌ ԳԱ:
52. Նազինյան Ա., Սովետահայ գրականությունը և ժողովրդական բանահյուսությունը, Երևան, 1954, ՀՍՍՌ ԳԱ:
53. Շիրակացի Ա., Մատենագիտություն, Երևան, 1979թ., «Սովետական գրող»:
54. Շնորհալի Ն., Տաղեր և գանձեր՝ աշխատասիրությամբ Արմինե Քյոշկերյանի, Երևան, 1987թ., ՀՍՍՌ ԳԱ:
55. Ուկեփորիկ, Երևան, 1982թ. // Երգարան, Ա հատոր, Երևան, 1971թ.:
56. Չարենց Ե., Երկերի ժողովածու՝ 6 հատորով, Երևան, 1967թ., ՀՍՍՌ ԳԱ:
57. Ռայնիս Յ., Ընտիր Երկեր, Երևան, 1957թ.:
58. Սազայի և Ենգի, Երգերի ժողովածու, Երևան, 1958թ., Հայպետհրատ:
59. Սարգսյան Վ., Քաջ Նազարի գրական հետագիծը, Երևան, 1991թ., «Հայաստան»:
60. Սողոմոնյան Ս., Ժամանակակից հայ բանաստեղծներ, Երևան, գիրք առաջին – 1965թ., գիրք Երկրորդ – 1967թ., «Հայաստան»:
61. Սողոմոնյան Ս., Արդի պոեզիայի մի քանի հարցերը, Երևան, գիրք առաջին – 1965թ., գիրք Երկրորդ – 1967թ., «Հայաստան»:
62. Սևակ Գ., Ժամանակակից հայերենի համառոտ պատմություն, Երևան, 1948թ.:
63. Տերյան Վ., Երկեր, ՀԴԳ, Երևան, 1989թ., «Սովետական գրող»:

64. Քերոլ Լ., Ալիսը իրաշքների աշխարհում, Երևան, 1971թ., «Դայաստան»:
65. Օրմանյան Արք. Մաղաքիս, Ծիսական բառարան, Երևան, 1992թ., «Դայաստան»:
66. Ֆիրդուսի, Ռուտամ և Սոհրապ, Երևան, 1967թ.:
67. Емельянов Л.И., Методологические вопросы фольклористики, АН СССР, Ленинград, 1978г., “Наука”.
68. Мифологический словарь, М., 1991г., “Советская энциклопедия”.
69. Новикова А.М., Александрова Е.А., Фольклор и литература, Москва, 1978г., “Просвещение”.
70. Суровцев Ю., Поэтические города, “Литературная газета”, М., 12.02.1963г.

ԳՐՅԵՐ ՍԵՎԱԿԻ ՄԱՍԻՆ

71. Աբրահամյան-Թաթիկյան Ա., Փառք և օրինություն իիշատակին քո, Երևան, 1993թ., «Լույս»:
72. Արզումանյան Լ., Պարույր Սևակի պոեմները, Երևան 2001թ.
73. Արիստակեսյան Ա., Պարույր Սևակ, Երևան, 1974թ., ՀՍՍՀ ԳԱ:
74. Արիստակեսյան Ա., Պարույր Սևակ. Կենսամատենագիտություն, Երևան, 1983թ., «Սովետական գրող»:
75. Բաբայան Վ., Պարույր Սևակի հետ, Երևան, 1988թ., «Լույս»:
76. Գասպարյան Դ., Բողոսյան Ա., Սաֆարյան Վ., Հայ սովետական պոեզիայի պատմություն, (1920-1970թթ.), Երևան, 1987թ., ՀՍՍՀ ԳԱ:
77. Գասպարյան Դ., Պարույր Սևակ. Կյանքը և ստեղծագործությունը, Երևան, 2001թ., «Նոր դար»:
78. Դանիելյան Կ., Պարույր Սևակ բանաստեղծի սիրանքը, Երևան, 1989թ., «Լույս»:
79. Թամրազյան Յ., Պոեզիան պատմության քառուղիներում,

- Երևան, 1971թ., «Հայաստան»:
80. Թամրազյան Յ., Սովետական գրականության պատմություն, Երևան, 1971թ., ԵՊՀ:
 81. Հախվերդյան Լ., Պարույրը, Երևան, 1987թ., «Սովետական գրող»:
 82. Հարությունյան Ա., Եվ օրինյալ էր ծնունդը / Հուշեր Պարույր Սևակի մասին/, ձեռագիր:
 83. Հովսեփյան Ն., Պարույր Սևակ. Կենսամատենագիտություն, մաս 1-ին, Երևան, 1968թ., ՀՄՏ Ալ. Մյասնիկյանի անվան հանրապետական գրադարան:
 84. Հովսեփյան Ն., Պարույր Սևակ. Կենսամատենագիտություն, մաս 2-րդ, Երևան, 1968թ., ՀՄՏ Ալ. Մյասնիկյանի անվան հանրապետական գրադարան:
 85. Հովսեփյան Ն., Պարույր Սևակի ստեղծագործությունը, Երևան, 1983թ.:
 86. Ղողանջ հիշատակի, կազմող՝ Մեհրաբյան Էդուարդ, Երևան, 1991թ., «Նախրի»:
 87. Մալումյան Գ., Պ. Սևակի «Անլոելի զանգակատուն» պոեմի գաղափարական բովանդակությունը և պոետիկան, Երևան, 1989թ., թեկնածուական ատենախոսություն(ձեռագիր):
 88. Մեհրաբյան Է., Նորից քեզ հետ, Երևան, 1990թ., «Պարբերական»:
 89. Պապոյան Արտ., Պարույր Սևակի չափածոյի լեզվական արվեստը, Երևան, 1970թ., «Լույս»:
 90. Պապոյան Արտ., Պարույր Սևակի չափածոյի բառապաշարը, Երևան, 1970թ., ԵՊՀ:
 91. Պապոյան Արտ., Պ. Սևակի չափածոյի բառարան, Երևան, հ. 1, 1981թ., հ. 2, 1982թ., ԵՊՀ:
 92. Պապոյան Արտ., Պ. Սևակի աշխատությունների և բարգմանությունների բառարան, 1986թ., ԵՊՀ:
 93. Սահակյան Ա., Սասնա ծոերի պատումների քննական համեմատություն, Երևան, 1975թ., ՀՍՍՀ ԳԱ:
 94. Սարգսյան Ա., Պարույր Սևակը մանկագիր, Երևան,

2004թ., «Մանկավարժ»:

95. Իմաստուն մտքերի աշխարհում. Պարույր Սևակ, կազմող՝ Սարգսյան Արմեն, Երևան, 2004թ., «Հայաստան»:

**ԹԵՐԹԵՐ ԵՎ ԱՍՍԱԳՐԵՐ, ԳԻՏԱԿԱՆ ՀՈՂՎԱԾՆԵՐԻ ԵՎ
ՀԻՄՆԱԴՐՈՒՅԹՆԵՐԻ ԺՈՂՈՎԱԾՈՒՆԵՐ**

96. Ղազարյան Պ., Ռավթյան Յ., Գրախոսական Արամ Ղանալանյանի «Աբովյանը և ժողովրդական բանահյուսությունը» (Երևան, Արմֆան) գրքի, «Սովետական դպրոց», 12.06.1941թ.:
97. Ղազարյան Պ., Յախվերդյան Լ., Գեղեցիկ և որակյալ գոքի համար, «Գրական թերթ», Երևան, 24.05.1950թ.:
98. Ղազարյան Պ., Փարսադանյան Լ., Արժեքավո՞ր, թե խոտելի դասագիրք, «Գրական թերթ», 7.02.1964թ.:
99. Սևակ Պ., Երգի վարպետին (80-ամյակին), 24.09.1949թ., «Գրական թերթ»:
100. Սևակ Պ., Նորը հետպատերազմյան գյուղում, «Գրական թերթ», 31.03.1950թ.:
101. Սևակ Պ., Յատված «Յայրս» պոեմից, «Ավանգարդ», 25.04.1950թ.:
102. Սևակ Պ., Սերունդների երթը, «Սովետական գրականություն», 1960թ., թիվ 11:
103. Սևակ Պ., Արվեստագետ գիտնականի հոբելյանը, «Սովետական արվեստ», 1963թ., թիվ 5:
104. Սևակ Պ., Ո՞ւր է գնում մեր պարարվեստը, «Առ-վետական արվեստ», թիվ 8, 1968թ.:
105. Սևակ Պ., Դուռով և սրտի թրթիռով (Ռ. Զարյանի 60-ամյակի խոսքը), «Գրական թերթ», 31.05.1969թ.:
106. Սևակ Պ., Վարդն ու Մանուշակը, «Պիոներ» ամսագիր, 06.1970թ.:
107. Սևակ Պ., Յայոց ավանդապատումը, «Գրական թերթ», 16.01.1970թ.:
108. Սևակ Պ., Եթե ստիպված ենք ինչ-որ իյուրի մեր տան

- դուռը ցույց տալ, «Երեկոյան Երևան», 11.09.1989թ.:
109. Սևակ Պ., Դու ո՞րն ես ընտրում, «Գրական թերթ», 23.11.1990թ., թիվ 48:
 110. Պ. Սևակի «Ծանոթացեք նորից» ձեռագիր տետրից 17 ութնյակ և «Անցյալը» բանաստեղծությունը (Գրիգոր Չալիկյանի անձնական արխիվից), «Գրքերի աշխարհ», թիվ 2 և թիվ 5, 1991թ.:
 111. Աղաբաբյան Ա., Բարի երազս ԶԵՇ, սիրելինե՛ր, «Սովետական Հայաստան» օրաթերթ, 6.02.1974թ.:
 112. Առաքելյան Վ., «Անլոելի զանգակատուն»՝ պոեմի ոճական առանձնահատկությունների մասին, «Սովետական գրականություն», 1963թ.:
 113. Բալայան Վ., Հրդեհվում, այրվում էր..., «Ավանգարդ», 6.02.1947թ.:
 114. Բաղդասարյան Գ., Դանուբի ափերին հիշում են Պարույրին, «Գարուն», 1985թ., թիվ 6:
 115. Բատիկյան Լ., Պարույր Սևակի մանկական ստեղծագործությունները, «Հայոց լեզուն և գրակա-նությունը դպրոցում» («Սովետական մանկավարժ» ամսագրի հավելված), Երևան, 1974թ., թիվ 2, (մարտ–ապրիլ):
 116. Գասպարյան Դ., Աշխարհի հետ, «Գրական թերթ», 24.01.1986թ., թիվ 4:
 117. Զաքարյան Ա., Պարույր Սևակի «Դարակեսի պարգևները», «Գրական թերթ», 29.09.1989թ., թիվ 40:
 118. Թերլեզմյան Ռ., Կոմիտաս Վարդապետ, Հանդես ամսօրյա, 1923թ., սեպտեմբեր-հոկտեմբեր, թիվ 910, Վիեննա, «Միսիթարյան»:
 119. «Խորհրդային Հայաստան» օրաթերթ, 1939թ., թիվ 88
 120. Իմ Կոմիտասը, (Գ. Բաղդասարյանի հարցագրույցը Պարույր Սևակի հետ), «Գարուն», թիվ 11, 1969թ.:
 121. Հարությունյան Ս., Ժողովրդական հանելուկների մի քանի առանձնահատկությունների մասին, «Պատմա-բանասիրական հանդես», Երևան, 1959թ., թիվ 1:
 122. Հարությունյան Ս., Հայկական հանելուկների կապը բա-

նահյուսական մյուս ժանրերի հետ, «ՀՍՍՌ ԳԱ տեղեկագիր հաս. գիտ.», Երևան, 1959թ., թիվ 4:

123. Հարությունյան Ս., Հանելուկների գեղարվեստականության շուրջը, «Սովետական գրականություն», Երևան, 1959թ., թիվ 8:
124. Հարությունյան Ս., Գիտական խոր և ճիշտ զգացողությամբ, (գրախոսություն «Սայաթ-Նովա» գրքի), «Գրական թերթ», 19.12.1969թ., թիվ 50:
125. Ղազիյան Ա., «Անլոելի զանգակատան» բանահյուսական հենքը, «Պատմա-բանասիրական հանդես», Երևան, 1973, թիվ 1:
126. Մակուչյան Թ., Մեկնություն Պարույր Սևակի «Երգ երգոցի», «Գարուն», հունիս, 1976թ.:
127. Մահարի Գ., Ինքնատիպ բանաստեղծի հետ, «Գրական թերթ», 27.04.1958թ.:
128. Յափուջյան Ս., Պարույրի հետ, «Հայաստանի Հանրապետություն», 14.06.1994թ., ամսագիր, 1963թ., թիվ 1:
129. Պետրոսյան Վ., Մեր պոեզիայի գործող հրաբուխը, «Գարուն», թիվ 1, 1974թ.:
130. Ռոստովցև Ի., Միուտանի արագիլը, «Գրական թերթ», 30.03.1984թ.:
131. Սարինյան Ս., Պարույր Սևակը զուգահեռի Վրա, «Գարուն», 1981թ., թիվ 11:
132. Սարինյան Ս., Բանաստեղծի հայտնությունը, «Գրական թերթ», 5.07.1985թ.:
133. Սարգսյան Ա., Առաջային մտածողությունը Պ. Սևակի ստեղծագործություններում, «Հայոց լեզուն և գրականությունը դպրոցում», 1984թ., թիվ 6:
134. Սարգսյան Ա., Պ. Սևակի բանագիտական հայացք-ները, ՀՍԽՀ ԳԱ, Հնագիտության և ազգագրության ինստիտուտ (գեկուցումների հիմնադրույթներ), Երևան, 1986թ.:
135. Սարգսյան Ա., Բանահյուսական ժանրերը Պ. Սևակի ստեղծագործություններում, ՀՍԽՀ ԳԱ, Հնագիտության և ազգագրության ինստիտուտ (գեկուցումների հիմնադրույթներ), Երևան, 1986թ.:

դրույթներ), Երևան, 1988թ.:

136. Սարգսյան Ա., Պարույր Սևակի լեզվամտածողության ակունքները, (գիտական նյութերի ժողովածու), «Վան Արյան», Երևան, 2001թ.:
137. Սարգսյան Ա., Պ. Սևակը և ժողովրդական բանահյուսությունը, «Դայոց լեզուն և գրականությունը դպրոցում», 2004թ., թիվ 5-6:
138. Սարգսյան Ա., Պարույր Սևակը և ժողովրդական բանահյուսությունը(թեկնածուական ատենախոսության սեղմագիր), Երևան, 2005թ.:
139. Սանթոյան Ա., Սերնդի հոգևոր հացը, «Գրական Լոռի», 1996թ., թիվ 3-4:
140. Սաֆարյան Խ., Խմ Պարույրը, «Դայաստանի հանրապետություն», Երևան, 4.09.1993թ.:

ՀԱՊԱԿՈՒՄՆԵՐ ԵՎ ՀԱՍԱՌՏԱԳՐՈՒԹՅՈՒՆՆԵՐ

1. ԱԾ – Առածանի
2. Ա.Ս. Արմեն Սարգսյան
3. ԳԱ – Գիտությունների ակադեմիա
4. ԳԱԱ – Գիտությունների ազգային ակադեմիա
5. ԵՊՀ – Երևանի պետական համալսարան
6. ԿԵՆՏԿՈՄ – Կենտրոնական կոմիտե
7. Հ. – հատոր
8. ՀԴԳ – Հայ դասականների գրադարան
9. ՀԽՍՀ – Հայաստանի Խորհրդային
Սոցիալիստական Հանրապետություն
10. ՀԿԿ – Հայաստանի կոմունիստական
կուսակցություն
11. ՀՀ – Հայաստանի Հանրապետություն
12. ՀՍՍՀ – Հայաստանի Սովետական
Սոցիալիստական Հանրապետություն
13. ՀՄՀ – Հայկական սովետական հանրագիտարան
14. ՀՍՍՌ – Հայաստանի Սովետական
Սոցիալիստական Ռեսպոբլիկա
15. Հրատ. – Հրատարակչություն
16. ԶԾ – Զեր ծանոթները
17. Պ.Ս. – Պարույր Սևակ

ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅՈՒՆ	5
ԳԼՈՒԽ ԱՌԱՋԻՆ	
Պարույր Սևակի բանագիտական հայացքները	
Ա. Պարույր Սևակի բանագիտական հայացքների ձևավորումը	13
Բ. Պ. Սևակի բանագիտական հայացքները միջ- նադարյան տաղերգումներին նվիրված ուսում նասիրություններում	25
Գ. Պարույր Սևակի բանագիտական հայացք- ներն իբրև գրականության առաջընթացին նպաստող գործոններ	37
Դ. Պարույր Սևակի լեզվամտածողության ակունք- ները	54
Ե. Պարույր Սևակի լեզվամտածողությունը և թարգմանական գրականությունը	68
Զ. Աշխարհի ժողովուրդների բանահյուսությու- նը և Պարույր Սևակը	81
ԳԼՈՒԽ ԵՐԿՐՈՐԴ	
Բանահյուսության տեսակները Պ. Սևակի ստեղ- ծագործություններում	91
Քնարական բանահյուսություն	94
Վիպական բանահյուսություն	99
Առասպել	99
Վիպասանք	106
Միջնադարյան վեպ	111
Էպոս	114
Հեքիաթ	125
Առակ	136
Ավանդագրույց	139

Պարույր Սևակի մանկական ստեղծագործությունների	
բանահյուսական հենքը	149
Անեկդոտ-զվարճապատում	194
Շուտասելուկ	198
Հանելուկ	200
Ժողովրդական խոսքի բանաձևային կառույցները	
Պ. Սևակի ստեղծագործություններում (աղոթք, մաղ-	
թանք-օրինանք, անեծք, հայիոյանք, երդում)	213
Առաջային մտածողությունը Պ. Սևակի ստեղծա-	
գործություններում	230
Ամփոփում	270
Հավելված	276
Այլուսակներ	277
Ամփոփում (ռուսերեն)	296
Ամփոփում (անգլերեն)	298
Օգտագործած գրականության ցանկ	300
Հապավումներ և համառոտագրություններ	310

ԱՐՄԵՆ ԾԱՎԱՐԾԻ ՍԱՐԳԱՅԱՆ

ՊԱՐՈՒՅՐ ՍԵՎԱԿԸ ԵՎ ԺՈՂՈՎՐԴԱԿԱՆ
ԲԱՆԱՀՅԱԼԻՍՈՒԹՅՈՒՆԸ

Համակարգչային շարվածքը՝ Աստղիկ և Արփինե
Սարգսյանների

Համակարգչային մակետավորումը՝
Սեդրակ Հակոբյանի

Հրատ. պատվեր N 292

Ստորագրված է տպագրության 9.11.2010թ.:

Չափսը՝ 60 x 84 1/16: Թուղթ՝ օֆսեթ N 1:

20 տպագր. մամուլ: Տպաքանակը՝ 300 օրինակ:

ՀՀ ԳԱԱ «Գիտություն» իրատարակչության տպարան
Երևան, Մարշալ Բաղրամյան պող. 24:

A-II
96352

